



Mioyo Yenu Ijazwe Baraka za Mungu!

Je, unaifahamu maana ya nyuzi za bluu, zambarau, na nyekundu zilizotumika katika pazia la lango la Hema Takatifu la Kukutania? Ili kuingia katika Ufalme wa Mbinguni, basi ni lazima ukifahamu kile unachopaswa kukielewa na kukiamini. Sasa ni wakati ambapo wanadamu wote wanapaswa kuamini kwa mioyo yao yote katika injili ya maji na Roho ambayo imeonyeshwa kama kivuli katika Hema Takatifu la Kukutania.

Yesu Kristo ndiye Mwandishi halisi aliyeupanga na kuutimiza ukweli huu ambao unadhihirishwa katika nyuzi za bluu, zambarau, na nyekundu katika lango la Hema Takatifu la Kukutania. Kitu halisi kinachohusianishwa na nyuzi za bluu, zambarau, na nyekundu ni ubatizo ambao Yesu aliupokea toka kwa Yohana Mbatizaji, na damu yake aliyoimwaga Msalabani, na ufufuo wake toka kwa wafu.

Kama unaiamini injili ya maji na itawezekana kweli ie, kubakia katika movo wako? Kama dhambi zako bado zinabakia katika movo wako hata pale unapokuwa unamwamini Yesu, basi ni hakika kwamba utakuwa na tatizo katika imani yako. Imani potofu kama hiyo inatokana na kutoifahamu injili ya maji na Roho, Hivvo, unapaswa kutambua kwamba kuna injili nyingi za uongo na wahubiri wengi wa uongo katika ulimwengu huu ambao wanahubiri mafundisho ya uongo kwa jamii za Kikristo yaani mafundisho valiyoundwa na wanadamu. Ninakushauri kuipokea injili ya maji na Roho ili upokee ondoleo la dhambi zako zote na kisha kuachana na hizi injili za uongo. Kisha utamrudia Mungu na kumpatia utukufu na heshima anavostahili.

HEMA TAKATIFU LA KUKUTANIA (III):

Ubainisho wa Injili ya Maji na Roho

HEMA TAKATIFU LA KUKUTANIA (III):

Ubainisho wa Injili ya Maji na Roho

PAUL C. JONG



Hephzibah Publishing House A Ministry of THE NEW LIFE MISSION SEOUL, KOREA

HEMA TAKATIFU LA KUKUTANIA (III):

Ubainisho wa Injili ya Maji na Roho

Hakimiliki © 2013 na Kampuni ya Uchapaji ya Hephzibah Haki zote zimehifadhiwa. Hairuhusiwi kunakiri kubadili sehemu ya kitabu hiki kwa njia yoyote ile ikiwa ni pamoja na kunakiri, kurekodi, au kukidurufu bila ya ridhaa ya maandishi toka kwa mmiliki wa kitabu hiki. Nukuu za Maandiko ya Biblia zinatoka katika Tafsiri ya Ushirikiano wa Makanisa – Kenya (Nairobi) na Tanzania (Dodoma). (Swahili Union version)

ISBN 978-89-282-0829-6 Jalada limebuniwa na Min-soo Kim Vielelezo vimetolewa na Young-ae Kim Kimechapishwa nchini Korea

Hephzibah Publishing House

A Ministry of THE NEW LIFE MISSION Seoul, Korea

◆ Website: https://www.nlmission.com https://www.bjnewlife.org https://www.nlmbookcafe.com

♠ E-mail: newlife@bjnewlife.org

YALIYOMO

Dibaji 9
Wokovu wa Wenye Dhambi Unafunuliwa Katika Hema Takatifu la Kukutania (Kutoka 27:9-21)
2. Nguzo za Ua wa Hema Takatifu la Kukutania (Kutoka 27:9-19) 63
3. Madhabahu ya Sadaka ya Kuteketezwa Iliyotengenezwa Kwa Mti wa Mshita na Kufunikwa Kwa Shaba (Kutoka 38:1-7) 95
4. Madhabahu ya Uvumba Ni Mahali Ambapo Mungu Anaitoa Neema Yake (Kutoka 30:1-10)
5. Maana ya Kiroho ya Vikuku vya Fedha Vilivyotumika Katika Hema Takatifu la Kukutania (Kutoka 26:15-30) 143
6. Kiti cha Rehema (Kutoka 25:10-22)

YALIYOMO

7. Vikombe Vya Mapambo Kwa Injili ya Maji na Roho	
(Kutoka 25:31-40)	- 195
8. Maana za Kiroho Zilizofichika Katika	
Mavazi ya Kuhani Mkuu	
(Kutoka 28:1-43)	223
9. Utakatifu Kwa Bwana	
(Kutoka 28:36-43)	- 251
10. Kifuko cha Kifuani cha Hukumu	
(Kutoka 28:15-30)	- 277
11. Sadaka ya Dhambi Ili Kumsimika Kuhani Mkuu	
(Kutoka 29:1-14)	309
12. Kuhani Mkuu Aliyetoa Sadaka Siku ya Upatanisho	
(Mambo ya Walawi 16:1-34)	337
13. Vifaa Vilivyotumika Katika Mavazi ya Kuhani Mkuu	
(Kutoka 28:1-14)	385



Dibaji

Miaka kadhaa iliyopita, nilichapisha vitabu vyangu vya mahubiri juu ya Hema Takatifu la Kukutania katika matoleo mawili, ambayo yalikuwa na kichwa kinachosema, HEMA TAKATIFU LA KUKUTANIA: Taswira ya Wazi na ya Kina ya Yesu Kristo. Kitabu hiki, HEMA TAKATIFU LA KUKUTANIA (III): Ubainisho wa Injili ya Maji na Roho, ni mkusanyiko wa mahubiri yangu juu ya Hema Takatifu la Kukutania. Kwa lugha nyingine, kitabu hiki ni mwendelezo wa mfuatano wa vitabu vyangu vya Hema Takatifu la Kukutania.


Kila chombo kilichotumika katika Hema Takatifu la Kukutania kinatuonyesha sisi Wakristo tunachopaswa kukifahamu na kukiamini; vifaa vyote vilivyotumika katika Hema Takatifu la Kukutania vinaiwakilisha kazi ya wokovu ambayo Bwana ameitimiza kwa ajili yetu. Kwa mfano, vikuku vya shaba (bronze socket) katika kila nguvu vina maanisha kwamba sisi sote tupo chini ya hukumu ya dhambi, na vile vishikizo vya fedha (silver capitals) vinaonyesha kwamba tunaihitaji sana neema ya Mungu.


Tumekuwa tukizihudumia nafsi nyingi ili ziamini juu ya injili ya maji na Roho, ambayo ni neema ya Mungu. Ukweli ni kwamba hatuna namna ya kumshukuru Mungu kwa kuwa nguvu ya injili hii ni kamilifu sana. Nimejaribu kukueleza juu ya mafunuo yanayodhihirishwa katika Hema Takatifu la Kukutania. Ninaamini kwa nguvu zangu zote kwamba kitabu hiki kimebeba yale ambayo Wakristo wanapaswa kuyafahamu.

Kwa bahati mbaya, ni watu wachache sana ambao wamejaribu kuutafsiri ukweli unaofunuliwa katika Hema Takatifu la Kukutania kwa kuuhusianisha na injili ya maji na Roho. Kwa kweli nisingelikichapisha kitabu hiki ikiwa kungelikuwa na watu ambao wameandika juu ya mafunuo hayo kwa usahihi. Ninajisikia furaha kukuonyesha mafunuo haya kuhusiana na Hema Takatifu la Kukutania ka kupitia injili ya maji na Roho. Ninadiriki kukuuliza: "Je, unaishi maisha ya kiimani kwa furaha kwa kuamini katika injili ya maji na Roho ambayo Yesu Kristo amekupatia? Je, unafahamu juu ya Ukweli wa wokovu uliodhihirishwa katika injili ya maji na Roho?"

Nimebarikiwa sana kupitia injili ya maji na Roho. Ninaamini kwamba na wewe unaufahamu Ukweli wa wokovu ambao umedhihirishwa katika Hema Takatifu la Kukutania ambao hatimaye utakuongoza katika maisha ya ushindi. Ninatumaini utakuwa na imani kama hii na kisha kupokea Mungu. Kwa kupitia kitabu baraka za hiki, ninataka kukushirikisha Neno ambalo linakuwezesha kupokea baraka za milele toka kwa Mungu. Ninakushauri uisome na uiamini injili ya maji na Roho ambayo inadhihirishwa katika utaratibu wa Hema Takatifu la Kukutania. Tunaweza kubarikiwa kwa kuamini katika injili ya maji na Roho ambayo kivuli chake kinaonekana katika Hema Takatifu la Kukutania. Zaidi ya yote, sisi waamini wa injili ya maji na Roho tunaweza kuwa ni mawakala wa baraka za Mungu kwa wengine. Hivyo, tunapaswa kulichukua jukumu lililobarikiwa kama njia ya kuelekea katika baraka za Mungu. Kitabu hiki kinatokana na nia yangu thabiti ya kukushirikisha baraka za Mungu na Neno la uzima wa milele. 🖂

Toka kwa Mwandishi





Wokovu wa Wenye Dhambi Unafunuliwa Katika Hema Takatifu la Kukutania

< Kutoka 27:9-21 >

"Nawe fanya ua wa maskani; upande wa kusini wa kuelekea kusini kutakuwa na chandarua ya nguo ya kitani nzuri yenye kusokotwa, kwa huo ua, urefu wake upande mmoja utakuwa ni dhiraa mia; na nguzo zake zitakuwa nguzo ishirini, na matako vake ishirini, matako vake yatakuwa ya shaba; kulabu za zile nguzo na vitanzi vyake vitakuwa vya fedha. Ni vivyo upande wa kaskazini, urefu wake hivo chandarua utakuwa ni dhiraa mia, na nguzo zake ishirini, na matako yake ishirini yatakuwa ya shaba; kulabu za zile nguzo na vitanzi vvake vitakuwa vva fedha. Na upande wa magharibi, upana wa ua kutakuwa na chandarua ya dhiraa hamsini; nguzo zake kumi, na matako yake kumi. Na upana wa ule ua upande wa mashariki kuelekea mashariki utakuwa ni dhiraa hamsini. Chandarua upande mmoja wa lango itakuwa dhiraa kumi na tano upana wake; nguzo zake zitakuwa tatu na matako yake matatu. Upande wa pili ni vivvo chandarua va dhiraa kumi na tano; nguzo zake tatu, na matako yake matatu. Na kwa lile lango la ua patakuwa na kisitiri cha dhiraa ishirini, kitakuwa cha nguo ya rangi ya samawi, na ya rangi ya zambarau, na nyekundu, na kitani nzuri venve kusokotwa, kazi va mshona taraza;

nguzo zake zitakuwa nne, na matako yake manne. Nguzo zote za ule ua ziuzungukazo pande zote zitakuwa na vitanzi vya fedha; kulabu zake za fedha, na matako yake ya shaba. Urefu wa huo ua utakuwa dhiraa mia, na upana wake utakuwa dhiraa hamsini kotekote, na kwenda juu kwake dhiraa tano; yawe ya nguo ya kitani nzuri, na matako yake vvote vva va shaba. Vvombo vitumiwavyo katika utumishi wake wote, na vigingi vyake vyote, na vigingi vyote vya ule ua, vitakuwa vya shaba. Nawe waamuru wana wa Israeli wakuletee mafuta va zeituni safi ya kupondwa kwa ajili ya nuru, ili kufanya ile taa kuwaka daima. Ndani va ile hema va kukutania, nje va hilo pazia, lililo mbele va huo ushuhuda, Haruni na wanawe wataitengeza tangu jioni hata asubuhi mbele ya Bwana; itakuwa ni amri ya milele katika vizazi vyao vyote kwa ajili va wana wa Israeli."

Wigo wa mstahili wa ua wa Hema Takatifu la Kukutania ulikuwa na dhiraa 100 kwa urefu. Katika Biblia, dhiraa moja ulikuwa ni urefu unaoanzia katika kiwiko cha mtu hadi katika ncha ya kidole, takribani sawa na sentimita 45 kwa vipimo vya kisasa. Kwa hiyo, wigo wa ua wa Hema Takatifu la Kukutania ulikuwa ni dhiraa 100 maana yake ni kwamba ulikuwa na urefu wa mita 45, na kule kusema kwamba urefu wake ulikuwa ni dhiraa 50 maana yake ni kuwa upana wake ulikuwa takribani mita 22. 5. Kwa hiyo, hivi vilikuwa ndivyo vipimo vya Nyumba ambayo Mungu aliishi kati ya watu wa Israeli katika kipindi cha Agano la Kale.

Ua wa Nje wa Hema Takatifu la Kukutania Ulizungukwa na Wigo

Umewahi kuona mfano wa Hema Takatifu la Kukutania katika pichwa iliyochorwa? Kwa kweli, Hema Takatifu la Kukutania liligawanyika katika ua wake na Hema Takatifu la Kukutania lenyewe, ambalo ni Nyumba ya Mungu. Ndani ya hii Nyumba ya Mungu kulikuwa na mjengo mdogo ulioitwa Mahali Patakatifu. Mahali hapa Patakatifu palifunikwa kwa aina nne tofauti za mapaa: paa lililokuwa limefumwa kwa nyuzi za kitani safi ya kusokotwa, na bluu, zambarau, na nyekundu; paa jingine lilikuwa la singa za mbuzi; na jingine lilikuwa la ngozi ya kondoo iliyokuwa imetiwa naksi nyekundu; na paa la nne lilikuwa la ngozi ya melesi.

Mlango wa Hema Takatifu la Kukutania ulikuwa upande wa mashariki, na ulikuwa umefumwa kwa nyuzi za bluu, zambarau, na nyekundu na kitani safi ya kusokotwa. Kama tungeliingia katika mlango huu tungeliweza kuona madhahabu ya sadaka ya kuteketezwa pamoja na birika. Baada ya kulipita birika, tungeliweza kuliona Hema Takatifu la Kukutania. Hema Takatifu la Kukutania liligawanyika katika sehemu mbili Mahali Patakatifu na Patakatifu pa Patakatifu, mahali ambapo Sanduku la Mungu la Ushuhuda lilipatikana. Wigo wa ua wa Hema Takatifu la Kukutania ulikuwa umejengwa kwa nguzo 60 ukiwa na mapazia ya kitani safi ya kusokotwa. Kwa upande mwingine, Hema Takatifu la Kukutania lilijengwa kwa mbao 48 na nguzo 9. Tunapaswa walau kuwa na ufahamu wa jumla kuhusiana na muundo wa Hema Takatifu la Kukutania ili tuweze kuelewa kile ambacho Mungu anakisema kwetu kwa kupitia muundo wa hili Hema Takatifu la Kukutania.

Mungu aliishi ndani ya Hema Takatifu la Kukutania lililokuwa limejengwa kwa mbao 48. Mungu aliudhihirisha

uwepo wake kwa watu wa Israeli kwa nguzo ya wingu wakati wa mchana na kwa nguzo ya moto wakati wa usiku ambavyo vilikuwa vikionekana juu ya Hema Takatifu la Kukutania. Na ndani Mahali Patakatifu, mahali ambapo Mungu Mwenyewe aliishi, kulikuwa na utukufu wa Mungu uliopazaja mahali pale. Pia ndani ya Mahali Patakatifu palikuwa na meza ya mikate ya wonyesho, kinara cha taa, na madhabahu ya uvumba, na ndani ya Patakatifu pa Patakatifu kulikuwa na Sanduku la Ushuhuda na kiti cha rehema. Sehemu hizi zilikuwa haziruhusiwi kwa watu wa kawaida wa Israeli, ni makuhani tu na Kuhani Mkuu ndio walioweza kuingia sehemu hizi takatifu kwa mujibu wa utaratibu wa Hema Takatifu la Kukutania. Imeandikwa hivi, "Basi, vitu hivi vikiisha kutengenezwa hivvo, makuhani huingia katika hema hiyo ya kwanza daima, wakiyatimiza mambo ya ibada. Lakini katika hema hiyo ya pili kuhani mkuu huingia peke yake, mara moja kila mwaka; wala si pasipo damu, atoayo kwa ajili va nafsi vake na kwa dhambi za kutokujua za hao watu" (Waebrania 9:6-7). Hii inatueleza kwamba katika kipindi cha sasa, ni wale tu walio na imani ya dhahabu inayoamini katika injili ya maji na Roho ndio wanaoweza kuishi maisha yao pamoja na Mungu huku wakimtumikia.

Nini maana ya ile mikate iliyokuwa imewekwa katika meza ya mikate ya wonyesho? Ina maanisha ni Neno la Mungu. Madhabahu ya uvumba ina maanisha nini? Inatueleza juu ya maombi. Ndani ya Patakatifu pa Patakatifu kulikuwa na Sanduku la Ushuhuda pamoja na kiti cha rehema kilichokuwa kimetengenezwa kwa dhahabu safi na kisha kuwekwa juu ya kiti cha rehema. Makerubi walikuwa wameyanyoosha mabawao yao kukifunika kiti cha rehema, na walikuwa wakiangaliana kukielekea kiti cha rehema. Hiki kilikuwa ni kiti cha rehema, mahali ambapo neema ya Mungu ilitolewa. Ndani ya Sanduku la Ushuhuda kulikuwa na mbao mbili za mawe zilizokuwa na

zile Amri Kumi zikiwa zimechorwa juu yake, pia kulikuwa na fimbo ya Haruni iliyochipuka, na pia kulikuwa na chungu kilichokuwa na mana. Sanduku hili lilikuwa na mfuniko wa dhahabu (kiti cha rehema) na juu yake kulikuwa na mekerubi wakikiangalia kiti cha rehema.

Wale Waliopokea Ondoleo la Dhambi Wanaishi Wapi?

Wale waliopokea ondoleo la dhambi wanaishi ndani ya Mahali Patakatifu. Mahali Patakatifu palijengwa kwa mbao 48, huku mbao hizo zote zikifunikwa dhahabu. Hebu fikiria juu ya hilo. Yaani wakati unaangalia ukuta wa dhahabu tena wenye mbao 48 za dhahabu, je, mahali hapo patakuwa panang'aa kiasi gani? Kwa kuwa ndani ya Mahali Patakatifu pamoja na vyombo vyake vyote vilitengenezwa kwa dhahabu safi basi ndio maana palikuwa panang'aa sana.

Madhabahu ya sadaka ya kuteketezwa na birika katika ua Hema Takatifu la Kukutania vilikuwa wa vimetengenezwa kwa shaba, na ule wigo wa ua ulikuwa umetengenezwa kwa nguzo zilizokuwa zimefunikwa kwa fedha na kuwekewa mapazia ya kitani safi. Kwa upande mwingine, vyombo vvote ndani ya Mahali Patakatifu vilikuwa vimetengenezwa kwa dhahabu safi: kinara cha kilipondwapondwa toka katika dhahabu na vivyo hivyo meza ya mikate ya wonyesho. Kwa kuwa vyombo vyote katika Mahali Patakatifu pamoja na kuta zake tatu zilikuwa zimetengenezwa kwa dhahabu safi, basi ndio maana ndani ya Mahali Patakatifu paling'aa wakati wote kwa mnururisho wa miale ya dhahabu.

Kule kusema kwamba ndani ya Mahali Patkatifu kuling'aa sana kwa sababu ya mnururisho wa dhahabu kunatueleza

kwamba watakatifu waliookolewa wanaishi maisha yao ya thamani ya kiimani katika Kanisa la Mungu. Watakatifu wanaoishi katika imani yao kwa injili ya maji na Roho ni kama dhahabu safi inayopatikana Mahali Patakatifu. Maisha ambayo watakatifu hao wanayaishi ndani ya Mahali Patakatifu ni maisha yaliyobarikiwa na yanadumu kuwepo Kanisani, huku wakila Neno la Mungu, huku wakiomba na kumsifu Mungu, na wanakwenda mbele ya kiti cha enzi cha Mungu hali wakiwa wamejivika neema ya Mungu kila siku, wanafanya hayo yote kupitia Kanisa. Haya ni maisha ya kiimani ndani ya Mahali Patakatifu. Unapaswa kuzingatia katika moyo wako kwamba ni wenye haki tu waliookolewa kwa kupitia injili ya maji na Roho ndio wanaoweza kuisha maisha ya thamani ya kiimani ndani ya Mahali Patakatifu.

Mungu Aligawa Vizuri Kabisa Kati ya Ndani na Nje ya Mahali Patakatifu

Kama vile nyumba nyingi zilivyo na wigo, ua wa Hema Takatifu la Kukutania pia ulikuwa na wigo uliokuwa umeundwa kwa nguzo 60 na kuzungukwa na mapazia ya kitani safi ya nyeupe. Mashariki ya ua, kulikuwa na lango lililokuwa limefumwa kwa nyuzi za bluu, zambarau, na nyekundu na kitani safi ya kusokotwa lililokuwa limewekwa ili watu wote waweze kuona, na lilikuwa na upana wa mita 9.

Katika kujifunza juu ya Hema Takatifu la Kukutania, tunapaswa kutambua wazi ile imani angavu ambayo Mungu anaitaka toka kwetu, na aina ya imani ambayo ni imani ya waliookolewa, na pia kwa kupitia vifaa vilivyotumika katika Hema Takatifu la Kukutania tunapaswa kufahamu jinsi ambavyo Bwana wetu ametuokoa. Ili tuweze kujifunza juu ya

imani hii ya dhahabu na inayong'aa inayopatikana ndani ya Mahali Patakatifu, basi kwanza tunapaswa kuliangalia birika, madhabahu ya sadaka ya kuteketezwa, na wigo ambao uliwekwa nje ya ua wa Hema Takatifu la Kukutania, na vifaa vyote vilivyotumika. Kwa kufanya hivyo, tutafahamu kuwa tunapaswa kupaingia Mahali Patakatifu pa dhahabu kwa kutumia imani gani.

Ni kitu gani kilichokuwepo katika ua wa nje wa Hema Takatifu la Kukutania? Kulikuwa na birika na madhabahu ya sadaka ya kuteketezwa. Ua huu ulikuwa umezungukwa na nguzo 60 za mbao, na katika nguzo hizi kulikuwa na mapazia ya kitani safi yaliyokuwa kama wigo kwa ule ua. Nguzo za huu wigo zilikuwa zimetengenezwa kwa mbao za mshita, ambao pamoja na ugumu wake zilikuwa ni nyepesi sana. Nguzo zilizokuwa zimetengenezwa kwa mbao hizi zilikuwa na urefu wa takribani mita 2. 25 kwa kimo, jambo ambalo lilifanya kuwa vigumu kwa watu wenye kimo cha kawaida kuchungulia ndani ya ua Hema Takatifu la Kukutania kwa kutokea nje ya wigo wa ua. Lakini kama kitu fulani kingeliwekwa kwa makusudi pembezoni mwa huu wigo ili mtu aweze kusimamia, basi hapo mtu angeliweza kuona ndani ya ua, lakini pasipo msaada wa jinsi hiyo ilikuwa ni vigumu kwa mtu kuweza kuchungulia ndani ya huo ua. Hii inatueleza kwamba hatuwezi kuingia katika Ufalme wa Mungu kwa kutegemea jitihada za mwanadamu.

Chini ya zile nguzo za mbao za ua wa nje wa Hema Takatifu la Kukutania kulikuwa na vikuku vya shaba, na juu ya hizo nguzo kulikuwa na vifuniko vya fedha. Kwa kuwa zile nguzo hazikuweza kusimama kwa kujitegemea zenyewe, basi mikanda ya fedha ilifungwa kati ya nguzo na nguzo ili kuzishikanisha. Na ili kuzifanya nguzo zisimame kwa uimara pande zote, vile vishikizio vya fedha vilivyokuwa katika vifuniko vya fedha vilifungwa katika vigingi vya shaba kwa

kutumia kamba (Kutoka 35:18).

Ni Vifaa Gani Vilivyotumika Katika Lango la Ua wa Hema Takatifu la Kukutania?

Vifaa vilivyotumika katika lango la ua wa Hema Takatifu la Kukutania zilikuwa ni nyuzi za bluu, zambarau, na nyekundu na kitani safi ya kusokotwa. Kimo cha lango kilikuwa ni mita 2. 25, na upana wake ulikuwa ni mita 9. Lilikuwa ni pazia lililokuwa limefumwa kwa nyuzi za bluu, zambarau, na nyekundu na kitani safi ya kusokotwa, ambalo lilikuwa limening'inizwa katika nguzo nne. Kwa hiyo, wakati mtu yeyote alipojaribu kuingia katika ua wa Hema Takatifu la Kukutania aliweza kuliona lango hili kwa wepesi sana.

Nyuzi za bluu, zambarau, na nyekundu na kitani safi ya kusokotwa zilizotumika katika lango la ua wa Hema Takatifu la Kukutania zinadhihirisha kwamba Mungu atatuokoa toka katika dhambi zetu zote kwa kupitia kazi nne za Mwana wake Yesu. Nguzo zote 60 za mbao na kitani safi iliyotumika katika wigo wa ua wa Hema Takatifu la Kukutania zinadhihirisha pia kwa wazi jinsi ambavyo Mungu atatuokoa wewe na mimi toka katika dhambi zetu zote kwa kupitia Mwanawe Yesu.

Kwa maneno mengine, Mungu analifunua fumbo la wokovu kwa wazi kwa kupitia lango la ua wa Hema Takatifu la Kukutania. Hebu kwa mara nyingine tuviangalie vifaa vilivyotumika katika ua wa Hema Takatifu la Kukutania: nyuzi za bluu, zambarau, na nyekundu na kitani safi ya kusokotwa. Nyuzi hizi nne ni za muhimu sana kwa ajili ya wokovu wetu kwa kumwamini Yesu. Kama vifaa hivi visingelikuwa vya muhimu, basi ni hakika kwamba Biblia isingeliviandika kwa kina kiasi hicho.

Vifaa vyote vilivyotumika katika lango la ua wa Hema Takatifu la Kukutania vilikuwa ni vya muhimu sana kwa Mungu ili aweze kutuokoa wewe na mimi. Hata hivyo, ule ukweli kwamba lango la Hema Takatifu la Kukutania lilifumwa kwa nyuzi za bluu, zambarau, na nyekundu na kitani safi ya kusokotwa ni jambo la muhimu sana kwa Mungu katika kuwaokoa wenye dhambi, hii ni kwa sababu hizi nyuzi nne zilikuwa ni ufunuo wa wokovu mkamilifu wa Mungu mwenyewe. Hivi ndivyo Mungu alivyoazimia. Na hii ndio sababu Mungu alionyesha muundo wa Hema Takatifu la Kukutania kwa Musa katika Mlima Sinai, na akamwambia kulitengeneza lango la ua wa Hema Takatifu la Kukutania kwa mujibu wa mpango huu.

Nini Maana ya Nyuzi za Bluu, Zambarau, na Nyekundu na Kitani Safi ya Kusokotwa?

Mlango wa kuelekea Mahali Patakatifu ulikuwa ni wa pazia lililokuwa limefumwa kwa nyuzi za bluu, zambarau, na nyekundu, na kitani safi ya kusokotwa, pia pazia kati ya Mahali Patakatifu na Patakatifu pa Patakatifu lilikuwa limefumwa kwa kutumia nyuzi hizi nne. Si hivyo tu, bali naivera na kifuko cha kifuani cha Kuhani Mkuu pia vilikuwa vimefumwa kwa nyuzi za bluu, zambarau, na nyekundu, na kitani safi ya kusokotwa. Sasa hizi nyuzi za bluu, zambarau, na nyekundu na kitani safi ya kusokotwa zinatueleza nini? Hizi nyuzi za bluu, zambarau, na nyekundu na kitani safi ya kusokotwa ambazo zilikuwa ni za muhimu sana ili Bwana wetu aweze kutuokoa, zinasema nini kwetu? Ni lazima tulichunguze jambo hili kwa ukaribu sana.

Kwanza kabisa, nyuzi za bluu zinatueleza juu ya ubatizo wa Yesu Kristo. Wale ambao hawaufahamu umuhimu wa

ubatizo hawafahamu kwamba nyuzi za bluu zina maanisha ni ubatizo wa Yesu Kristo. Kwa hiyo, wale ambao hawajazaliwa tena upya wanadai kwamba maana ya nyuzi za bluu ni, "Yesu Kristo ni Mungu Mwenyewe, na kwamba alikuja hapa duniani katika mwili wa mwanadamu." Kwa upande mwingine, wengine wanadai kwamba, "Nyuzi za bluu zina maanisha ni Nenoo." Hata hivyo, Biblia inatueleza kwamba nyuzi za bluu zina maanisha ni "Ubatizo wa Yesu ambao kwa huo alizpokea dhambi zote za ulimwengu katika mwili wake baada ya kuja hapa duniani." Maandiko yanatuonyesha wazi kwamba nyuzi za bluu zina maanisha ni ubatizo ambao Yesu aliupokea toka kwa Yohana Mbatizaji. Nilipokuwa nikilisoma Neno kuhusu Hema Takatifu la Kukutania, nilifikia hatu ya kutambua kwamba, "Ahaa, Mungu anataka kutuonyesha juu ya umuhimu wa imani yetu katika ubatizo wa Yesu."

Joho lililovaliwa na Kuhani Mkuu wakati alipokuwa akitoa sadaka pia lilikuwa limefumwa kwa nyuzi za bluu. Bamba la dhahabu lilikuwa limening'inizwa katika kilemba alichokuwa anakivaa Kuhani Mkuu kichwani, na ule utepe ambao ulilifunga lile bamba katika kilemba ulikuwa umefumwa pia kwa nyuzi za bluu. Na katika hili bamba la dhahabu kulikuwa na maneno yaliyochorwa yakisema, "Utakatifu kwa Bwana." Tunaweza kuona kwamba ule utepe wa bluu ambao ulilifunga lile bamba la dhahabu katika kilemba cha Kuhani Mkuu unadhihirisha juu ya ubatizo wa Yesu ambao unatoa utakatifu kwa Bwana.

Mungu anazungumza nasi kuhusu wokovu wetu wa kweli kwa namna hii kwa kupitia utepe wa bluu uliokuwa umelifunga lile bamba la dhahabu katika kilemba. Kwa maneno mengine, kitu muhimu kinachotupatia utakatifu ni nyuzi za bluu, ambao ni ubatizo wa Yesu. Ingawa rangi ya bluu inaweza kutukumbusha juu ya anga, ukweli ni kuwa rangi ya bluu haimmaanishi Mungu peke yake. Kati ya nyuzi za bluu,

zambarau, na nyekundu na kitani safi ya kusokotwa, basi nyuzi za bluu zina maanisha juu ya ubatizo wa Yesu Kristo. Kwa lugha nyingine, nyuzi za bluu zinatueleza kwamba Yesu Kristo alizichukua dhambi za wenye dhambi wote wa ulimwengu huu kwa kubatizwa (Mathayo 3:15). Kama Yesu angelikuwa hajazichukua dhambi za kila mtu kwa kubatizwa, basi sisi waamini tusingeliweza kamwe kutoa "Utakatifu kwa Bwana." Kama isingelikuwa kwa ajili ya ubatizo ambao Yesu aliupokea, basi tusingeliweza kabisa kuvikwa utakatifu mbele za Mungu.

Je, unafahamu maana ya kiroho ya Mungu kuamuru lango la ua wa Hema Takatifu la Kukutania kufumwa kwa nyuzi za bluu kwa mujibu wa namna iliyoonyeshwa kwa Musa? Lango la ua kuelekea Hema Takatifu la Kukutania mahali ambapo Mungu aliishi lina maanisha ni Yesu Kristo. Hakuna anayeweza kuingia katika Ufalme wa Mbinguni pasipo kupitia Yesu Kristo. Lango la ua, ambalo lina maanisha ni Yesu, lililokuwa limefumwa kwa nyuzi za bluu, zambarau, na nyekundu na kitani safi ya kusokotwa, linaonyesha wazi kuwa Mungu alitaka kuufunua ukweli ambao unatupeleka katika wokovu wetu. Nyuzi za zambarau zina maanisha ni Roho Mtakatifu, na zinatueleza kwamba "Yesu ni Mfalme wa wafalme." Nyuzi nyekundu zina maanisha ni damu ambayo Yesu aliimwaga Msalabani. Nyuzi za bluu kama ilivyoelezwa, zina maanisha ni ubatizo ambao Yesu aliupokea toka kwa Yohana Mbatizaji.

Hivyo, nyuzi za bluu, zambarau, na nyekundu zinatueleza juu ya ubatizo wa Yesu, Mungu kufanyika mwili, na kifo chake Msalabani. Kazi za Yesu zinazodhihirishwa katika hizi nyuzi nne zinatupatia imani inayotuwezesha kwenda mbele za Yehova katika utakatifu. Kule kusema kwamba Yesu, ambaye ni Mungu Mwenyewe alikuja hapa duniani katika mwili wa mwanadamu, akayachukua maovu ya wenye dhambi katika mwili wake kwa kubatizwa, na kwa kuibeba adhabu ya dhambi kwa ajili ya hizo

dhambi zote na laana kwa kuimwaga damu yake—basi hili linakuwa ndilo fumbo halisi ya kiroho la nyuzi za bluu, zambarau, na nyekundu.

Pengine ulifikiria juu ya nyuzi za bluu kuwa zinamdhihirisha Mungu au Neno lake. Lakini sasa unapaswa kufahamu wazi kwamba nyuzi za bluu zina maanisha ubatizo wa Yesu Kristo. Ubatizo ambao kwa huo Yesu alizipokea dhambi zetu zote zilizopitishwa kwenda kwake ni wa muhimu sana na hauwezi kuachwa kati ya matendo yake; kwa hiyo Mungu anatueleza juu ya umuhimu wa ubatizo wa Yesu tokea katika Hema Takatifu la Kukutania la Agano la Kale.

Ubatizo wa Yesu Ulikuwa ni Njia Ambayo Kwa Hiyo Yesu Alizibeba Dhambi Zetu Zote

Nguzo za wigo wa Hema Takatifu la Kukutania zilitengenezwa kwa mbao za mshita. Vikuku vya shaba viliwekwa chini ya hizo nguzo, na vifuniko vya fedha viliwekwa juu ya hizo nguzo. Hii inatueleza kwamba wenye dhambi ni lazima kwanza wahukumiwe kwa sababu ya dhambi zao. Ni wale tu ambao wamehukumiwa mara moja kwa ajili ya dhambi zao ndio wanaoweza kuokolewa. Kwa hiyo wale ambao bado hawajahukumiwa ni wazi kuwa hawajaokolewa na hawawezi kuikwepa adhabu ya milele kwa ajili ya dhambi zao hasa wanapokwenda mbele za Mungu.

Kama ilivyoandikwa, "Kwa maana mshahara wa dhambi ni mauti" (Warumi 6:23) basi ni wazi kuwa wenye dhambi watakabiliana na hukumu ya Mungu ya kutisha kwa sababu ya dhambi zao. Hivyo wenye dhambi ni lazima wahukumiwe na Mungu kwa ajili ya dhambi zao, ili waishi tena hali wakiwa wamevikwa neema ya Mungu. Na hii ndio maana ya kuzaliwa

tena upya. Imani ya nyuzi za bluu, kwamba Yesu Kristo alizichukua dhambi zetu zote katika mwili wake kwa kupitia ubatizo, na imani ya nyuzi nyekundu, kwamba Yesu amewakomboa wenye dhambi wote kwa kuhukumiwa Msalabani—ni imani ambazo zinatufanya tufe mara moja kwa dhambi zetu na kisha kuzaliwa tena upya. Unapaswa kutambua kwamba hukumu ya milele inawangojea wale ambao kwa sababu ya kutokuamini kwao, hawawezi kuipitia hukumu kwa imani.

Ubatizo wa Yesu ulikuwa ni njia ambayo kwa hiyo Kristo alizibeba dhambi zetu zote ili kutuokoa toka katika dhambi zetu zote. Yesu alibatizwa na Yohana Mbatizaji ili kuzichukua dhambi zetu zote katika mwili wake. Yesu ni Mungu Mwenyewe, lakini ili aweze kutuokoa, alikuja hapa duniani katika mwili wa mwanadamu, akayachukua maovu yote ya wenye dhambi katika mwili wake kwa kubatizwa na Yohana Mbatizaji, ambaye ni mwakilishi wa wanadamu, kisha alihukumiwa kwa niaba ya wenye dhambi kwa kuutoa mwili wake Msalabani na kwa kumwaga maji na damu. Lango la ua wa Hema Takatifu la Kukutania linatueleza kwa kina juu ya kazi ambazo Yesu amezitimiza akiwa kama Mwokozi wetu. Kwa kupitia lango la ua wa Hema Takatifu la Kukutania, Mungu anatueleza wazi kwamba Yesu amefanyika kuwa Mwokozi wa wenye dhambi.

Kitani safi ya kusokotwa ina maanisha ni Neno la Agano la Kale na Agano Jipya, Neno ambalo lipo kwa kina na linaloubaliana kati ya hayo maagano. Kwa kweli ni kitu cha kutatanisha kuunganisha ncha zote ili kupata kitani safi ya kusokotwa? Mungu anatueleza kwa kina jinsi alivyotuokoa kwa kupitia kitani safi ya kusokotwa.

Tunayaangalia mazulia tunaona kwamba yamefumwa kwa nyuzi mbalimbali kwa pamoja. Vivyo hivyo, Mungu aliwaambia

Waisraeli kulitengeneza lango la ua wa Hema Takatifu la Kukutania kwa kuzifuma nyuzi za bluu, zambarau, na nyekundu na kitani safi ya kusokotwa. Hii inatueleza kwamba Yesu aliyekuja kwetu kwa kupitia maji (ubatizo), na kupitia damu (Msalaba), na Roho Mtakatifu (Yesu ni Mungu), mambo ambayo yamefichwa katika Neno la Mungu la kutatanisha ni mlango halisi wa wokovu wetu. Tumeokolewa kikamilifu kwa imani kuwa kuwa na imani sahihi katika Yesu Yesu ambaye anadhihirishwa katia Neno la Mungu na kwa kuvikwa upendo wake.

Yesu Kristo hakutuokoa pasipo mpangilio. Tunaweza kuliona hili wakati tunapoliangalia Hema Takatifu la Kukutania. Kwa hakika Yesu amewaokoa wenye dhambi kwa kina. Tunaweza kutambua jinsi Yesu alivyotuokoa kwa kina hasa tunapoziangalia zile nguzo za wigo. Kwa nini idadi ya nguzo za wigo ziwe 60? Ni kwa sababu namba 6 ina maanisha ni mwanadamu, wakati namba 3 ina maanisha ni Mungu. Katika Ufunuo 13, alama 666 inaonekana, Mungu anatueleza kwamba hii namba ni namba ya Mnyama, na kwamba wenye hekima wanafahamu fumbo au siri ya hii namba. Hivyo, namba 666 ina maanisha kwamba mwanadamu anatenda kama Mungu. Matamanio ya mwanadamu ni yapi? Si kuwa kama kiumbe wa kimungu mkamilifu? Ikiwa tunataka kwa kweli kuwa kama kiumbe wa kimungu, basi tunapaswa kuzaliwa tena upya kwa kumwamini Yesu na kufanyika watoto wa Mungu. Nguzo 60 zinaendana na maana hii kwa karibu kabisa.

Hata hivyo, badala ya kuwa na imani, watu wanatenda mambo ya kujisifu na maovu, hali wakijaribu kuwa washiriki wa asili ya kimungu kwa kupitia jitihada zao binafsi. Na hii ndio sababu kwamba watu wengi wanalifafanua Neno kwa mujibu wa tamaa ya mwanadamu na kutokuamini kutokanako na mawazo yao, hii ni kwa sababu hawana imani bali wana tamaa

ambayo inasimama kinyume na Mungu. Kwa sababu ya hii tamaa ya mwili inayowasukuma kuwa wakamilifu kwa kutegemea jitihada zao na kuufikia ukamilifu wa miili yao, basi hatimaye huishia kuondolewa mbali na Neno la Mungu.

Neno la Wokovu Linalofunuliwa Katika Vitu Vyote vya Hema Takatifu la Kukutania

Ili Yesu Kristo aweze kuwaokoa wenye dhambi na kisha kuwaingia Mahali Patakatifu, basi vyombo na vifaa vyote vya Hema Takatifu la Kukutania vilikuwa ni muhimu. Madhabahu ya sadaka ya kuteketezwa ilikuwa na umuhimu, birika lilikuwa na umuhimu, na nguzo, vikuku vya shaba, vifuniko vya fedha, vishikizo na mikanda ya fedha vilikuwa ni vya muhimu sana. Vitu hivi vyote ni vyombo vinavyopatikana Mahali Patakatifu, na vifaa vyake vyote vilikuwa ni muhimu sana katika kuwageuza wenye dhambi kuwa watu wenye haki.

Vitu hivi vyote vilikuwa ni vya muhimu katika kuwawezesha wenye dhambi kuingia na kuishi katika Ufalme wa Mungu, lakini kitu cha muhimu zaidi kilikuwa ni nyuzi za bluu (ubatizo wa Yesu). Nyuzi za bluu, zambarau, na nyekundu zilitumika katika kulifanya lango la ua wa Hema Takatifu la Kukutania. Nyuzi hizi zina maanisha kazi tatu za Yesu zinazohitajika pale tunapomwamini Mungu. Kwanza, Yesu alikuja hapa duniani na akazichukua dhambi zetu zote katika mwili wake kwa ubatizo wake; pili, Yesu ni Mungu (Roho); na tatu, Yesu alikufa Msalabani ili kuibeba adhabu ya dhambi zote alizokuwa amezipokea katika mwili wake kwa kupitia Yohana katika Mto Yordani. Huu ndio utaratibu sahihi wa imani ya kweli ambayo inahitajika kwa wenye dhambi ili waweze kuokolewa na kufanywa wenye haki.

Tunapoisoma Biblia, tunaweza kutambua jinsi Bwana wetu alivyo wa kutatanisha. Tunaweza kuona kwamba yeye aliyetuokoa kikamilifu kama kitani safi ya kusokotwa si mwingine bali ni Mungu Mwenyewe. Zaidi ya yote, Mungu aliwafanya Waisraeli kulijenga lango la ua wa Hema Takatifu la Kukutania kwa kuzifuma nyuzi za bluu, zambarau, na nyekundu katika kitani safi lango ambalo lilikuwa ni pana kwa mita 9. Kwa hiyo, Mungu alihakikisha kwamba yeyote anayeliangalia Hema Takatifu la Kukutania, hata kutokea mbali aliweza kulibainisha lango la ua wa Hema Takatifu la Kukutania kwa urahisi.

Mapazia ya kitani safi yaliyokuwa yamening'inizwa katika zile nguzo za ua wa Hema Takatifu la Kukutania zinaudhihirisha utakatifu wa Mungu. Kwa hiyo, tunaweza kutambua kwamba wenye dhambi hawawezi kudiriki kulisogelea Hema Takatifu la Kukutania, na kwamba wanaweza kuingia katika huo ua pale tu watakapokuwa wameokolewa kikamilifu kwa kuamini katika huduma za Yesu zinazodhihirishwa katika nyuzi za bluu, zambarau, na nyekundu zilizokuwa zimefumwa katika lango la ua wa Hema Takatifu la Kukutania. Kwa namna hii, Mungu amewawezesha wenye dhambi kufahamu kwamba Yesu Kristo amezitoweshea mbali dhambi zao zote na amewaokoa kwa kupitia maji, damu, na Roho Mtakatifu.

Sio tu kwa ukweli huu, bali vifaa vyote vilivyotumika katika kulitengenezea Hema Takatifu la Kukutania, likiwemo lango la ua wa Hema Takatifu la Kukutania vinatuonyesha juu ya Neno linalohitajika na Mungu ili kuwageuza wenye dhambi kuwa wenye haki. Kwa kuwa Mungu aliwaeleza Waisraeli kulifanya lango la ua wa Hema Takatifu la Kukutania kuwa kubwa ili yeyote yule aweze kuliona, na kwa kuwa lango hili lilikuwa limefumwa kwa nyuzi za bluu, zambarau, na nyekundu na kitani safi ya kusokotwa, basi Mungu amewawezesha wote kulielewa kwa usahihi Neno muhimu ambalo linaweza

kuwageuza wenye dhambi kuwa wenye haki.

Lango la ua wa Hema Takatifu la Kukutania linatueleza kwamba Mungu ametuokoa kikamilifu, sisi ambao tulikuwa kama mbao ya mshita, toka katika dhambi kwa kupitia nyuzi za bluu (ubatizo wa Yesu), nyuzi nyekundu (damu ya Msalaba), na nyuzi za zambarau (Yesu ni Mungu). Mungu amedhamiria kwamba ni wale tu wanaoamini katika hili ndio wanaoweza kuingia Mahali Patakatifu, ambayo ni Nyumba ya Mungu.

Yesu Kristo Anatueleza Kupitia Maana Hii

Mungu anatueleza kwamba tunapaswa kwanza kuoshwa na kuwa safi toka katika dhambi zetu zote kwa kupitia ubatizo wa Yesu ili tuweze kuishi maisha ya kimaani yanayong'aa kama dhahabu. Hii ndio sababu Mungu Mwenyewe alimwonyesha mfano wa Hema Takatifu la Kukutania Mungu, kisha akalijenga kwa kupitia Musa, na kisha akawafanya watu wa Israeli kupokea ondoleo la dhambi zao kwa kupitia taasisi hii ya Hema Takatifu la Kukutania. Hebu tuishikilie imani ambayo imetupitisha kupitia ua wa Hema Takatifu la Kukutania na kwenda Mahali Patakatifu. Kwa kupitia ua wa Hema Takatifu la Kukutania, Mungu anaendelea kuzungumza nasi kuhusu imani yetu katika ukweli kwamba Yesu ametuokoa kwa kupitia maji, damu, na Roho Mtakatifu. Imani katika lango la ua wa Hema Takatifu la Kukutania, kwamba lilifumwa kwa nyuzi za bluu, zambarau, na nyekundu, na imani katika tendo la Kuhani Mkuu la kuwekea mikono juu ya mwanasadaka wa sadaka ya kuteketezwa na kuimwaga damu yake, na imani ambayo kwa hiyo Kuhani Mkuu aliiosha mikono yake na miguu katika birika—basi mambo haya yote yanaturuhusu kufahamu kwamba imani yetu katika injili ya maji na Roho ndiyo imani ya dhahabu safi inayotuwezesha

kupaingia Mahali Patakatifu na kisha kuishi humo kwa utukufu.

Kwa kupitia Hema Takatifu la Kukutania, Mungu ameturuhusu sisi sote kupokea neema ya wokovu na baraka zake. Tunaweza kuzifahamu baraka ambazo Mungu ametupatia kwa kupitia Hema Takatifu la Kukutania. Tunaweza kutambua na kuamini katika neema ya wokovu ambayo imetuwezesha kwenda mbele ya kiti cha neema ya Mungu na kisha kuokolewa mara moja. Unaweza kulitambua hili? Tunaweza kuona jinsi Bwana wetu alivyotuokoa wewe na mimi kwa kupitia Hema Takatifu la Kukutania, pia tunaweza kuona jinsi alivyo upangilia wokovu wetu na jinsi alivyoutimiza kwa mujibu wa mpango wake na jinsi alivyotugeuza sisi wenye dhambi kuwa wenye haki.

Je, imetokea tu ukawa bado unamwamini Yesu kwa mashaka muda huu wote? Je, uliwahi kuamini kwamba rangi ya bluu ina maanisha ni mbingu? Je, ulikuwa unaifahamu imani ya zambarau na nyekundu peke yake, yaani kwamba Yesu Kristo, Mfalme wa wafalme, alikuja hapa duniani na akatuokoa pale Msalabani na ukawa unaamini hivyo? Kama ni hivyo, basi sasa ni wakati wako kuipata imani ya kweli. Ninatumaini kwamba ninyi nyote mtaufahamu ubatizo wa Yesu, ambayo ni imani ya nyuzi za bluu, na hatimaye kutambua na kuamini katika neema kubwa ya wokovu ambayo Mungu amekupatia.

Mungu hajatuokoa sisi kwa kupitia damu na Roho Mtakatifu tu. Kwa nini? Kwa sababu Mungu anazungumza nasi kwa wazi juu ya nyuzi za bluu, zambarau, na nyekundu, na kwa kupitia nyuzi hizi tantu Mungu anatueleza jinsi Yesu alivyotuokoa kikamilifu. Kwa kupitia Hema Takatifu la Kukutania, Mungu wetu ametuonyesha kazi za Yesu za wokovu kwa kina. Baada ya kumwamuru Musa kulitengeneza Hema Takatifu la Kukutania, Mungu aliahidi kwamba atatuokoa kwa namna hii. Kama ilivyoahidiwa, Yesu Kristo alikuja katika mwili wa mwanadamu na akazichukua dhambi zetu zote katika

mwili wake kwa kubatizwa (bluu) katika Mto Yordani. Hatimaye Yesu amewaokoa wenye dhambi toka katika dhambi zao zote kwa kupitia ubatizo wake. Kwa kweli wokovu wetu ni wa kushangaza na ni wa uhakika!

Tunapopaingia Mahali Patakatifu, tunaweza kuona kinara cha taa, meza ya mikate ya wonyesho, na madhabahuu ya uvumba. Kabla ya kupaingia Patakatifu pa Patakatifu, tunaishi kwa muda fulani tukiwa hapa Mahali Patakatifu ambapo panang'aa kwa mwanga wa dhahabu, mioyo yetu inalishwa mkate wa Neno. Kwa kweli hii ni baraka kiasi gani? Kabla ya kuingia katika Ufalme wa Mungu, tunaishi katika Kanisa lake kama watu ambao tumeokolewa kikamilifu kwa kuzaliwa tena upya kwa kupitia injili ya maji na Roho. Kanisa la Mungu ambalo linatupatia mkate wa uzima ni Mahali Patakatifu.

Katika Mahali Patakatifu—yaani, Kanisa la Mungu—kulikuwa na kinara cha taa, meza ya mikate ya wonyesho, na madhabahu ya uvumba. Kile kinara pamoja na mhimili wake, matawi yake, mabakuli, na vifundo vya mapambo, na maua, vilitengenezwa kwa kupondaponda talanta ya dhahabu safi. Kinara cha taa kiliundwa kwa kuipondaponda talanta ya dhahabu safi kinatueleza kwamba sisi wenyey haki ni lazima tuungane na Kanisa la Mungu.

Katika meza ya mikate ya wonyesho palikuwa na mikate isiyotiwa chachu, ikiamaanisha ni mkate wa Neno safi la Mungu ambao halina uovu wala mafundisho yenye uchafu ya ulimwengu huu uliopotoka. Mahali Patakatifu pa Mungu—yaani, Kanisa la Mungu—linalihubiri hili Neno la Mungu ambalo halijachacha, na linaishi kwa imani sahihi pasipo kutenda maovu mbele za Mungu.

Madhabahu ya uvumba iliwekwa mbele ya pazia la Patakatifu pa Patakatifu. Madhabahu ya uvumba palikuwa ni mahali ambapo maombi kwa Mungu yaliyotolewa. Kwa kupitia vyombo vya Mahali Patakatifu, Mungu anatueleza kwamba tunapokwenda mbele zake, basi tunapaswa kuwa na umoja, imani katika Neno lake safi, na maombi. Ni wenye haki tu ndio wanaoweza kuomba, hii ni kwa sababu Mungu anayasikiliza maombi ya wenye haki tu (Isaya 59:1-2, Yakobo 5:16). Na ni wazi kwamba sio watu wote wanaweza kukutana na Mungu ati kwa sababu ya kuomba kwa juhudi mbele za Mungu.

Vivyo hivyo, Mahali Patakatifu panatueleza jinsi ilivyo na utukufu kwa sisi kuokolewa katika Kanisa la Mungu. Vifaa vikuu vilivyotumika katika Hema Takatifu la Kukutaniaambazo ni nyuzi za bluu (Yesu alibatizwa), nyuzi nyekundu (kwa kuzichukuau dhambi zetu zote katika mwili wake kwa kupitia ubatizo wake, Yesu alikufa Msalabani na akabeba adhabu ya dhambi zetu), na nyuzi za zambarau (Yesu ni Mungu)—ina maanisha ni imani ambayo hatuwezi kushindwa kuwa nayo. Nyuzi hizi tatu zinaunda ukweli mzima wa imani yetu. Tunapoamini kwamba Yesu ni Mwana wa Mungu na Mungu Mwenyewe, na kwamba ametuokoa, basi hapo tunaweza kupaingia Mahali Patakatifu panapong'aa kwa dhahabu mahali ambapo Mungu anaishi. Kama hatuyaamini matendo ya Yesu vanayodhihirishwa katika nyuzi hizi tatu, basi ni hakika kwamba hatuwezi kamwe kupaingia Mahali Patakatifu hata kama tunamwamini Yesu kwa nguvu sana. Ni wazi kwamba si Wakristo wote wanaweza kupaingia Patakatifu pa Patakatifu.

Wale Wanaojaribu Kuingia Katika Ua wa Hema Takatifu la Kukutania kwa Imani Yenye Makosa

Siku hizi, kuna Wakristo wengi ambao hawawezi kupaingia Mahali Patakatifu hata pale wanapoikiri imani yao. Kwa maneno mengine, kuna watu wengi wanaojaribu kuokolewa kwa kupitia imani yao yenye upofu. Watu wa jinsi hiyo ni wale wanaofikiri kwamba wanaweza kuokolewa kwa kuamini katika damu ya Yesu Kristo, na kwamba Yesu ni Mungu Mwenyewe na Mfalme wa wafalme. Wao wanamwamini Yesu kwa wepesi tu. Hali wakiwa wanaamini katika damu ya Yesu tu, wanasimama mbele ya madhabahu ya sadaka ya kuteketezwa huku wakiomba kwa upofu, "Bwana, mimi bado ni mwenye dhambi. Naomba unisamehe Bwana. Ninakutolea shukrani zangu zote kwa kusulubiwa kwako na kufa kwa niaba yangu. Ooh, ninakupenda Bwana!"

Baada ya kufanya hivi asubuhi, huendelea katika maisha yao ya kawaida, kisha hurudi kwenye madhabahu ya sadaka ya kuteketezwa tena wakati wa jioni na kisha kutoa sala kama ile ile kwa mwendelezo. Watu wanaoitembelea mara kwa mara madhahabu ya sadaka ya kuteketezwa kila asubuhi, kila jioni, na kila mwezi hawawezi kuzaliwa tena upya, bali wataangukia katika imani potofu kwa mujibu wa mawazo yao binafsi.

Wanaiweka sadaka ya kuteketezwa juu ya madhabahu ya sadaka ya kuteketezwa na kisha kuichoma kwa miale myekundu na kisha kutoa sadaka yao kwa moto. Kwa kuwa nyama inachomwa katika miale ya moto, basi harufu ya nyama inayoungua inaenea, kisha moshi mweusi na mweupe unaendelea kutoka. Madhahabu ya sadaka ya kuteketezwa si mahali ambapo tunalia huku tukimwomba Mungu kuzifanya dhambi zetu kutoweka, bali ni mahali ambapo panatukumbusha juu ya moto wa kutisha wa kuzimu.

Hata hivyo, watu wanapaendea mahali hapa kila asubuhi na jioni na kusema, "Bwana, nimefanya dhambi. Tafadhali naomba unisamehe dhambi zanguzote." Kisha wanarudi nyumbani hali wakiwa wameridhishwa katika nafsi zao kana kwamba wamesamehewa kweli dhambi zao. Wanaweza pia kuwa na furaha hadi kufikia hatua ya kuimba, "INimesamehewa,

Jumesamehewa, Jsisi sote tumesamehewa." Lakini mawazo ya jinsi hiyo ni ya kitambo tu. Baada ya muda mfupi tu wanatenda tenda dhambi na hivyo kusimama tenda mbele za madhabahu ya sadaka ya kuteketezwa kwa mara nyingine huku wakikiri hivi, "Bwana, mimi ni mwenye dhambi." Wale wanaokwenda mara kwa mara katika madhabahu ya sadaka ya kuteketezwa kila siku, bila kujalisha imani wanayoikiri watu hao ni wenye dhambi. Watu wa jinsi hiyo hawawezi kuingia katika Ufalme Mtakatifu wa Mungu.

Ni akina nani basi wanaoweza kupokea ondoleo la dhambi kamilifu na kisha kupaingia Mahali Patakatifu pa Mungu? Ni wale wanaofahamu na kuamini katika fumbo la nyuzi za bluu, zambarau, na nyekundu zilizowekwa na Mungu. Wale wanaoamini katika ukweli huu wanaweza kuipita madhabahu ya sadaka ya kuteketezwa kwa imani yao katika kifo cha Yesu aliyezipokea dhambi zao zote ambazo zilipitishwa kwenda kwa Yesu, pia wanaweza kuiosha miguu na mikono yao katika birika na kisha kujikumbusha kwamba dhambi zao zote zilipitishwa kwenda kwa Yesu kwa kupitia ubatizo wake, na kisha kupaingia Mahali Patakatifu kwa Mungu. Wale wanaoamini katika injili ya maji na Roho na waliopokea ondoleo la dhambi zao wanaweza kuingia Ufalme wa Mbinguni kwa imani, hii ni kwa sababu imani yao imethibitishwa na Mungu.

Ninatumaini kwamba ninyi nyote mtatambua na kuamini kwamba maana ya kibiblia ya nyuzi za bluu ni ubatizo wa Yesu. Kuna wengi sana wanaokiri kumwamini Yesu siku hizi lakini ni wachache sana wanaoamini katika maji (nyuzi za bluu), ambao ni ubatizo wa Yesu. Kwa kweli jambo hili ni kitu cha kuhuzunisha sana. Kwa kweli hili ni jambo la huzuni kubwa kwa sababu watu wengi sana wanaiacha imani muhimu ya ubatizo toka katika imani yao ya Kikristo. Ika wale wanaoweza kuingia katika Ufalme wa Mungu.

Ni Lazima Tumwamini Bwana Anayedhihirishwa Katika Nyuzi za Bluu, Zambarau, na Nyekundu za Hema Takatifu la Kukutania

Bwana wetu ametuokoa wewe na mimi kikamilifu. Tunapoliangalia Hema Takatifu la Kukutania, tunaweza kuona njia ambayo Bwana ameitumia kutuokoa. Kwa kweli hatuna maneno ya kutosha kumpatia Bwana shukrani. Kwa kweli tunashukuru sana kwa kuwa Bwana ametuokoa kwa kupitia nyuzi za bluu, zambarau, na nyekundu na kwamba ametupatia pia imani inayoamini katika nyuzi za bluu, zambarau, na nyekundu!

Wenye dhambi hawawezi kupaingia Mahali Patakatifu pasipo kuvikwa neema ya Mungu na pasipo kupitia hukumu ya Mungu ya kutisha kwa ajili ya dhambi zao. Inawezekanaje kwa mtu ambaye hajahukumiwa kwa ajili ya dhambi zake kudiriki kuufungua mlango wa Hema Takatifu la Kukutania na kisha kupaingia Mahali Patakatifu? Kwa kweli hawawezi! Wakati watu wa jinsi hiyo wanapoingia Mahali Patakatifu watalaaniwa na kugeuzwa na kuwa vipofu mara moja. "Wawaa, mahali hapa panang'aa sana! Uuuh, mbona sioni chochote mahali hapa? Nilipokuwa nje nilifikiri kwamba ninaweza kuona kila kitu ndani ya Mahali Patakatifu. Kwa nini siwezi kuona chochote, na kwa nini mahali hapa ni kiza namna hii? Nilikuwa naona vizuri wakati nilipokuwa nje ya Mahali Patakatifu... Niliambiwa kwamba Mahali Patakatifu ni penye uangavu sana; inakuwaje sasa mahali hapa pana giza hivi?" Hawezi kuona kwa kuwa amebadilishwa na kuwa ni kipofu wa kiroho, hii ni kwa sababu hana imani ya nyuzi za bluu, zambarau, na nyekundu. Vivyo hivyo, wenye dhambi hawawezi kupaingia Mahali Patakatifu.

Bwana wetu ametuwezesha sisi kutopofushwa tunapoingia Mahali Patakatifu, na badala yake ametupatia baraka ya kuishi milele ndani ya Mahali Patakatifu. Mungu ametueleza kwa wazi juu ya njia aliyoitumia kwa ajili ya wokovu wetu kwa kupitia nyuzi za bluu, zambarau, na nyekundu na kitani safi ya kusokotwa za Hema Takatifu la Kukutania kwa mujibu wa Neno la unabii

Bwana wetu ametuokoa kwa kupitia maji, damu, na Roho Mtakatifu (1 Yohana 5:4-8), ili kwamba tusiweze kuwa vipofu bali tuishi milele katika neema yake ing'aayo. Bwana ametuokoa kwa kupitia nyuzi za bluu, zambarau, na nyekundu na kitani safi ya kusokotwa. Bwana wetu alituahidi kupitia Neno la Mungu, na ametueleza kwamba ametuokoa kwa kuitimiza ahadi hii.

Je, unaamini kwamba wewe na mimi tumeokolewa kwa kupitia kazi za kutatanisha za Yesu zinazodhihirishwa katika nyuzi za bluu, zambarau, na nyekundu na kitani safi ya kusokotwa? Ndiyo! Je, tumeokolewa pasipo mpangilio maalum? Hapana! Hatuwezi kuokolewa pasipo kuamini katika nyuzi za bluu, zambarau, na nyekundu.

Nyuzi nyekundu hazimaanishi kuwa ni Mungu. Bali zinamaanisha ni ubatizo wa Yesu ambao kwa huo alizichukulia mbali dhambi zote za kila mwenye dhambi wa ulimwengu katika Mto Yordani.

Inawezekana kwa bahati mbaya, kusimama mbele ya madhabahu ya sadaka ya kuteketezwa pasipo kuamini katika nyuzi za bluu, ambao ni ubatizo wa Yesu. Watu wanaweza kwenda mbali hadi kulifikia birika lililo karibu na madhabahu ya sadaka ya kuteketezwa, lakini hawawezi kupaingia Mahali Patakatifu mahali ambapo Mungu anakaa. Wale wanaoweza kuufungua mlango wa Hema Takatifu la Kukutania na kisha kuingia Mahali Patakatifu ndio watoto wa Mungu ambao wamepokea ondoleo la dhambi kwa kuamini kikamilifu katika injili ya maji na Roho. Lakini wenye dhambi, bila kujalisha

kuwa ni akina nani, hawawezi kuingia ili kuufikia wokovu wetu? Tunaokolewa wakati tunaingia Mahali Patakatifu aliko Mungu na wala si wakati tunaingia katika ua wa Hema Takatifu la Kukutania.

Tofauti Kati ya Imani Ndani ya Hema Takatifu la Kukutania na Imani Nje ya Hema Takatifu la Kukutania

Madhabahu ya sadaka ya kuteketezwa na birika katika ua Kukutania wa Hema Takatifu la vilikuwa vimetengenezwa wigo wake kwa shaba, na ulikuwa umetengenezwa kwa mbao, fedha, na shaba. Lakini tunapoingia katika Hema Takatifu la Kukutania, tunaona kwamba vifaa vilivyotumika ni vya tofauti sana. Tabia kuu ya Hema Takatifu la Kukutania ni kwamba ni "nyumba ya dhahabu." Kuta tatu za hilo Hema Takatifu la Kukutania lilitengenezwa kwa mbao 48 za mti wa mshita, na mbao hizo zote zilikuwa zimefunikwa dhahabu. Meza ya mikate ya wonyesho na madhabahu ya uvumba zilikuwa zimetengenezwa kwa mti wa mshita na kisha kufunikwa dhahabu, na kinara cha taa kilitengenezwa kwa kuipondaponda talanta ya fedha. Kwa hiyo vyombo vyote ndani ya Mahali Patakatifu vilitengenezwa kwa au kufunikwa kwa dhahabu safi.

Kwa upande mwingine, vikuku vilivyokuwa chini ya mbao vilitengenezwa kwa kitu gani? Vilitengenezwa kwa fedha. Wakati vikuku vilivyokuwepo katika nguzo za wigo wa ua wa Hema Takatifu la Kukutania vilitengenezwa kwa shaba, vikuku vya mbao za Hema Takatifu la Kukutania vilitengenezwa kwa fedha. Wakati nguzo za ua zilikuwa zimetengenezwa kwa mti, mbao za Hema Takatifu la Kukutania zilikuwa zimetengenezwa

kwa mti wa mshita na kisha kufunikwa dhahabu. Lakini vikuku vya nguzo tano za mlango wa Hema Takatifu la Kukutania vilikuwa vimetengenezwa kwa shaba.

Ingawa vikuku vya mbao za Hema Takatifu la Kukutania vilikuwa vimetengenezwa kwa fedha, vikuku vya nguzo za wa Hema Takatifu la Kukutania vimetengenezwa kwa shaba. Hii ina maanisha nini? Ina maanisha kwamba yeyote anayekuja katika uwepo wa Mungu kuhukumiwa kwa ajili ya dhambi Inawezekanaje basi tukaenda mbele Mungu za wakati tunahukumiwa na kisha kuuawa? Kama tutakufa, basi ni wazi kwamba hatuwezi kusimama mbele za Mungu.

Kwa kupitia shaba iliyotumika katika vikuku vya nguzo tano za mlango wa Hema Takatifu la Kukutania, Mungu anatueleza kwamba ingawa tulipaswa kuadhibiwa kwa ajili ya dhambi zetu; Yesu alizichukua dhambi zetu zote katika mwili wake kwa kupitia ubatizo wake na aliadhibiwa kwa ajili ya dhambi hizi kwa niaba yetu. Sisi ndio tuliopaswa kuadhibiwa kwa sababu ya dhambi zetu. Lakini mtu fulani aliibeba adhabu hiyo kwa ajili ya dhambi zetu zote kwa niaba yetu. Badaka ya sisi kufa, mtu fulani alikufa kwa ajili yetu. Yeye aliyeadhibiwa kifo hicho kwa niaba yetu si mwingine bali ni Yesu Kristo.

Imani inayodhihirishwa katika nyuzi za bluu ni imani inayoamini kwamba Yesu Kristo alizipokea dhambi zetu zote zilizopitishwa kwake kwa kupitia ubatizo wake na kwa sababu hiyo ametusamehe dhambi zetu zote. Kwa kuwa Mungu aliuchukua uhai wa Yesu Kristo kwa ajili ya adhabu ya dhambi zetu zote zilizokuwa zimepitishwa kwake kwa kupitia ubatizo wake na hivyo amelitatua tatizo la dhambi zetu zote, basi ni hakika kwamba hatukabiliani na adhabu yoyote ile kwa ajili ya dhambi zetu. Imani inayodhihirishwa na nyuzi nyekundu ni imani katika damu ya Yesu aliyoimwaga Msalabani. Imani hii

inaamini kwamba Yesu Kristo aliibeba adhabu ya dhambi zetu ambayo tulipaswa kukabiliana nayo.

Ni wale tu waliozipitisha dhambi zao zote kwenda kwa Yesu kwa kuamini katika ubatizo wake, na waliohukumiwa kwa ajili ya dhambi zao zote kwa kuamini katika damu ya Yesu aliyoimwaga Msalabani kutokana na kifo chake, wanaweza kupaingia Mahali Patakatifu. Hii ndio sababu vikuku vya mlango wa Hema Takatifu la Kukutania viliundwa kwa shaba. Kwa hiyo, ni lazima tuamini katika damu ya Kristo aliyezichukua dhambi zetu zote katika mwili wake kwa kupitia ubatizo wake na kisha kuadhibiwa kwa ajili yetu.

Mungu ameazimia kwamba ni wale tu walio na uhakika kwamba Yesu Kristo aliyewaokoa ni Mungu Mwenyewe (nyuzi za zambarau), na wenye uhakika juu ya ubatizo wa Yesu (nyuzi za bluu, na wanaoamini kwamba Yesu aliadhibiwa kwa ajili ya dhambi zao (nyuzi nyekundu) wataweza kupaingia Mahali Patakatifu. Mungu amewaruhusu wale tu ambao wamehukumiwa mara moja kutokana na dhambi zao kwa kumwamini Yesu, na wanaoamini kwamba Yesu amewaokoa toka katika dhambi zao zote kupaingia Mahali Patakatifu.

Vikuku vya nguzo za mlango wa Hema Takatifu la Kukutania vilitengenezwa kwa shaba. Vikuku vya shaba vina maana ya kiroho kwamba Mungu amewaruhusu wenye dhambi wanaozaliwa kama wazawa wa Adamu kupaingia Maali Patakatifu mahali anapokaa Mungu ikiwa tu watakuwa na imani ya nyuzi za bluu (ubatizo wa Yesu), na nyuzi nyekundu (hukumu ya Yesu ya haki kwa niaba ya wenye dhambi), na nyuzi za zambarau (Yesu ni Mungu Mwenyewe). Kule kusema kwamba vikuku vitano vya nguzo za mlango wa Hema Takatifu la Kukutania vilitengenezwa kwa shaba vinatueleza juu ya injili ya Mungu, kama ilivyoandikwa katika Warumi 6:23, "Kwa maana mshahara wa dhambi ni mauti; bali karama ya Mungu ni uzima

wa milele katika Kristo Yesu Bwana wetu," Yesu amezisamehe dhambi zetu zote kwa maji, damu, na Roho.

Hatupaswi Kudharau Bali Tuamini Katika Neno la Mungu

Kumwamini Yesu hakumaanishi kwamba hujaokolewa. Wala kuhudhuria Kanisani kwako hakumaanishi kwamba umezaliwa tena upya. Katika Yohana 3 Bwana wetu anasema kwamba ni wale tu waliozaliwa upya kwa maji na Roho ndio wanaoweza kuuona na kuingia katika Ufalme wa Mungu. Yesu alimwambia Nicodemus aliyekuwa kiongozi wa Wayahudi na mwamini wa kweli wa Mungu kwamba, "Wewe ni mwalimu wa Wayahudi, halafu bado hufahamu juu ya kuzaliwa tena upya? Ni hadi pale mtu atakapozaliwa tena upya kwa maji na Roho ndipo anapoweza kuuona na kuingia katika Ufalme wa Mungu." Watu wanaomwamini Yesu wanaweza kuzaliwa tena upya pale tu wanapokuwa na imani ya nyuzi za bluu (Yesu alizichukua dhambi zetu zote mara moja katika mwili wake wakati alipobatizwa), na nyuzi nyekundu (Yesu alikufa kwa ajili ya dhambi zetu), na nyuzi za zambarau (Yesu ni Mwokozi, Mungu Mwenyewe, na Mwana wa Mungu). Kwa hiyo, kwa kupitia nyuzi za bluu, zambarau, na nyekundu zinazopatikana katika kila eneno la Hema Takatifu la Kukutania, wenye dhambi wote ni lazima waamini kwamba Yesu ni Mwokozi wa wenye dhambi.

Kwa kuwa watu wengi wanamwamini Yesu pasipo kuuamni ukweli huu ndio maana hawawezi kuzaliwa tena upya wala kulifahamu Neno la kuzaliwa tena upya. Bwana wetu ametueleza kwa wazi kwamba hata kama tunakiri kumwamini Yesu, ukweli ni kuwa kama hatujazaliwa tena upya hatuwezi kupaingia Mahali Patakatifu, wala kuingia katika Ufalme wa

Baba, na wala hatuwezi kuishi maisha safi ya kiimani.

Katika mawazo yetu ya kibinadamu, tunaweza kushangaa ambavyo ingekuwa vyema kama Wakristo wangalithibitishwa kuwa wamezaliwa tena upya bila kujalisha jinsi wanavyoamini. Je, si ndivyo hivyo? Kama tungeliokolewa kwa kuliitia tu jina la Yesu na kisha kuikiri imani yetu kwake kwa maneno pasipo hata kufahamu jinsi alivyowaokoa wanadamu, basi ni hakika kwamba watu wangeliona jambo jema kumwamini Yesu. Tungelimshukuru wakati wowote ule tunapokutana na Mkristo mpya tukiimba, "INimesamehewa; Jumesamehewa; Jsisi sote tumesamehewa." "Kwa kuwa kutakuwa na waamini wengi sana, basi kutakuwua na haja gani ya kushuhudia? Mambo yapo vizuri kama yalivyo. Je, hili si jambo la kufurahisha?" Kama hali ingelikuwa hivi, basi watu wangelifikiria juu ya wokovu kwa urahisi sana, kwa kuwa yeyote atakayeliitia jina la Bwana ataokolewa, basi wokovu wao ungeliwafikia hata kama wangelikuwa wanaishi kwa namna yeyote ile. Lakini Mungu alitueleza kwamba hatuwezi kuzaliwa tena upya kwa kuwa na imani kipofu kama hiyo. Badala yake, Bwana alituambia kwamba wale wanaodai kuwa wameokolewa pasipo hata kuifahamu injili ya maji na Roho watu hao wanatenda makosa.

Kinachozaliwa Tena Upya ni Roho Yako, Sio Mwili Wako

Yesu alifanyika mwanadamu, alikuja hapa duniani, na ametuokoa kwa kupitia injili ya maji na Roho. Yusufu, baba wa Yesu wa kufikia alikuwa ni fundi seremala (Mathayo 13:55), naye Yesu aliitumikia familia yake akiwa chini ya huyu baba wa kufikia seremala, na alifanya kazi kama seremala katika miaka

yake 29 ya mwanzo. Lakini alipofikisha miaka 30, alianza kazi yake ya kimungu, yaani kuifanya huduma yake ya wazi.

Kwa kuwa Yesu alikuwa na asili zote mbili ya kimungu na ya kibinadamu, basi sisi wenye haki tuliozaliwa tena upya pia tuna asili mbili. Sisi tuna mwili pia na roho. Hata hivyo, wakati mtu anapokiri kumwamini Yesu huku roho yake ikiwa haijazaliwa tena upya, basi mtu huyo anakuwa hajazaliwa tena upya—yaani watu wote wa jinsi hiyo wanakuwa hawajazaliwa tena upya. Kama mtu anajaribu kumwamini Yesu pasipo kuzaliwa tena upya katika roho yake, basi mtu huyu atakuwa ni mtu anayejaribu kuzaliwa tena upya katika mwili kama ilivyokuwa kwa Nikodemo, na mtu wa jinsi hiyo anakuwa hajazaliwa tena upya. Ingawa Yesu alikuwa ni Mungu Mwenyewe, ukweli ni kuwa pia alikuwa katika hali ya mwili wa mwanadamu uliokuwa na mapungufu mengi. Kwa hiyo, tunaposema kwamba tumezaliwa tena upya, basi tuna maanisha kwamba roho zetu ndizo zilizozaliwa tena upya na wala sio miili yetu.

Kama wale wote wanaokiri kumwamini Yesu kwa kiasi fulani walingelikuwa wamezaliwa tena upya, basi ningelijaribu mchungaji mkarimu. Kwa nini? Kwa nisingeliudhiwa na wale wasiouamini ukweli, na kwa sababu hiyo nisingelikuwa mkali katika mahubiri yangu huku nikiamini kwamba watafikia hatua kuufahamu va Ningelifahamika kuwa ni mchungaji mwenye maadili mema, anayejiheshimu, mpole, na mwenye mapatano, huku nikielezea jinsi watu wanavyoweza kuwa watakatifu kwa kupitia miili yao. Kwa kweli, ninaweza kuipamba hali yangu kuonekana kama hivyo, lakini kwa kweli kwa sasa siwezi kufanya hivyo kamwe. Si kwa sababu siwezi kupandikiza mtazamo wangu katika akili zenu ili muweze kusema, "Huyu mchungaji anafanana sana na sura na mfano wa Yesu wa utakatifu." Kwa kuwa mwili wa

mwanadamu hauwezi kubadilika, na kwa sababu kuwa mwema, mkarimu, na mwenye rehema hakumaanishi kwamba mtu huyo ni mwenye haki aliyezaliwa tena upya. Hakuna yeyote anayeweza kuzaliwa tena upya katika mwili. Ni roho ndio inayopaswa kuzaliwa tena upya kwa kuamini katika Neno la Mungu.

U-napomwamini Yesu, unapaswa kuufahamu ukweli. "Tena mtaifahamu kweli, nayo hiyo kweli itawaweka huru" (Yohana 8:32). Ni ukweli wa Mungu tu ndio unaotufanya tuzaliwe tena upya, unaziweka nafsi zetu huru toka katika kongwa la dhambi, na ukweli huo unatufanya tuzaliwe tena upya kama wenye haki. Ni hadi pale tutakapofahamu, na kuamini, na kuihubiri Biblia kikamilifu ndipo tunapoweza kuingia Mahali Patakatifu na kisha kuishi maisha yetu ya imani ya kweli, pia tunaweza kwenda katika kiti cha rehema cha Patakatifu pa Patakatifu. Injili ya maji na na Roho ambayo inazifanya nafsi zetu kuzaliwa tena upya ndio ukweli, na imani yetu katika injili hii imetusamehe dhambi zetu zote na inaturuhusu kuishi katika himaya ya imani pamoja na Mungu. Injili ya maji na Roho ambayo imo katika mioyo yetu inatuwezesha kuishi kama watoto wa Mungu waliozaliwa tena upya katika himaya ya kiroho na ing'aayo pamoja na Bwana kwa furaha.

Kumwamini Yesu katika hali ya upofu sio imani sahihi. Nikijitazama kwa mtazamo wa kibinadamu ni dhahiri kwamba nina mapungufu mengi sana. Sisemi hili kwa sababu ya midogo yangu, lakini ninapofanya jambo fulani, hapo ninafikia hatua ya kutambua kwamba nina mapungufu mengi sana. Kwa mfano, wakati ninapojiandaa kwa ajili ya kambi ya Biblia ili kwamba watakatifu na wageni watakaoshiriki waweze kulisikia Neno kwa starehe, na kisha kuvuviwa katika mioyo yao na neema ya Mungu, na hatimaye kupokea baraka ya kuzaliwa tena upya na baadaye kurudi makwao wakiwa wamefarijika na kupumzika

kimwili na katika mioyo yao; lakini ninajikuta kwamba kuna mambo mengi sana ambayo sikuyafikiria na kuyaandaa hapo kabla. Mambo ambayo ningeliweza kuyashughulikia kwa kutoa muda kidogo wa kuzingatia yanakuja kuonekana wakati muda wa maandalizi umepita na wakati ambapo kambi inakaribia kuanza. Ninafikia hatua ya kujishangaa kuwa ni kwa nini sikuyafikiria mambo kama hayo hapo kabla na kisha kuyaandaa mapema, kama ningelizingatia kwa kina zaidi na kuwa mwangalifu katika mipango yangu ya kambi ya Biblia, ni wazi kuwa watakatifu na nafsi mpya zingeliweza kulisikia Neno la Mungu vizuri, na kisha kuokolewa, na kuwa na wakati mzuri. Pia hata wakati ninafanya kazi kutwa nzima, kutokana na ukosefu wa utendaji bora kwa upande wangu, kuna nyakati nyingi sana ambapo matokeo ya kazi yangu hayalingani na jitihada zangu. Binafsi ninafahamu wazi kwamba nina mapungufu mengi sana.

"Kwa nini siwezi kufanya haya? Kwa nini sikuyafikiria mambo haya? Ninachopaswa kukifanya ni kuwa makini zaidi, lakini kwa nini bado siwezi kufanya haya?" Kwa kweli ninapoitumikia injili, ninatambua na kuyaona mapungufu yangu mara kwa mara. Hivyo, ninajitambua na kukiri kwamba, "Hivi ndivyo nilivyo. Hivi ndivyo nilivyo na mapungufu." Kwa kweli sisemi haya kwa kujifanya kuwa mnyenyekevu, bali kwa kweli mimi ni mtu ambaye siwezi kumalizia mwisho wa mambo madogomadogo kwa usahihi na ninajikuta yakiishia kuwa shagalabaghala. Kwa kweli ninapojiangalia ninajiona kuwa nina mapungufu mengi sana.

Tunapokea Utakatifu Kwa Kupitia Imani Katika Nyuzi za Bluu

Wakati watu wanapojifikiria, huwa wanafikiri kana kwamba wanaweza kufanyay kila kitu vizuri pasipo kufanya makosa. Lakini wanapolishughulikia jambo fulani, hapo ndipo uwezo wao pamoja na mapungufu yao vinapoonekana. Hapo ndipo wanapofikia hatua ya kutambua kwamba hawawezi kufanya lolote zaidi ya kutenda dhambi na kufanya makosa. Pia, watu wanapofikiri kwamba wanafanya vizuri, basi huwa wanajidanganya kwa kufikiri kwamba wanaenda katika Ufalme wa Mungu ati kwa sababu ya imani yao nzuri.

Lakini mwili huwa haubadiliki kamwe. Hakuna mwili usio na mapungufu, na wakati wote huo mwili hufunua mapungufu yake. Lakini kama kwa namna yeyote ile unafikiri kwamba unaweza kwenda katika Ufalme wa Bwana ati kwa sababu ya mema ambayo mwili wako umeyatenda, basi unapaswa kutambua kwamba haijalishi kile ambacho mwili wako umekifanya, ukweli ni kuwa mwili wako ni bure kabisa mbele za Mungu. Kitu pekee kinachotuwezesha kuingia katika Ufalme wa Bwana ni imani yetu katika Neno la ukweli wa nyuzi za bluu, zambarau, na nyekundu ambazo kwa hizo Bwana ametuokoa. Kwa kuwa Bwana wetu ametuokoa kwa kupitia nyuzi za bluu, zambarau, na nyekundu, basi tunaweza kupaingia Mahali Patakatifu kwa kuamini katika ukweli huu.

Kama Mungu angelikuwa hajatuokoa kwa kupitia nyuzi za bluu, zambarau, na nyekundu, basi sisi sote tusingeliweza kupaingia Mahali Patakatifu kamwe. Hata kama imani yetu itakuwa imara kiasi gani ni wazi kwamba hatuwezi kupaingia Mahali Patakatifu. Kwa nini? Kwa sababu kama hali ingelikuwa hivi, ingelimaanisha kwamba imani yetu kuhusiana na mwili ilipaswa kuwa njema kila siku ili tuweze kupaingia Mahali

Patakatifu. Kama tutaingia katika Ufalme wa Mungu wakati imani yetu ni nzuri na njema kila siku, basi ingeliwezekanaje basi kwa sisi ambao tuna miili midhaifu kuwa na imani nzuri kila siku na kisha kuweza kupaingia Mahali Patakatifu? Wakati hakuna njia ya sisi kulipokea ondoleo la dhambi binafsi, na wakati hatuna imani ya kuweza kugeuka kila siku mara tunapokuwa tumetenda dhambi, basi hapo tungeliwezaje kuwa na imani njema ya kutosha kutuwezesha kuingia katika Ufalme wa Mungu? Miili yetu inagelipaswa kuwa miili mitakatifu ambayo haitendi dhambi kabisa, au pengine tungelipaswa kufanya sala za toba na kufunga kila siku, lakini ni nani ambaye mwili wake ni mtakatifu na anayeweza kufanya mambo haya?

Kama Mungu angelikuwa hajatuokoa kwa kupitia nyuzi za bluu, zambarau, na nyekundu, basi kusingelikuwa na yeyote yule miongoni mwetu ambaye angeliweza kuingia katika Ufalme wa Mbinguni. Sisi ni watu ambao imani yetu inaweza nzuri kwa wakati fulani lakini pia ikatoweka baada ya muda fulani. Wakati imani yetu inapokuwa nzuri na kisha kutoweka kwa kujirudiarudia, basi hapo ndipo tunapopata shida ikiwa kweli tuna imani au la, na hatimaye huishia kupoteza hata ile imani tuliyokuwa nayo mwanzo. Hatimaye baada ya muda mrefu tunakuwa wenye dhambi zaidi hata baada ya kuwa tumemwamini Yesu. Lakini Yesu ametuokoa kikamilifu, sisi ambao ni wenye dhambi wenye mapungufu, na ametuokoa hivyo kwa mujibu wa mpango wake wa wokovu uliodhihirishwa katika nyuzi za bluu, zambarau, na nyekundu na kitani safi ya kusokotwa. Bwana ametupatia ondoleo la dhambi zetu.

Ni hadi pale tutakapokuwa na ushuhuda kama huo ndipo tunapoweza kuliweka bamba la dhahabu, "utakatifu kwa Bwana," katika kilemba chetu kama ilivyokuwa kwa Kuhani Mkuu (Kutoka 28:36-38). Hapo ndipo tunapoweza kuutekeleza ukuhani wetu. Wale wanaoweza kuushuhudia "utakatifu kwa

Bwana" kwa watu wanapomtumikia Bwana kama makuhani ndio wale walio na ushuhuda katika mioyo yao na ndio maana wamepokea ondoleo la dhambi kwa kupitia injili ya maji na Roho.

Bamba la dhahabu lilikuwa limeunganishwa katika kilemba cha Kuhani Mkuu, na hilo bamba lilikuwa limefungwa kwa utepe wa bluu. Kwa nini Mungu aliagiza kilemba kifungwe kwa huu utepe wa bluu? Kitu kilichokuwa cha muhimu sana ili Bwana aweze kutuokoa ulikuwa ni huu uzi wa bluu ambao una maanisha ni ubatizo wa Yesu ambao aliupokea ili kuzichukua dhambi zetu zote katika mwili wake. Kama Bwana angelikuwa hajazitoweshea mbali dhambi zetu zote kwa kuzichukua katika mwili waka wakati wa Agano Jipya kwa kupitia ubatizo wake, ambao ni sawa na utaratibu wa kuwekewa mikono wa Agano la Kale; basi ni wazi kwamba tusingeliweza kuupokea utakatifu toka kwa Yehova hata kama tungelikuwa tunamwamini Yesu kwa kiasi gani. Na hii ndio sababu bamba la dhahabu lilifungwa katika kilemba kwa utepe wa bluu. Na yeyote anayemwona Kuhani Mkuu akiwa na bamba la dhahabu lililokuwa limeandikwa "utakatifu kwa Bwana" wanaweza kujikumbusha kwamba wanapaswa kuwa watakatifu mbele za Mungu kwa kupokea ondoleo la dhambi zao. Pia hii inawafanya watu kufikiria jinsi wanavyoweza kuwa watakatifu mbele za Mungu.

Sisi pia ni lazima tukumbuke jinsi tulivyofanyika kuwa wenye haki. Tumefanyikaje kuwa wenye haki? Hebu tusome Mathayo 3:15 "Yesu akajibu akamwambia [Yohana], Kubali hivi sasa; kwa kuwa ndivyo itupasavyo kuitimiza haki yote. Basi akamkubali." Yesu alituokoa sisi sote toka katika dhambi zetu zote kwa kubatizwa. Kwa kuwa Yesu alizichukua dhambi zetu katika mwili wake kwa ubatizo, basi wale wote wanaoamini hivi hawana dhambi. Kama Yesu angelikuwa hajabatizwa, tungeliwezaje kudiriki kusema kwamba hatuna dhambi? Je,

ulipokea ondoleo la dhambi kwa kuikiri imani yako juu ya kifo cha Yesu Msalabani huku ukitoa machozi katika macho yako? Kuna watu wengi sana ambao wanaona ni vigumu sana kuhuzunishwa kwa ajili ya kifo cha Yesu, mtu ambaye hawana uhusiano naye wowote ule, hivyo ili waweze kulia huanza kufikiria juu ya vifo vya mababu zao, na pia hufikiria magumu waliyonayo baada ya kuugua, au pengine hufikiria magumu na mateso yao yaliyopita zamani. Hata kama utalia hivi, au hata kama unahuzunishwa na kusulubiwa kwa Yesu, ukweli ni kuwa dhambi zako haziwezi kutoweshewa mbali kamwe kwa namna hii.

Kwa kuwa bamba la dhahabu lililokuwa limechorwa "utakatifu kwa Bwana" lilikuwa limefungwa kwa utepe wa bluu katika kilemba cha Kuhani Mkuu, basi kile kinachozitoweshea mbali dhambi zetu zote ni ubatizo wa Yesu. Miovo vetu ilipokea ondoleo la dhambi kwa kuwa Yesu alizichukua dhambi zetu zote katika mwili wake kwa kupitia ubatizo wake, hii ni kwa sababu Yehova alimtwisha Yesu dhambi zetu zote, na kwa kuwa dhambi zote za ulimwengu zilipitishwa kwenda kwa Yesu kwa kupitia ubatizo wake. Basi haijalishi jinsi hisia za mioyo yetu zinavyoweza kuwa dhaifu, na haijalishi jinsi tunavyoweza kuwa na mapungufu kwa matendo yetu, ukweli ni kuwa tumefanyika kuwa wenye haki na tumeokolewa kikamilifu kwa Neno la nyuzi za bluu lililoandikwa katika Biblia. Tunapoiangalia miili yetu, ukweli ni kuwa hatuwezi kutukuzwa, lakini kuwa imani hii ya nyuzi za bluu, zambarau, na nyekundu katika mioyo yetuyaani kwa kuwa tuna injili ya maji na Roho kamilifu inayotueleza kwamba Yesu alizichukua dhambi zetu zote katika mwili wake kwa kupitia ubatizo wake na kisha akaibeba adhabu yetu Msalabani-hapo tunaweza kwa ujasiri na pasipo hofu kuizungumzia injili. Kwa kuwa tunayo injili ya maji na Roho ndio maana tunaweza kuishi kwa imani kama wenye haki, na pia

tunaweza kuihubiri imani hii yenye haki kwa watu.

Kwa kweli hatuna namna ya kuweza kumshukuru Bwana vya kutosha kutokana na neema yake. Kwa kuwa wokovu wetu haukutujia ovyovyo, basi kwa kweli tunashukuru sana kwa ajili ya wokovu huo. Wokovu ambao tumeupokea si kitu kidogo ambacho mtu yeyote anaweza kukipokea hata kama anaamini isiyo. Kuliitia jina la Bwana kwa kuitegemea akili binafsi kwa kusema, "Bwana, Bwana," hakumaanishi kwamba yeyote anayefanya hivyo anaweza kuokolewa. Kwa kuwa tuna ushahidi katika mioyo yetu kwamba dhambi zetu zimetoweka kwa kupitia injili ya maji na Roho, kwamba Bwana ametuokoa kikamilifu kwa nyuzi za bluu, zambarau, na nyekundu na kitani safi ya kusokotwa, basi ndio maana tunashukuru sana kwa ajili ya wokovu huu.

Biblia inatueleza kwamba yeyote anayemwamini Yesu Kristo aliye Mwana wa Mungu anao ushuhuda huu katika moyo wake (1 Yohana 5:10). Kama hakuna ushuhuda katika mioyo yetu, basi tutakuwa tunamfanya Mungu kuwa mwongo, hivyo sisi sote tunapaswa kuwa na ushuhuda huu mkamilifu katika mioyo yetu. Kwa hiyo, hakuna sababu ya kukatishwa tamaa na wale ambao wanakupa changamoto na kisha kudai, "Nionyeshe ushahidi kwamba umeokoka. Unasema kwamba wanapopokea ondoleo la dhambi, wanampokea pia Roho Mtakatifu kama karama, na kwamba kuna ushahidi wa wazi wa wokovu. Nionyeshe ushahidi huu." Unaweza kuonyesha ushahidi huo kwa ujasiri kama ifuatavyo: "Ninayo ndani yangu injili ya maji na Roho ambayo kwa hiyo Yesu ameniokoa kikamilifu. Kwa kuwa nimeokolewa kikamilifu na Yesu, basi sina dhambi."

Kama hauna ushahidi wa wokovu wako katika moyo wako, basi ni wazi kuwa haujaokoka. Haijalishi jinsi watu wanavyoweza kumwamini Yesu kwa nguvu zao zote, ukweli ni kuwa tendo hili peke yake haliufanyi wokovu wao. Huu ni upendo tu wa kawaida. Ni upendo ambao haufikiri jinsi mtu mwingine anavyoweza kujihisi na kujifikiria. Kama mtu fulani ambaye hatuwezi kumpenda ana moyo unaopapatika, huku akitarajia kitu toka kwetu, na kuuhisi upendo, na huku akituangalia kana kwamba anataka kufa kwa sababu ya upendo, hii haimaanishi kwamba na sisi tutapaswa kumpenda mtu huyo. Vivyo hivyo, Mungu hawakumbatii wale ambao hawajapokea ondoleo la dhambi zao eti kwa sababu mioyo yao ina mlilia Mungu. Na hili ndilo tendo la upendo wa kawaida wa wenye dhambi kwa Mungu.

Tunapompenda Mungu, tunapaswa kumpenda kwa kuliamini Neno lake katika ukweli. Upendo wetu kwa Mungu haupaswi kuwa wa upande mmoja. Tunapaswa kumwambia Mungu juu ya upendo wetu kwake, lakini kwanza tunapaswa kuchunguza ikiwa Mungu anatupenda kabla hatujaanza kumpenda. Kama tutalitoa pendo letu lote kwa mtu ambaye hatupendi, basi ni wazi kuwa hatimaye tutavunjika moyo.

Bwana wetu ametuvika utukufu wa wokovu toka katika dhambi zetu ili tusiweze kuadhibiwa kwa sababu ya dhambi hizo. Bwana ameturuhusu kuingia katika Ufalme wa Mungu na kisha kuishi na Mungu, na ametupatia karama inayotuwezesha kupokea ondoleo la dhambi kwa kupitia neema ya Mungu. Wokovu wa Mungu umetuletea baraka nyingi za kiroho za Mbinguni. Kwa maneno mengine, huu wokovu pekee ambao Mungu ametupatia umetuwezesha kupokea baraka hizo zote toka kwa Mungu.

Wokovu Ambao Yesu Mwenyewe Ametupatia

Bwana wetu ametuokoa kwa kupitia nyuzi za bluu,

Omba kitabu cha bure katika tovuti ya www.nlmission.com

zambarau, na nyekundu. Ametupatia wokovu ulioundwa kwa nyuzi tatu tofauti. Wokovu huu wa nyuzi za bluu, zambarau, na nyekundu si kitu kingine bali ni karama ya wokovu iliyotolewa na Mungu. Ni karama hii ya wokovu ndio inayotuwezesha kuingia na kuishi ndani ya Mahali Patakatifu.

Injili ya maji na Roho imetugeuza wewe na mimi na kuwa wenye haki. Imeturuhusu kuingia katika Kanisa la Mungu na kisha kuisha maisha ya usafi. Pia injili hii ya kweli imetuwezesha kujilisha Neno la Mungu la kiroho na kisha kuipokea neema yake. Pia injili hii imeturuhusu kwenda mbele ya kiti cha enzi cha neema ya Mungu na kuomba, na kwa sababu hiyo injili hiyo imetupatia imani ambayo kwa hiyo twaweza kuichukua neema ya kutosha iliyotolewa na Mungu kwetu. Mungu ametufanyia baraka hiyo kubwa kwa kupitia wokovu huu pekee. Na hii ndio maana wokovu ni wa thamani sana.

Mungu alitueleza kuzijenga nyumba zetu za kiimani katika mwamba (Mathayo 7:24). Mwamba huu si mwingin bali ni wokovu wetu unaokuja kwa kupitia injili ya maji na Roho. Kwa hiyo, sisi sote ni lazima tuishi maisha ya kiimani kwa kuokolewa—na kisha kufanyika wenye haki kwa kuokolewa, na kisha kuufurahia uzima wa milele kwa kuokolewa, na kisha kuingia Mbinguni kwa kuokolewa pia.

Nyakati za mwisho za ulimwengu huu zinakaribia. Hivyo, katika nyakati hizi, kuna kila sababu ya watu kuokolewa kwa kupitia Neno halisi. Kuna baadhi ya watu wanaosema kwamba mtu anaweza kuokolewa kwa kumwamini Yesu pasipo kuifahamu imani hii ya nyuzi za bluu, zambarau, na nyekundu, na kwamba hakuna sababu ya kuzungumzia maisha ya kiimani, kwa kuwa inatosha mtu kuokolewa kwa namna hii.

Hata hivyo, sababu inayonifanya niendelee kurudirudia kulisema hili ni kwa sababu ni wale tu waliopokea ondoleo la dhambi katika mioyo yao ndio wanaoweza kuishi maisha ya kiimani yaliyothibitishwa na Mungu. Kwa kuwa moyo wa kila mtakatifu aliyepokea ondoleo la dhambi ni hekalu takatifu ambapo Roho Mtakatifu anakaa ndani yake, basi wale waliozaliwa tena upya ni lazima waishi maisha yao ya kiimani ili wasiuchafue utakatifu huu.

Jinsi wenye haki wanavyoishi maisha yao ni tofauti sana na jinsi wenye dhambi wanavyoishi. Toka katika mtazamo wa Mungu, jinsi wenye dhambi wanavyoishi ni nje kabisa ya viwango vya Mungu. Maisha ya wenye dhambi yamejawa na unafiki tu. Wanajaribu kwa juhudi sana kuishi kwa mujibu wa Sheria. Wanajiwekea viwango vyao binafsi vya jinsi wanavyopaswa kutembea, na jinsi wanavyopaswa kucheka.

Lakini hii ni tofauti sana na jinsi wenye haki wanavyoishi. Mungu anawaeleza wenye haki kwa kina, "Mpende Bwana Mungu wako kwa moyo wako wote na kwa nguvu zako zote na mpende jirani yako kama nafsi yako." Hii ndio aina ya maisha ambayo Mungu amewapatia wenye haki. Hivyo ni sahihi kwetu wenye haki kuishi maisha yetu kwa kumpenda Mungu kwa mioyo yetu yote, na kwa kuyafuata mapenzi yake kwa nguvu zetu zote. Ili kuwaokoa majirani zetu, basi ni lazima tuwekeze mara nyingi katika kazi ya Mungu. Na haya ndiyo maisha ya Wakristo.

Kama tutabakia katika kiwango ambapo tutakuwa tunafikiria kwamba hatutendi dhambi, basi ni wazi kuwa hatuwezi kuyafuata maisha ya uaminifu ya Wakristo waliozaliwa tena upya. Kabla sijazaliwa tena upya, nilikuwa nikiishi maisha ya kisheria na ya kiimani katika dhehebu la kihafidhina la Presibeteriani, na kwa mujibu wa maisha ya Kisheria yalivyo, binafsi nilijaribu sana kuifuata Sheria. Siku hizi, watu wengi wanajaribu kutofanya mambo haya, lakini kwa kuwa nimekuwa nikiishi maisha ya kidini kwa muda mrefu, basi nilikuwa hodari sana katika kuishika Sheria katika maisha yangu

ya kila siku. Kwa kweli niliiheshimu sana Sheria kiasi kuwa nilikuwa sifanyi kazi Siku ya Bwana, kwa kuwa Sheria inaamuru kwamba tuikumbuke Sabato na kuifanya takatifu kiasi kuwa sikuweza hata kupanda gari siku ya Jumapili. Kama ningelikuta uishi kama nilivyokuwa ninaishi, basi nina hakika kwamba asingelikuwapo hata mmoja ambaye angeliishi maisha ya kisheria kama hayo. Hivyo, kabla sijazaliwa tena upya maisha yangu ya kiroho yalikuwa hivyo. Hata hivyo, haijalishi jinsi nilivyokuwa mcha Mungu, maisha ya jinsi hiyo hayakuyapendeza mapenzi ya Mungu na yalikuwa hayana maana.

Ndugu wasomaji, je, mna imani ya nyuzi za bluu, zambarau, na nyekundu? Kwa kuwa wokovu wa Yesu unapatikana katika nyuzi hizi tatu, basi hapo tunaweza kupaingia Mahali Patakatifu kwa imani yetu. Wokovu wetu ulitimizwa miaka 2000 iliyopita. Hata kabla hatujafikia hatua ya kumfahamu Yesu Kristo, Yeye alikuwa ameshazichukua dhambi zetu zote katika mwili wake kwa kubatizwa na kwa kuibeba adhabu ya dhambi kwa kufa Msalabani.

Wokovu Toka Katika Dhambi Umepangwa Katika Yesu Kristo

Wakati wale ambao hawajazaliwa tena upya wanapoingia katika Hema Takatifu la Kukutania, hawaingii kwa kupitia lango la ua wake, bali wao huruka wigo kimakosa. Wanasema, "Kwa nini pazia la wigo la kitani safi ni jeupe hivyo? Kwa kweli inakera. Wangelitia rangi nyekundu na ya bluu. Maana hizo ndizo rangi za kisasa siku hizi. Lakini wigo huu ni mweupe mno kupita kiasi. Na kwa nini wigo huu ni mrefu hivyo? Ni zaidi ya mita 2. 25. Urefu wangu binafsi haufikii hata mita 2; ninawezaje

kuingia ndani wakati wigo ni mrefu kiasi hicho? Sawa, nitapanda kwa kutumia ngazi!"

Watu wa jinsi hiyo wanajaribu kuingia katika Hema Takatifu la Kukutania kwa kutegemea matendo yao mema. Wanaupanda wigo wa ua wa Hema Takatifu la Kukutania huku wakiwa na sadaka zao, kazi za hisani, na uvumilivu, na wanauruka wigo huku wakisema, "Nina hakika kwa namna yoyote ile ninaweza kuruka na kuzipita hizi mita 2. 25." Hivyo baada ya kuwa wameupandia ua wa Hema Takatifu la Kukutania, wanaacha kuiangalia madhabahu ya sadaka ya kuteketezwa na wanakaza kupaangalia Mahali Patakatifu, na hivyo kitu cha kwanza wanachokiona ni birika likiwa mbele ya mahali hapo.

Kimo cha nguzo za wigo wa ua wa Hema Takatifu la Kukutania kilikuwa ni mita 2. 25, lakini kimo cha nguzo pamoja na pazia la mlango wa Mahali Patakatifu ambapo Mungu aliishi kilikuwa ni mita 4. 5. Watu wanaweza kuingia katika ua wa Hema Takatifu la Kukutania kwa kutegemea nia zao ikiwa wamedhamiria. Lakini hata kama wakiuruka wigo wenye kimo cha mita 2. 25 na kisha kuingia katika ua wa Hema Takatifu la Kukutania, basi watakapojaribu kuingia mahali ambapo Mungu anaishi watakutana na nguzo na mapazia ya Mahali Patakatifu zenye kimo cha mita 4. 5. Watu wanaweza kuruka mita 2. 5 kwa jitihada zao binafsi. Lakini hawawezi kuruka kimo cha mita 4. 5 kilichowekwa na Mungu. Hapa ndipo ukomo wao.

Hii ina maanisha kwamba tunapomwamini Yesu kwa mara ya kwanza, tunaweza kumwamini kwa mtindo wa kidini tu. Pia baadhi ya watu wanaweza kumwamini Yesu kuwa ni Mwokozi wao kwa kutegemea nia zao binafsi, kisha wakaamini kwamba Mwokozi wao ni mmoja kati ya wenye hekima wanne. Bila kujalisha jinsi watu wanavyoamini, ukweli ni kuwa wanaweza kuwa na imani wanayoitaka, lakini ni hakika kwamba hawawezi kuzaliwa tena upya kwa kupitia imani.

Ili kuzaliwa tena upya, watu hao wanapaswa kulipitia lango la nyuzi za bluu, zambarau, na nyekundu kwa imani. Tunazaliwa tena upya mbele za Mungu kwa kuamini kwamba Yesu ni Mwokozi wetu na mlango wa ukweli, na kwamba ametuokoa kwa kupitia maji, damu, na Roho. Imani inayoamini katika kazi za Yesu zilizo dhihirishwa katika nyuzi tatu si nyingine bali ni imani ya maji, damu na Roho. Watu wapo huru kuamini kitu kingine chochote, lakini hakuna uthibitisho wowote mkamilifu unaoonyesha kwamba wanaweza kuokolewa na kubarikiwa kwa kuamini hivyo. Tunaweza kupokea kuthibitishwa na Mungu na neema kuu na baraka za wokovu wa Mungu kwa imani yetu tu katika injili ya maji na Roho. Lengo la imani hii katika injili ya maji na Roho ni kutuvika neema ya Mungu.

Je, unalichukulia Hema Takatifu la Kukutania kuwa ni ua wenye umbo la mstatili likiwa na nyumba ndani yake? Kama unaamini hivi basi tambua kuwa imani hiyo haiwezi kuwa na manufaa yoyote kwako. Hema Takatifu la Kukutania inatueleza juu ya imani kamilifu, na kwa sababu hiyo tunapaswa kuifahamu imani hiyo.

Kama hulifahamu Hema Takatifu la Kukutania vizuri, unaweza kufikiri kwamba urefu wa Hema Takatifu la Kukutania ni sawa na urefu wa wigo wake wa mita 2.25. Lakini siyo hivyo. Hata kama tungelikuwa hatujaingia katika ua na kisha tukaliangalia Hema Takatifu la Kukutania tokea nje ya wigo, kwa hakika tungeliweza kuona kwamba Hema Takatifu la Kukutania lilikuwa ni refu mara mbili ya ua wake. Ingawa tusingeliweza pia kuona sehemu ya chini ya Hema Takatifu la Kukutania, ni wazi kuwa tungeliweza kuuona mlango wake kwa ufasaha jambo ambalo linatuonyesha kwamba Hema Takatifu la Kukutania ni refu kwa kimo kuliko ua wake.

Wale waliopokea ondoleo la dhambi zao kwa kumwamini Yesu kiusahihi na hivyo kuingia kwa kupitia lango la ua wa Hema Takatifu la Kukutania ni lazima waithibitishe hii imani sahihi katika madhabahu ya sadaka ya kuteketezwa na katika birika, na hapo ndipo wanapoweza kupaingia Mahali Patakatifu. Ili kupaingia Mahali Patakatifu ni lazima kwanza kuwepo na kujikana. Vyombo vya Mahali Patakatifu ni lazima vitofautishwe na vyombo vyote vilivyokuwa nje ya Mahali Patakatifu.

Je, unafahamu kitu ambacho Shetani anakichukia kuliko vyote? Anachukizwa sana na kitendo cha kuchora mpaka kati ya ndani na nje ya Mahali Patakatifu. Kwa kuwa Mungu anafanya kazi ndani ya wale wanaoweza kuuchora mpaka kati ya ndani na nje ya Mahali Patakatifu, basi ndio maana Shetani anachukia mpaka huo unapochorwa na ajaribu kuwazuia watu wasiuchore mpaka huu. Lakini kumbuka jambo hili: Mungu anafanya kazi kupitia wale wanaouchora mpaka huu wa kiimani. Mungu anafurahishwa na watu kama hao wanaouchora mpaka huu unaotenganisha, na anawapatia baraka zake ili waweze kuishi ndani ya Mahali Patakatifu kwa imani yao inayong'aa.

Amini kwamba vyombo vyote nje ya ua wa Hema Takatifu la Kukutania na vifaa vyote vilivyotumika vimeandaliwa na kupangwa na Mungu ili kwamba watu waweze kupokea ondoleo la dhambi zao. Na unapoingia Mahali Patakatifu kwa kuamini katika ukweli huu, basi Mungu atakupatia neema kuu pamoja na baraka.

Kiti cha Rehema Ni Mahali Ambapo Tunapokea Neema ya Wokovu

Ndani ya Patakatifu pa Patakatifu, kulikuwa na makerubi mawili yaliyokuwa yameinua mabawa yao huku wakiuangalia mfuniko uliokuwa umelifunika Sanduku la Ushuhuda. Sehemu au nafasi kati ya hayo makerubi mawili inaitwa kiti cha rehema. Kiti cha rehema ni mahali ambapo Mungu anaitoa neema yake kwetu. Mfuniko wa Sanduku la Ushuhuda ulikuwa na madoa ya damu kutokana na Kuhani Mkuu kuinyunyiza mara saba damu ya sadaka ya kuteketezwa iliyotolewa na watu wa Israeli. Hivyo, Mungu alishuka katika kiti cha rehema na akaitoa rehema yake kwa watu wa Israeli. Baraka za Mungu, ulinzi, na mwongozo wake unaanza kwa wale wote wanaoliamini hili. Kuanzia wakati huo wanakuwa ni watu wa kweli wa Mungu na wanaweza kupaingia Mahali Patakatifu.

Miongoni mwa Wakristo wengi wa ulimwengu huu, kuna wale ambao imani yao imewaruhusu kupaingia Mahali Patakatifu, wakati wengine hawana imani kama hiyo inayowawezesha kupaingia Mahali Patakatifu. Wewe una imani ipi? Tunahitaji imani inayoweza kuuchora mpaka wa wokovu na kisha kupaingia Mahali Patakatifu pa Mungu, maana ni kwa kufanya hivyo tu ndipo tunapoweza kubarikiwa sana na Mungu.

Lakini si rahisi kuwa na aina hii ya imani. Kwa kuwa Shetani anachukia wakati watu wakiuchora mpaka huu wa wokovu, basi ndio maana ajaribu kila wakati kuufuta mpaka huu. "Hupaswi kuamini kwa namna hii, kwa nini unaiwekea mkazo sana imani hii na kisha kuirudiarudia? Potezea, hebu endelea kufuata mtiririko mwingine." Huku akisema maneno kama hayo, Shetani anajaribu kuuchanganya mpaka huu wa wokovu. Pia Shetani anaufunua udhaifu wetu wa kimwili na anajaribu kuugeuza kuwa matatizo. Je, wewe utakuwa ni miongoni mwa wale wanaousikia uongo wa Shetani unaojaribu kututenganisha na Mungu? Au utaishi maisha yako kwa kujikumbusha juu ya wokovu wako kila siku, hali ukiungana na Kanisa, na kulifuata Neno la Mungu, na kuishi maisha ya maombi, na kisha kupokea neema ambayo Mungu amekupatia?

Kwa kweli, wale waliopokea ondoleo la dhambi

wanapenda kuutafakari wokovu wao mara nyingi kadri wawezavyo. Wanapenda kuitafakari injili ya maji na Roho tena na tena. Kutafakari juu ya injili ni kitu cha muhimu sana kwako. Je, haupo hivyo? "Shabash, je, hii ni hadithi tena tunapokuwa tumeokoka? Vifaa vya hadithi vinaweza kuwa tofauti, lakini bado ni hadithi ile ile. Ninachoshwa sana na hadithi hiyo!"

Je, kuna yeyote anayeweza kusema hayo? Kwa kweli nitakuwa ni mtu wa kuonewa huruma kama nitafikia hatua ya kusema maneno kama hayo, lakini wakati Biblia inasema tunapaswa kutafakari juu ya wokovu wetu kila siku, basi hapo tutafanya nini? Wakati Agano la Kale na Agano Jipya linatueleza juu va injili va maji na Roho, basi kama watu watahubiri jambo jingine zaidi ya hili, hapo ndipo jambo hilo litakapokuwa ovu mbele za Mungu. Neno lote la Biblia linazungumza juu ya injili ya maji na Roho. "Wokovu, maisha ya kiimani, imani, kuishi kiroho, vita dhidi ya Shetani, Mbingu, utukufu, neema, baraka, ufufuo, uzima wa milele, tumaini, na Roho Mtakatifu"—mambo haya yote makuu ya watakatifu yanahusiana na injili hii ya kweli. Kuongea kitu chochote zaidi ya mambo haya ni uzushi na mafundisho ya uongo. Kitu kinachoonekana kinafanana kwa sura lakini ni tofauti kwa yaliyo ndani hicho kitu basi hicho ni mafundisho ya uongo. Injili zinazoonekana zinafanana kwa nje lakini kwa ndani ni tofauti na injili ya maji na Roho basi injili hizo zote ni injili potofu na bandia za dini za uongo.

Je, ni jambo la kufurahisha kiasi gani kuona Kanisa la Mungu likilieneza Neno la Mungu kila siku, na si maneno ya uongo ya dini? Ni baraka kwamba tumeunganishwa na Kanisa la Mungu, tunalisikia na kuliamini Neno halisi la Mungu. Kwa kuihubiri injili ya maji na Roho wakati wote, Kanisa la Mungu linawawezesha watakatifu kuifikiria neema ya Mungu kila siku, kumwomba Mungu, na kumheshimu Mungu, na kuishi maisha

ambayo hayafuati uovu. Je, hauna furaha kwa sababu umesikiliza mara moja na kuliamini Neno la ukweli linalokuwezesha kupokea ondoleo la dhambi? Mimi nina furaha sana.

Kama tungelilazimishwa kuhubiri kitu kingine zaidi ya injili ya maji na Roho, basi ni hakika kwamba ningeliteseka sana. Kama ningelilazimishwa kuyahubiri mawazo ya wanadamu badala ya Neno la wokovu, kwa hakika ningelitamani kutoroka. Si kwa sababu sina mambo mengine ya kuongea. Kuna mambo mengine mengi sana ambayo ninaweza kuyashughulikia, bali mambo haya yote si ya muhimu na mafundisho yenye chachu kwetu sisi tuliozaliwa tena upya.

Hii injili ya maji na Roho ambayo kwa hiyo Yesu, Mungu Mwenyewe ametuokoa ni Neno la Mungu la thamani ambalo linatupatia utamu tunapolitafuna mara kwa mara. Kuna hadithi nyingine nyingi ambazo ninaweza kukueleza, lakini ninapendelea zaidi wakati ninapozungumzia juu ya injili ya maji na Roho ambayo inatuokoa. Na hapo ndipo ninapofurahishwa. Ninakuwa na furaha zaidi ninapouzungumzia wokovu huu, kwa sababu huo ndio wakati ninapoweza kukumbuka zamani na kuona jinsi Bwana alivyoniokoa, na kisha kumshukuru tena na kujilisha mkate wa wokovu.


Nina hakika kwamba hata wewe unafurahi zaidi unapolisikia Neno la wokovu. Pengine unaweza kulalamika kwamba ni hadithi ile ile kila siku, lakini kwa ndani unaweza kujisema, "Sasa ninaposikia kwa mara nyingine habari hii inakuwa bora zidi. Mara ya kwanza haikuwa nzuri kiasi hiki, lakini ninapoendelea kuisikiliza, ninaona kwamba hakuna habari nyingine ambayo inastahili kusikilizwa kuliko hii. Nilidhani habari ya leo itakuwa ya kipekee, lakini hitimisho lake linaonyesha kwamba ilikuwa ni habari ile ile tena. Lakini bado nina furaha." Nina hakika kwamba hivi ndivyo moyo wako


unavyofikiri.

Kaka zangu na akina dada, ninachokihubiri hapa ni Neno la Yesu. Wahubiri ni lazima wahubiri Neno la Yesu. Kanisa la Mungu linapaswa kuhubiri kile ambacho Yesu amekifanya kwa kupitia Neno lililoandikwa la maji na Roho. Sasa tunaishi maisha yetu ya kiimani Kanisani. Tunapaingia Mahali Patakatifu, tunauwasha moto katika kinara cha taa chenye matawi saba kilichotengenezwa kwa kuipondaponda talanta ya dhahabu safi, tunakula mkate ndani ya nyumba ya dhahabu safi, tunaomba mbele ya madhabau ya uvumba, tunakweda katika Hekalu la Mungu na kisha kumwabudu Mungu—kwa kweli matendo haya yote ndio maisha yetu ya kiroho.

Wewe na mimi tunaishi sasa maisha yetu ya kiimani yaliyotolewa na Mungu. Maisha ndani ya Nyumba na Mungu yanahusisha kupokea ondoleo la dhambi na kisha kuishi maisha safi ya kiimani. "Kwa hiyo hatulegei; bali ijapokuwa utu wetu wa nje unachakaa, lakini utu wetu wa ndani unafanywa upya siku kwa siku" (2 Wakorintho 4:16). Nafsi zetu zinaishi katika Nyumba ya Mungu inayong'aa kwa dhahabu kwa imani yetu katika nyuzi za bluu, zambarau, na nyekundu, na kitani safi ya kusokotwa zilizodhihirishwa katika Hema Takatifu la Kukutania.

Ninamtolea Mungu shukrani zangu kwa kutuokoa toka katika dhambi zetu zote pamoja na adhabu yake. Halleluya!





Unaweza Kupakua Vitabu vya Kikristo vya Mchungaji Paul C. Jong katika Kompyuta, Kompyuta-Kibao, au kwenye Simu-Mahiri

Nguzo za Ua wa Hema Takatifu la Kukutania

< Kutoka 27:9-19 >

"Nawe fanya ua wa maskani; upande wa kusini wa kuelekea kusini kutakuwa na chandarua ya nguo ya kitani nzuri yenye kusokotwa, kwa huo ua, urefu wake upande mmoja utakuwa ni dhiraa mia; na nguzo zake zitakuwa nguzo ishirini, na matako yake ishirini, matako yake vatakuwa va shaba; kulabu za zile nguzo na vitanzi vyake vitakuwa vya fedha. Ni vivyo upande wa kaskazini, urefu wake hiyo chandarua utakuwa ni dhiraa mia, na nguzo zake ishirini, na matako yake ishirini yatakuwa ya shaba; kulabu za zile nguzo na vitanzi vyake vitakuwa vya fedha. Na upande wa magharibi, upana wa ua kutakuwa na chandarua ya dhiraa hamsini; nguzo zake kumi, na matako yake kumi. Na upana wa ule ua upande wa mashariki kuelekea mashariki utakuwa ni dhiraa hamsini. Chandarua upande mmoja wa lango itakuwa dhiraa kumi na tano upana wake; nguzo zake zitakuwa tatu na matako yake matatu. Upande wa pili ni vivyo chandarua ya dhiraa kumi na tano; nguzo zake tatu, na matako yake matatu. Na kwa lile lango la ua patakuwa na kisitiri cha dhiraa ishirini, kitakuwa cha nguo ya rangi ya samawi, na ya rangi ya zambarau, na nyekundu, na kitani nzuri yenye kusokotwa, kazi ya mshona taraza; nguzo zake zitakuwa nne, na matako yake manne. Nguzo zote za ule ua ziuzungukazo pande zote zitakuwa na vitanzi vya fedha; kulabu zake za fedha, na matako yake ya shaba. Urefu wa huo ua utakuwa dhiraa mia, na upana wake

utakuwa dhiraa hamsini kotekote, na kwenda juu kwake dhiraa tano; yawe ya nguo ya kitani nzuri, na matako yake yatakuwa ya shaba. Vyombo vyote vya maskani vitumiwavyo katika utumishi wake wote, na vigingi vyake vyote, na vigingi vyote vya ule ua, vitakuwa vya shaba."

Kifungu hiki kinaelezea juu ya nguzo, lango la pazia, mapazia ya kitani safi ya kusokotwa, mikanda, vishikizio, vikuku vya shaba, na vigingi vya shaba vya ua wa Hema Takatifu la Kukutania. Hema Takatifu la Kukutania lilikuwa ni mahali ambapo Mungu alikaa. Kipimo cha huo ua wa mstatili ulikuwa ni takribani mita 45 (kwa upande wake wa kaskazini na kusini) kwa mita 22.5 (katika upande wake wa mashariki na magharibi). Kimsingi, Hema Takatifu la Kukutania lilikuwa na umbo dogo lililokuwa na paa la lililokunjwa mara nne. Kwa upande mwingine, ua wa Hema Takatifu la Kukutania ulikuwa ni mpana kama uwanja wa wazi.

Nguzo za ua zilikuwa na kimo cha mita 2.25, na mzingo wa wa huo ua ulikuwa umejengwa kwa jumla ya nguzo 60 za mbao zilizokuwa na mapazia ya kitani safi ya kusokotwa katika pande zote isipokuwa katila lango la kuingilia katika huo ua. Ua huo ulitengenezwa kwa nguzo hizo za mbao, na zilikuwa na vifuniko vya fedha vilivyozifunika, na pia zilikuwa na vikuku vya shaba. Katika vile vifuniko vya fedha kulikuwa na vishikizio viwili vya fedha, kisha kulikuwa na mikanda mirefu ya fedha iliyokuwa imeshikizwa katika hivyo vishikizio ili kuzifanya nguzo ziweze kusimama. Kwa pale ardhini, hii mikanda ya fedha ilishikizwa katika vigingi vya shaba ili kuzifanya nguzo ziwe imara.

Ni Maana Zipi Za Kiroho Zinazodhihirishwa Katika Nguzo za Hema Takatifu la Kukutania?

Nguzo za ua wa Hema Takatifu la Kukutania zinatueleza nini? Zinatueleza kwa wazi jinsi Yesu Kristo alivyotuokoa kila mmoja wetu toka katika dhambi za ulimwengu. Nguzo za mbao za ua wa Hema Takatifu la Kukutania zina maanisha ni wewe na mimi—yaani, kila mtakatifu aliyezaliwa tena upya. Sasa, vikuku vya shaba chini ya hizo nguzo za mbao za ua zinatueleza nini? Zinatueleza kwamba pamoja na ukweli kwamba hatukuweza kukwepa kukabiliana na adhabu kwa sababu ya dhambi zetu, ni hakika kwamba Mungu ametuokoa toka katika dhambi zetu zote.

Kwa upande mwingine, kule kusema kwamba nguzo za mbao zilikuwa zimefunikwa kwa vifuniko vya fedha kunatueleza kwamba Mungu ametupatia karama ya wokovu kwa kuwaokoa wenye dhambi wote toka katika dhambi zao na makosa kwa kupitia injili ya nyuzi za bluu, zambarau, na nyekundu. Kule kusema kwamba vishikizio vya fedha viliwekwa katika vifuniko hivi vya fedha, na kwamba mikanda ya fedha ilishikizwa katika hivi vishikio na katika vigingi vya shaba vilivyokuwa ardhini kunatueleza kwamba ingawa tulikuwa tukikabiliana na kifo kisichokwepeka kwa sababu ya dhambi zetu, Bwana wetu ametupatia karama ya ondoleo la dhambi kwa kupitia Ukweli wa nyuzi za bluu, zambarau, na nyekundu na kitani safi ya kusokotwa—yaani kwa kupitia injili ya wokovu.

Kwa namna hii, nguzo za ua wa Hema Takatifu la Kukutania zinatuonyesha juu ya ukweli kwamba Bwana ametuokoa toka katika dhambi zetu zote kwa kuja hapa duniani, kwa kubatizwa na Yohana Mbatizaji, na kwa kuibeba hukumu yote ya dhambi, na kwa kujitoa Mwenyewe na damu yake ya thamani Msalabani. Kwa maneno mengine, hizo nguzo

zinatuonyesha juu ya karama ya ondoleo la dhambi, kwamba Bwana ametuokoa kikamilifu toka katika dhambi zetu zote na ametufanya sisi kuwa watu wa Mungu. Hizi nguzo za mbao zilizokuwa zikiunda wigo kuzunguka ua wa Hema Takatifu la Kukutania zinatueleza kwamba Bwana wetu amewaokoa wenye dhambi wote toka katika dhambi za ulimwengu kikamilifu mara moja na kwa wote kwa huduma ya nyuzi za bluu, zambarau, na nyekundu, yaani kwa kubatizwa na kwa kuimwaga damu yake Msalabani. Kwa kuwa ukweli huu ni wa uhakika sana, kwa kweli siwezi kufanya lolote zaidi ya kushukuru kwa ajili ya ukweli huo na kisha kuueneza katika ulimwengu mzima.

Vikuku vya Shaba Chini ya Nguzo

Vikuku vya nguzo zilizokuwa zimesimama katika huu wigo vilikuwa vimetengenezwa kwa shaba wakati vifuniko vilivyokuwa juu ya nguzo, vishikizio vyake, na mikanda yake vilikuwa vimetengenezwa kwa fedha.

Marko 7:21-22 inasema, "Kwa maana ndani ya mioyo ya watu hutoka mawazo mabaya, uasherati, wivi, uuaji, uzinzi, tamaa mbaya, ukorofi, hila, ufisadi, kijicho, matukano, kiburi, upumbavu." Kila mmoja wetu alizaliwa na dhambi hizi katika moyo wake. Na hii ndio sababu Mungu anatueleza kwamba tumefungwa kuendelea kuishi maisha yetu yote yaliyosalia hadi pale mauti itakapotukuta katika dhambi, na kwamba hatuwezi kufanya lolote zaidi ya kuendelea kuishi katika namna hii ya dhambi. Na kama tukilikiri Neno hili kama lilivyo, basi hatuwezi kufanya lolote zaidi ya kukiri kwamba asili yetu ni ya dhambi na kwamba hatuwezi kuikwepa hukumu yetu ya dhambi.

Hata hivyo, Bwana wetu ametuokoa sisi viumbe tuliokuwa kwenye shida toka katika dhambi zetu zote kwa nyuzi za bluu,

zambarau, na nyekundu. Kwa kuwa Bwana wetu alizichukulia mbali dhambi zetu kwa kuzipokea katika mwili wake kwa kupitia ubatizo alioupokea toka kwa Yohana Mbatizaji, basi ndio maana aliweza kuzibeba dhambi za ulimwengu kwenda Msalabani na kisha kubeba adhabu kwa ajili ya dhambi hizo zote. Hivi ndivyo Yesu alivyotuokoa toka katika dhambi zetu zote.

Kwa kweli hatuna namna ya kutosha kumshukuru Mungu kwa ajili ya tendo hili! Kwa kweli huu ndio wokovu ambao kwa huo ametukomboa toka katika dhambi zetu zote hata wakati tukiwa tumefungwa ili kwenda kuzimu kwa sababu ya dhambi zetu, na kwa kweli hii ndio karama ya thamani zaidi katika ulimwengu mzima. Kwa kweli hakuna tunachoweza kukifanya zaidi ya kuinamisha vichwa vyetu mbele za Bwana, na kisha kuiamini injili iliyotuokoa kwa ukweli wa nyuzi za bluu, zambarau, na nyekundu, na kisha kuendelea kumshukuru Bwana kwa ajili ya wokovu huo. Kwa kupitia vifaa vilivyotumika katika nguzo za ua wa Hema Takatifu la Kukutania, Mungu anatuonyesha kwamba wokovu wa Bwana wetu ni ukweli mkamilifu ambao haujapungukiwa chochote kile.

Mafumbo yote ya vifaa vya kujengea vya Hema Takatifu la Kukutania yanatatuliwa kwa kupitia maana ya nyuzi za bluu, zambarau, na nyekundu na kitani safi ya kusokotwa. Fumbo la wokovu ni ule ukweli ambao hauwezi kutatuliwa pasipo injili ya nyuzi za bluu, zambarau, na nyekundu na kitani safi ya kusokotwa. Maana zote za utaratibu wa Hema Takatifu la Kukutania, pamoja na siri ya utaratibu wake wa sadaka ya kuteketezwa zimefichwa katika nyuzi hizi za bluu, zambarau, na nyekundu na kitani safi ya kusokotwa.

Kimsingi, mbele za Mungu, kwa kweli wewe na mimi tulikuwa ni viumbe ambao hatukuwa na la kufanya zaidi ya kufungwa kwa sababu ya dhambi zetu. Kusema kweli, tunaendelea kufanya dhambi hata sasa, lakini hata katika udhaifu huo Bwana ametupatia ondoleo la dhambi kamilifu kwa nyuzi zake za bluu, zambarau, na nyekundu, tunapokea ondoleo hili la dhambi kwa kuamini katika karama hii ya wokou. Tumeweza kufanyika waridi wa Mungu ambao tutaufurahia utukufu na ukuu katika Ufalme wa Mungu kwa kuwa Mungu ametuokoa kikamilifu toka katika dhambi zetu zote na ametufanya kuwa watoto wake. Mbali na wokovu ambao Mungu ametupatia, kwa kweli hakuna njia nyingine ambayo kwa hiyo twaweza kuwa watoto wake waliozaliwa tena upya. Tunatoa shukrani zetu kwa Mungu kwa kuwa Bwana wetu ametuokoa toka katika dhambi zetu zote.

Kimsingi, tulikuwa hatufahamu kuwa sisi ni akina nani hasa kwa kuzingatia nafsi zetu, na tulikuwa tukipima nguvu ya dhambi zetu kwa kutumia vipimo vyetu binafsi. Lakini ukweli ni kuwa haijalishi ikiwa tumetenda dhambi kubwa au ndogo, hali halisi inatuonyesha kwamba sisi na kwa asili yetu ni watenda dhambi ambao tumefungwa kwenda kuzimu tangu tulipozaliwa, na hii haijalishi matendo yetu. Hata hivyo, Bwana wetu ametuokoa toka katika dhambi zetu zote kwa nyuzi za bluu, zambarau, na nyekundu na kitani safi ya kusokotwa. Kama vile Bwana alivyoahidi katika Agano la Kale, ukweli ni kwamba alikuja kwetu katika kipindi cha Agano Jipya, akazichukua dhambi zetu zote katika mwili wake kwa mujibu wa Neno la ahadi, alizibeba dhambi hizi kwenda Msalabani, akalipa mshahara wa dhambi zetu kwa sadaka yake ya kuimwaga damu yake Msalabani, na kwa sababu hiyo ametuokoa toka katika dhambi zetu zote na ametupatia karama ya wokovu. Hivi ndiyo wewe na mimi tulivyopokea karama ya wokovu toka katika dhambi zetu zote kwa kumwamini Yesu Kristo.

Kwa Nini Mapazia Meupe ya Kitani Yaliwekwa Juu ya Nguzo za Ua wa Hema Takatifu la Kukutania?

Jumla ya nguzo 60 ziliwekwa kuzunguka ua wa Hema Takatifu la Kukutania, na zilikuwa vimefunikwa kwa mapazia ya kitani safi ya kusokotwa. Mapazia haya yanatueleza kwamba ingawa tulikuwa ni viumbe wasio safi tukiwa tumetiwa madoa na dhambi zetu, na ukiachilia mbali ukweli kwamba tulistahili kuadhibiwa kwa sababu ya dhambi hizi kwa kwenda kuzimu, hata hivyo Bwana wetu ametusafisha kwa nyuzi za bluu, zambarau, na nyekundu na kitani safi ya kusokotwa. Kwa maneno mengine, mapazia yanatueleza ukweli kwamba Yesu Kristo ametusafisha toka katika dhambi zetu zote mara moja na kwa wote kwa kubatizwa na Yohana Mbatizaji.

Wakati Yesu alipokuja hapa duniani na kubatizwa na Yohana Mbatizaji, ambaye ni mwakilishi wa wanadamu, basi dhambi za ulimwengu zilipitishwa kwenda kwa Yesu. Baada ya kuwa amezipokea dhambi zote za ulimwengu, Yesu alisulubiwa na kuimwaga damu yake ili kubeba adhabu yote ya dhambi, kisha akafufuka tena toka kwa wafu. Na baada ya kufufuka toka kwa watu, Yesu amefanyika sasa kuwa ni Mwokozi wetu aliye hai. Hii ni karama ya wokovu ambayo Bwana wetu ameitimiza kwa kupitia huduma yake ya nyuzi za bluu, zambarau, na nyekundu na kitani safi ya kusokotwa; na huu ndio upendo wa Bwana wetu ambao umetusafisha toka katika dhambi zetu zote na kutufanya tusio na mawaa na wasio na mapungufu ili tuwe watu wa Mungu. Kwa tendo la kutupatia karama hii ya wokovu, Bwana wetu ametugeuza sisi tunaoamini katika ukweli huu kuwa watu wa Mungu mwenyewe.

Kitani safi inayoning'inia katika nguzo za Hema Takatifu la Kukutania inatueleza juu ya utakatifu wa Mungu, lakini inatueleza pia inazungumzia juu ya utakatifu wetu, yaani utakatifu wa waamini wa kweli. Kwa hiyo, ikiwa tunataka kuwa wana wa Mungu, basi sisi pia tunapaswa kusafishwa dhambi zetu zote na kuwa watakatifu kwa kuamini katika huduma ya Yesu ya nyuzi za bluu, zambarau, na nyekundu. Mungu anatueleza kwamba, "Basi mtakuwa watakatifu, kwa kuwa mimi ni Mtakatifu" (Mambo ya Walawi 11:45), lakini inawezekanaje basi kwa sisi kuwa watakatifu kwa kupitia matendo yetu? Kwa kuwa hatuwezi kukwepa kutenda dhambi hata kama tutajaribu kiasi gani, ni wazi kuwa hatuwezi kuwa watakatifu kwa kutegemea jitihada zetu binafsi. Lakini Bwana ametusafisha kikamilifu viumbe kama wewe na mimi kwa kupitia nyuzi zake za bluu, zambarau, na nyekundu. Hivi ndivyo wewe na mimi tulivyofanyika kikamilifu kuwa watu wa Mungu mwenyewe. Hakuna njia nyingine zaidi ya kuamini katika injili ya haki ya Mungu na kisha kuwa watakatifu kwa kusafishwa dhambi zetu zote.

Vikuku vya Shaba na Vigingi vya Shaba

Vifuniko vya fedha vilikuwa vimewekwa juu ya nguzo. Na vishikizio vya fedha na mikanda ya fedha vilikuwa vimeundwa ili kuzishikiza zile nguzo moja kwa nyingine. Kila nguzo ilikuwa imewekwa katika kikuku cha shaba. Kisha jozi ya vigingi viliifunga kila nguzo ya Hema Takatifu la Kukutania kuanzia juu hadi chini.

Hii inatuonyesha kwamba ingawa tulikuwa tumefungwa ili kuhukumiwa na kutupwa kwenda kuzimu kwa sababu ya dhambi, basi ni hakika kwamba Mungu ametufanya kuwa watu wake watakatifu kwa kutupatia karama ya wokovu ambayo imetukomboa toka katika dhambi zetu zote. Kwa kuwa Mungu ametufanya sisi kuwa watu wake watakatifu kwa kupitia neema

yake ya wokovu, basi ni hakika kwamba hatuwezi kufanya lolote zaidi ya kumsifu Mungu kwa neema yake. Baada ya kuwa tumemwamini Mungu kwa kupitia Neno hili la ukweli wa nyuzi za bluu, zambarau, na nyekundu na kitani safi ya kusokotwa, basi si tu kwamba tunamsifu Mungu, bali hatuwezi kufanya lolote jingine zaidi ya kulieneza hili Neno.

Kuna siku ambayo hatutendi dhambi yoyote ile? Kwa kweli hakuna hata siku moja! Hata sisi ambao tunaamini katika Neno la Mungu na ambao tumezaliwa tena upya kwa kupitia neema yake bado tunatenda dhambi kila siku. Ikiwa mtu fulani anatuchukia au si rafiki yetu wa kutosha, basi mara nyingi tunakimbilia kumlaani mtu wa jinsi hiyo. Tuseme ulikuwa unaendesha gari vizuri kwa amani barabarani halafu akatoke mtu akalichomeka gari lake kiasi cha kutaka kusababisha ajali mbali, je, hutamkasirikia huyo dereva mzembe? Kwa kweli jibu ni Ndio! Inawezekana nilimlaani yule dereva mzembe kwa sauti ya juu ya honi ya gari. Lakini hili ni jambo jema la kulifanya? Kwa kweli si jambo jema la kufanya, lakini tatizo ni kuwa sisi ni viumbe ambao hatuwezi kujizuia kutenda dhambi wakati wowote ule.

Sisi ni viumbe ambao tumepangiwa kwenda kuzimu kwa sababu ya madhaifu yetu. Hata hivyo, Mungu ametupatia "njia ile aliyotuanzia iliyo mpya, iliyo hai, ipitayo katika pazia, yaani, mwili wake" (Waebrania 10:20). Hii ni karama ya Mungu kamilifu ambayo imetimizwa na Yesu Kristo kwa mujibu wa mapenzi ya Mungu Baba.

Karama ya wokovu ambayo Mungu ametupatia ni ipi? Ametupatia karama ya wokovu toka katika dhambi, karama ambayo ilitimizwa kwa kupitia nyuzi nne za Hema Takatifu la Kukutania—yaani nyuzi za bluu, zambarau na nyekundu na kitani safi ya kusokotwa. Inawezekanaje basi tusimsifu Mungu kwa tendo hili? Wakati tunapokuwa tumepokea wokovu huu wa

kweli inawezekanaje basi tusiwe na amani katika mioyo yetu? Wokovu wetu hauwezi kupatikana kwa kulipa dhahabu au fedha, na wala si kama ukungu wa asubuhi ambao unatoweka mara moja mara baada ya kujitokeza, bali tumeokolewa kikamilifu na milele. Mungu aliwapenda sana wenye dhambi kiasi kamba aliwapatia neema yake ya wokovu kama karama ya bure, na Mungu ametufunika sisi waamini kwa haki yake kupitia karama hii.

Katika vifaa vya wigo wa ua wa Hema Takatifu la Kukutania, vikuku vyote na vigingi vilivyokuwa vikiigusa ardhi vilitengenezwa kwa shaba. Lakini vifuniko vilivyokuwa juu ya nguzo vilikuwa vimetengenezwa kwa fedha. Maelezo haya yote yanatuonyesha kwamba ukiachilia mbali ule ukweli kwamba tulikuwa tumefungwa ili kwenda kuzimu, ukweli ni kuwa tumefanyika kuwa watoto wa Mungu kwa kuipokea karama ya wokovu iliyotolewa na Bwana wetu. Kila mmoja wetu amepokea karama hii kwa kuamini katika Neno lake. Kufuatia jambo hili, wokovu tulioupokea toka katika dhambi una uhakika kwa kiasi gani? Hii ni karmaa ambayo Mungu ametupatia, ni uhakika wa wokovu wetu na baraka ambayo haiwezi kubadilika kamwe. Kwa kuwa tunalifahamu jambo hili ndio maana hatuna maneno ya kutosha ya kumshukuru Mungu kwa aliyotutendea.

Ule ukweli kwamba wewe na mimi tumeokolewa toka katika dhambi zetu zote kwa hakika hiyo ndiyo karama ya Mungu. Wokovu wetu si kitu kisicho kikamilifu ambacho kinaweza kutoweka wakati mapungufu yetu yanayojidhihirisha. Bwana wetu alikuja hapa duniani kwa ajili ya wenye dhambi kama wewe na mimi na akatupatia karama ya wokovu kwa nyuzi za bluu, zambarau na nyekundu na kitani safi ya kusokotwa. Kwa hiyo, wale wote wanaoamini katika ukweli huu wameokolewa milele toka katika dhambi zao zote. Kwa kuwa wokovu wa Bwana kwa wenye dhambi ni mkamilifu sana, na

kwa kuwa Bwana alikwisha shughulikia mapungufu yote, udhaifu wote, na mawaa yote ya miili yetu, basi ni hakika kwamba Bwana emtufanya sisi kuwa wakamilifu ili kwamba tusisumbuliwe na suala la dhambi tena. Wale wanaofahamu kwa usahihi na kuamini katika nyuzi za bluu zambarau, na nyekundu na kitani safi ya kusokotwa wameokolewa kikamilifu milele yote.

Kwa kuzingatia ukweli huu, karama hii ya wokovu ambayo Mungu ametupatia ni ya thamani kiasi gani? Kwa kweli ninashukuru sana kwa sababu ya karama hii ya wokovu, kwa kuwa imetuletea pumziko kubwa sana katika mioyo yetu na imetufariji na kutubariki sana. Bwana wetu analeta pumziko katika mioyo yetu. Na hii ndio sababu Bwana alisema, "Njoni kwangu, ninyi nyote msumbukao na wenye kulemewa na mizigo, nami nitawapumzisha" (Mathayo 11:28). Ninamshukuru sana Mungu kwa kunipatia karama ya ukombozi toka katika dhambi zangu zote.

Ninaamini kwamba si mimi tu bali hata ninyi ni wa thamani sana kwa Mungu. Mungu ametuokoa wewe na mimi kwa injili ya nyuzi za bluu, zambarau, na nyekundu na kitani safi ya kusokotwa. Mungu anasema kwamba ametoa karama hiii ya wokovu kwa wale wote wanaoliamini hili Neno, na kwa kuwa ninaamini katika kile ambacho Mungu anakisema, basi ninafikiri na kuamini kwamba hata ninyi ni wa thamani sana kwa Mungu.

Mwisho, kama ambavyo tumekuwa tukitenda kwa juhudi kwa ajili ya kazi ya Mungu hadi kupitiliza nguvu zetu, ukweli ni kuwa kuna nyakati tulijiona kwamba tumechoka sana. Hivyo, ninapenda kuwafariji na kuwatia nguvu watenda kazi wenzangu kwa kupitia njia kama hizo za kimwili za kuumega mkate pamoja. Lakini ninafahamu kabisa kwamba tunaweze tusifarijike kikamilifu kwa kutegemea faraja ya kimwili. Badala

yake tunafarijika kwa kuikumbuka karama ya wokovuu wetu wa uhakika ambao Bwana ametupatia, na karama hii ndio faraja yetu ya kweli, na amani yake haifahamiki kwa ulimwengu. Kwa kweli sisi tunafarijiwa na kuridhishwa na baraka za kiroho ambazo Mungu amekwisha tupatia katika mioyo yetu. Kwa kuwa tutapokea thawabu kubwa na baraka katika karama hii ya wokovu ambayo Mungu ametupatia ambazo mfano wake haupo hapa ulimwenguni.

Mungu amewapatia kila mmoja wenu karama kamilifu ya wokovu, ambayo ni karama kuu zaidi kuliko zote zinazofahamika katika ulimwengu huu. Kuna baadhi ya watu wanaodai kuwa hawana dhambi kwa kuzingatia misingi ya dini zao, wanadai hivyo wakati hawauamini ukweli wa nyuzi za bluu zambarau, na nyekundu na kitani safi ya kusokotwa, na kwa sababu hiyo misingi yao ya kidini itatoweka mara moja. Amani wanayoipata kutokana na mawazo yao huwa inatoweka kama vile mvuke au ukungu wa asubuhi mara wanapojikuta wamefanya dhambi.

Lakini kwa wale wanaoamini katika wokovu uliotolewa na Bwana, yaani wokovu wa nyuzi za bluu, zambarau, na nyekundu na kitani safi ya kusokotwa, watu hawa wanapozidi kukabiliana na magumu ndivyo amani ya mawazo yao inavyozidi kung'aa. Ingawa tunakanyagwa, tunajeruhiwa, na kuwa katika huzuni, ukweli ni kuwa ukamilifu na shukrani zinaendelea kutiririka toka katika akili zetu toka katika karama ya wokovu iliyotolewa na Mungu katika mioyo yetu. Sisi ni wale ambao tumeokolewa kikamilifu, ambao hatuwezi kurudi Misri, na wala ambao hatuwezi kukabiliana na dhambi na adhabu zake tena. Mungu ametubariki sisi tunaofahamu na kuamini katika ukweli wa wokovu kwamba Bwana ametupatia wokovu huo ili tuweze kumshukuru Mungu kwa imani yetu.

Kwa kweli sina maneno ya kutosha kuweza kumshukuru

Mungu, kwa kuwa nimeweza kupokea wokovu mkamilifu wa nyuzi za bluu, zambarau, na nyekundu, na kwa kuwa Mungu amenipenda, amenibariki sana, na amenifanya niihubiri injili hii ya thamani, kwa kuwa ninafahamu kwamba sikustahili. Hata kama ningelimshukuru Bwana kila siku, kwa kweli siwezi kumshukuru Mungu vya kutosha kwa kunifanya niishi kwa ajili ya injili. Kwa kweli sina maneno ya kusema zaidi ya kuendelea kumshukuru Mungu milele. Ninapomshukuru Mungu kwa karama kuu ya wokovu ambayo Mungu amenipatia, na ninapojaribu kuuelezea moyo wangu wenye shukrani, hapo ninatambua jinsi ninavyokosa kuwa na misamiati ya kutosha kuelezea shukrani zangu.

Sisi ni wale tunaoamini katika wokovu ambao ulidhihirishwa katika nyuzi za bluu, zambarau, na nyekundu na kitani safi ya kusokotwa. Yesu alizaliwa katika dunia hii, alizichukua dhambi zako katika mwili wake kwa kubatizwa na Yohana Mbatizaji akiwa na umri wa miaka 30, alizichukua dhambi hizo kwenda Msalabani, aliimwaga damu yake na kisha kufa Msalabani, akafufuka toka kwa wafu, na sasa ameketi mkono wa kuume wa Mungu Baba. Huyu Yesu Kristo amewapatia karama kamilifu ya wokovu wale wote walioipokea karama hiyo kwa imani. Wokovu huu ambao tuliupokea hauwezi kufutwa hadi pale tutakapoikana imani hii. Haijalishi mapungufu tunayoweza kuwa nayo, na haijalishi makosa ambayo tunaweza kuyafanya, ukweli ni kuwa sisi sote tumefanyika kuwa watu wake mwenyewe tuliofunikwa karama kamilifu ya wokovu.

Kitani Safi Iliyokuwa Imening'inizwa Katika Nguzo za Ua wa Hema Takatifu la Kukutania

Hebu tafakari kitendo cha kuangalia mapazia ya kitani safi kwa kitambo fulani. Mapazia haya ya kitani safi hayakuundwa kwa nailoni bali yalifumwa kwa nyuzi nyeupe za kitani. Kama utayaweka mapazia kama hayo ya kitani nyeupe katika hali ya jangwa basi yatachafuliwa vumbi kwa muda mfupi sana. Je, Mungu aliyaweka haya mapazia meupe bila sababu yoyote ile, yaani bila kufahamu kwamba yangeliweza kuchafuka kwa haraka? Mungu aliwaeleza Waisraeli kuyaweka mapazia hayo ya kitani nyeupe ili kuionyesha karama ya wokovu ambayo ametupatia, yaani sisi ambao tumeipokea karama hiyo kwa kupitia imani. Mungu alifanya hivyo ili kutuwekea alama katika mioyo yetu na kutufanya tufahamu kwamba Mungu ametuokoa toka katika uchafu wetu wote wa dhambi kikamilifu.

Mungu aliwafanya Waisraeli kuyaweka mapazia hayo ya kitani nyeupe. Hii ina maanisha kwamba tunapaswa kumsifu Mungu milele kwa kuona na kuamini katika wokovu wake mkamilifu ambao unadhihirishwa katika mapazia hayo meupe. Hivyo, Mungu ametupatia karama ya wokovu kikamilifu kwa kupitia mapazi haya ya kitani nyeupe. Wokovu ambao Mungu ametupatia ni safi kama ilivyo hii kitani safi nyeupe.

Kwa kweli sisi ni viumbe ambao ni wachafu na ambao hatuwezi kukwepa bali kufungwa kuzimu kwa sababu ya dhambi. Tunapaswa kuyaosha mavazi ya akili zetu mara kwa mara kila siku. Hata hivyo Mungu ameifanya mioyo yetu kuwa myeupe kikamilifu. Kwa maneno mengine, Bwana ametufanya watu kama sisi kuwa wakamilifu. Nguvu za Mungu ni kuu sana na za kushangaza kiasi kwamba ametubadilisha kikamilifu sisi tuliokuwa wachafu na wepesi kuchafuka kuwa watu wake watakatifu.

Leo hii, wewe na mimi ambao tunaamini katika injili hii ya maji na Roho ni wale ambao tumepokea karama hii kamilifu ya wokovu toka kwa Mungu. Sisi ni wale ambao dhambi za mioyo yetu zimeoshelewa mbali kikamilifu, na kwa sababu hiyo tumefanywa kuwa weupe kama theluji.

Bado una dhambi katika moyo wako? Kwa kweli hapana! Mioyo yenu yote imefanywa kuwa myeupe kama yale mapazia meupe ya kitani yaliyokuwa yamening'inizwa katika wigo wa uwa wa Hema Takatifu la Kukutania. Hivyo, wewe na mimi tumefanyika kuwa wasafi kabisa. Ukiachilia mbali ule ukweli kwamba tulikuwa tumefungwa ili kuhukumiwa kwa ajili ya dhambi zetu, ukweli ni kwamba sasa tumeokolewa. Wokovu huu haujaja kutokana na wema wetu au uaminifu wetu, bali umetoka katika neema ya Mungu ambayo imetufunika katika nguvu zake, ni kama ilivyokuwa kwa vile vigingi vya shaba vya Hema Takatifu la Kukutania vilivyokuwa nguzo vimeshikizwa katika vile vishikizio vya fedha kwa kuvibana pamoja kwa mikanda ya fedha. Ingawa tulikuwa tumefungwa ili kwenda kuzimu na kuangukia katika adhabu, sisi tumefanywa kuwa watu wake waliookolewa kwa kuamini kwamba Mungu ametufunika kwa karama yake wokovu. Huu ni ukweli unaodhihirishwa katika wigo wa ua wa Hema Takatifu la Kukutania.

Zile nguzo 60 za ua wa Hema Takatifu la Kukutania zina maanisha ni sisi waamini wa kweli. Kwa maneno mengine, kila mojawapo ya hizi nguzo ina maanisha ni kila mmoja wetu. Sisi tulikuwa ni viumbe ambao tusingeliweza kuwa watu wa Mungu wala kuweza kuingia katika Nyumba ya Mungu, hata hivyo Mungu ametupatia karama yake ya wokovu watu tuliokuwa hatustahili kama sisi. Bwana alikuja hapa duniani, aliikamilisha karama ya wokovu, akatupatia karama hii ya ukweli, na tulipofikia hatua ya kuufahamu na kuuamini ukweli huu, basi

Mungu ametufanya kuwa watu wake mwenyewe ambao wameokolewa kikamilifu na ambao hawawezi kulaaniwa tena.

Hii ni baraka kubwa kiasi gani? Sisi binafsi hatuwezi kusimama kwa kujitegemea wenyewe kama ilivyokuwa kwa zile nguzo za ua wa Hema Takatifu la Kukutania maana tutaanguka. Hata hivyo sababu inayotufanya tusianguke mara baada ya kuwa tumeokolewa toka katika dhambi zetu zote ni kwa sababu sisi waamini katika nyuzi kamilifu za bluu, zambarau, na nyekundu na kitani safi ya kusokotwa tunaamini kwa pamoja na kuungana pamoja chini ya neema ya Mungu. Kwanza tunapaswa kuamini kwamba ingawa tulikuwa na viumbe wasio na maana ambao tulikuwa tumefungwa ili kwenda kuzimu, ukweli ni kwamba Bwana ametusafisha toka katika dhambi zetu zote na kwa sababu hiyo ametuokoa kikamilifu kwa kuibeba adhabu yetu yeye mweyewe kwa kupitia Neno la nyuzi za bluu, zambarau, na nyekundu na kitani safi ya kusokotwa. Kwa imani tunaweza kusimama mbele za Mungu wakati tukamsifu, tukazitumikia kazi tunakamshukuru wakati wote kwa ajili ya karama yake ya wokovu.

Kuna nyakati ambapo huwa tunajikwaa kwa sababu ya udhaifu wa miili yetu. Pamoja na kuwa tunaamini kwamba tumeokolewa toka katika dhambi zetu zote na adhabu yake, kwa kweli kuna nyakati baada ya kuokolewa tunapojikuta tumechoka na kukerwa, huku tukijiuliza ni kwa nini tunapaswa kuishi kwa namna hiyo. Pamoja na kuwa tunanyemelewa na mawazo ya jinsi hiyo katika baadhi ya nyakati, sababu ya msingi inayotufanya tusimwache Mungu na kuiachilia mbali imani yetu baada ya wokovu wetu ni kwa sababu tunapoangalia nyuma na kukumbuka jinsi tulivyokuwa, basi kwa kweli tunafikia hatua ya kutoa shukrani zaidi kwa ajili ya karama ya wokovu na neema ya ukombozi ambayo Mungu ametupatia.

Hii ndio sababu tunaweza sisi sote kusimama imara katika imani yetu. Tunaweza kusimama tena kwa imani toka katika kuchanganyikiwa kwetu na kisha kutoa shukrani kwa injili hii halisi. Pamoja na kuwa tumejawa na mapungufu mengi, ukweli unabaki kwamba tunaweza kutoa shukrai kwa Mungu kwa wokovu wake mkamilifu. Hatuwezi kamwe kujisifu hata kidogo, bali tunamshukuru Mungu kwa kutufanya kuwa watoto wake kwa kupitia karama hii ya wokovu, na kwa sababu hiyo tunasimama mbele kwa uimara mbele yake. Kinachotufanya tuwe thabiti na kusimama imara katika imani yetu si kitu kingine bali ni ule ukweli kwamba tumepokea karama kuu ya wokovu na neema ya Mungu. Kama tutaifahamu hali yetu ya kiasili kama ilivyo, basi hatuwezi kufanya lolote zaidi ya kupokea ondoleo la dhambi ambalo Mungu ametupatia kwa kupitia Neno la nyuzi za bluu, zambarau, na nyekundu na kitani safi ya kusokotwa, na kisha kumtumikia Bwana.

Tunapoupokea ukweli huu katika mioyo yetu kwa kufahamu na kutambua jinsi ulivyojaa shukrani, basi ni hakiak wamba imani yetu haiwezi kutikishwa kabisa. Imani yetu itakuwa thabiti. Haijalishi aina ya uongo ambayo watu watakuwa wanatutupia, wala haijalishi aina ya maneno ya ovyo wanayoweza kutusemea huku wakidai kwamba wamefanywa kuwa wakamilifu kwa kuamini katika damu ya Msalaba peke yake, ukweli ni kuwa imani yetu haitatikisika. Ingawa hali yetu ya kiasili ilikuwa ni yenye uovu, kwa kuamini katika ukweli halisi kwamba Bwana ametuokoa kwa kupitia nyuzi za bluu, zambarau, na nyekundu na kitani safi ya kusokotwa, basi sisi sote tunaweza kupambana kwa ujasiri dhidi ya uongo na kisha kusimama katika imani yetu thabiti.

Kwa namna hii, tunaweza kupambana na uongo wote wa nman hii tukisema, "Nini? Tuliokolewa kwa damu pekee ya thamani Msalabani? Ikiwa tutaacha mojawapo ya vitu vya msingi katika wokovu uliokamilishwa kwa nyuzi za bluu, zambarau, na nyekundu, basi hakutakuwa na kitu chochote ambacho tunaweza kujivunia. Ni aina gani hii ya upuuzi?"

Lakini kama tutaachana na neema ya wokovu ambayo Mungu ametupatia, basi hatutaweza kuziona nafsi zetu kama zilivyo, na matokeo yake, tutakuwa na ujasiri binafsi na majivuno, na kwa sababu hiyo tutaishia kuwa waovu. Ikiwa tutajiangalia nafsi zetu kama tulivyo basi hapo tunaweza kuiona na kuipata karama ya Mungu ya wokovu katika kiwango cha juu. Na hii ndio sababu tuliweza kuyatii mapendekezo yake yanayosema, "Furahini siku zote; ombeni bila kukoma; shukuruni kwa kila jambo; maana hayo ni mapenzi ya Mungu kwenu katika Kristo Yesu" (1 Wathesalonike 5:16-18).

Sababu inayoweza kutufanya tukasimama imara mbele za Mungu ni kwa kuwa tunaamini kwamba Bwana alizibeba laana zetu zote kwa ajili yetu, yaani ni kama kila nguzo ilivyokuwa imeshikiliwa na mikanda ya fedha na kisha kufungwa katika vigingi vya shaba. Kwa hiyo, hata wakati tunapojikwaa, bado tunaweza kujishikiza kwenye mikanda ya fedha inayotushikilia kwa uthabiti. Kama vile kila mkanda wa fedha ulivyokuwa umeshikizwa katika vishikizio na vigingi ili kuishikilia nguzo kwa uimara, na kwa kuwa mioyo yetu inatambua jinsi tulivyo, na kwa kuwa kuna neema ya Mungu ambayo imetuokoa kwa kupitia nyuzi za bluu, zambarau, na nyekundu na kitani safi ya kusokotwa, basi ndio maana hatutikisiki kamwe. Na kwa sababu hii tunasimama imara bila kuyumbia upande wa kulia wala wa kushoto.

Kwa sababu ya karama kamilifu ya wokovu ambayo Mungu ametupatia, na kwa sababu ya haki ya Mungu, basi ni hakika kwamba hatuwezi kuanguka chali wala kifudifudi, bali tutasimama imara katika vikuku vya shaba. Vikuku vya shaba vina maanisha kwamba kwa asili tulipaswa kutupwa kuzimu.

Tunaweza kutoa shukrani zetu kwa Mungu wakati wote na kisha kusimama imara kwa imani kwa kujikumbusha kwamba tumeokolewa toka katika adhabu iliyokuwa haikwepeki.

Injili ya maji na Roho ni ukweli wa ajabu wa wokovu. Injili hiyo haiwezi kupatikana toka katika seminari nyingi za kitheolojia na katika shule za wahitimu wa ulimwengu huu. Na kwa kuwa injili hii ni msingi na kanuni kuu za imani; basi kila theolojia ambayo haifahamu wala kujifunza juu ya ukweli wa nyuzi za bluu, zambarau, na nyekundu na kitani safi ya kusokotwa ni sawa na nyumba iliyojengwa katika mchanga ambayo itakuja anguka na kuharibika. Msingi wa imani yako ya kweli ni lazima uwe imara kama vile mwamba mkubwa wa marumaru.

Theolojia ni Nini?

Tukiongea kwa upana, kuna mikondo miwili mikubwa inayoigawa theolojia: theolojia inayojikita kwa Mungu na theolojia inayojikita kwa mwanadamu, mikono hiyo yote miwili au mmojawapo inaweza kufundishwa katika seminari. Kwa lugha rahisi, imani inayojikita zaidi katika Neno inawekwa katika upande wa theolojia inayojikita kwa Mungu, ilhali imani ambayo inayakubali mawazo ya mwanadamu katika Neno inaitwa ni theolojia ya inayojikita kwa mwanadamu. Wanatheolojia wanaofuata theolojia inayojikita katika mawazo ya mwanadamu hawazingatii kile ambacho Biblia inasema, bali wanachosisitiza zaidi ni mawazo na misimamo yao ya kiuanazuoni. Hivyo, theolojia hii inayojikita katika mawazo ya mwanadamu haiwezi kamwe kuwa ni theolojia sahihi.

Kwa ujumla, watu wanaojifunza theolojia wanadai kwamba mawazo yao ya kitheolojia ndiyo sahihi zaidi. Kwa

mfano, kuna watu wengi sana ambao wanahudhuria Kanisa la Waadventista Wasabato ambao wanaweka mkazo zaidi kwenye Sabato tu. Kwa upande mwingine, linasisitiza juu ya "kile kinachoitwa" Dondoo Tano za Ukalvini. Kwa mfano, Uarminia unadai kwamba ingawa Mungu ametuokoa, mwanadamu anapaswa kuuamini ukweli huu kadri aonavyo. Hivyo Uarmia unaweza kuelezewa kuwa unafuata mtazamo wa kitheolojia unaoitazama Biblia toka katika mitazano ya kibinadamu.

Kwa upande mwingine, tunapoziangali zile Dondoo Tano za Ukalvini tunaweza kuona kwamba imani yake kwa kiasi fulani ya kimungu lakini imeegemea zaidi kwenye majaliwa. Kwa nini? Kwa sababu Wakalvini wanalielezea fundisho lao la Kuteuliwa na kuchaguliwa kabla kuwa ndio ukweli, wanadai kwamba, "Kabla hamjazaliwa, baadhi yenu walikuwa wamesha chaguliwa na Mungu ili kuwa watu wake, wakati wengine hawakuchaguliwa. Na kwamba kilichopo ni uchaguzi mkuu wa Mungu." Madai potofu kama hayo hayawezi kuthibitishwa kabisa na Neno la Mungu.

Hivyo tunapolinganisha haya yanayoitwa mafundisho ya Kikristo ya Kiothodoksi na Neno la Mungu, tunaweza kuona kwamba mafundisho yake ni tofauti sana na ukweli halisi. Kwa kweli, katika baadhi ya mambo wanakaribia sana kwenye ukweli, lakini theolojia nyingi za Kikristo za madhehebu mengi leo hii zipo mbali kabisa na ukweli wa Kibiblia. Kwa kweli, katika mafundisho yao kuna baadhi ya maeneo ambayo wanakaribiana sana na ukweli wa Kibilia, lakini mafundisho yao ya msingi yana makosa sana kiasi kuwa hayana ukaribu na Neno la Mungu. Na hii ndio maana tunapaswa kuachana na mafundisho hayo yenye makosa.

Ondoleo la Dhambi Zetu ni Karama Nzima Toka kwa Mungu

Mungu amewapatia wale wanaoliamini Neno la Mungu karama ya wokovu toka kwake.

Wigo wa ua wa Hema Takatifu la Kukutania ulijengwa kwa nguzo 60. Juu ya hizi nguzo kuliwekwa vifuniko vya fedha na chini yake kuliwekwa vikuku vya shaba. Kila nguzo ilifungwa kwa mikanda ya fedha iliyokuwa imefungwa katika vile vigingi vya shaba ambavyo vilikuwa vimeshindiliwa ardhini. Nguzo za mbao zilikuwa zimewekwa kwa umbali wa dhiraa 5 au mita 2.25 kati yao, kisha mapazia ya kitani nyeupe yalining'inizwa katika hizi nguzo.

Kama vile zile nguzo zilivyofungwa kwa uthabiti katika hivi vigingi vya shaba, na kama nguzo hizo zilivyoshikiliwa kwa mikanda ya fedha, basi hapo yale mapazia yaliyokuwa yamening'inizwa yalijishikiza vizuri na hayakuweza kuondolewa mahali pake. Na kama haya mapazia yaliyowekwa kwa uimara katika hizi nguzo, ndio maana yalibakia pale bila kuondoka kwa kuwa yalikuwa yakivutana yenyewe kwa yenyewe kila upande.

Haya mapazia ya kitani nyeupe yana maanisha ni utakatifu na haki ya Mungu. Kwa maneno mengine, haki ya Mungu imetufanya sisi kuwa watu wa imani thabiti ambayo haiwezi kunyanyaswa tena, hii ni kwa sababu imani yetu katika wokovu wa Bwana imeshikizwa kwa neema ya Mungu isiyo na kasoro. Mungu ametupatia wokovu huu mkamilifu kama karama yake kwetu. Kwa kweli tunamshukuru! Na hii ndio sababu wewe na mimi tuliokolewa kwa imani.

Lakini ninapowaangalia Wakristo wa leo ulimwenguni, ninawaona watu wa kubezwa, wa kuchekwa, na wakuhuzunikiwa. Kwa kweli ninasikitishwa sana na watu hao kwa sababu ninaona wazi kuwa hawana ufahamu wowote sahihi kuhusiana mambo ya msingi ya Ukristo wa kweli pamoja na kuwa wanadai kumwamini Mungu na kudai kuwa wanalieneza Neno lake.

Hivi karibuni, kuna watu wengi sana ambao wamekuwa na hofu kwamba wanafunzi wetu katika shule za juu wamekuwa dhaifu kuhusiana na misingi ya masomo yao. Ukweli ni kuwa wanafunzi ambao wameonekana kuachana na misingi hiyo hawatarajiwi kufanya vizuri katika masomo yao hapo baadaye. Kwa hiyo, ili kuwafundisha wanafunzi wa vyuo ili kujiandaa kwa kazi, vyuo vikuu vinahitaji kuhakikisha kwamba wanafunzi hao wanakuwa na misingi mizuri wanapokuwa katika shule za msingi kabla ya kuanza kufundishwa elimu ya juu. Ni wazi kwamba jitihada hizi zimeonekana kutofanikiwa wakati wote.

Sababu iliyonifanya nikaleta habari hii ni kutaka kuelezea kwamba kama vile isivyowezekana kuwa na maendeleo ya ufahamu katika ulimwengu pasipo kuwa na misingi mizuri ya awali, vivyo hivyo imani katika Mungu pia inaweza kuyumba na kuharibika ikiwa itakosa msingi sahihi. Imani ya kweli ni ile inayoamini katika nyuzi za bluu, zambarau, na nyekundu na kitani safi ya kusokotwa. Pasipo uwepo wa imani hii ya msingi, basi kila kitu kitakuwa ni bure kabisa. Ingawa mara ya kwanza watu wanaweza kufurahia na kujitoa kwa Mungu, huku wakisema kwamba wamefanyika kuwa wasio na dhambi kwa kumwamini Yesu, lakini kadri muda unavyozidi kwenda watu hao hupungukiwa na hiyo haki binafsi, na furaha yao hutoweka angani, huishiwa nguvu zao zote, na hatimaye huishia kuikana imani yao kwa Mungu kwa sababu ya dhambi zao ambazo bado zinabakia katika mioyo yao. Hali hii inaletwa na kukosa uelewa wa msingi kuhusiana na imani ya Kikristo.

Kuna yeyote aliye na ulemavu kati yenu? Watu walio na tatizo la miguu yao wanakuwa na wakati mgumu wanapojaribu

ngazi. Wanapohangaika kuzipanda ngazi, je, kupanga halitakuwa jambo la kiutu na shukrani ikiwa mtu mwingine atamsaidia mlemavu huyo wa miguu kupanda ngazi? Hata hivyo, kuna baadhi ya walemavu ambao badala ya kushukuru hukasirika wakisema, "Achana na mimi. Ninaweza kufanya mimi mwenyewe." Kwa ujumla, walemavu wanajiheshimu sana na kwa baadhi ya nyakati wanaweza kuwa wagumu. Wakati baadhi ya sehemu za miili yao zinapokuwa na ulemavu, inawezekana sana hata akili yao pia ikapata ulemavu. Na kama matokeo ya hali hiyo, kwa baadhi ya nyakati, mioyo yao pia inaweza kuwa migumu kutokana na kujidharau, kuona kuwa wameshindwa, na kujiona kuwa wananyanyasika. Na hii ndio sababu baadhi ya wana tabia ya kutojali ukarimu wa mtu kiasi cha kupotisha maana ya awali ambayo mtoa msaada alikuwa amekusudia.

Kwa kweli hakuna sababu yoyote ya wao kujiona kwa ni dhaifu na kujiradharau kwa sababu tu ya ulemavu wao. Wanaweza kuwa na mapungufu ya kimwili kutokana na ulemavu huo, lakini kuwa mlemavu si dhambi. Lakini kama watajikita katika mawazo potofu yanayotokana na ulemavu wao na kisha kuruhusu mawazo hayo kukua na kuzalisha hali ya kujidharau, basi ni hakika kwamba wataishia kuwa walemavu hata katika mioyo yao. Ikiwa wewe ni mtu mwenye ulemavu, basi unachopaswa kukifanya ni kujitambua mwenyewe kama ulivyo, omba msaada wakati unauhitaji, na kisha simama imara katika mawazo yako.

Wakati inapotokea kwamba kuna kitu ambacho sikifahamu na kwamba ninahitaji msaada, basi mimi huwa ninawauliza wengine na kuomba msaada wao. Hivyo ninapokuwau na uhitaji kwa kweli ninachoweza kukifanya ni kuomba msaada. Na inapotokea mtu fulani anayelifahamu jambo hilo atakapolielezea na kunisaidia, basi nitamshukuru mtu huyo. Pamoja na kuwa

tunaweza kuwa na mapungufu katika miili yetu, ukweli ni kuwa hakuna sababu yoyote ile ya msingi ya wao kutuhesabu sisi kuwa ni walemavu katika mioyo yetu. Kwa hiyo, kile tunachopaswa kukifanya ni kuyafahamu mapungufu yetu, na kuamini katika injili ya Bwana wetu ya maji na Roho, ambayo ni wokovu wa nyuzi za bluu, zambarau, na nyekundu na kitani safi ya kusokotwa ambayo imeyafanya mapungufu yetu kutoweka na kutuwezesha kuitumikia injili kikamilifu. Tunaweza kujisifu na kutoa shukrani zetu ndani ya hii injili ya Bwana wetu. Kwa kuwa tumepokea karama ya wokovu iliyotolewa na Mungu kwa kupitia imani yetu, basi tunachopaswa kukifanya ni kumshukuru Mungu. Na hapo tunaweza kupumzika, kupendana, kuungana pamoja, yaani tunaweza kufanya haya yote ndani ya hii karama ya wokovu.

Kwa kuwa Wakristo wengi wa siku hizi ni dhaifu katika misingi yao ya kiimani, ndio maana imani yao inayumba kuelekea pande zote. Bwana wetu ametuokoa wewe na mimi kwa nyuzi zake za bluu, zambarau, na nyekundu na kitani safi ya kusokotwa. Tumepokea karama ya wokovu na kufanyika wakamilifu kwa kufahamu na kuamini katika ukweli huu pekee. Mara ya kwanza, sisi sote tulifungwa ili kwenda kuzimu, hata hivyo kwa kuwa Mungu ametuokoa kikamilifu kwa kutupatia karama ya wokovu mkamilifu, basi sisi sote tumefanyika kuwa watoto wa Mungu wakamilifu. Kwa kuwa sasa tumeshapokea karama ya wokovu kwa kupitia imani, basi kama tutaendelea kuishi huku tukiamini kwamba sisi ni watu wa Mungu na kisha tukadumu ndani ya imani hii, basi ni hakika kwamba tunaweza kuishi kwa imani ndani ya Bwana kwa mafanikio.

Baada ya kuzaliwa tena upya, mabadiliko mawili mpya yalitokea katika moyo wangu, na hakuna hata moja kati ya hayo mabadiliko ambalo niliwahi kukutana nalo hapo kabla. Hapo kabla, upendo wangu kwa wengine ulikuwa ni wa unafiki, huku

nikijifanya kuwapenda wengine bila masharti ilhali nilikuwa nikiwachukia sana katika moyo wangu. Lakini hivi sasa, kwa kweli ninapenda wengine kwa moyo wangu wote. Kwa kuwa Mungu ametupatia karama yake ya wokovu mkamilifu, na kwa kuwa injili hii ni ya thamani sana, basi wale wote wanaoamini katika injili hii wanaonekana kuwa ni heshima sana na wa kupendeza katika macho yangu. Na kwa sababu hiyo siwezi kufanya lolote jingine zaidi ya kupenda.

Badiliko la pili ni kwamba tofauti na zamani, hivi sasa ninazingatia sana hisia za watu wengine. Hapo zamani, wakati mtu alipofanya kitu ambacho siwezi kuvumilia, na bila kujalisha kuwa mtu huyo ni nani, kwa kweli nilikuwa nikimkemea mtu huyo vibaya. Lakini hivi sasa ninatambua kwamba ninahitaji kuangalia madhaifu ya kila mtu, na kisha kuwa makini sana katika utendaji wangu, ninawalinda pale wanapohitaji kulindwa na ninawakemea pale wanapohitaji kukemewa kwa usahihi. Wale walio na mapungufu wanaweza kuwa wagumu katika mioyo yao, na kwa sababu hiyo ninatambua sana mapungufu yao, na kuna nyakati ambapo huwa nahitaji kuwasaidia watu wa jinsi hiyo kwa faragha, na kuna nyakati ambapo siwasaidii hata pale ninapofahamu kuwa wanahitaji sana msaada wangu. Nilifikia hatua ya kuyafahamu haya yote kwa kuwa watu ni viumbe ambao wana mapungufu sana, lakini katika yote bado nina nguvu na uthabiti katika imani yangu.

Kuna nyakati ambapo hatupaswi kuwakemea wengine ati kwa sababu tu ni wadhaifu sana, lakini kuna nyakati ambapo tunapaswa pia kuwakemea kwa uthabiti badala ya kuwavumilia. Na hii ndio sababu tunakuwa makini sana kutambua mahitaji yao, lakini tunapoliangalia jambo hili kwa imani; basi upendo wetu kwao unakuwa ni wa uhakika, mkamilifu, sahihi, na wenye nguvu. Ikiwa tutajiangalia toka katika mtazamo wa kimwili, basi yale yote ambayo tutayaona ni mambo ya kuyahofia. Kwa kuwa

sisi ni wadhaifu na wenye mapungufu, basi kama tukianza kuihofia miili yetu dhaifu, basi ni wazi kuwa hakuna siku itapita pasipo kuwa na hofu. Lakini tunaposimama katika imani sahihi ambayo Mungu ametupatia, basi mashaka na hofu zetu zote zitatoweka, naye Yesu amewaokoa wenye mapungufu kama sisi kwa nyuzi zake za bluu, zambarau, na nyekundu na kitani safi ya kusokotwa na ametufanya kuwa vyombo kwa kazi yake njema, jambo hili linatupatia nguvu katika imani na linatuimarisha.

Mioyo yetu inapata nguvu toka katika karama kamilifu ya wokovu ambayo imetolewa na Bwana katika mioyo yetu; na kwa sababu hiyo nguvu zozote zile zinazotokana na mwili ni za kupita tu. Kwa kweli, hii haimaanishi kwamba faraja ya mwili si kitu cha maana, hii ni kwa sababu tunahitaji pia faraja ya mwili ili kuwafariji kaka zetu na akina dada.

Hata hivyo, ni wazi kwamba sisi wenyewe ni wadhaifu, Yesu Kristo alikuja hapa ulimwenguni na ametuokoa kikamilifu. Biblia inatueleza kwamba wakati Lazaro alipokufa, Yesu alihuzunika alipowaona Mariamu na Martha dada zake Lazaro wakilia. Kwa maneno mengine, Yesu aliona huruma na alifahamu tatizo la watu kufa kwa sababu ya dhambi zao. Lakini kwa kuwa Bwana wetu alikuja kwa mujibu wa mapenzi ya Baba, na ndio maana alisema, "Mimi ndimi huo ufufuo, na uzima." (Yohana 11:25), na akawaokoa wale ambao walipaswa kufa kwa sababu ya dhambi zao. Yesu ametufariji kimwili na kiroho.

Wewe na mimi tunazo pande hizo mbili za kiroho na kimwili. Hivyo, wakati tunapitia wakati mgumu kimwili, basi ni hakika kwamba tunahitaji kufarijiwa kimwili na pia kiroho, pia tunahitaji kuwa na imani hii ya nyuzi za bluu, zambarau, na nyekundu na kitani safi ya kusokotwa. Vivyo hivyo, mioyo yetu inaweza kufurahi katika Kristo kwa kufahamu na kufurahi katika imani kwa karama ya wokovu ambayo Mungu ametupatia,

huku tukijikumbusha kuwa tumepokea karama hii. Hivi ndivyo tunavyoweza kumpatia Mungu utukufu.

Mungu amemjalia kila mmoja wetu kuwa katika imani, kama ilivyokuwa kwa Hema Takatifu la Kukutania, na ametuagiza tuishi kwa imani. Hivyo, hata wakati mapungufu ya miili yetu yanapojitokeza kila siku, ukweli ni kuwa bado tunaweza kuuona wokovu wa Mungu ulivyo wa thamani katika mioyo yetu, pia tunapaswa kutambua kwamba tulipaswa kuangamizwa kwa sababu ya dhambi zetu. Wewe pia unaweza kuufahamu ukweli huu wa wokovu unaodhihirishwa katika wigo wa ua wa Hema Takatifu la Kukutania.

Sasa unaweza kufungua na kuingia katika lango la ua wa Hema Takatifu la Kukutania lililo upande wa mashariki. Wakati unapofungua na kuingia katika hili lango la ua wa Hema Takatifu la Kukutania kuna kitu ambacho utakiona karibu yako kwa mara ya kwanza. Unadhani kitakuwa kitu gani? Si kingine bali ni madhabahu ya sadaka ya kuteketezwa.

Baada ya kuipita madhabau ya sadaka ya kuteketeza kwa imani, mbele yako kutakuwa na birika la shaba, na baada ya kulipita birika hili hatimaye utaingia katika Nyumba ya Mungu, ambayo Hema Takatifu la Kukutania. Tunapoliangalia jambo hili kwa imani, tunaweza kuona kwamba mambo haya yote yanaweza kutimizwa kwa usahihi. Ingawa Neno la Hema Takatifu la Kukutania kwa mara ya kwanza linaweza kuonekana kuwa ni gumu sana, kwa kweli Neno hilo ni jepesi sana kwako wewe na mimi kulielewa kwa kuwa sisi ambao misingi yetu ya imani ni thabiti, tunaweza kuliangalia neno hilo ndani ya kanuni sahihi ya msingi wa imani tuliyonanyo. Kwa kuwa wokovu wa Mungu ni wa thamani sana, Mungu aliufanya kuwa rahisi ili kila mtu aweze kuuelewa kwa kupitia utaratibu wa Hema Takatifu la Kukutania. Lakini ili kuzuia mtu yeyote asiweze kulitafsiri Neno la Hema Takatifu la Kukutania kimakosa kwa kuzingatia

mawazo yake binafsi, ndio maana Mungu amelifanya hilo neno lisionekane kwa wale ambao hawajazaliwa tena upya. Hivyo, hata kwa watheolojia, kama hawana imani ya msingi, basi hakuna hata mmoja wao anayeweza kuzungumzia maana sahihi ya kiroho kuwa ni kwa nini ua wa Hema Takatifu la Kukutania lilifumwa kwa nyuzi za bluu, zambarau, na nyekundu na kitani safi ya kusokotwa, hii ni kwa sababu Mungu amewaficha waongo ukweli huu.

Nyuzi za bluu zina maanisha ni ubatizo ambao Yesu aliupokea toka kwa Yohana Mbatizaji. Yesu alizichukua dhambi zetu zote katika mwili wake kwa kupitia ubatizo ambao aliupokea kwa namna ya kuwekewa mikono. Nyuzi nyekundu zina maanisha ni sadaka ya Yesu ambapo Yesu Kristo aliimwaga damu yake hadi kifo pale Msalabani kwa ajili ya dhambi zetu zote. Nyuzi za zambarau zinadhihirisha kwamba Yesu ni Mungu Mwenyewe. Kitani safi ya kusokotwa ni Neno la wokovu ambalo Mungu Mwenyewe aliwaahidi wanadamu. Wale ambao hawajazaliwa tena upya kwa kuamini katika injili ya maji na Roho hawawezi kuzungumzia juu ya ukweli ambao Mungu ameufunua katika lango la Hema Takatifu la Kukutania kwa usahihi.

Tangu mwanzo Mungu aliwaahidi wanadamu, yaani kuanzia Adamu na Hawa hadi kwa watumishi wake wote, "Ili kukuokoa, nitakuja kwako kwa kupitia maji, damu, na Roho, na kwa hakika nitakuokoa." Kwa mujibu wa Neno hili, Yesu Kristo alikuja hapa duniani, alibatizwa, akaimwaga damu yake na kufa, alifufuka toka kwa wafu, na kwa sababu hiyo ametuokoa. Kitani safi ya kusokotwa ni ahadi ya Mungu kwa Neno lake, pia ni utimilifu wa Neno. Nyuzi za bluu, zambarau, na nyekundu zinatueleza juu ya ubatizo wa Yesu Kristo, na kwamba Yesu Kristo ni Mungu wetu, na kwamba alibeba adhabu ya dhambi zetu zote kwa kuzichukua dhambi za ulimwengu na kwa

kuimwaga damu yake Msalabani. Pia nyuzi hizo zinatueleza kwamba Yesu Kristo ametuokoa kwa kufufuka tena toka kwa wafu. Ukweli huu wa nyuzi za bluu, zambarau, na nyekundu ni ukweli wa wokovu wa milele ambapo mawazo yanayopingana hayawezi kuruhusiwa kamwe.


Mungu ametupatia karama hii ya wokovu kwako wewe na mimi. Nguzo za ua wa Hema Takatifu la Kukutania zilifunikwa kwa juu na vifuniko vya fedha. Tunapaswa kukumbuka wakati wote kwamba sisi ndio wale ambao tumepokea karama ya wokovu toka kwa Mungu. Tumefanyika kuwa wenye haki, wasio na dhambi, na watu wa Mungu kwa kuipokea karama hii, na kwa sababu hiyo hatuna kitu chochote cha kujivunia zaidi ya hii karama ya Mungu. Kama kuna kitu chochote ambacho tunaweza kujivunia basi ni ule ukweli kwamba tumefanyika watoto wa Mungu walio na imani hii ya nyuzi za bluu, zambarau, na nyekundu na kitani safi ya kusokotwa. Hili linawezekana kwa sababu Yesu Kristo ametuokoa toka katika dhambi zetu zote kwa kupitia injili njema na pekee ya maji na Roho. Hivyo, tunapaswa kuishi kwa imani, hali tukiamini kwamba tumefanywa kuwa wakamilifu kwa kuwa Mungu amtupatia karama ya wokovu na kwamba ni kwa kupitia karama hii tumefanyika kuwa watu wa Mungu. Leo hii na kesho ni lazima tuishi wakati wote kwa imani

Ninaamini kwamba hivi sasa ni wakati sahihi kulieneza Neno lake kuhusiana na Hema Takatifu la Kukutania. Kuna wakati ambapo watu wengi walichanganywa na nadharia ya kunyakuliwa kabla ya dhiki jambo ambalo halikuwa na maana yoyote ile, lakini kwa nyakati hizi Mungu ametufanya kuwa wakamilifu ili tulihubiri Neno la Kitabu cha Ufunuo na hivyo kuwawezesha watu wengi kuachana na imani yao potofu na kuipata imani ya kweli. Vivyo hivyo, katika wakati wa sasa, inatupasa kuihubiri imani ya nyuzi za bluu, zambarau, na

nyekunu na kitani safi ya kusokotwa.

Kwa kuwa tumepokea karama ya wokovu toka kwa Mungu, binafsi ninaamini kwamba kuihubiri karama hii ya wokovu ni kitu cha furaha sana kukifanya.

Ninatoa shukrani zangu nyingi kwa Mungu. \boxtimes





Unaweza Kupakua Vitabu vya Kikristo vya Mchungaji Paul C. Jong katika Kompyuta, Kompyuta-Kibao, au kwenye Simu-Mahiri

Madhabahu ya Sadaka ya Kuteketezwa Iliyotengenezwa Kwa Mti wa Mshita na Kufunikwa Kwa Shaba

< Kutoka 38:1-7 >

"Kisha akafanya hiyo madhabahu ya sadaka ya kuteketezwa, ya mti wa mshita urefu wake ulikuwa dhiraa tano, na upana wake ulikuwa dhiraa tano, ilikuwa mraba; kwenda juu kwake kulikuwa dhiraa tatu. Nave akazifanya pembe zake katika ncha zake nne; hizo pembe zilikuwa za kitu kimoja nayo; naye akaifunika shaba. Kisha akafanya vyombo vyote vya madhabahu, yaani sufuria zake, na majembe yake, na mabakuli yake na uma zake, na meko vake; vyombo vyake vyote akavifanya vya shaba. Nave akaifanyia madhabahu wavu wa shaba, akautia chini ya ukingo kuizunguka pande zote, ukawa katikati ya hiyo madhabahu. Naye akasubu vikuku vinne kwa kutiwa katika pembe nne za huo wavu wa shaba, viwe mahali pa kutia ile miti ya kuichukulia. Naye akaifanya hiyo miti kwa mti wa mshita na kuifunika shaba. Naye akaitia ile miti katika vile vikuku vilivyokuwa katika mbavu za hiyo madhabahu, ili kuichukua; akaifanya yenye mvungu ndani, kwa zile mbao."

Kila Mwenye Dhambi Alipaswa Kuleta Sadaka ya Kuteketezwa Katika Madhabahu ya Sadaka ya Kuteketezwa

Ili mwenye dhambi yeyote kati ya watu wa Israeli aweze kuondolewa dhambi zake, basi ilimpasa kuleta mnyama wa sadaka ya kuteketezwa katika Hema Takatifu la Kukutania, na kisha kuzipitisha dhambi zake juu ya mnyama huyo wa sadaka kwa kuiweka mikono yake juu ya kichwa cha mwanasadaka huyo, na kisha kuikinga damu yake, na kisha kuikabidhi damu hii kwa kuhani. Kuhani aliye katika zamu yake aliiweka damu hii ya mwanasadaka katika pembe za madhabahu ya sadaka ya kuteketezwa, aliyaweka mafuta na nyama ya mwanasadaka huyo juu ya madhabahu, kisha akavichoma vitu hivyo kama manukato mazuri kwa Bwana Mungu. Hata Kuhani Mkuu, ili aweze kupokea ondoleo la dhambi zake, basi alipaswa kuiweka mikono yake juu ya mnyama wa sadaka ya kuteketezwa na kisha kuzipitisha dhambi zake kwa mnyama huyo mbele madhabahu ya sadaka ya kuteketezwa. Hii ilikuwa ni sadaka ya upatanisho iliyokuwa ikitolewa katika madhabahu ya sadaka ya kuteketezwa ambayo ilitengenezwa kutokana na mti wa mshita na kisha kufunikwa kwa shaba, na sadaka hii ya ondoleo la dhambi ilitolewa baada ya tendo la kuiweka mikono juu ya mwanasadaka na kisha kuimwaga damu huyo mwanasadaka.

Hata kabla ya misingi ya ulimwengu, Mungu alikuwa amekwishapanga njia ya wokovu ili kumwokoa awaye yote toka katika dhambi zake kwa tendo la kuiweka mikono na kuimwaga damu ya mwanasadaka. Baada ya kuwa amekwisha upangilia wokovu wetu, basi Mungu Baba alimtuma Mwanae pekee kuja hapa duniani, akamfanya abatizwe na Yohana Mbatizaji, na kisha akamfanya aimwage damu yake Msalabani. Hii ndio sababu Yesu Kristo alizipokea dhambi zote za kila mwenye

dhambi kwa kupitia ubatizo wake, ambao ulikuwa ni sawa na tendo la kuwekea mikono katika Agano la Kale. Ili kuibeba adhabu yote kwa dhambi zote za ulimwengu, basi Yesu alijitwika dhambi hizo zote na akaimwaga damu yake Msalabani kwa niaba yetu.

Madhabahu ya sadaka ya kuteketezwa iliyofunikwa kwa shaba inatufundisha kwamba Mungu ataihukumu kwa haki kila dhambi ambayo imeandikwa katika kibao cha moyo wa mwanadamu. Hivyo, kila mwenye dhambi alipaswa kuzipitisha dhambi zake kwenda kwa mnyama wa sadaka ya kuteketezwa kwa kuiweka mikono yake juu ya kichwa cha huyo mnyama na kisha kumchinja, na kuikinga damu yake, kisha makuhani walipaswa kuiweka damu ya huyo mnyama katika pembe za madhabahu ya sadaka ya kuteketezwa. Vivyo hivyo, madhabahu ya sadaka ya kuteketezwa. Vivyo hivyo, madhabahu ya sadaka ya kuteketezwa iliyofunikwa kwa shaba inatufanya sisi sote kufahamu kwamba Yesu alizibeba dhambi zetu zote, na kwamba alihukumiwa Msalabani kwa ajili ya dhambi zote kwa niaba yetu.

Umuhimu wa Madhabahu ya Sadaka ya Kuteketezwa

Kila wakati mnyama wa sadaka ya kuteketezwa alipotolewa sadaka kwa Mungu, nyama yake ilikatwa katika vipande na kisha kuwekwa juu ya madhabahu ya sadaka ya kuteketezwa ili iweze kuunguzwa na moto na kisha kutoa harufu nzuri ya kupendeza kwa Mungu. Mungu Baba alifurahishwa sana kuona Yesu Kristo akibatizwa na Yohana Mbatizaji na kisha kusulubiwa hadi kifo kwa niaba yetu kwa ajili ya dhambi zetu zote. Mungu Baba alifurahishwa kuona huyu Yesu asiye na mawaa akijitoa kuwa sadaka ya milele kwa wenye dhambi wote.

Sadaka zilizotolewa katika madhabahu ya sadaka ya kuteketezwa zinaonyesha jinsi ambavyo Mungu amemwokoa kila mwenye dhambi toka katika dhambi zake zote, pia kwa wakati huo huo, sadaka hizo zinaonyesha jinsi Mungu anavyoihukumu kila dhambi. Kwa lugha nyingine, madhabahu ya sadaka ya kuteketezwa inaudhihirisha wokovu wa mwanadamu toka katika dhambi na adhabu. Pia inatuonyesha kwamba kila mwenye dhambi ni lazima atupwe katika ziwa la moto na kibiriti huko kuzimu; pia inatuonyesha jinsi kila mwenye dhambi anavyoweza kukombolewa toka katika dhambi zake. Vivyo hivyo, yeyote aliye na dhambi yoyote ile ni lazima atupwe katika ziwa la moto, hivyo kila mwenye dhambi ni lazima aitafute rehema ya Mungu pasipo kushindwa.

Kila mnyama wa sadaka ya kuteketezwa aliyewekwa katika madhabahu ya kuteketezwa alikuwa amebeba maovu ya mwenye dhambi na alihukumiwa na kufa kwa ajili ya dhambi hizo. Kwa maneno mengine, mnyama wa sadaka ya kuteketezwa alikuwa amezipokea dhambi za mtu fulani kwa kule kuwekewa mikono na kisha kuimwaga damu yake mahali pa yule mwenye dhambi. Yaani mwanasadaka alikuwa ameibeba adhabu ya dhambi ambayo mwenye dhambi alipaswa kukabiliana nayo. Hii sadaka ya kuteketezwa iliyotolewa katika Hema Takatifu la Kukutania inatufundisha kwamba Yesu alizipokea dhambi zote za ulimwengu huu kwa kupitia ubatizo wake kisha akaimwaga damu yake kwa ajili yetu.

Kila chombo katika Hema Takatifu la Kukutania kinatuonyesha jinsi Mungu alivyolitimiza ondoleo la dhambi kwa ajili yetu. Hivyo, ili uweze kufahamu sawasawa juu ya wokovu wako, basi unapaswa kuwa na imani sahihi juu ya ukweli unaofunuliwa katika vyombo vya Hema Takatifu la Kukutania. Sasa utawezaje basi kuufahamu wokovu wako kiusahihi? Unapaswa kuufahamu kiusahihi wokovu wako kwa

kuuamini Ukweli wa wokovu ambao umefichwa katika nyuzi za rangi ya bluu, zambarau, na nyekundu na kitani safi ya kusokotwa. Ni wale tu walio na imani kama hiyo ndio wanaoweza kuja katika haki ya Mungu na kisha kuishi kwa imani yao kikamilifu.

Mungu alikuwa ameandaa sadaka ya kuteketezwa ambayo itazipatanisha dhambi za wenye dhambi ili kwamba waweze kuingia mahali Patakatifu. Naye Kuhani Mkuu alitoa sadaka ya upatanisho kwa niaba ya wenye dhambi ili kuwaokoa toka katika dhambi zao zote. Mungu ameitimiza ahadi yake ya wokovu kwa kupitia Mwanawe Yesu Kristo katika injili ya maji na Roho. Hivyo, ni lazima tuuamini Ukweli wa injili ya maji na Roho na kisha kuishi kwa imani hii. Je, imani yako imewekwa katika injili ya maji na Roho? Ili uweze kuokolewa toka katika dhambi zako zote, basi unapaswa kuamini katika injili ya maji na Roho kwa moyo wako wote. Ondoleo la dhambi la kweli linaweza kupatikana ikiwa tu una imani katika Neno la injili ya maji na Roho kama linavyoshuhudiwa katika nyuzi za bluu, zambarau, nyekundu. Ni kweli kwamba Ukweli wa wokovu unaodhihirishwa katika nyuzi za bluu, zambarau, na nyekundu zinazoonyeshwa katika Hema Takatifu la Kukutania la Agano la umejumuishwa katika injili ya maji Kale inayodhihirishwa katika Agano Jipya. Je, unasimama kuiunga mkono injili ya maji na Roho? Au unaing'ang'ania injili ambayo inatilia mkazo juu ya damu ya Msalaba tu? Je, unaiamini injili inayotangaza kwamba Yesu Kristo alibatizwa na kisha kuimwaga damu yake kwa ajili yetu?

Katika kipindi cha Agano la Kale, utaratibu wa sadaka ya kuteketezwa wa Hema Takatifu la Kukutania ulikuwa ni agano la Mungu la wokovu lililokuwa likituahidi kwamba Mungu atatuokoa toka katika dhambi za ulimwengu. Mungu alikuwa ameufunua mpango wake mkubwa wa wokovu kwa kupitia

nyuzi za bluu, zambarau, na nyekundu na kitani safi ya kusokotwa zilizotumika kulifuma lango la Hema Takatifu la Kukutania. Yeyote aliyetaka kuingia kwa kupitia lango hili alipaswa kuamini katika ukweli uliofunuliwa katika nyuzi hizo. Vivyo hivyo, Mungu aliwaruhusu watu wa Israeli kuokolewa toka katika dhambi zao zote kwa kupitia sadaka za Hema Takatifu la Kukutania, yaani kwa kuiweka mikono yao juu ya mnyama wa sadaka ya kuteketezwa na hivyo kuzipitisha dhambi zao kwenda katika mnyama huyo kwa imani, na kisha kuitoa damua ya mwanasadaka huyo kwa Mungu. Injili ya maji na Roho ni kipimo sahihi ambacho kwa hicho ondoleo la dhambi linapokelewa, hivyo ni wale tu wanaofahamu na kuamini katika injili hii kwa usahihi ndio wanaofanyika kuwa watu wa Mungu mwenyewe, na kwamba yeyote asiyeamini hivyo basi yeye si mtu wa Mungu. Hii ni kwa sababu Ukweli uliofunuliwa katika nyuzi za bluu, zambarau, nyekundu, na kitani safi ya kusokotwa vilivyotumika katika lango la ua wa Hema Takatifu la Kukutania ni injili ya maji na Roho katika Agano Jipya.

Katika Yohana sura ya 3 Bwana wetu alimwambia Nikodemu kwamba, "Mtu asipozaliwa kwa maji na kwa Roho, hawezi kuingia katika Ufalme wa Mungu." Sisi sote tunapaswa kutambua kwamba maji yanayotajwa hapa yana maanisha juu ya ubatizo wa Yesu ambao aliupokea toka kwa Yohana Mbatizaji. Tunaweza kuingia katika mikono ya Mungu ikiwa tu tutaiamini injili ya maji na Roho kwa imani.

Kila Mtu Anapaswa Kutambua Kwamba Atahukumiwa Kwa Ajili ya Dhambi Zake

Kama inavyoelezwa katika Marko 7:21 na kuendelea, kila mtu anazo zile dhambi kumi na mbili zinazotoka katika moyo

Omba kitabu cha bure katika tovuti ya www.nlmission.com

wake. Kwanza kabisa, fikra mbovu za mtu ni dhambi mbele ya Mungu. Na pia mauaji, uzinzi, wizi, uchafu, tamaa, majivuno, na ujinga vyote hivyo ni dhambi. Mawazo maovu yaliyo katika mioyo ya watu ndio mwanzo halisi wa dhambi ambayo yanaudhalilisha utakatifu wa Mungu. Pamoja na kwamba Mungu alimfanya Adamu katika sura na mfano wake kama kiumbe atakayeishi milele, Adamu alifanya dhambi dhidi ya Mungu, na kama matokeo ya jambo hili, basi sisi wote tulio wa uzao wa Adamu tunazaliwa tukiwa ni wenye dhambi, ambao tusingeliweza kuikwepa adhabu ya Mungu. Kwa kuwa tulikuwa tunazaliwa kama wazao wa mwanadamu wa kwanza Adamu, basi kwa asili yetu hatuwezi kufanya lolote zaidi ya kutenda dhambi na hivyo kuudhalilisha utakatifu wa Mungu kwa mawazo na kwa matendo yetu; na ndio maana hatuwezi kufanya lolote zaidi ya kuendelea kutenda dhambi hadi siku tutakapokufa. Kimsingi, kwa asili wanadamu wote wana mawazo yenye uovu, pia ni viumbe ambao ni dhaifu ambao wanaweza kudanganywa kwa urahisi na Shetani ambaye anaendelea wakati wote kuupa changamoto utakatifu wa Mungu.

Mungu alisema kwamba mawazo maovu yanayotoka katika moyo wa mwanadamu. Kwa kweli kila mwanadamu ni mwenye dhambi aliyejawa na aina kumi na mbili ya dhambi kama zilivyoorodheshwa katika Marko sura ya 7, yaani kuanzia uuaji, uzinzi, wizi, tamaa, umalaya, ujinga, na kadhalika. Kimsingi, asili ya mwanadamu imejawa na mawazo maovu. Na kwamba kwa sababu hiyo kuna watu wengi sana ambao wanaupa changamoto utakatifu wa Mungu kwa kukumbatia utakatifu wa dini zao. Hivyo sisi sote tulipaswa kuhukumiwa na Mungu kwa ajili ya dhambi zetu pasipo kukwepa. Hii ndio sababu wanyama wa sadaka ya kuteketezwa waliendelea kuchomwa kila siku mfululizo katika madhabahu ya sadaka ya kuteketezwa katika Hema Takatifu la Kukutania. Ua wa Hema

Takatifu la Kukutania ulijawa na harusi ya nyama iliyokuwa ikiungua vilivyochangamana na moshi wa kuni.

Ni Lazima Tuuoshelee Mbali Uchafu Kwa Maji Katika Birika la Shaba

Makuhani wa Agano la Kale walijikuta wakiwa wamezunguzwa na harufu kali ya nyama inayoungua na moshi mweusi. Hivyo iliwafanya wasiwe wasafi, kwa kuwa sura zao zilifanywa kuwa nyeusi kwa sababu ya moshi na miili yao ilifunikwa na masizi. Hii ndio sababu wahitaji kuwa na birika la shaba katika ua wa Hema Takatifu la Kukutania ili kwamba waweze kuiosha miili yao. Makuhani walipaswa kuusholea mbali uchafu wao kwa maji yaliyokuwemo katika birika la shaba kila siku.

Hili birika la shaba katika Hema Takatifu la Kukutania lina maanisha kwamba katika siku za Agano Jipya, Yesu amezioshelea mbali dhambi zote za ulimwengu huu kwa kubatizwa na Yohana Mbatizaji. Ule ukweli kwamba makuhani wa Agano la Kale waliiosha miili yao kwa maji yaliyokuwemo katika birika la shaba katika Hema Takatifu la Kukutania una maanisha ni ubatizo wa Yesu Kristo, ambao ulikuwa ni tendo muhimu sana kwa kazi yake ya wokovu kama vile kwa damu aliyoimwaga Msalabani. Ubatizo ambao Yesu aliupokea toka kwa Yohana Mbatizaji ulikuwa ni hatua muhimu sana katika kuzioshelea mbali dhambi zetu zote, ambao pasipo ubatizo huo hakuna hata mmoja ambaye angeliweza kusafishwa dhambi zake. Kwa hakika, makuhani waliweza kuutunza utakatifu wao kwa kuwa waliweza kuliendea birika la shamba lililokuwamo katika Hema Takatifu la Kukutania na kisha kuuoshelea mbali uchafu na masizi yao yaliyokuwa yamepatikana kutokana na kuhudumu katika Hema Takatifu la Kukutania.

Kule kusema makuhani waliuoshelea mbali uchafu wao katika birika la shaba kuna maanisha kwamba mtu ni lazima akiri hali yake ya dhambi na kutambua kwamba kila mtu atahukumiwa na kuangamizwa na Mungu kwa sababu ya dhambi zake. Njia ya wokovu inafunguliwa kwako wakati unapokiri kwa Mungu kwamba utahukumiwa na kutupwa katika ziwa la moto na kisha kuteseka huko milele kwa sababu ya dhambi zako. Njia pekee ya kukufanya uje katika uwepo wa Mungu ni kwa wewe kuzikiri dhambi zako na kisha kuamini katika Ukweli halisi wa wokovu ambao Yesu ameutimiza kwa ajili yako. Ukweli ni kwamba Masihi alikuja hapa duniani ili kukuokoa wewe na mimi toka katika dhambi zote za ulimwengu; ni kweli kwamba alizibeba dhambi zetu zote kwa kubatizwa na Yohana Mbatizaji; na hatimaye aliangikwa Msalabani kwa ajili yetu. Huu ndio Ukweli wa injili ya maji na Roho, ni ukweli muhimu sana wa wokovu ambao tunapaswa kuuamini.

Kila mwanadamu ana mawazo maovu ndani yake, na kwa sababu hiyo kila mtu ana matamanio mabaya ya kuwaumiza wengine, kwa kuwaletea maovu, na hata kuwaua. Unapaswa kutambua jinsi wanadamu walivyo waovu. Kwa nini wanadamu ni waovu kiasi hicho? Kwa sababu kwa asili wao ni kizazi cha watenda maovu ambacho kinakumbatia mawazo potofu na kufanya dhambi wakati wote. Kwa kuwa wanadamu wanazifanya aina zote kumi na mbili za dhambi wakati wote, ni kama vile bomu ambalo linaweza kulipuka wakati wowote. Ni kweli kwamba wanadamu waliufanya uovu wakati wote, huku wakidanganyana wakati wote, wakiibiana, huku wakifanya uzinzi na uasherati, huku wakiukufuru utukufu wa Mungu, na huku wakipenda ujinga na wenda wazimu. Wakiwa kwa asili kama wazawa wa watenda maovu, wanadamu huku wakiyakumbatia mawazo mabaya wamekuwa wakileta

changamoto kwa utakatifu wa Mungu katika maisha yao yote.

Ni Jinsi Gani Tulivyo Waovu Mbele za Mungu?

Kwa kweli ni kawaida kwa kila mwanadamu kuwa na ubinafsi kwa kuwa hii ni asili ya mwanadamu. Wanasayansi wanasema kwamba mwanadamu ana seli zaidi ya trilioni mia moja, na kila mojawapo ya hizi seli ina ubinafsi sana kiasi kuwa haiwezi kukubaliana na seli nyingine. Hii ndio sababu mwanadamu ni kiumbe mwenye ubinafsi sana. Kwa kuwa kila mmoja amepangiwa kiasilia kuwa mbinafsi kiasi hiki, basi hakuna hata mmoja anayeweza kupona katika ulimwengu huu hadi pale panapokuwepo na miiko ya kijamii inayoongoza tabia ya mtu binafsi. Wanadamu ni wabinafsi sana kiasi kwamba pasipo kuwepo kwa taratibu kama hizo basi wangeliweza kuuana. Na hii ndio sababu ili waweze kuishi kwa usalama wanadamu wameanzisha utawala wa sheria. Na hivi ndivyo desturi za kijamii na kanuni zilivyoweza kupatikana. Desturi na taratibu za kijamii zilitengenezwa ili kuibana nia haribifu ya mwanadamu ili kuimarisha mazingira yenye ushirikiano zaidi. Kwa kifupi, desturi na sheria za kijamii zilianzishwa kwa sababu wanadamu ni waovu sana hivyo sheria hizo zililenga kutawala tabia zao na kuzuia nia zao mbaya. Kadri uovu ulivyozidi kuongezeka ulimwenguni, basi ndivyo ilivyokuwa muhimu kuanzisha sheria na kanuni za kijamii.

Ikiwa unataka kwa kweli kumwamini Yesu Kristo kuwa ni Mwokozi wako na kisha kuja katika uwepo wa Mungu Baba, basi unapaswa kwanza kutambua pasipo shaka kwamba kimsingi na kwa asili wewe ni mwenye uovu, kisha ukiri kwamba wewe ni mwenye dhambi mkamilifu ambaye umefungwa ili kwenda kuzimu, ndipo hatimaye uamini katika

injili ya maji na Roho. Unapaswa kuamini katika haki ya Yesu Kristo ili uweze kupokea ondoleo la dhambi zako zote. Ingawa Mungu ni mtakatifu, ukweli ni kwamba wanadamu ni waovu, na kwa sababu hiyo hawawezi kufanya lolote zaidi ya kuendelea kutenda dhambi wakati wote. Pamoja na kuwa wanadamu waliumbwa katika sura na mfano wa Mungu, hao ndio wanaoukufuru utakatifu wa Mungu. Na hii ndio sababu wanadamu wanaweza kuokolewa ikiwa tu wataamini kwa mioyo yao yote katika injili ya maji na Roho iliyotolewa na Yesu Kristo. Unaweza kuufikia wokovu wako ikiwa tu unaiangalia hali ya Yesu Kristo, unaifahamu, na kisha kuiamini. Unapaswa kuitafuta haki ya Mungu na kisha kuiamini neema yake huku ukimwambia, "Bwana, ninakiri kwamba mimi ni mdhaifu wakati wote. Nimejawa na mapungufu wakati wote. Ninafanya dhambi wakati wote, na kwa sababu hiyo ninastahili kuadhibiwa kuzimu. Na ndio maana wokovu unaoutoa kupitia injili ya maji na Roho ni wa muhimu sana kwangu. Ninaamini umeniokoa kwamba umeniokoa kupitia injili ya maji na Roho." Ni wale tu wanaoukiri udhaifu na uovu wao ndio wanaoweza kujamini haki ya Yesu Kristo.

Inasemekana kwamba Sokreti alivutiwa na maandisho yaliyoandikwa ovyovyo katika ukuta wa choo yaliyokuwa yakisema "Jifahamu Mwenyewe!" kauli hii nyepesi iliacha fikra nyingi katika akili za Sokreti kwa kuwa ilielezea kile kilichokuwemo ndani ya akili yake. Hivyo, ndio maana Sokreti alipomwona mtu akijifanya kuwa na haki binafsi na kujiona ni mwema na mwenye ufahamu, basi Sokreti alimwambia mtu huyo "Kwanza jifahamu mwenyewe!" Kauli hii nyepesi peke yake ilimfanya Sokreti kuwa mwanafalsafa mkubwa ambaye anakumbukwa hadi leo.

Kwa kweli siwezi kuelezea vya kutosha jinsi ilivyo muhimu kwa wewe kuitambua nafsi yako yenye dhambi, na

kutambua kwamba utatupwa kuzimu kama mshahara wa dhambi hizo, kisha uukiri ukweli huu kwa moyo wako wote. Kwa kweli hauwezi ukaielewa vizuri haki ya Mungu hadi pale utakapotambua kwanza jinsi ulivyo mwenye dhambi mbele za Mungu na hadi pale utakapotambua kwamba ni hakika bila shaka kwamba unaelekea kuzimu. Vivyo hivyo, kila mtu ni lazima akiri kwanza madhara ya dhambi zake mwenyewe. Madhabahu ya sadaka ya kuteketezwa ilitengenezwa kwa mti wa mshita, na nje yake ulifunikwa kwa shaba. Hii ina maanisha kwamba kila mtu anapaswa kuhukumiwa kwa ajili ya dhambi zake, na kwamba kila mwenye dhambi hawezi kuikwepa njia yake ya kwenda kuzimu. Lakini wale wanaofahamu jinsi wasivyo na msaada ndio wanaoweza kuiheshimu haki ya Yesu na kisha kuuamini upendo wake.

Hebu tugeukie Luka 18:10-14: "Watu wawili walipanda kwenda hekaluni kusali, mmoja Farisayo, wa pili mtoza ushuru. Yule Farisayo akasimama akiomba hivi moyoni mwake; Ee Mungu, nakushukuru kwa kuwa mimi si kama watu wengine, wanyang'anyi, wadhalimu, wazinzi, wala kama huyu mtoza ushuru. Mimi nafunga mara mbili kwa juma; hutoa zaka katika mapato yangu yote. Lakini yule mtoza ushuru alisimama mbali, wala hakuthubutu hata kuinua macho yake mbinguni, bali alijipiga-piga kifua akisema, Ee Mungu, uniwie radhi mimi mwenye dhambi. Nawaambia, huyu alishuka kwenda nyumbani kwake amehesabiwa haki kuliko yule; kwa maana kila ajikwezaye atadhiliwa, naye ajidhiliye atakwezwa."

Katika siku za Yesu, Mafarisayo walikuwa ni washika dini sana kwa mwonekano wao wa nje huku wakimfundisha kila mtu kuishi kwa wema. Lakini ni kweli kwamba hawakufanya wizi wowote au uzinzi? Hapana, kwa kweli hapana! Pamoja na kuwa Mafarisayo walijifanya kuwa ni watu wa kimungu kwa mwonekano wa nje, ukweli ni kuwa wakati walipokuwa

hawaonekani kwa watu walitenda mambo ambayo ni mabaya kuliko hata watu wa kawaida. Lakini pamoja na ukweli huu, waliendelea kujitutumua kwa kuamini kwamba walikuwa hawana dhambi, pia walijifanya kuwa ni watu wa kimungu kwa watu waliowazunguka. Ni sahihi kwamba watu wa jinsi hiyo ambao ni wenye dhambi wanaupa changamoto utakatifu wa Mungu.

Maombi ya mtoza ushuru yalikuwa ni tofauti na yale ya Farisayo. Ilikuwa dhahiri kwa kila mtu kwamba mtoza ushuru alikuwa ni mwenye dhambi. Ni kweli, hata alipokuja mbele za Mungu hakuweza hata kukiinua kichwa chake kuziangalia mbingu, badala yake alijipigapiga kifua, huku akitubu, "Mungu uniwie radhi, mimi mwenye dhambi!" Kisha Mungu aliyasikiliza maombi ya yule mtoza ushuru na akamwokoa toka katika dhambi zake zote kwa kuwa mtoza ushuru huyo aliamini katika Ukweli wa injili ya maji na Roho. Kinyume chake, yule Farisayo alionekana kuwa ndiye mtenda maovu mbele za Mungu. Ni mtoza ushuru ndiye aliyekubalika na Mungu kwa ajili ya haki yake, na wala si yule Farisayo.

Tumepokea ondoleo la dhambi kwa kuamini katika haki ya Mungu kwa mioyo yetu yote na sio kwa kuyategemea matendo yetu binafsi. Kwa kuwa matendo yetu mara nyingi yanapungukiwa na utukufu wa Mungu, basi hatuwezi kufanya lolote zaidi ya kutenda dhambi wakati wote, na kwa sababu hiyo sisi sote tunastahili kuhukumiwa kwa moto kwa ajili ya dhambi zetu, ni kama vile wanyama wa sadaka ya kuteketezwa walivyochinjwa wakati wote na kisha kuchomwa juu ya madhabahuu ya sadaka ya kuteketezwa kwa ajili ya dhambi za watu wa Israeli. Hivyo ni lazima tukiri kwa Mungu jinsi tulivyo wenye dhambi na kisha kuokolewa toka katika dhambi zetu zote na adhabu ya dhambi kwa kumwamini Yesu Kristo pekee.

Tunapouangalia moto na moshi unaofuka toka katika

madhabahu ya sadaka ya kuteketezwa iliyofunikwa kwa shaba, basi tunaweza kuona mbele za Mungu kwamba sisi ni wenye dhambi ambao tumefungwa ili kuhukumiwa katika moto wa kuzimu kwa ajili ya dhambi zetu. Kila mmoja wenu ni lazima ukweli huu. Ni hapo aufahamu tu ndipo unapoweza kukombolewa kikamilifu toka katika dhambi zako zote na adhabu ya dhambi zako kwa kuamini katika ubatizo wa Yesu Kristo na damu yake aliyoitoa sadaka. Yesu Kristo anakupatia wokovu toka katika dhambi zako zote, lakini hutaweza kuuangalia wokovu huu kwa uaminifu hadi pale utakapokiri kwa Mungu kwamba wewe ni mwenye dhambi, na kwamba huwezi kufanya lolote zaidi ya kuhukumiwa kwa ajili ya dhambi zako. Ni ni hadi pale utakapouamini Ukweli huu wa wokovu kwa moyo wako wote ndipo unapoweza kuufikia wokovu wako, na hapo ndipo unapoweza kuwekwa huru toka katika dhambi zako zote na adhabu zake, na kisha kuupokea upendo wa Mungu. Lakini kama ilivyoelezwa, kabla haujauaini Ukweli wa wokovu, kwanza unapaswa kuitambua nafsi yako halisi na kisha ukiri kwa uaminifu hali yako ya dhambi na mapungufu yako mbele za Mungu. Yeye anayeikiri hali yake ya dhambi basi huyo ndiye anayeufahamu utakatifu wa Mungu pamoja na haki yake. Kwa maneno mengine, unaweza kupokea ondoleo la dhambi kwa kuamini katika ubatizo wa Yesu na damu yake, mara baada ya kukiri kwanza kwamba Mungu ni mkamilifu, mwema, na mwenye haki, na kwamba wewe ni mchafu, usiye na haki na mwenye uovu mbele za Mungu.

Lakini ikiwa wewe ni mwenye haki-binafsi kama yule Farisayo aliyejiona kuwa ni mwema na bora mbele za Mungu, basi unapaswa kutambua kwamba unasimama katika barafu nyembamba sana. Mbali na kuitafuta rehema ya Mungu, ukweli ni kuwa Mungu atakuacha. Kwa upande mwingine, ikiwa wewe ni kama yule mtoza ushuru, basi unaweza kukiri kwamba wewe

ni mwenye dhambi ambaye umefungwa kwenda kuzimu kwa sababu ya dhambi zako, kisha ukaitafuta rehem ya Mungu kwa kuzingatia msingi huu wa kujinyenyekeza. Kwa kweli Mungu Baba amezitoweshea mbali dhambi zote za wale ambao ni wanyenyekevu kama yule mtoza ushuru kwa kupitia injili ya maji na Roho na amewaokoa kwa kumtuma Mwanawe pekee Yesu Kristo.

Ingawa kuna watu wengi sana hapa ulimwenguni, ukweli ni kuwa watu hao wanaweza kugawanywa katika aina kuu mbili: yaani wale waliopokea ondoleo la dhambi na wale ambao bado hawajapokea ondoleo hilo la dhambi. Kundi la kwanza ni la wale ambao walikiri hali yao ya unyonge kwamba walikuwa wamefungwa ili kwenda kuzimu, na kwa sababu hiyo walizipata rehema za Mungu. Watu wa jinsi hiyo wamepokea ondoleo la dhambi kwa kuamini katika wokovu wa Yesu Kristo. Wanamkubali Mungu kwa uaminifu na kuutumainia utakatifu wake, haki na uaminifu wake. Kwa upande mwingine, hili kundi la pili sio tu wanakataa kupokea ondoleo la dhambi zao, bali pia wanasimama kinyume na Mungu, kwa kuwa hawaamini kwamba Yesu Kristo ni Mwokozi wao wala hawakiri kwamba wao wenyewe ni wenye dhambi. Unapaswa kuamini kwamba Mungu amezioshelea mbali dhambi zako zote kwa ukweli wa nyuzi za bluu, zambarau, na nyekundu. Ni wale tu walio na imani isiyoyumba kama hii ndio wameweza kwa kweli kuufikia wokovu wao.

Madhabahu ya sadaka ya kuteketezwa iliyofunikwa kwa shaba inatuonyesha kuwa pamoja na kwamba tulikuwa tumepangiwa hukumu na Mungu kwa sababu ya dhambi zetu, sasa dhambi zetu zimeoshelewa mbali kwa kuamini katika ubatizo wa Bwana wetu na kifo chake. Lakini kabla ya kukiri kumwamini Yesu kuwa ni Mwokozi wako na kisha kuikiri imani yako, basi kwanza unapaswa kukiri kwamba unastahili

kuhukumiwa na Mungu kwa sababu ya dhambi zako nyingi ambazo umezitenda, yaani kama ambavyo wanyama wa sadaka ya kuteketezwa walivyochomwa katika madhabahu ya sadaka ya kuteketezwa iliyokuwa imefunikwa kwa shaba. Ni hadi pale utakapokiri juu ya nafsi yako yenye dhambi ndipo unapoweza kufahamu na kuamini katika ubatizo wa Yesu Kristo na damu yake Msalabani kwa ajili ya wokovu wako, na hapo ndipo unapoweza kufanywa kuwa mtu wa Mungu.

Imani Katika Damu ya Yesu Peke Yake Haitoshi

Baadhi yenu mtakuwa mnawaza hivi, "Kwa nini Mchungaji Jong anakazania kusema kwamba ninapaswa kukiri juu ya nafsi yangu yenye dhambi wakati mimi ninaiamini damu ya Yesu? Ni kweli kwamba nina mawaa machache, lakini mimi si mwenye dhambi kiasi kwamba ninastahili kuhukumiwa na Mungu kwa ajili ya dhambi zangu. Sifikiri kwamba kila wazo, kila nia, na kila tendo ni lenye dhambi kiasi kuwa ninastahili kuhukumiwa adhabu." Ikiwa hivi ndivyo unavyofikiri sasa hivi, basi unapaswa kutambua kwamba unawaza vibaya kama yule Farisayo. Unafanya kosa kubwa sana kwa kujifanyia tathmini ya jumla kama hiyo.

Biblia inasema kwamba mshahara wa dhambi ni mauti. Kila dhambi ina uzito sawa mbele za Mungu, haijalishi kwamba dhambi hiyo ni kubwa au ndogo. Yeyote aliye na dhambi yoyote ile mbele za Mungu, hata kama dhambi hiyo ni ndogo kuliko zote, ukweli ni kwamba atahukumiwa kwa dhambi hiyo na kisha kutupwa katika moto wa kuzimu. Haijalishi kwamba dhambi zako ni kubwa au ndogo; ukweli ni kuwa ikiwa una dhambi yoyote ile, basi wewe ni sawa na mwenye dhambi yeyote yule mbele ya macho ya Mungu mtakatifu.

Kwa nini hali iko hivyo? Ni kwa sababu Mungu Mwenyewe ni mtakatifu, na kwa sababu hiyo hawezi kuvumilia dhambi yeyote ile bila kujalisha kwamba dhambi hiyo ni kubwa au ndogo. Pia ni kwa sababu Mungu ni lazima ataihukumu kila dhambi bila simile.

Tunapoyafunua maisha yetu kwa uwazi mbele za Mungu, basi ni kweli kwamba hakuna mmoja wetu anayeweza kudai kwamba ametenda dhambi chache. Ikiwa unasema kwamba umetenda dhambi chache, basi ni wazi kuwa pengine unajihesabu kuwa wewe ni mwema kwa kuangalia viwango vya ulimwengu. Lakini unasema hivyo kwa kuwa uelewa wako juu ya hukumu ya Mungu na adhabu yake ni wenye makosa, kwa kuwa hufahamu jinsi Mungu alivyo makini. Kwa maneno mengine, unajitathmini kwa kuzingatia vigezo vyako binafsi badala ya kutumia viwango vya Mungu, na ndio maana unafikiria kwa makosa hiyo. Hivyo namna kujitathmini mwenyewe mbele ya Sheria ya Mungu huku ukijiuliza, "Ninaonekanaje mbele ya uwepo wa Mungu? Wakati Mungu anaponiangalia, sionekani kuwa ni mtu ninayestahili kuadhibiwa? Je. sifanya dhambi nyingi sana zitanipeleka kuzimu?" Vivyo hivyo, unapaswa kujichunguza mwenyewe kwa kina mbele za Mungu na kisha ukatambua kuwa wewe mwenyewe ni mwenye dhambi ambaye umepangwa kutupwa katika shimo la kuzimu kwa kuwa mshahara wa dhambi ni mauti.

Unapaswa kutambua kwamba kitu chochote kinachofanywa pasipo imani ni dhambi mbele za Mungu (Warumi 14:23), lakini pale unapotenda dhambi kila siku, basi ni hakika kwamba utahukumiwa kwa sababu ya dhambi hizi. Ni baada ya kutambua hivi ndipo unapoweza kuutambua Ukweli wa wokovu na kufahamu kwamba Bwana amewaokoa wenyedhambi kama wewe toka katika dhambi zote kwa kupitia

nyuzi za bluu, zambarau, na nyekundu na kitani safi ya kusokotwa, na hapo utakapofahamu hivyo basi ndipo utakapopokea ondoleo la dhambi.

Tunapoliangalia Neno la Mungu likilielezea Takatifu la Kukutania kwa kina, basi hapo tunashindwa cha kufanya zaidi ya kukiri hivi: "Bwana, ni kweli kwamba sisi sote tulipangiwa kuhukumiwa kwa sababu ya dhambi zetu, kwa kuwa hatuwezi kufanya lolote zaidi ya kuendelea kutenda dhambi wakati wote. Lakini hata hivyo, Bwana umetuokoa toka katika dhambi zetu zote na adhabu yake kwa kubatizwa na kwa kuimwaga damu yako. Sisi tumeokolewa toka katika dhambi zetu zote na adhabu yake kwa kuamini katika Ukweli wa injili yako ya maji na Roho. Kwa hakika sisi sote tulipangiwa kwenda kuzimu. Lakini tunakushukuru Bwana, tumeokolewa toka katika dhambi zetu zote kwa kuamini katika utaratibu wa sadaka ya kuteketezwa ulionzishwa na wewe. Tunaamini kwamba hii ni ya wokovu ambayo umetupatia. zawadi Tunachoweza kukifanya mbele ya neema kubwa kama hiyo ni kuiamini injili ya maji na Roho na kisha kukupatia shukrani zetu zote wewe Mungu."

Lakini kuna watu wengi katika ulimwengu huu ambao bado hawajaiendea haki ya Kristo. Kuna watu wengi sana ambao hawaufahamu Ukweli wa wokovu, yaani hawatambui kwamba Bwana amemwokoa kila mwenye dhambi toka katika dhambi zote za ulimwengu kwa kupitia Ukweli wa nyuzi za bluu, zambarau, na nyekundu. Watu hawa hawafahamu jinsi walivyo waovu na kwamba wamepangiwa kuadhibiwa kwa sababu ya dhambi zao. Ingawa wanatenda dhambi nyingi sana wakati wote na kwamba wataadhibiwa kwa sababu ya dhambi zao, ukweli ni kuwa watu hao bado hawajatambua kwamba wao ni wenye dhambi wakubwa, na kwa sababu hiyo wanaendelea kujidanganya. Zaidi ya yote, wanafikiri kimakosa kwamba

wanatenda matendo mema mbele za Mungu, na wanajitahidi sana kuonyesha wema wao. Watu wa jinsi hiyo wanapomkaribia Mungu huwa hawasiti kuleta haki yao binafsi mbele za Mungu kuliko kuileta haki ya Mungu. Hali wakiwa katika ujinga wa kujihesabia haki, wao wanadhani kwamba hawataweza kwenda kuzimu ati kwa sababu tu wao wana dhambi chache na kwamba wanahitaji ondoleo la dhamb hizi chache.

Kwa kweli kuna Wakristo wengi ulimwenguni mwote ambao wanafikiri kwamba pamoja na kuwa wanamwamini Yesu, ukweli ni kuwa bado wana dhambi chache zilizo ndani yao, na kwamba dhambi za jinsi hiyo zinaweza kuoshelewa mbali kwa urahisi kwa kutoa sala za toba; na kwamba watafanywa kuwa watakatifu kadri muda unavyozidi kwenda; na kwamba hatimaye wataingia katika Ufalme wa Mbinguni. Wakristo wengi wana hakika kwamba ingawa bado ni wenye dhambi, Mungu hatawahukumu ati kwa sababu wanamwamini Yesu. Haijalishi jinsi watu wanavyoamini katika hili, ukweli ni kuwa watu wa jinsi hiyo wamepangiwa kuingia katika moto wa kuzimu uwakao. Ikiwa unafikiri kwamba hutakwenda kuzimu hata kama haulifahamu fumbo la wokovu ambalo limefunuliwa katika nyuzi za bluu, zambarau, nyekundu, na kitani safi ya kusokotwa za Hema Takatifu la Kukutania, au ikiwa unaamini tu kwamba Yesu Kristo alisulubiwa kwa ajili yako pasipo kuuamini ubatizo wake, basi ni hakika kwamba imani yako si sahihi. Vivyo hivyo, ikiwa unafikiri kwamba hutakwenda kuzimu hata kama moyo wako ni wenye dhambi, ati kwa sababu tu unamwamini Yesu Kristo kuwa ni Mwokozi kwa kiasi fulani, basi tambua kwamba wewe unaupinga utakatifu God. Kwa kweli kuzimu ni mahali palipoandaliwa na watu wenye kiburi kama hao ambao hawaamini kwamba watakabiliana na adhabu ya Mungu.

Ni masikitiko makubwa kuona wenye dhambi wengi

wakibakia wajinga kiasi cha kutofahamu kwamba wanaelekea kuzimu. Lakini kama Biblia inavyosema, "Wote wametenda dhambi na kupungukiwa na utukufu wa Mungu" (Warumi 3:23). kwa hakika kila mtu ni lazima atupwe kuzimu, hii ni kwa sababu kila mtu ni mwenye dhambi. Utukufu wa Mungu si mwingine bali ni Yesu Kristo Mwenyewe, ambaye alikuja kwa maji na kwa Roho. Ingawa Wakirsto wengi wanadai kumwamini Yesu, ukweli ni kuwa wengi wao hawajaokolewa kwa sababu hawafahamu kwamba Yesu amekuja kwa maji, kwa damu, na kwa Roho. Ikiwa haumfahamu wala haumwamini huyu Yesu Kristo aliyekuja kwa nyuzi za bluu, zambarau, na nyekundu, basi ni wazi kuwa dhambi zako zote bado hazijaoshelewa mbali, na kwa sababu hiyo huwezi kuingia katika Nyumba ya Mungu yenye utukufu. Na ikiwa huwezi kuja katika Nyumba ya Mungu, basi hii ina maanisha kwamba huwezi kushiriki katika Ufalme wa Mungu, na kwa sababu hiyo hatimaye utatupwa kuzimu.

Hivyo, bila kujalisha kwamba wewe ni Mkristo unayekiri kwamba Yesu Kristo ni Mwokozi wako, ukweli ni kuwa kama hujazaliwa tena upya, basi unapaswa kukubali kwamba umefungwa kwenda kuzimu kwa ajili ya dhambi zako na kwa sababu hiyo kuanzia sasa na kuendelea unapaswa kumwamini Yesu Kristo kwa usahihi. Sheria ya Mungu inaeleza wazi kwamba mshahara wa dhambi ni mauti, na unapaswa kuikubali sheria hii takatifu na kuiamini pasipo upinzani wowote. Ni hadi pale utakapokiri kwamba unaelekea kuzimu kwa sababu ya dhambi zako, basi hapo ndipo unapoweza kuiamini injili ya maji na Roho iliyotolewa na Mungu. Zawadi ya Mungu ya wokovu ni lile ondoleo la dhambi, na zawadi hii inatolewa kwa wale tu ambao wanaoamini katika ubatizo wa Yesu Kristo, kifo chake Msalabani, na ufufuo wake.

Wokovu na ukombozi wetu toka katika dhambi zetu zote haukuja kwa sababu yetu wenyewe, bali ni zawadi ya Mungu kwetu. Hakuna kati yetu aliyezaliwa hapa ulimwenguni kwa matamanio yake binafsi, lakini ni Mungu ndiye aliyeruhusu sisi kuzaliwa duniani ili atufanye sisi kuwa watoto wake. Kila mmoja wetu ni lazima auamin Ukweli huu na atambue kwamba Mungu ametuwezesha sisi sote kuufikia wokovu wetu ikiwa tu tutauamini ubatizo wa Yesu, kifo chake Msalabani, na ufufuo wake.


Baada ya kuwa ameianzisha sheria yake kwamba mshahara wa dhambi ni mauti, Mungu alipanga pia kutupatia uzima wa milele katika Yesu Kristo Bwana wetu. Mungu aliamuru kuifanya madhabahu ya sadaka ya kuteketezwa kutokana na mti wa mshita, na kisha kuifunika kwa shaba, na kisha kuwasha moto juu yake. Hii ina maanisha kwamba mshahara wa dhambi ni mauti, na kwamba kila dhambi ni lazima iadhibiwe milele. Sheri hiyo ya Mungu haiwezi kuvunjwa milele wala haiwezi kubadilishwa na yeyote yule kati yetu. Na hii ndio sababu tunapaswa kukikiri kwamba sisi ni wenye dhambi ambao hatuwezi kufanya lolote na kisha tuupokee Ukweli wa wokovu katika mioyo yetu kwa imani. Ni muhimu sana kwetu sisi sote kukubali na kuamini katika kila sheria ambayo Mungu ameianzisha kwa ajili yetu.

Ikiwa kweli una uelewa sahihi wa Hema Takatifu la Kukutania na ikiwa una imani sahihi, basi si kwamba Mungu atakuokoa wewe tu toka katika dhambi zako na adhabu ya dhambi hizi, bali ni dhahiri kwamba Mungu atakupatia pia baraka zake. Lakini ikiwa unakataa kuzitafakari dhambi zako walau mara moja, na badala yake ukafikiri kwamba hauna dhambi yoyote, yaani kwamba hujatenda dhambi yoyote istahiliyo mauti, au kwamba dhambi chache ulizozifanya si kitu ukilinganisha na mambo mema uliyoyatenda, basi fahamu wazi kwamba nafsi yako itawekwa chini ya hasira ya Mungu.

Yesu Kristo ni Mungu Mwenyewe, na unaweza kuwekwa

huru toka katika dhambi zako zote ikiwa tu utamwamini Kristo kuwa ni Mwokozi wako na kisha kuiamini haki ya Mungu ambayo ilitimizwa na Bwana; na mara utakapokuwa umewekwa huru toka katika dhambi zako zote kwa kuamini katika injili ya maji na Roho, basi ni hakika kwamba utaishi na Mungu milele.

Ninamshukuru Yesu Kristo kwa kutuokoa toka katika dhambi zetu zote na kifo kwa kupitia Ukweli wa wokovu uliofichwa katika utaratibu wa sadaka ya kuteketezwa wa Hema Takatifu la Kukutania.





Unaweza Kupakua Vitabu vya Kikristo vya Mchungaji Paul C. Jong katika Kompyuta, Kompyuta-Kibao, au kwenye Simu-Mahiri

Madhabahu ya Uvumba Ni Mahali Ambapo Mungu Anaitoa Neema Yake

< Kutoka 30:1-10 >

"Nawe fanya madhabahu ya kufukizia uvumba; utaifanviza kwa mti wa mshita. Urefu wake utakuwa dhiraa moja, na upana wake dhiraa moja; itakuwa mraba; na kwenda juu kwake dhiraa mbili; pembe zake zitakuwa za kitu kimoja navo. Nawe utaifunikiza dhahabu safi juu vake, na mbavu zake kando kando, na pembe zake; utaifanvia ukingo wa dhahabu kuizunguka. Kisha utaifanyia pete mbili za dhahabu, chini ya ukingo wake mbavu zake mbili, katika pande zake mbili utazifanya; nazo zitakuwa mahali pa kuitia miti ya kuichukulia. Na ile miti utaifanya kwa mti wa mshita, na kuifunikiza dhahabu safi. Nawe utaitia mbele va lile pazia lililo karibu na sanduku la ushuhuda mbele ya kiti cha rehema kilicho juu va ushuhuda, hapo nitakapokutana nawe. Na Haruni atafukiza uvumba wa manukato juu yake; kila siku asubuhi atakapozitengeneza zile taa, ataufukiza. Na Haruni atakapoziwasha zile taa wakati wa jioni, ataufukiza, uwe uvumba wa daima mbele za Bwana katika vizazi vyenu vyote. Hamtafukiza juu yake uvumba mgeni, wala sadaka ya kuteketezwa, wala sadaka ya unga, wala hamtamimina juu vake sadaka ya kinywaji. Nave Haruni atafanya upatanisho juu ya pembe zake mara moja kila mwaka; kwa damu ya ile sadaka ya dhambi ya kufanya upatanisho, mara moja kila

mwaka ataifanyia upatanisho, katika vizazi vyenu vyote; ni takatifu sana kwa Bwana."

Kama tungeliingia ndani ya Mahali Patakatifu, ambapo ni Nyumba ya Mungu, kitu cha kwanza ambacho tungelikiona ni kinara cha taa, meza ya mikate ya wonyesho, na madhabahu ya uvumba. Madhabahu ya uvumba iliwekwa mbele ya lango la kuingia Patakatifu pa Patakatifu, mahali ambapo kiti cha rehema kilikuwa kimewekwa, yaani baada ya kukipita kinara cha taa na meza ya mikate ya wonyesho. Urefu na upana wa madhabahu hii ya uvumba ulikuwa ni dhiraa moja, wakati kimo chake kilikuwa ni dhiraa mbili. Katika Biblia, dhiraa ni takribani sentimita 45-50 kwa vipimo vya hivi sasa. Hivyo, madhabahu ya uvumba ilikuwa na mraba mdogo wenye vipimo vya takribani sentimita 50 kwa urefu na upana na sentimita 100 kwa kimo. Kama ilivyokuwa kwa madhabahu ya sadaka ya kuteketezwa, madhabahu ya uvumba pia ilikuwa na pembe katika zake nne za juu. Hali ikiwa imetengenezwa kwa mti wa mshita, madhabahu ya uvumba ilikuwa imefunikwa yote kwa dhahabu.

Madhabahu ya Uvumba Ndani ya Mahali Patakatifu Ilikuwa na Pembe Nne

Wakati Kuhani Mkuu alipotoa sadaka ya Siku ya Upatanisho mara moja kwa mwaka, alipaswa kuiweka damu ya mnyama wa sadaka ya kuteketezwa aliyekuwa amezibeba dhambi za mwaka mzima za watu wa Israeli katika pembe za madhabahu ya sadaka ya kuteketezwa iliyokuwepo katika ua wa Hema Takatifu la Kukutania. Kwa namna iyo hiyo, Kuhani Mkuu alipaswa pia kuiweka hiyo damu katika pembe za

madhabahu ya uvumba. Kwa kuwa damu hii ilitolewa kwa Mungu, basi ilitatua tatizo la dhambi ambayo ilikuwa ikiwazuia watu wa Israeli kwenda kwa Mungu. Sisi sote tumepokea ondoleo la dhambi kwa kuamini katika injili ya maji na Roho, na katika kipindi cha sasa cha Agano Jipya, imani yetu hii ndiyo inavotuwezesha kuondoa vikwazo vvote hasa tunapokwenda mbele za Mungu na kuomba. Hata wenye haki wanatenda dhambi wanapokuwa hapa ulimwenguni. Hata hivyo, kwa kuwa tunaamini katika ubatizo wa Yesu na damu yake ya sadaka hali ikiangaziwa na utaratibu wa sadaka ya kuteketezwa wa Agano la Kale, ukweli ni kwamba tunaweza kuja mbele za Mungu na kisha kumwomba Mungu kwa ujasiri.

Hata wenye haki wanaweza kusita kwenda mbele ya uwepo wa Mungu kwa sababu ya dhambi wanazozifanya katika ulimwengu huu, lakini kwa nyakati kama hizi, bado wanaweza kwenda mbele za Mungu kwa ujasiri kwa kuitumainia injili ya maji na Roho. Kadri tunavyoiamini injili ya maji na Roho ya Yesu Kristo, basi ndivyo tunavyoweza kwenda kwa Mungu kwa ujasiri pamoja na kuwa miili na mawazo yetu ni dhaifu. Hii ni kwa sababu tumekwishafanyika weye haki kwa imani yetu katika injili ya maji na Roho, na kwa sababu Bwana amekwisha tukomboa mara moja toka katika maovu yetu yote kwa kupitia Ukweli wa wokovu ambao unadhihirika katika nyuzi za bluu, zambarau, na nyekundu za mlango wa Hema Takatifu la Kukutania. Hivyo, ni lazima tuitafakari injili ya maji na Roho wakati wote. Yesu ameutimiza wokovu wetu mkamilifu mara moja na kwa ajili ya wote kwa kupitia ubatizo alioupokea toka kwa Yohana Mbatizaji na kwa damu yake aliyoimwaga Msalabani, na kuna tofauti za kimsingi za imani kati ya wale wanaoamini katika wokovu na kati ya wale wasioamini. Wenye haki wanaamini katika injili ya maji na Roho. Hii ndio sababu wanaweza kumwomba Mungu bila kusita, hii ni kwa sababu

wanaamini kwamba Yesu alizipokea dhambi zao zote mara moja na kwa ajili ya wote kwa kupitia ubatizo wake na akaimwaga damu yake kwa ajili yao. Hivyo kila mtu ni lazima aamini kwamba Yesu alizibeba dhambi zote kwa kupitia ubatizo alioupokea toka kwa Yohana Mbatizaji, na kwamba alihukumiwa kwa ajili ya dhambi hizo zote kwa kuimwaga damu yake Msalabani. Ni kwa kuamini hivyo ndipo mtu anapoweza kuwa kuhani wa imani mbele za Mungu na anayeweza kujiombea yeye mwenyewe na kuwaombea wenye dhambi wengine. Imani halisi ya Kikristo, ni kule kuamini kwamba Mungu ametuokoa toka katika dhambi zote za ulimwengu, na msingi wa imani hii ni injili ya maji na Roho.

Sisi sote tunaweza kuugundua Ukweli wa wokovu uliodhihirishwa katika nyuzi za bluu, zambarau, na nyekundu na kitani safi ya kusokotwa za mlango wa Hema Takatifu la Kukutania kwa kupitia injili ya maji na Roho. Sisi sote tunaweza kuingia katika Ufalme wa Mungu kwa kuamini katika Ukweli wa injili hii. Basi, ninakusihi uamini kwamba haki ya Yesu Kristo ndio wokovu wako, yaani kwamba Yesu alizibeba dhambi zako zote, na kwamba alihukumiwa Msalabani kwa ajili ya dhambi zako zote. Baada ya kuamini hivyo utawekwa huru toka katika dhambi zako zote milele. Ni kwa kuamini katika injili ya agano la Mungu, na katika Neno la injili ya maji na Roho ndipo unapoweza kupokea ondoleo la dhambi, na kufanywa mtakatifu mwenye haki, na hatimaye kupokea kibali cha Mungu kwa sababu ya kuwa na imani sahihi. Baada ya kuufikia wokovu wako kwa kuamini katika injili ya maji na Roho, basi kitu cha kwanza unachopaswa kukifanya ni kumwomba Mungu kwa ajili ya kazi yake ya wokovu, yaani kuieneza injili ya maji na Roho ulimwenguni kote. Waamini wenye haki wanaoamini katika injili ya maji na Roho wanamwomba Mungu kwa namna hiyo ili kwamba waweze kuiangaza nuru ya injili katika ulimwengu huu

kwa kupitia Kanisa la Mungu, ambalo ni kinara cha taa katika Mahali Patakatifu pa Mungu. Imani ni ya muhimu sana katika kuisaidia huduma ya Kanisa la Mungu katika kuieneza injili kikamilifu katika ulimwengu wote. Ikumbukwe kamba kila mtu katika ulimwengu mzima anaweza kupokea ondoleo la dhambi zake na kisha akakua kiimani kwa kulisikia na kuliamini Neno la Mungu la thamani likihubiriwa na watumishi wake.

Imani yako katika Yesu kuwa ni Mwokozi wako ni lazima ijengwe katika injili ya maji na Roho. Na kama mtakatifu mwenye haki uliyeokolewa toka katika dhambi zako zote, basi unapaswa kuiendea madhabahu ya uvumba na kisha kusimama mbele ya kiti cha rehema kilichopo Mahali Patakatifu. Kwa nini ni muhimu kufanya hivyo? Kwa sababu unahitaji neema ya Mungu wakati wote. Madhabahu ya uvumba ni mahali ambapo tunatoa maombi yetu kwa Mungu, maana uvumba unaotajwa hapa una maanisha ni maombi ya watakatifu (Ufunuo 5:8). Kila tunapokwenda katika madhabahu ya uvumba na kumwomba Mungu, basi ni dhahiri kwamba tunajivika neema ya Mungu. Madhabahu ya uvumba iliyopo Mahali Patakatifu inatuonyesha kwamba kitendo cha kumwomba Mungu kwa imani ni njia ya kuipata neema ya Mungu. Hii ndio sababu sisi waamini tunaoamini katika injili ya maji na Roho ni lazima tuendelee kwenda katika madhabahu ya uvumba ili kumwomba Mungu kwa imani bila kukoma ili tuweze kujivika neema ya Mungu wakati wote.

Madhabahu ya Uvumba Ni Mahali Ambapo Tunaomba Msaada wa Mungu

Pamoja na kuwa tumepokea ondoleo la dhambi kwa kuamini katika injili ya maji na Roho, ukweli ni kuwa bado

Omba kitabu cha bure katika tovuti ya www.bjnewlife.org

tunaihitaji msaada wa Mungu katika maisha yetu yote. Ni wazi kwamba neema ya Mungu ni muhimu sana ili tuweze kujiunga na Kanisa la Mungu na kisha kuzaa matunda kama nuru ya ulimwengu huu. Basi ni muhimu sana kwetu sisi sote kumwomba Mungu bila kukoma, huku tukimwomba hivi, "Bwana, tafadhari naomba unisaidie. Naomba kikamilifu. Naomba unipe imani. Naomba uniimarishe kimwili na kiroho. Naomba uiimarishe imani yangu ili kwamba isiweze kuyumba. Naomba uyakatilie mbali matamanio yote ya moyo wangu ya kutaka kuifuata dunia. Na naomba uniondolee nia isiyo ya kimungu ndani yangu." Mungu anatutaka sisi wenye haki kuiendea madhabahu ya uvumba, na kisha kupiga magoti katika madhabahu hiyo, na kisha kumwomba Mungu ili kwamba tuweze kuipata neema yake katika mambo yote na kisha kuzipokea baraka zake kimwili na kiroho. Na hii ndio maana ni muhimu sana kwa kila mtakatifu mwenye haki ambaye amepokea ondoleo la dhambi kuendelea kuishi maisha ya sala katika madhabahu ya uvumba.

Pamoja na kuwa sisi wenye haki tumezaliwa tena upya na kisha kuokolewa toka katika dhambi zetu zote kwa kuamini katika injili ya maji na Roho, ukweli ni kwamba ni muhimu sana kwetu sisi kumwomba Mungu ili atupatie neema yake katika maisha ya kila siku. Hii ni kwa sababu pamoja na kwamba sisi wenye haki tumeshapokea ondoleo la dhambi, ukweli ni kwamba kama hatutakuwa tumevikwa neema ya Mungu, basi ni wazi kuwa hatutaweza kupita katika njia nyembamba ya uzima ambayo Bwana anataka tuipitie. Mungu anaitoa neema yake kwa wenye haki wakati wenye haki hao wanapomwomba Mungu. Jambo hili linawezekana pale tu tunapokaa ndani ya Kanisa la Mungu na kisha kulitii Neno lake. Kwa lugha nyingine, wenye haki wanajivika neema ya Mungu wakati wanapoitenda kazi yake njema hali wakiwa wanashirikiana na Kanisa la

Mungu. Kama ilivyokwisha elezwa hapo kabla, Kuhani Mkuu aliiweka damu ya mnyama wa sadaka ya kuteketezwa katika pembe za madhabahu ya uvumba mara moja kwa mwaka. Hii ina maanisha kwamba wakati sisi wenye haki tunapokwenda mbele za Mungu, tunapaswa kuikiri imani yetu kwa kusema, "Bwana, wewe ni Mwokozi wangu. Uliuacha utukufu wako wa kimungu kisha ukaja hapa duniani ukafanyika mwili wa mwanadamu; ulizibeba dhambi zangu zote kwa kubatizwa; kisha ukaimwaga damu yako kwa niaba yangu, ulifanya hayo yote ili kuniokoa." Ni hapo tutakapokuwa na imani kama hii isiyoyumba inayoamini kwamba Mungu ni Mwokozi wetu basi hapo ndipo tunapoweza kuivaa neema yake nyingi. Haijalishi jinsi hali zetu za kimaisha zinavyoweza kuwa ngumu, ukweli ni kwamba Yesu Kristo ni Mungu na Mwokozi wetu. Yeye ni Mungu ambaye ametuokoa toka katika dhambi zetu zote na adhabu ya dhambi. Basi sisi sote tunavikwa neema ya Mungu wakati tunapomwomba Mungu hali tukiwa na imani kama hii isiyoyumba.

Tunaweza Kuuthibitsha Wokovu Wetu Mara Kadhaa Tunapokuwa Katika Maombi Yetu

Ni maombi yetu kwamba tuweze kuthibitisha tena na tena kwamba Mungu ni Mungu wetu. Imani ya jinsi hii ndio ile inayotuletea baraka. Kwa lugha nyingine, tunapaswa kupiga magoti mbele ya kiti cha enzi cha neema cha Mungu kwa kuwa tunahakika kwamba Mungu atatubariki. Imani yetu katika injili ya maji na Roho inatuthibitishia kwamba kwa hakika Mungu atayajibu maombi yetu kwake. Mungu anasikia kila maombi ya mwenye haki na anawabariki wote. Basi, kila wakati tunapomwomba Mungu, basi kitu cha kwanza tunachopaswa

kukifanya ni kuitafakari neema ya Mungu kama ifuatavyo: "Bwana, ninaiamini haki yako. Ninafahamu kwamba maisha yangu yamejaa mapungufu. Ingawa ninataka kuishi sawasawa na mapenzi yako, ukweli ni kwamba nina mapungufu mengi sana. Lakini, Bwana, pia ninafahamu kwamba ulikuja hapa duniani ukafanyika mwili wa mwanadamu, na kwamba ulizibeba dhambi zangu zote kwa kubatizwa na Yohana Mbatizaji, na kwamba ulisulubiwa hadi kifo kwa niaba yangu, na kwamba kwa sababu hiyo umefanyika kuwa Mwokozi wangu. Wewe ni Masihi wangu na Mungu wa wokovu wangu. Hivyo, ninaamini kwa moyo wangu wote kwamba utanipatia neema yako, kwa kuwa wewe ni Bwana wangu."

Vivyo hivyo, wakati tunapomwomba Mungu ili atupatie neema yake, basi tunapaswa kwanza kuitafakari neema hiyo ya Mungu na kisha kuyaweka matumaini yetu juu ya neema hiyo. Kisha tunaweza kuwa na ujasiri wa kumwomba Mungu kwa ajili ya mahitaji yetu yote, naye atatuambia hivi, "Ndiyo, wewe ni mwanangu halisi. Kadri imani yako isivyoyumba, basi kwa hakika mimi ni Mungu wako na wewe ni mmoja kati ya wangu wangu. Hivyo nitayajibu maombi yako na kukubariki wakati wote. Nitakutana na wewe katika kiti cha rehema. Ninaweza kuomba katika maombi yako kwamba imani yako kwangu ni ile isiyoyumba, na kwamba umeyaweka matumaini yako yote kwangu pekee, na kwamba unaamini kwa moyo wako wote kuwa mimi ni Mungu wako. Basi nitayajibu maombi yako ili watu wote wa ulimwenguni humu waweze kufahamu kwamba mimi ni Mungu wako."

Vivyo hivyo, ni dhahiri kwamba Mungu anatuvisha neema yake na kutunyunyuzia baraka zake pale tunapoamini katika Ukweli wa wokovu wa Bwana. Kule kusema kwamba tumeokolewa toka katika dhambi zetu zote sio mwisho wa habari; badala yake, kama ni kweli kwamba tumekombolewa

toka katika dhambi zetu zote, basi tunapaswa kuamini kwamba baraka za Mungu zinakaribia kuanza. Basi ni kwa kuitumaini haki ya Mungu ndipo tunapoweza kujivika neema ya Mungu kila siku. Na ni hapo ndipo tunapoweza kuishi maisha ya kimungu. Na ndio maana tunamwomba Mungu wakati wote tunapoona kwamba kuna mambo yanayotusumbua katika akili zetu, huku tukimwambia, "Bwana, tafadhari tunaomba utusaidie. Tafadhari twaomba ulisaidie Kanisa lako. Kanisa lako linahitaji msaada wako ili liweze kuifanya kazi yako hivi sasa." Hata inapokuja kuhusisha mambo ya kiulimwengu, basi ikiwa kuna mashaka yoyote yale au nuru yoyote ile ya maombi inakuja katika akili zetu, basi tunapaswa kuiendea madhabahu ya uvumba na kisha kumwomba Mungu mbele ya kiti cha neema kwa imani. Ni kwa kufanya hivyo ndipo tunapoweza kumwona Bwana akituvika neema yake katika mambo yote.

Hapa unapaswa kukumbuka kwamba madhabahu ya uvumba ni mahali ambapo tunaipata neema toka kwa Mungu. Sisi watakatifu tunapaswa kumwomba Mungu si kwa jambo jingine lolote bali kwa ajili ya kuomba na kujivika neema yake. Kwa maneno mengine, tunamwomba Mungu ili tuweze kuzipokea baraka zake. Kwa kuwa tumeokolewa kwa imani, basi kama tunataka kuishi maisha yetu yaliyosalia hali tukilitumainia Neno la Mungu la ahadi na kisha kuzipokea baraka zake zote, basi ni muhimu sana kwetu sote kumwomba Mungu bila kukoma. Vivyo hivyo, madhabahu ya uvumba ipo pale kwa ajili yetu ili tuweze kujivika neema ya Mungu.

Kizuizi kikubwa ambacho tunakabiliana nacho wakati tunamwomba Mungu ni dhambi. Hakuna hata mmoja katika ulimwengu huu ambaye anaishi maisha yasiyo na dosari. Basi, tunapojaribu kumwendea Mungu na kumwomba, basi kitu cha kwanza kinachotufanya tusite huwa ni dhambi. Na hii ndio sababu ni muhimu sana kwetu sisi kuutafakari Ukweli wa

wokovu na kisha kuikiri imani kwamba Bwana wetu amekwisha zitoweshea mbali dhambi zetu zote kwa nyuzi za bluu, zambarau, na nyekundu za mlango wa Hema Takatifu la Kukutania. Kwa maneno mengine, tunapaswa kuamini pasipo shaka kwamba Yesu Kristo, ambaye ni Mungu Mwenyewe, alikuja hapa duniani kama Mwokozi wetu, alizibeba dhambi zetu zote kwa kubatizwa, kisha alihukumiwa kwa ajili ya dhambi hizo zote; na kwamba tunamshukuru Mungu na Mwokozi wetu kwa kuwa tumekwisha wekwa huru mbali na dhambi zetu. Ni mpaka pale tutakapokuwa na aina hii ya imani ndipo tunapoweza kumwomba Mungu ili atupatie neema na baraka zake. Kule kusema kwamba damu ya mnyama wa sadaka ya kuteketezwa iliwekwa katika pembe za madhabahu ya uvumba mara moja kwa mwaka kunalenga kutufundisha na kutukumbusha juu ya kazi ya Bwana ya wokovu.

Yeye Aliyehakikishiwa Ondoleo la Dhambi Zake Zote Ndiye Anayeweza Kumwomba Mungu Kwa Ujasiri

Tunapomwomba Mungu, tunaweza kumwomba mahitaji yetu yote pasipo kusita, huku tukimwita Baba au Mwokozi. Tupo huru kumwita Mungu kwa namna hii kwa sababu kwa hakika Mungu ni Baba yetu, ni Bwana wetu, na ni Mwokozi wetu. Kwa maneno mengine, hatusiti kumwita Mungu majina mbalimbali kwa kuwa yeye si Muumbaji wetu tu bali pia ni Mwokozi wetu.

Hivi ndivyo inavyotupasa sisi sote kumwomba Bwana: "Bwana, ninakushukuru kwa kuniokoa toka katika dhambi zangu zote. Kwa kweli ninahitaji baraka zako na msaada wako kwangu. Basi naomba unisaidie Bwana na uniangalie kila hatua

ninayoiendea njiani. Baadhi ya mambo nimefanya vizuri, lakini baadhi ya mambo nimefanya makosa mengi, na kwa sababu hiyo bado nina mashaka. Ninayaweka haya yote kwako wewe Bwana. Ninakuomba unisaidie na kuingoza njia yangu. Niongoze kuziendea nafsi zilizopotea ili kwamba niweze kuihubiri injili yako kwao na ili niweze kuzaa matunda mengi ya kiroho toka kwako. Ninaomba uifungue na kuiandaa mioyo yao ili niweze kuzipanda mbegu za injili kwao. Pia ninakuomba ulishike Kanisa lako na kuwaangalia watumishi wako. Ninaomba uwabariki wote ili kwamba injili yako ya maji na Roho iweze kuhubiriwa vizuri. Ninaomba uifanye injili hii kuenea katika uso wa dunia yote. Watumishi wako wanahitaji ulinzi wako, na kwa sababu hiyo ninaomba uwaangalie kwa jicho lako lenye ulinzi. Bwana ninaomba unibariki na uibariki familia yangu. Wabariki watoto wangu. Pia ninaomba uwabariki watakatifu. Ninaomba uwabariki kaka na dada zangu wote katika Kristo. Ninaomba yako itawale kiasi kwamba wale wasioamini baraka wanaosimama nje ya Kanisa lako waweze kuokolewa wote." Tunapoomba na kuyaweka matumaini yetu yote pamoja na ndoto zetu kama hivi, basi ni hakika kwamba Mungu atayajibu maombi yetu na atatubariki. Hivi ndivyo tunavyoweza kupokea baraka za Mungu za kutosha kwa kupitia maombi. Na hivi ndivyo tunavyoweza kuipata neema juu ya neema kila siku.

Mungu ni Mungu wa wale wanaoamini katika haki yake. Yeye ni Mungu wa wale wanaoamini katika injili ya maji na Roho pasipo shaka. Hivyo, Mungu hashindwi kamwe kutupatia neema yake kwa waamini wake ambao wanakiendea kiti cha enzi cha neema kwa ujasiri kwa imani yao isiyotikisika huku wakiomba neema yake na baraka zake kwa kusema, "Bwana, ninaamini kwamba wewe ni Mungu wangu. Ninaamini kwamba wewe ni Mwokozi wangu. Ee Bwana, naomba unisaidie!"

Ndugu zangu waamini, ninashindwa kupata maneno ya kusisitiza jinsi ilivyo muhimu kwa kila mmoja wetu kutambua kwamba wokovu wetu toka katika dhambi za ulimwengu sio ndio mwisho wa habari, bali tunapaswa kumwomba Bwana bila kukoma. Ikiwa maombi yako hayajibiwi na Bwana au kama ikiwa hujui namna ya kuomba, basi unapaswa kuichunguza tena imani yako hatua kwa hatua na kisha ufikirie kwamba Bwana ni nani katika maisha yako. Kwa kweli uelewa wa uhusiano wako na Bwana ni wa muhimu sana. Kwa maneno mengine, unapaswa kuhakikisha kwamba imani yako ipo katika mstari sahihi, kwa kutambua na kuamini kwa moyo wako wote kwamba Bwana ni Muumba wa mbingu na nchi; na kwamba alikuja hapa duniani akafanyika mwili wa mwanadamu ili kukuokoa; na kwamba alizibeba dhambi zako zote kwa kubatizwa na Yohana Mbatizaji; na kwamba alikuhukumiwa Msalabani kwa niaba yako; na kwamba siku ya tatu alifufuka tena toka kwa wafu; na kwamba yupo hai akiwa ni Mwokozi wako aliye hai. Sasa umeokolewa, na kwa sababu hiyo Bwana amefanyika kuwa Mchungaji wako na wewe umekuwa ni kondoo wake. Hivyo unapaswa kutokuwa shaka veyote ile ikiwa Bwana atakujibu na unapomwomba msaada.

Tunapaswa Kuomba Mchana na Usiku

Wale ambao tumempokea Bwana kuwa ni Mwokozi wetu kwa imani na ambao tunamwomba Mungu kwa imani usiku na mchana tutapokea neema nyingi na baraka zake katika maisha yetu yote hapa ulimwenguni. Kinyume na hapo, wale ambao hawaombi kwa juhudi kwa sababu yoyote ile, hata kama wanafikiri kwamba Bwana atawapatia mahitaji yao hata kama hawaombi, au hata kama hawana imani katika Neno la Mungu,

basi watu hao hawawezi kuzipokea baraka za Mungu, hii ni kwa sababu madhabahu ya uvumba inakosekana katika imani yao. unafikiri kwamba Mungu atakupatia kila unachokitaka hataka kama hauombi ati kwa sababu tu unaamini kwamba Yeve ni Mungu wako, basi tambua kwamba imani yako imepotoshwa. Ikiwa hivyo unavyoelewa ingelikuwa ni kweli, basi kusingelikuwa na madhabahu ya uvumba katika Mahali Patakatifu. Unafikiri kwamba Mungu aliitengeneza madhabahu ya uvumba bila sababu yoyote ile? Hapana, kwa kweli hapana! Haruni Kuhani Mkuu aliiwasha madhabahu ya uvumba kwa aina nne za uvumba kila asubuhi na kila jioni. Kisha harufu nzuri ilipajaza Mahali Patakatifu wakati manukato yalipotawanyika ndani ya Mahali Patakatifu. Kwa kweli haya ni manukato mazuri sana ambayo yanatuwezesha sisi kwenda kwa Mungu kwa ujasiri. Uvumba huu pia una nguvu ya kuweza kuyafunika mapungufu yetu mbele za Mungu. Kwa mfano, Kuhani Mkuu alipaswa kupafanya Patakatifu pa Patakatifu kujaa uvumba kabla ya kuingia ndani yake mara moja kwa huku akihakikisha kwamba wingu la litakifunika kiti cha rehema kilichokuwa juu ya Sanduku la Ushuhuda, vinginevyo angaliuawa (Mambo ya Walawi 16:12-13).

Ndugu zangu waamini, wakati tunapomkaribia Mungu, tunapaswa kuwa na uhakika kamili wa ukweli kwamba tumekwishapokea ondoleo la dhambi, na kwamba Mungu ni Mungu wetu, na kwamba atatupatia neema yake wakati wowote tunapomwomba. Hivyo tunapokuja katika uwepo wa Mungu kwa imani hii isiyoyumba na kisha kusimama mbele ya kiti cha Mungu neema kwa ujasiri, sio tu kwamba hatutakabiliana na adhabu, bali ni wazi kuwa tutavikwa neema ya Mungu. Mungu ni Mungu wa rehema ambaye neema yake nyingi inatolewa kwetu sisi sote.

Pete Zilizowekwa Katika Madhabahu ya Uvumba Pia Zilitengenezwa kwa Dhahabu

Madhabahu ya uvumba katika Mahali Patakatifu pa Mungu ilikuwa ni mstatili wenye matundu mawili upande na upande (umbo lenye sura sita) lililokuwa na vipimo vya sentimita 50 kwa urefu na upana na sentimita 100 kwa kimo, na jozi mbili za pete za dhahabu zilikuwa zimewekwa pande zote za madhabahu. Kisha miti ya kuchukulia iliingizwa katika hizi pete za dhahabu. Hii miti ya kuchukuliwa ilikuwa imetengenezwa pia kwa mti wa mshita na kisha kufunikwa kwa dhahabu. Pamoja na kuwa madhabahu ya uvumba ilikuwa ni ndogo, ilipaswa kubebwa na watu wawili. Kwa kuwa urefu na upana wake ulikuwa ni sentimita 50 na kimo chake sentimita 100, kwa kweli ingeliwezekana kabisa kubebwa na mtu mmoja, lakini hilo halikuruhusiwa kama ilivyokuwa kwa vifaa vingine vya Hema Takatifu la Kukutania. Hii inaonyesha kwamba sisis wenye haki tunapaswa kumwomba Mungu kwa umoja kama vile Bwana wetu Yesu alivyosema, "Tena nawaambia, ya kwamba wawili wenu watakapopatana duniani katika jambo watakaloliomba, watafanyiwa na Baba yangu aliye mbinguni" (Mathavo 18:19).

Miti hii ya kuibebea madhahabu ya uvumba inatuonyesha pia kwamba sisi tuliozaliwa tena upya tunapaswa kumtumikia Mungu kwa maombi yetu. Maombi yetu ya sifa ni njia mojawapo ya sisi kumtumikia Bwana. Kwa kuwa sasa tumezaliwa tena upya toka katika dhambi zetu zote, basi tunaweza kumtumikia Mungu na Kanisa Lake kwa namna mbalimbali kama vile kuomba na kujitolea kwa huduma mbalimbali. Tunapomwomba Mungu, hatuombi tu kwa ajili yetu wenyewe, bali tunaomba pia kwa ajili ya kazi ya Mungu, Kanisa lake na washiriki wake, na hasa kwa ajili ya kuieneza

injili. Kwa maneno mengine, maombi yetu sio tu yanaturuhusu kusimama mbele za kiti cha neema cha Mungu na kuitafuta rehema yake, bali pia yanatuwezesha kuitumikia huduma ya haki ya Mungu. Ni kwa kuomba katika umoja ndipo tunapoweza kuutumikia Ufalme wa Mungu. Tunapowaombea kaka na dada zetu, na kwa ajili ya Kanisa, na kwa ajili ya nafsi zilizopotea, na kwa ajili ya kuupanua Ufalme wa Mungu, na kwa ajili ya huduma ya haki ya Mungu, basi tunakuwa tukifanya hivyo ili kumtumikia Mungu. Na hii ndio maana ni muhimu sana kuifahamu maana ya makuhani wakimtumikia Mungu katika madhabahu ya uvumba katika Mahali Patakatifu. Tunapaswa kumwomba Mungu kwa nguvu na kwa imani. Kama vile tunavyolihubiri Neno la Mungu ili kumtumikia Mungu na watu wake, basi tunapaswa pia kumwomba Mungu ili kumtumikia Yeye na watu wake. Sisi sote tunalo jukumu hili la kumtumikia Mungu kwa namna yoyote ile inayowezekana.

Jambo la muhimu sana ambalo unapawa kulifanya ili kuishi maisha ya Kikristo na ya kimungu na kisha kuyatumikia mapenzi ya Mungu ni kuwa na imani kwa Mungu na katika haki yake. Ni kwa imani tu ndio unaweza kulihubiri Neno la Mungu, ukamwomba Mungu, ukaihubiri injili ya maji na Roho, na kisha kumtumikia Mungu na haki yake. Kila kitu tunachokifanya katika kumtumikia Mungu vinafanywa kwa imani. Huwezi maisha ya kimungu na ya kiimani hadi utakapoyakubali mapenzi ya Mungu. Kwa kweli sina maneno ya kutosha kusisitiza vya kutosha juu ya umuhimu wa kuomba tunapomtumikia Mungu. Wakati watakatifu wanapokusanyika katika makanisa yao, kuanzia kaka zetu hadi dada zetu na watoto wetu katika shule ya Jumapili, basi hao wote wanapaswa kumtumikia Mungu kwanza. Tunapaswa kukutana pamoja ili kushirikishana mkate wa Neno la Mungu. Pia tunapaswa kuitumikia haki ya Mungu. Maombi yetu yanapaa kwenda kwa

Mungu kama manukato mazuri wakati sisi tuliozaliwa tena upya tunapomwomba kwa umoja, huku tukisema, "Bwana, tunaomba ulibariki Kanisa lako, bariki watumishi wako, na ubarikiwa watakatifu wako walioko Kanisani ulimwenguni mwote. Tunaomba uzibariki nafsi na mioyo yao, na uwapatie imani iliyobarikiwa. Tunaomba uziokoe nafsi zote ambazo bado zimepotea." Mungu anayajibu maombi yetu na kutubariki baada ya kuyafurahia haya manukato ya maombi. Mungu anajibu kila kitu tunachomwomba katika maombi yetu. Hii ndio maana ya kumtumikia Mungu kwa maombi, na ninawasihi ninyi nyote kuikumbuka kazi ya Mungu katika maombi yenu badala ya kuomba kwa ajili ya mahitaji yenu tu.

Wakati kila mtakatifu katika Kanisa anapaswa kuomba, basi ikiwa kwa namna yoyote ile unaweza kupata muda zaidi wa kuomba kwa sababu yoyote ile, iwe umestaafu au ni mgonjwa, basi unapaswa pia kuomba zaidi kwa ajili ya Kanisa la Mungu, kwa ajili ya watumishi wake, na kwa ajili ya watakatifu wake. Jambo hili ni la muhimu sana na la kipekee kwa akina mama wanaokuwepo majumbani. Kukosa fedha sio sababu ya sisi kutomtumikia Bwana. Unaweza zaidi na zaidi kumtumikia Bwana pasipo fedha. Unaweza kuitumikia injili ya maji na Roho kadri unavyopenda kwa imani yako. Kama ile miti ilivyowekwa katika pete za madhabahu ya uvumba ili iweze kuchukuliwa na watu wawili katika mabega yao, basi wale walio maskini bado wanaweza kumtumikia Bwana kwa maombi yao ya imani hasa pale wanapokuwa wameungana na Kanisa la Mungu. Wale walio matajiri pia wanaweza vivyo hivyo kumtumikia Bwana kwa mali zao. Usiseme, "Nimetingwa sana na kazi yangu kiasi kuwa sina nafasi ya kutenga muda kwa ajili ya kumtumikia Bwana. Kwa kweli sina muda." Kila mtakatifu mwenye haki anaweza kumtumikia Bwana na mapenzi yake kwa imani, ikiwa ni kwa matoleo yake, maombi, au mahubiri. Sisi sote tunaweza

kuyatumikia mapenzi ya Bwana ikiwa tutakuwa na nia ya kufanya hivyo. Sisi tuliozaliwa tena upya tunaweza kupokea baraka za Mungu ikiwa tutajitia nguvu katika mambo hayo.

Mungu Anatubariki Sisi Sote Tunaoamini Katika Injili ya Maji na Roho

Bwana ni Mchungaji wetu. Uhusiano wetu na Bwana upo karibu sana kiasi kuwa hakuna anayeweza kututenganisha naye.

Hebu tugeukie Mathayo 26:26-28: "Nao walipokuwa wakila Yesu alitwaa mkate, akabariki, akaumega, akawapa wanafunzi wake, akasema, Twaeni, mle; huu ndio mwili wangu. Akakitwaa kikombe, akashukuru, akawapa, akisema, Nyweni nyote katika hiki; kwa maana hii ndiyo damu yangu ya agano, imwagikayo kwa ajili ya wengi kwa ondoleo la dhambi."

Jina "Yesu" lina maanisha ni Mwokozi au Masihi, nasi tunamwita Bwana wetu ili kumaanisha kwamba Yeye ni Mungu wetu na Kiongozi wetu. Bwana wetu Yesu alikuja hapa duniani kama Mwokozi wetu ili kutukomboa sisi sote. Mungu Mwenyewe alipaswa kuja hapa duniani akafanyika mwili wa mwanadamu. Na kabla ya kufa Msalabani, Bwana wetu aliandaa Karamu ya Mwisho, akawakusanya wanafunzi wake, kisha akawapatia mkate na mvinyo, kisha akawaambia, "Twaeni, mle; huu ndio mwili wangu. Nyweni nyote katika hiki; kwa maana hii ndiyo damu yangu ya agano, imwagikayo kwa ajili ya wengi kwa ondoleo la dhambi." Hii ina maanisha kwamba Mungu ametuokoa kwa kuja hapa duniani kama Mwokozi wetu na kisha kulitimiza Neno la ahadi kwa kupitia maji na Roho kama ilivyotabiriwa katika Agano la Kale. Baada ya kuja hapa duniani akiwa kama Mwokozi wetu, Bwana wetu alizipokea dhambi zote za ulimwengu huu kwa kubatizwa na Yohana Mbatizaji

katika Mto Yordani. Kisha aliutoa mwili wake Msalabani, na kwa sababu hiyo akaibeba adhabu ya kila mtu hapa ulimwenguni. Na kwa sababu hiyo ametupatia maisha mapya kwa kufufuka kwake toka kwa wafu.

Kule kusema kwamba damu ya mnyama wa sadaka ya kuteketezwa iliwekwa katika madhabahu ya uvumba kuna maanisha ni kifo cha kimwili cha Yesu Kristo. Kwa maana iyo hiyo, baada ya kuwa amezibeba dhambi zetu zote kwa kupitia ubatizo wake, Yesu Kristo alijitoa Mwenyewe na kuimwaga damu yake Msalabani kwa ajili yetu. Kwa kweli tunaishukuru sana sadaka hii ambayo kwa hiyo tumeweza kuokolewa. Sisi sote tumeweza kuufikia wokovu wetu kwa sababu ya imani yetu katika injili ya maji na Roho. Sisi hatujaokolewa toka katika dhambi kwa imani yenye upofu, bali ni kwa sababu Yesu, ambaye ni Mungu Mwenyewe, alikuja hapa duniani kama Mwokozi wetu, alizibeba dhambi zetu zote katika mwili wake kwa kubatizwa kisha akaimwaga damu yake ya thamani kwa ajili yetu.

Hivyo ndivyo Mungu alivyoukamilisha wokovu wetu, tendo ambalo linabeba maana katika nyuzi za bluu, zambarau, na nyekundu na kitani safi ya kusokotwa za pazia la mlango wa Hema Takatifu la Kukutania. Rangi ya zambarau ina maanisha kwamba Mfalme wa wafalme alifanyika kuwa Mwanadamu. Inatufundisha kwamba Yesu alizipokea dhambi zetu zote kwa kubatizwa na Yohana Mbatizaji na kisha akalipa mshahara wote wa dhambi kwa kuimwaga damu yake mahala petu. Hivi ndivyo Bwana alivyofanyika kuwa Mwokozi wetu. Imani katika injili hii ya maji na Roho ni imani sahihi inayotuwezesha kushiriki katika Ushirika Mtakatifu. Wakati Yesu alipoandaa Karamu ya Mwisho, hakuandaa mkate tu bali aliandaa na mvinyo; na aliwaambia wanafunzi wake kula kuvinywa vitu hivyo vyote. Mkate una maanisha ni mwili wa Yesu, jambo linalo maanisha

kwamba Mungu Mwenyewe alifanyika kuwa Mwanadamu ili kutuokoa wenye dhambi. Mkate pia una maanisha kwamba kwa kubatizwa katika Mto Yordani, Yesu alizibeba dhambi zetu zote katika mwili wake. Kwa upande mwingine, mvinyo una maanisha ni damu ya uzima na ya wokovu ambayo Yesu aliimwaga Msalabani kwa niaba yetu.

Kwa hiyo, wakati tunaposhiriki katika Ushirika Mtakatifu, basi ni dhahiri kwamba tutakuwa na imani hii thabiti kwamba Mungu Mwenyewe alikuja hapa duniani akafanyika mwili wa mwanadamu ili kutuokoa, na kwamba alizibeba dhambi zetu zote katika mwili wake kwa kubatizwa, na kwamba alihukumiwa Msalabani kwa ajili yetu, na kwamba kwa sababu hiyo ametuokoa na kuwa Mwokozi wetu binafsi. Kwa bahati mbaya, Wakristo wengi hawafahamu sababu ya msingi iliyomfanya Yesu kuanzisha utaratibu huu wa Ushirika Mtakatifu na kisha kutuamuru kuuendeleza hadi atakaporudi. Hupaswi kuyachukulia maisha yako ya imani kwa wepesi. Ikiwa bado hauna uhakika kwamba Yesu ni Mwokozi wako, basi unapaswa kufikiria zaidi na kwa kina kuhusu imani yako kabla ya kula mkate na mvinyo wa Yesu katika Ushirika Mtakatifu. Kabla ya kufikiri kwa hisia, kwanza fikiri kwa uangalifu ikiwa Bwana ni Bwana wako au la.

Mungu ni Mungu wako na Mungu wangu. Mungu aliwaumba wazazi wako na wazazi wangu. Na akaturuhusu sisi kuzaliwa hapa duniani. Huyu Mungu si mwingine bali ni Yesu. Naye Yesu, ambaye ni Mungu Mwenyewe, alikuja hapa duniani kama Mwokozi wetu. Baada ya kuja hapa duniani akiwa kama Mwokozi wetu ili kutuokoa, Yesu alizibeba dhambi zetu zote katika mwili wake kwa kupitia ubatizo wake. Yesu alizichukua dhambi hizi zote kwa uaminifu kwenda Msalabani, wala hakuiacha dhambi yoyote ile, kisha akabeba adhabu ya dhambi hizo Msalabani ambapo waliolaaniwa tu ndio waliopaswa

kuibeba adhabu hiyo, alifanya hivyo ili kwamba tusiweze kuhukumiwa kwa sababu ya dhambi zetu. Hivi ndivyo Bwana alivyotuokoa toka katika adhabu yetu.

Unaweza kuufahamu kiurahisi Ukweli huu wa wokovu ikiwa tu utaifikiria injili ya maji na Roho. Ili kuokolewa toka katika dhambi zote za ulimwengu unapaswa kuikubali injili ya maji na Roho katika moyo wako. Ninaamini kwamba Bwana ameniokoa toka katika dhambi zangu zote kwa kupitia maji yake na damu. Hakuna kitu ambacho nimekifanya kwa ajili ya wokovu wangu. Wakati Yesu alipokuja hapa duniani, yaani wakati alipozaliwa katika holi dogo pale Bethlehemu mimi sikuwepo pale, wala sikushiriki kwa namna yoyote ile, zadi ya yote sikumwomba Mungu ili aniokoe. Lakini Bwana amekuja hapa duniani na kufanyika mwili wa mwanadamu bila hata ya mimi kufahamu, na alifanya hivyo ili kuniokoa. Ninaamini kwamba Yesu alikuja hapa duniani, akabatizwa, na kuimwaga damu yake Msalabani ili kuniokoa mimi.

Mungu Baba aliupenda sana ulimwengu hata akamtoa Mwanawe pekee. Mungu Mwenyewe alikuja hapa duniani ili kumwokoa kila mwanadamu. Kwa hakika, ametuokoa wewe na mimi toka katika dhambi zetu zote, na amefanyika kuwa Mwokozi wako na wangu. Tunachopaswa kukifanya ili kuufikia wokovu wetu ni kumwamini Yesu Kristo, ambaye ni Mungu Mwenyewe, na kisha kupokea katika mioyo yetu kazi ya wokovu ambayo ameifanya kwa ajili yetu. Ni wale tu ambao wameishiwa nguvu zao binafsi, wale ambao wamezikatia tamaa juhudi zao binafsi kwa kutambua udhaifu wake, na wale ambao wamekabidhi ondoleo lao la dhambi na wokovu wao kwa Mungu—basi ni watu wa jinsi hiyo tu ndio wanaoweza kuipata neema ya Mungu. Ingawa jambo hili linaweza kuonekana kama lisilowezekana katika mawazo yako, ukweli ni kuwa Mungu Mwenyewe ameutimiza wokovu wetu kikamilifu ili kutuokoa

wote. Hivyo hakuna kitu kingine tunachopaswa kukifanya zaidi ya kuiamini kazi ya Mungu ya wokovu.

Jikabidhi Kikamilifu kwa Mungu


Ni muhimu sana kwako kujikabidhi kwa Mungu. Fikiria kile ambacho Mungu amekifanya kwa ajili yako. Mungu Mwenyewe alifanyika kuwa mwanadamu. Mungu alifanya jambo hili ili aweze kukuokoa wewe na mimi. Zaidi ya yote, Yesu, ambaye ni Mungu Mwenyewe alibatizwa kwa ajili yetu ili kuzibeba dhambi zetu zote na kuzitoweshea mbali. Pia Yesu alisulubiwa hadi kifo, akaimwaga damu yake ya thamani kwa ajili yetu Msalabani. Hivyo alihukumiwa adhabu kwa niaba yetu, alifanya hayo yote ili kulipa dhambi za kila mmoja wetu, na ili kutuokomboa toka katika adhabu, na kutufanya tuweze kuikwepa hukumu yetu. Kisha siku ya tatu alifufuka tena toka kwa wafu ili kutuleta katika uzima wa milele.

Na sasa, ameketi mkono wa kuume wa kiti cha enzi cha Mungu Baba huku akitutazama. Yeye anawaangalia wale walio tayari kukabidhi kila kitu kwake kwa mioyo yao yote, yaani kwa yeye ambaye ni Mungu Mwenyewe na Mwokozi. Wale waliompokea Yesu ndio wale waliokabidhi kila kitu chao kwa Mungu. Wanaamini kwamba Bwana amewaokoa kikamilifu. Wanafahamu kwamba hawajafanya lolote ambalo ni matokeo ya jitihada zao kwa ajili ya wokovu wao. Wana uhakika kwamba Mungu amewaokoa kwa upendo wake kupitia Ukweli wa wokovu uliofunuliwa katika nyuzi za bluu, zambarau, na nyekundu za mlango wa Hema Takatifu la Kukutania. Mungu amewapa haki ya kufanyika watoto wa Mungu wale wote ambao wamejikabidhi kwa Mungu kikamilifu na wale ambao wamempokea Mungu na Neno lake katika mioyo yao.

Hivyo, ninawaomba ninyi nyote kuwa na ufahamu sahihi wa Ukweli huu wa wokovu kabla ya kushiriki katika Ushirika Mtakatifu. Ubatizo ambao Yesu aliupokea ulikuwa na lengo la kuzichukua dhambi zetu zote ili ziweze kupatanishwa. Kifo cha kimwili ambacho Yesu alikipitia kilikuwa na lengo la kukuokoa wewe na mimi toka katika dhambi zetu zote. Baada ya kuwa amezibeba dhambi zetu zote, Yesu alisulubiwa hadi kifo, akaimwaga damu yake kwa ajili yetu, Yesu alihukumiwa hivi ili kutuokoa toka katika hukumu ya dhambi na kutufanya sisi kuwa wenye haki.

Kwetu sisi sote tunaodumu na kuomba tukiwa Mahali Patakatifu, basi Mungu ametupatia madhabahu ya uvumba kwa lengo la kutuvika neema yake. Hapa ndipo mahali tunapoweza kupata neema toka kwa Mungu. Basi ninawasihi ninyi nyote ili mjikabidhi kikamilifu kwa Bwana.

Halleluya! ⊠





Unaweza Kupakua Vitabu vya Kikristo vya Mchungaji Paul C. Jong katika Kompyuta, Kompyuta-Kibao, au kwenye Simu-Mahiri

Maana ya Kiroho ya Vikuku vya Fedha Vilivyotumika Katika Hema Takatifu la Kukutania

< Kutoka 26:15-30 >

"Nawe fanya hizo mbao za maskani za mti wa mshita, zenye kusimama. Kila ubao utakuwa na urefu wa dhiraa kumi, na upana wake kila ubao utakuwa dhiraa moja na nusu. Kila ubao utakuwa na ndimi mbili, zenye kuunganywa huu na huu; ndivyo utakavyozifanya mbao zote za maskani. Kisha ufanye zile mbao za maskani, mbao ishirini kwa upande wa kusini kuelekea kusini. Nawe ufanye matako arobaini ya fedha chini ya zile mbao ishirini, matako mawili chini ya ubao mmoja, kupokea zile ndimi zake mbili, na matako mawili chini ya ubao mwingine kupokea zile ndimi zake mbili; na upande wa pili wa maskani, upande wa kaskazini, mbao ishirini; na matako yake ya fedha arobaini; matako mawili chini ya ubao mmoja, na matako mawili chini ya ubao mwingine. Kisha ufanye mbao sita kwa ajili ya upande wa nyuma wa maskani kuelekea magharibi. Tena ufanye mbao mbili kwa ajili ya hizo pembe za maskani zilizo upande wa nyuma. Upande wa chini zitakuwa ni mbili mbili; vivyo zitaungwa pamoja mbao pacha hata ncha ya juu katika pete ya kwanza; zote mbili ndivyo zitakavyokuwa;

zitakuwa kwa ajili ya hizo pembe mbili. Mbao zitakuwa ni nane, na matako yake ya fedha, matako kumi na sita; matako mawili chini ya ubao mmoja, na matako mawili chini ya ubao wa pili. Nawe fanya mataruma ya mti wa mshita; mataruma matano kwa ajili ya mbao za upande mmoja wa maskani, na mataruma matano kwa ajili ya mbao za upande wa pili wa maskani, na mataruma matano kwa ajili ya mbao za upande wa maskani ulio nyuma kuelekea magharibi. Na hilo taruma la katikati, lililo katikati ya zile mbao litapenya toka mwisho huu hata mwisho huu. Na hizo mbao utazifunika dhahabu, na pete zake za kutilia yale mataruma utazifanya za dhahabu; na hayo mataruma utayafunika dhahabu. Nawe utaisimamisha hiyo maskani sawasawa na mfano wake ulioonyeshwa mlimani."

Mbao zote za Hema Takatifu la Kukutania mahali ambapo Mungu alikaa zilikuwa zimefunikwa kwa dhahabu. Mungu alimwambia Musa kutengeneza vikuku vya fedha ili kuushikiza ubao uweze uweze kusimama wima. Maana ya kiroho ya kuweka hivi vikuku vya fedha chini ya kila ubao ni kama ifuatayo. Katika Biblia, dhahabu ina maanisha ni imani ambayo haiwezi kubadilika kutokana na wakati. Kule kusema kwamba hivi vikuku vya kushikiza viliwekwa dhini ya ubato uliokuwa umefunikwa kwa dhahabu maana yake ni kwamba Mungu ametupatia karama mbili ambazo zinatuhakikishia wokovu wetu. Kwa maneno mengine, ina maanisha kwamba Yesu ameukamilisha wokovu wetu toka katika dhambi kwa kubatizwa na kuimwaga damu yake.

Jambo la muhimu kwetu ili tuweze kupokea imani hii safi kama dhahabu safi inayotuwezesha kufanyika watu wa Mungu na kuwa sehemu ya Ufalme wake ni imani inayoamini katika ubatizo wa Yesu na damu yake Msalabani. Injili ya maji na Roho ambayo Mungu ametupatia ili kuzitoweshea mbali dhambi zetu zote ni karama ya imani ambayo ni ya muhimu sana kwetu. Kwa kuwa hatuwezi kufanya lolote zaidi ya kuendelea kutenda dhambi na hivyo kufungwa kuzimu, basi ukweli ni kuwa hatuwezi kuzifanya dhambi zetu kutoweka kwa kuzitegemea juhudi zetu binafsi, au nguvu na nia zetu binafsi.

Ni lazima tuamini katika injili ya maji na Roho tu ili tuweze kuzitoweshea mbali dhambi zetu zote, na hatupaswi kabisa kuzitegemea nguvu zetu binafsi, na ni kwa kufanya hivyo tu ndipo tunapoweza kuokolewa toka katika dhambi zetu. Ni haki kwetu kuamini katika shukrani ambayo Bwana ametupatia karama ya wokovu kwa kupitia Ukweli wa injili ya maji na Roho. Tunapoamini katika karama ya wokovu iliyoundwa kwa vitu hivi viwili vya injili, basi Mungu akiiona hii imani yetu basi hapo ndipo Mungu atakapotufanya kuwa watu wake wakamilifu. Kwa hiyo, kama bado una dhambi yoyote ile katika moyo wako, basi hapo unapaswa kuokolewa kikamilifu kwa kuamini katika injili ya maji na Roho ambayo Mungu ametupatia kama karama yake kwetu ili kutuokoa.

Watu wengi wanaoishi katika ulimwengu huu wanataka kuwa watu wa Mungu mwenyewe. Ili tuweze kuwa watu wa Mungu, basi kwanza tunapaswa kujiangazia mwanga wa Neno la Mungu na kisha tujichunguze kadri inavyobidi. Hapo ndipo tunapoweza kuona kwamba sisi sote ni wenye dhambi ambao hatuwezi kupinga kwa lolote hata kama tungeliadhibiwa kwa dhambi zetu. Sisi tunafanya dhambi kila siku na kuihalifu Sheria. Ukweli wetu wa ndani ndio huu kwamba hatuwezi kufanya lolote zaidi ya kuishi maisha yakiwa yamegubikwa na dhambi huku tukingojea hukumu. Ukizingatia ukweli huu, inawezekanaje basi kwa sisi kufanyika watu wa Mungu? Kwa kweli sasa tumefikia hatua ya kufahamu hitaji ya kuzipokea

karama mbili za wokovu ambazo Mungu ametupatia ili tuweze kuwa watu wa Mungu.

Kwetu sisi, Bwana ni Mwokozi ambaye amezitoweshea mbali dhambi zetu zote kwa nyuzi za bluu, zambarau, na injiliu na kitani safi ya kusokotwa. Ubatizo ambao Yesu Kristo aliuchukua toka kwa Yohana Mbatizaji na damu ambayo aliimwaga Msalabani vimetuokoa kikamilifu toka katika dhambi zetu zote. Vitu au mambo haya mawili ni muhimu sana kwa ajili ya wokovu wetu. Kwa hiyo, hakuna anayeweza kuwa mtu wa Mungu pasipo kuamini katika Ukweli huu.

Kwa kupitia karama hizi mbili za wokovu ambazo Mungu ametupatia, basi ni hakika kwamba tunaweza kufanyika watu wa Mungu. Kule kusema kwamba tumefanyika watoto wa Mungu hatuna lolote la kufanya kuhusiana na matendo yetu mema. Tumeokolewa na kukombolewa toka katika dhambi zetu zote na adhabuya dhambi kwa kupitia kazi za Yesu za ubatizo na damu yake aliyoimwaga. Kwa maneno mengine, tumefanyika watoto wa Mungu kwa kuamini katika injili ya maji na Roho. Imani yetu ni kama vile dhahabu safi na imejengwa kwa kuzipokea karama hizi mbili za Mungu.

Katika kulitengeneza Hema Takatifu la Kukutania, Mungu aliviweka vikuku viwili vya fedha chini ya kila ubao. Ukweli huu unatueleza kwamba Yesu Kristo alikuja hapa duniani, akazichuku dhambi zote za mwanadamu kwa kubatizwa na Yohana Mbatizaji katika Mto Yordani, kisha akaichukua adhabu ya dhambi kwa kuzibeba dhambi hizo hadi Msalabani na kisha kufa juu ya msalaba. Ubatizo ambao Yesu aliupokea na damu aliyoimwaga Msalabani ni karama za msingi kwa ondoleo la dhambi.

Wewe na mimi tunaoishi katika kipindi hiki tunapaswa kuzifahamu nafsi zetu zenye dhambi. Na wale wanaojifahamu mbele za Mungu ni lazima watambue kwamba kwa kuwa Bwana

alikuja hapa duniani, alizichukua dhambi zao zote katika mwili wake kwa kubatizwa na Yohana Mbatizaji, na akafa Msalaabani, na kwa sababu amewaokoa wote toka katika dhambi zao na adhabu zake. Tunapoamini katika karama za wokovu na kisha kupokea ondoleo la dhambi kwa namna hii, basi hapo tunafanyika kuwa wana wa Mungu mwenyewe. Kwa kuwa Bwana ametuokoa kwa ubatizo wake na damu yake Msalabani ndio maana tumekombolewa toka katika dhambi zetu; kama asingelifanya hilo, basi ni hakika kwamba tusingeliweza kujiweka huru mbali na dhambi kwa jitihada zetu binafsi. Kwa hiyo, hatuwezi kufanya jingine zaidi ya kuamini na kukiri kwamba wewe na mimi tumefanyika kuwa watu wa Mungu na wenye haki asilimia 100 kwa neema ya Mungu.

Vikuku vya fedha chini ya mbao za Hema Takatifu la Kukutania vinatuonyesha kwamba ondoleo la dhambi zetu ni karama ya Mungu iliyotimizwa kwa kupitia nyuzi za bluu, zambarau, na injiliu. Tunaweza kuokolewa kikamilifu kwa imani kwa kuwa Mungu ametupatia neema ya wokovu kwa kupitia nyuzi za bluu, zambarau, na injiliu. Ni wale tu ambao ni maskini wa roho, yaani wale wanaokiri kwamba hawawezi kukwepa kufungwa kuzimu kwa sababu ya dhambi zao, ndio wanaostahilishwa kupokea wokovu wa Mungu uliotolewa kwa kupitia nyuzi za bluu, zambarau, na injiliu. Ni wale tu ambao wanaomboleza na kujihuzunikia, kutokana na ukweli kwamba wamefungwa kwenda kuzimu, hao ndio wanaostahili kupokea karama ya wokovu iliyotolewa na Mungu. Wale wanaoamini katika ukweli uliodhihirishwa katika nyuzi za bluu, zambarau, na nyekundu na kitani safi ya kusokotwa, ambao ni injili ya maji na Roho ambayo Mungu Baba ameitoa kwa kupitia Yesu Kristo wanaweza kuokolewa toka katika dhambi zao zote na kisha kufanyika watoto wa Mungu. Wale wanaopokea karama ya Bwana ya wokovu ndio wanaoweza kuzifurahia baraka zote za

Mungu. Hii ni sifa ambayo wale wanaofahamu kwamba wamefungwa kwenda kuzimu kwa ajili ya dhambi zao na wanaomwomba Mungu rehema zake ndio wanaoweza kuipata sifa hii. Kwa kweli hali iko hivi.

Kule kusema kwamba tumeokolewa toka katika dhambi zetu zote ni kutokana na karama ya wokovu ambayo Mungu ametupatia. Hii ndio sababu Waefeso 2:8 inasema, "Mmeokolewa kwa neema." Hata kule kusema kwamba tumefanyika kuwa watoto wa Mungu ni kwa sababu pia tumeiamini karama hii ya wokovu. Kama hali ndio iko hivyo, sasa majivuno yetu ni ya nini? Mbali na kujivuna, tunapaswa kumsifu Mungu, na kutubu kwamba sio sisi tuliojipatia wokovu bali ni Mungu ndiye ametuokoa.

Nikiongea kwa uwazi, kama Mungu angelikuwa hajatuokoa kwa nyuzi zake za bluu, zambarau, na nyekundu na kitani safi ya kusokotwa basi tusingeliweza kuokolewa toka katika dhambi zetu zote. Ukweli unaopatikana katika nyuzi za bluu, zambarau, na nyekundu na kitani safi ya kusokotwa umeundwa kwa nguvu ya injili ya maji na Roho. Ukweli huu unaufunua Ukweli wa wokovu kwamba Yesu Kristo alizaliwa hapa duniani, akazichukua dhambi za mwanadamu katika mwili wake mara moja na kwa wote kwa kubatizwa na Yohana katika Mto Yordani (Mathayo 3:13-17), alikufa Msalabani, na akafufuka tena toka kwa watu. Kwa kuwa ile neema ambayo kwa hiyo Mungu ametuokoa ni kamilifu, basi ndio maana neema hiyo inatufanya sisi ambao si wakamilifu katika mwili kwa sababu ya dhambi kuwa wakamilifu kwa imani, inatuinua kuwa nguzo za Ufalme wa Mungu, na kisha kutubadilisha na kuwa watu wa Ufalme wake.

Je, Bado Hujitambui Kuwa Wewe ni Nani Pamoja na Kuwa Unamwamini Yesu?

Siku hizi vituo vingi vya Televisheni vinapatikana kwa kupitia waya au kwa kupitia satalaiti. Vituo hivi vingi vinafanya kazi kwa masaa 24 kwa siku, vituo hivi vingi vina programu maalumu na vinawavutia watazamaji wengi bila kukoma. Kati ya vituo hivi, vituo mashuhuri zaidi kuliko vyote kibiashara ni vituo vya watu wazima. Katika vituo hivyo kuna picha nyingi sana za ngono kuliko kawaida. Matokeo yake kuna watu wengi sana katika kizazi hiki ambao wanajihusisha sana katika filamu hizi za ngono. Lakini jambo la kushangaza zaidi ni kwamba watu hao wanafikiria kitendo cha wao kuangalia filamu kama hizo si dhambi kabisa.

Hata hivyo, Biblia inasema wazi kwamba umalaya, uzinzi, na uasherati ambao unatoka katika nafsi ya mtu ni dhambi za wazi kabisa (Marko 7:21-23). Je, si kweli kwamba sisi sote tumejaa dhambi? Mara kwa mara Mungu alisema kwamba hali yetu imejaa dhambi, na ndio maana mshahara wa dhambi ni mauti, na kwamba dhambi ikishakomaa huzaa mauti. Lakini tunaikiri hali hii? Hali ikoje? Je, tunajaribu kuikwepa dhambi kwa kuyafumba macho yetu na kuyaziba masikio yetu? Kwa kweli hatuwezi kufanya lolote zaidi ya kutenda dhambi za kila aina kwa mawazo na matendo. Haijalishi tunajiambia mara ngapi kwamba tunapaswa kuikimbia dhambi, na haijalishi jinsi tunavyojaribu kukwepa dhambi, ukweli ni kuwa mambo hayo yote ni bure kabisa. Kwa kweli, miili yetu haiwezi kuwa watakatifu wakamilifu ambao hawawezi kutenda dhambi za kimwili, bali miili yetu pia ina udugu na dhambi na haitamani kukaa mbali na dhambi. Miili na mioyo ya wanadamu wakati wote ipo mbalina vitu vitakatifu, na si tu kwamba ipo karibu na dhambi bali pia inapenda kutenda dhambi kubwa zaidi.

Kila mmoja wetu ni lundo la dhambi na makosa. Hivyo katika hali yetu ya kimsingi sisi ni watu dhaifu na tunaofifia. Ule uchafu ambao upo katika fikra zetu kwa muda mrefu na mabaki yake vinayasumbua mawazo yetu. Katika msingi wa uwepo wake, moyo wa kila mwanadamu ni lundo la dhambi. Hivyo, ni lazima tukubali kwa wazi kwamba haiba zetu mbele za Mungu ni mlundikano mkubwa wa dhambi. Pia ni busara kwetu kutambua kwamba tumefungwa kuzimu kutokana na hukumu ya haki ya Mungu na kwa sababu hiyo tunapaswa kumwomba Mungu atupatie wokovu wake. Je, si kweli kwamba Napoleoni Bonaparte alisema kuwa "Haiwezeni ni neno linaloweza kupatikana katika kamusi ya wajinga"? Wakristo wengi wanajaribu kuonyesha haki yao binafsi, kana kwamba wanaweza kukwepa kutenda dhambi kwa kutegemea jitihada zao binafsi. Lakini kufanya hivi ni sawa na kutoa changamoto dhidi ya Mungu. Imani inayokaidi kama hiyo inawaacha Wakristo hao wakiwa waovu wanaokataa kuipokea haki ya Mungu na kisha kuukataa upendo wa wokovu ambao Mungu ametupatia.

Je, unajiona wewe mwenyewe kuwa ni mwema? Je, unajiona kuwa una nguvu ya haki ambayo haiwezi kuvumilia aina yoyote ila ya ubaya na udhaifu wakati wowote ule? Je, unafikiri kwa kiasi fulani wewe ni mwenye haki mbele za Mungu, ati kwa sababu tu unazitunza na kuzishika amri za Mungu katika moyo wako kila siku katika maisha yako? Ikiwa mtu haifahamu karama na neema ya wokovu ambayo Mungu amempatia na akawa anajaribu kutenda kwa haki hata pale moyo wake unapobakia kuwa ni wenye dhambi, ukweli ni kuwa anachokifanya hapo ni kujifanya mwenye haki kwa kuzingatia haki chafu ya kibinadamu. Wema wa watu kama hao hauwezi kuwafanya kuwa nguzo za Nyumba ya Mungu, na kwa sababu hiyo wanabakia kuwa kama lundo la dhambi.

Katika nchi za Asia Mashariki kuna watu wengi sana wanaojifunza mafunzo ya Konfusiasi tangu wanapozaliwa, na kwa sababu hiyo wanajaribu kwa jitihada zote kufuata mafundisho haya kwa vitendo. Kwa upande mwingine, huko katika nchi za Magharibi, Ukatoliki na Uprotestanti umefunika katika eneo zima la dini, na kwa sababu hiyo watu wengi sana Wamagharibi wamejaribu kuishika Sheria ya Mungu. Lakini bila kujalisha mahali wanapotokea ikiwa ni Mashariki au ni Magharibi, ukweli ni kuwa watu hao wakienda mbele za Mungu kisha wakazionyesha hali zao halisi za kiasili, basi hapo itakuwa dhahiri kwamba wale wote wanaojaribu kufuata mafundosho ya Konfusiasi na wale wanaojaribu kuishi kwa mujibu wa sheria ya Mungu ni lundo la dhambi na mbegu za watenda maovu. Wanadanu si wenye haki, wamejaa mawaa, ni malundo ya dhambi yaliyoundwa vumbi na uchafu. Hata wale watu wema ambao wametenda matendo mema si kutaka kutambuliwa bali kwa sababu ya dhamiri yao moyoni, na wale ambao hawafurahishwi kusifiwa kwa sababu ya matendo hayo mema, ukweli utabaki kwamba hata wao wanapokwenda mbele za Mungu na nafsi zao zikatazamwa watu hao wataonekana kuwa ni lundo la dhambi na mbegu za watenda maovu. Kwa kuwa haki ya mwanadamu ni dhambi kuu mbele za Mungu, basi watu kuikwepa adhabu ya dhambi hadi watakapoitambua adhabu yao na kisha kuipokea injili ya maji na Roho, ambayo ni upendo wa Mungu. Jitihada zote za mwanadamu haziwezi kutafsiriwa kuwa ni wema mbele za Mungu, na mapenzi ya mwanadamu ni uchafu pia mbele za Mungu. Kimsingi asili ya mwanadamu ni uchafu, ni mti na shaba. Wanadamu ni aina ya mti ambao hauwezi kusimikwa katika lango la Nyumba ya Mungu hadi uwe umefunikwa kwanza na dhahabu. Pia mwanadamu ni lazima atambue kwamba pasipo neema ya wokovu inayotolewa na Mungu,

wanadamu hao si lolote bali ni shaba ambayo ni lazima ikabiliane na hukumu ya moto. Kama hatuiamini karama ya wokovu, kwamba Yesu Kristo Masihi alibatizwa kwa namna ya kuwekewa mikono na kisha kuimwaga damu yake, basi ni hakika kwamba tutabakia wenye dhambi. Kwa hiyo, wale wasiofahamu kwamba wao ni viumbe waovu mbele za Mungu na wale ambao hawajapokea karama ya Mungu ili waokolewe, basi watu hao ni wakuonewa huruma sana.

Kabla hatujaifahamu haki ya Mungu, haki yetu binafsi ilikuwa ndio kipimo cha maisha. Mimi pia nilikuwa kama hivyo wakati nilipokuwa siifahamu karama ya Mungu ya wokovu na sikuwa na imani halisi. Kwa kweli sikuwa na haki binafsi, bali nilijiona kama ni mtu mwema ninayestahili. Hivyo tangu utoto wangu, kulikuwepo na nyakati nyingi ambapo sikuweza kuvumilia uonevu na mara nyingi nilipigana na watu ambao wakati mwingine hawakuwa wa rika langu. Falsafa yangu katika maisha ilikuwa ni kuishi kwa haki na usawa, niliamini hivyo kwa kuwa nilielewa kwamba nilizaliwa mara moja na nitakufa mara moja. Mawazo yangu yalikuwa hivi, "Ni afadhali nife kuliko kuishi maisha mabaya kama hivi, huku nikiwa sifanyi kazi zaidi ya kula tu. Kama haya ndio maisha, basi hakuna tofauti yeyote ikiwa nitakufa hivi sasa au nitaishi miaka mingine 50. Kuishi namna hii kunakera na kukatisha tamaa. Kuishi pasipo maana na pasipo dhumuni lolote na pasipoweza kufanya kitu chochote cha haki na pasipo lengo kuu kwa hakika ni sawa na kuzimu. Sasa kuzimu ni nini? Kwa kweli kuzimu ya kunyanyasika ni kitendo cha mwanadamu kuishi kama nguruwe, huku akilijaza tumbo lake kila siku hadi atakapokufa" Vivyo hivyo, kwa kuwa nilishindwa kujiona mimi mwenyewe mbele za Mungu, kwa kweli nilikuwa nimejaa haki binafsi. Na ndio maana nilijiona kuwa mimi ni bora kuliko watu wengine na nikajaribu kwa juhudi zote kuishi maisha ya haki.

Lakini ukweli ni kuwa mimi nilikuwa ni lundo kubwa tu la dhambi mbele ye haki ya Mungu. Ukiachilia mbali zile Amri Kumi za Mungu, mimi sikuwa mtu niliyeweza kuishika walau moja kati va zile sheria 613 katika Torati. Ule ukweli wenyewe wa kwamba nilikuwua na nia ya kuzifuata sheria hizo ulikuwa ni tendo lisilo la haki ambalo lilikuwa linaliasi Neno la Mungu linalosema, "Wewe ni kiumbe mwenye dhambi ambaye huwezi kufanya lolote zaidi ya kuendelea kufanya dhambi zinazoenda kinyume na Mungu." Haki yote ya mwanadamu inageuka na kuwa ni dhambi mbele za Mungu. Ukweli ni kuwa wanadamu hawezi kamwe kuwa wenye haki kwa uwezo wao binafsi. Kwa hakika, kipindi hiki ni kipindi cha mwisho ambao mkondo wake unasukumwa na desturi ya maadili kuchafuka na kugubikwa na dhambi. Hii ina maanisha kwamba miili yetu imegubikwa wakati wote na dhambi, na kwamba tunazifanya dhambi hizi katika maisha yetu. Kwa kweli, miili yetu inaburuzwa na dhambi hizi chafu, na kwa sababu hiyo hakuna wema unaoweza kupatikana katika miili yetu.

Tulikuwa Watu Wasio na Haki na Tuliokuwa Tumejaa Dhambi, Lakini Sasa Bwana Ametufanya Kuwa Watu Wake Kwa Kutuokoa Toka Katika Dhambi Zetu Zote Kwa Injili ya Maji na Roho

Sisi sote ni tulikuwa ni watu wasio na haki, lakini kwa kupitia karama ya wokovu, Bwana ametuokoa watu wa jinsi hiyo kama sisi toka katika dhambi zetu zote. Mbao za Mahali Patakatifu, yaani Nyumba ya Mungu zilikuwa na vipimo vya mita 4. 5 kwa kimo na upana wa milimita 675 na zilifunikwa kwa dhahabu kisha zikawekwa kama kuta za Mahali Patakatifu. Chini ya kila ubao kulikuwa na vikuku viwili. Hivi vikuku vya

fedha vinadhihirisha kwamba Mungu amekuokoa wewe na mimi kwa jitihada zake Mwenyewe.

Ukweli ni kwamba Mungu ametuokoa toka katika dhambi kutokana na upendo wake. Ni katika upendo huu kwamba, Yesu Kristo alikuja hapa dniani na akabatizwa ili kuzichukua katika mwili wake dhambi zetu zote, aliibeba adhabu ya dhambi zetu kwa kufa Msalabani, na kwa sababu hiyo ametuokoa toka katika dhambi zote za ulimwnegu na adhabu yake. Sisi tumezaliwa tena upya kwa kuamini katika karama ya wokovu ambayo Mungu ametupatia. Kama hii ya wokovu tuliyopewa na Mungu haiharibiki wala kuchakachuliwa kama vile dhahabu, na kwa sababu hiyo haibadiliki.

Wokovu ambao Bwana ametupatia umeundwa kwa ubatizo na damu ya Yesu, na wokovu huo umezitoweshea mbali dhambi zetu zote. Wewe na mimi tumekombolewa kikamilifu toka katika dhambi zote ambazo tumezifanya na zile ambazo tutazifanya kwa akili zetu, kwa mawazo, na kwa matendo kwa kuwa Bwana ametuokoa kikamilifu. Tumefanyika kuwa watakatifu wa Mungu wenye thamani kwa kuamini katika karama ya wokovu ambayo Mungu ametupatia katika mioyo yetu. Mungu anatueleza juu ya wokovu wa maji na Roho kwa kupitia mbao za Hema Takatifu la Kukutania ambazo zilikuwa ni nguzo na kuta za hema hilo. Pia kwa kupitia vile vikukuu vya fedha Mungu anatueleza kwamba tumefanyika kuwa watoto wa Mungu kwa asilimia 100 kupitia neema na karama yake.

Ikiwa tutaiweka mbali imani yetu katika ubatizo na damu ya Yesu, basi ni hakika kwamba hakuna kitakachobakia ndani yetu. Wakati fulani sisi sote tulikuwa ni viumbe ambao tulikuwa tumefungwa ili kuadhibiwa kwa sababu ya dhambi. Tulikuwa na viumbe wa kawaida ambao tulikuwa tumefungwa kuogopa na kutetemeka tukihofia vifo vyetu kwa mujibu wa sheria ya Mungu inayosema kwamba mshahara wa dhambi ni mauti; pia

tulitambua juu ya hukumu ya haki ya moto toka kwa Mungu iliyokuwa ikitungojea. Na hii ndio sababu ni dhahiri kwamba ikiwa tutaiacha imani yetu katika injili ya maji na Roho basi sisi tutakuwa si kitu kabisa. Hali tukiishi katika kipindi ambacho kwa sasa kimegubikwa na dhambi, kwa hakika tunapaswa kutosahau kwamba stahili yetu ilikuwa ni hukumu ya moto. Kwa kweli hivi ndivyo tulivyokuwa, lakini hata hivyo Mungu ametupatia neema kwa kupitia wokovu wake wa maji na Roho. Masihi alikuja hapa duniani, alibatizwa na Yohana Mbatizaji, akaimwaga damu yake na kufa Msalabani, akafufuka tena toka kwa wafu, na kwa sababu hiyo ametuokoa toka katika dhambi zetu zote na toka katika hali ya kutokuwa na haki pamoja na adhabu yetu yote. Sasa tumeokolewa toka katika dhambi zetu zote kwa kuamini katika injili kamilifu ya maji na Roho, na kwa sababu hiyo tunaweza kumshukuru Mungu kwa imani yetu kamilifu.

Pamoja na kuwa miili yetu ina mapungufu, wafanyakazi wetu, watenda kazi wenzetu, watumishi, na mimi tunaihubiri injili hii ulimwenguni kote. Pamoja na kuwa kipindi hiki ni kile kilichoharibiwa, lakini kwa kuwa tunaamini katika injili ya maji na Roho, basi ndio maana tumeweza kumtumikia Bwana kwa usafi, hali tukiwa huru toka katika ubaya wowote ule. Kwa kuwa Bwana ametupatia utakatifu kwa kutufunika kwa neema yake ya wokovu, ndio maana tumeweza kuwa na akili hii ambayo haitokani na utashi wetu binafsi. Tumevikwa nguvu ya wokovu huu kwa kuwa Bwana ametuokoa kikamilifu toka katika dhambi na adhabu, na ni kwa sababu ya tendo hilo ndio maana tumeweza kumtumikia Bwana kikamilifu. Kwa kuwa Bwana ametuokoa toka katika dhambi zetu zote kwa maji na Roho, basi mimi ninaamini kwamba tunaweza kumtumikia bila kujalisha mapungufu yetu, kwa kuwa hatufungwi tena na dhambi, mapungufu na adhabu ya dhambi.

Kwa kweli kama si kwa neema ya Bwana wetu, basi ni hakika kwamba tusingeliweza kuihubiri injili ulimwenguni kote. Kama isingelikuwa ni kwa neema ya Bwana, basi kwa kweli kuieneza injili va maji na Roho ulimwenguni kote na kuitumikia injili hii kwa usafi kusingeliwezekana kabisa. Kwa neema ya wokovu wa Mungu tena kwa asilimia 100 ndio maana wewe na mimi tunaweza kuisha maisha yetu ya kiimani hali tukiilinda na kuitumikia injili hii halisi. Tumefanyika kuwa nguzo za Ufalme wa Mungu na watu wa Ufalme huo kwa imani. Kwa kuwa Mungu ametupatia imani hii kama dhahabu, basi ndio maana hivi sasa tunaweza kuishi katika Nyumba ya Mungu. Katika nyakati hizi ambapo ulimwengu umegubikwa na dhambi, yaani katika kipindi ambacho watu wakiwa wanaburuzwa na dhambi wanasahau na kumkashifu Mungu, sisi tumeoshwa na maji safi na kuwa wasafi, na kwa sababu hiyo tumeweza kuyanywa maji safi na kisha kumtumikia Bwana katika usafi wa roho. Hivyo, maneno hayatoshi kuelezea jinsi ninavyoshukuru kwa ajili ya baraka hii.

Kwa kweli hivi ndivyo tulivyofanyika wenye haki kwa imani. Tungeliwezaje kuwa wenye haki? Tumewezaje kujiita wenye haki ilhali hakuna wema wowote ndani yetu? Inawezekanaje kwa viumbe wenye dhambi kama wewe na mimi kuwa wasio na dhambi? Je, umefanyika kuwa asiye na dhambi na mwenye haki kwa kutegemea haki ya mwili wako binafsi? Yaani mawazo ya mwili, jitihada zako binafsi, na matendo yako binafsi—je, kuna lolote kati ya hayo linaloweza kukufanya wewe kuwa mtu mwenye haki asiye na dhambi kabisa? Je, ungeliweza kuwa wenye haki kwa imani katika injili ya maji na Roho? Je, ungeliweza kuwa mwenye haki kwa imani yako katika wokovu wa Mungu unaodhihirishwa katika nyuzi za bluu, zambarau, na nyekundu na kitani safi ya kusokotwa? Je, ungeliweza kuwa mwenye haki pasipo kuamini katika wokovu

wako kupitia injili ya maji na Roho iliyotimizwa na Masihi na kufunuliwa katika Neno la Mungu? Kwa kweli usingeliweza kabisa kuwa kama ulivyo sasa! Kwa kifupi, hatuwezi kamwe kuwa wenye haki kwa kuamini katika nyuzi nyekundu pekee.

Tumefanyika wenye haki kwa imani kwa kuwa Yesu Kristo, Mwokozi wetu na Masihi alizibeba dhambi zote za ulimwengu, zikiwemo dhambi zote katika maisha yetu yote kwa kupitia ubatizo alioupokea toka kwa Yohana Mbatizaji ili kuzitoweshea mbali dhambi hizo kwa niaba yetu. Kama vile mnyama wa sadaka ya kuteketezwa katika Agano la Kale alivyozipokea dhambi wakati wenye dhambi au Kuhani Mkuu alipoiweka mikono yake juu ya kichwa chake, basi vivyo hivyo, katika kipindi cha Agano Jipya, Yesu alizipokea dhambi zote za ulimwnegu katika mwili wake kwa kubatizwa na Yohana Mbatizaji. Yesu alizichukua katika mwili wake dhambi zetu zote kwa kupitia ubatizo wake (Mathayo 3:15). Kisha Yohana alilishuhudia tendo hili akisema, "Siku ya pili yake amwona Yesu anakuja kwake, akasema, Tazama, Mwana-kondoo wa Mungu, aichukuaye dhambi ya ulimwengu!" (Yohana 1:29) Baada ya kuwa ameupokea ubatizo wake, Yesu aliishi miaka mitatu zaidi kwa ajili ya wokovu wetu, alilipa mshahara wa dhambi zetu zote kwa kuipokea adhabu ya kwenda Msalabani ili kuutoa mwili wake kwa Mungu, alikaa kimya kama vile kondoo mbele ya wamkatao manyoya, na kwa sababu hiyo ametupatia maisha mapya.

Yesu Kristo aliweza kujitoa kwa ukimya na akasulubiwa Msalabani kwa kupigiliwa misumari mikononi na miguuni na askari wa Kirumi kwa kuwa alikuwa amezichukua dhambi zetu zote kwa ubatizo aliokuwa ameupokea toka kwa Yohana Mbatizaji. Yesu aliimwaga damu iliyokuwa katika moyo wake kwa kutundikwa Msalabani. Kisha aliipokea sehemu ya mwisho ya huduma yake kwa ajili ya wokovu wetu akisema,

"Imekwisha!" (Yohana 19:30) Hivyo, baada ya kufa, alifufuka tena toka kwa wafu baada ya siku tatu, alipaa katika Ufalme wa Mbinguni, na kwa sababu hiyo amefanyika kuwa Mwokozi wetu kwa kutupatia uzima wa milele. Yesu amefanyika kuwa Mwokozi mkamilifu kwa kuzibeba dhambi za ulimwengu kwa kupitia ubatizo wake alioupokea toka kwa Yohana Mbatizaji, kwa Msalaba wake, kwa ufufuo na kwa kupaa kwake.

Imani Katika Damu ya Msalaba Pekee na Fundisho la Utakatifu Unaozidi Haijaweza Kukuokoa Toka Katika Dhambi Zako Kabisa

Wakristo hawawezi kuokolewa kikamilifu toka katika dhambi zao kwa kuamini pekee katika damu ya Yesu Msalabani. Kwa kuwa watu wanatenda dhambi kila siku kwa macho yao na matendo, ukweli ni kuwa hawawezi kuzitoweshea mbali dhambi hizo kwa kuamini katika damu ya Yesu Msalabani tu. Moja kati ya makosa makuu yanayowapotosha watu na yanayofanywa kwa wingi katika maisha ya watu ni zinaa. Kutokana na desturi va uhuru wa kujieleza na kujifurahisha, basi suala la zinaa limeuzingira ulimwengu huu, na dhambi hii kwa kweli imo katika miili yetu. Biblia inatuamuru tusifanye uzinzi, lakini ukweli wa leo hii ni kwamba kutokana na mazingira yanayotuzunguka, watu wengi sana wanaishia kufanya dhambi hata pale ambapo hawataki kuzifanya. Mungu anasema wazi kwamba kuwa na mawazo ya tamaa ni sawa na kuifanya zinaa yenyewe, na kweli kile ambacho macho yetu yanakiona kila siku ni uchafu mtupu. Hivyo watu wanafanya dhambi chafu kama hizo kila dakika na kila sekunde. Kama hali ndio iko hivi, wanawezaje basi kupata utakatifu unaozidi ili waweze kuingia katika Ufalme wa Mungu kwa kuyatoa maombi yao ya toba?

Wanawezaje kuwa wenye haki? Je, mioyo yao inafanyika kuwa yenye haki wakati wanapokuwa wafuasi kwa muda mrefu na kisha kupata huo utakatifu wakati wanapokuwa wazee? Je, tabia zao zinaweza kubadilika na wakawa wanyenyekevu zaidi? Je, wanakuwa wavumilivu zaidi? Kwa kweli hapana! Kwa kweli kinachotokea ni kinyume chake.

Wakati watu wanapofikia uzee, wanakuwa ni wepesi kukasirika na wasio wavumilivu. Kadri umri unavyozidi kuongezeka kunatokea mabadiliko ya homoni, kiasi kuwa hata wale ambao walikuwa ni wavumilivu zamani wanaona vigumu kabisa kuzituliza hasira zao. Na katika umri huo huwa wanajifikiria zaidi wenyewe kuliko kuwafikiria wengine. Kadri miili yao inavyozidi kuishiwa uwezo wa kufanya kazi, basi silika zao huelekea kuwa imara zaidi katika kujilinda. Basi wakati tunavyozidi kuwa wazee, tunazidi kuwa kama vile watoto. Kama msemo huu unavyosema, kile kinachotambaa kwa miguu minne wakati wa uchanga, husimama kwa miguu miwili wakati wa ujana, na hutembea kwa miguu mitatu wakati wa uzee, na kitu hicho si kingine bali ni wanadamu, na kila mmoja wetu yupo kwa namna hii.

Miongoni mwa mafundisho ya Kikristo, kuna hili fundisho linaloitwa "fundisho la utakatifu unaozidi." Fundisho hili linasisitiza kwamba wakati Wakristo wanapoamini katika damu ya Yesu Msalabani kwa muda mrefu, kisha wakafanya sala za toba kila siku, halafu wakamtumikia Bwana kila siku, basi taratibu watafanyika kuwa watakatifu. Fundisho hili linadai kwamba kadri muda unavyozidi kwenda kuanzia wakati tulipomwamini Yesu, basi ndivyo tunavyozidi kuwa mbali na dhambi na wenye matendo mema, na kwamba mara kifo kitakapokaribia, basi tutakuwa tumeshafanywa watakatifu kikamilifu na hivyo wasio na dhambi. Pia fundisho hili linafundisha kwamba kwa kuwa tumeyatoa maombi yetu ya toba

wakati wote, basi ni hakika kwamba tutasafishwa dhambi zetu pia kila siku, yaani kama vile nguo zetu zinavyooshwa. Hivyo, ukifikia wakati wa kufa, tutakwenda kwa Mungu kama watu tuliofanyika kuwa wenye haki wakamilifu. Lakini hii ni nadharia ya kufikirika iliyoundwa kutokana na mawazo ya mwanadamu.

Warumi 5:19 inasema, "Kwa sababu kama kwa kuasi kwake mtu mmoja watu wengi waliingizwa katika hali ya wenye dhambi, kadhalika kwa kutii kwake mmoja watu wengi wameingizwa katika hali ya wenye haki." Kifungu hiki kinatueleza kwamba sisi sote tunafanywa wasio na dhambi kwa kupitia utii wa mtu mmoja. Yesu Kristo aliliweza lile ambalo wewe na mimi tusingeliweza kulifanya kwa kuja hapa kwake hapa duniani. Hali akifahamu wazi kuwa wewe na mimi tusingeliweza kuzitoweshea dhambi zetu, Yesu aliziondoa dhambi zetu zote kwa niaba yete, jambo ambalo wewe na mimi tusingeliweza kamwe. Yesu amekuokoa wewe na mimi na ametusafisha toka katika dhambi zetu zote mara moja na kwa wote kwa kuja hapa duniani, kwa kubatizwa, kwa kusulubiwa, na kwa kufufuka toka kwa wafu.

Yesu Kristo aliutimiza wokovu wetu kwa kuyatii mapenzi ya Mungu Baba, tendo hilo pia linafahamika kuwa ni ondoleo la dhambi zetu. Hali akiyatii mapenzi ya Mungu akiwa Masihi, Yesu Kristo ametupatia neema ya wokovu kwa kupitia ubatizo wake, kifo chake Msalabani, na ufufuo wake. Yesu amelitimiza ondoleo la dhambi kikamilifu kwa kutupatia karama ya wokovu. Sasa, tumefunikwa neema ya wokovu huu kwa imani, hii ni kwa sababu Bwana ameutimiza wokovu wetu kikamilifu toka katika dhambi wokovu ambao usingeliweza kupatikana kwa matendo yetu au kwa kutegemea hisani yetu.

Watu wengi hawauamini ubatizo wa Yesu alioupokea, na badala yake wanaamini katika damu aliyoimwaga Msalabani huku wakijaribu kufanywa watakatifu kwa kupitia matendo yao mema. Kwa maneno mengine, hata wakati Yesu alipozichukua dhambi zote za mwanadamu katika mwili wake wakati alipobatizwa na Yohana Mbatizaji, ni ajabu kuona watu wengi bado hawaamini katika Ukweli huu. Mathayo sura ya 3 inatueleza kwamba kitu cha kwanza ambacho Yesu alikifanya katika maisha yake duniani ilikuwa ni kubatizwa na Yohana Mbatizaji. Huu ni Ukweli usiopingika unaoshuhudiwa na Injili zote Nne.

Yesu alizichukua dhambi zetu zote katika mwili wake kwa kubatizwa na Yohana Mbatizaji, ambaye ni mwakilishi wa wanadamu wote na mkuu kuliko wote waliozliwa kwa wanawake, lakini kuna watu wengi sana ambao wanaudharau ukweli huu na hawauamini. Watu wa jinsi hiyo wanamwamini Yesu pasipo kuamini katika ubatizo wake, na wao wanaisifia damu ya Yesu ya thamani aliyoimwaga Msalabani. Hali wakiziinua hisia zao za huruma kwa ajili ya kifo cha Yesu Msalabani, watu hao huinua hisia zao na kufanya kila aina ya mbwembwe huku wakisifu, na huku wakiimba kwa sauti za juu,

""IKuna nguvu, nguvu, nguvu itendayo maajabu Katika damu ya Mwana-kondoo;

☐Kuna nguvu, nguvu, nguvu itendayo maajabu

Katika damu ya thamani ya Mwana-kondoo." Kwa maneno mengine, wanajaribu kumwendea Mungu hali wakiwa wametiwa hamasa na hisia zao binafsi na nguvu binafsi. Lakini unapaswa kutambua kwamba kadri wanavyozidi kufanya hivi, ndivyo wanavyozidi kuwa na dhambi kwa kuwa wanazidi kuwa wanafiki.

Inapofikai hatua ya kumwamini Yesu Kristo, basi ni muhimu sana kuzingatia juu ya huduma mbili za Yesu zilizojaa neema. Je, huduma hizo ni zipi? Moja ya huduma hizo ni kwamba Yesu alizichukua katika mwili wake dhambi zetu zote

kwa kubatizwa, na nyingine ni kwamba Yesu aliulipa mshahara wote wa dhambi kwa kuzichukua dhambi za ulimwenguni kwenda Msalabani na kisha kusulubiwa juu yake. Yeyote anayeamini kikamilifu katika huduma hizi mbili zilizojaa neema kwa hakika anaweza kufanywa kuwa mwenye haki. Imani yetu katika ubatizo wa Yesu na damu yake Msalabani, ambavyo ni misingi miwili ya karama yake ya Kwa neema ya Mungu tunafanywa kuwa watu wa Mungu wasio na mawaa. Tunapokea imani iliyo kama dhahabu safi isiyoweza kubadilika milele kwa kuamini katika injili ya maji na Roho iliyotolewa na Yesu. Tunafanyika watakatifu ambao wamepokea wokovu wa ondoleo la kamilifu la dhambi kwa kuamini katika injili ya maji na Roho iliyodhihirishwa katika nyuzi za bluu, zambarau, na nyekundu na kitani safi ya kusokotwa.

Kipindi cha Theolojia Dhidi ya Kipindi cha Injili ya Maji na Roho

Ukikiacha kipindi cha Kanisa la Kwanza, kuanzia lilipotolewa tamko la Kirumi la Milani katika mwaka 313 B. K., Ukristo umekuwa ukiieneza injili ya Msalaba tu ambayo inauacha mbali ubatizo wa Yesu. Kuanzia kipindi cha Kanisa la Kwanza hadi kufikia mwaka 313 B. K., yaani kabla Ukristo haujabadilika na kuwa dini ya kawaida, Ukristo ulikuwa ukiihubiri injili ya maji na Roho kwa nguvu zote, lakini baadaye kidogo Kanisa Katoliki la Roma lilitawala ukanda wa kidini katika ulimwengu wa magharibi. Kisha kuanzia mwanzoni mwa karne ya 14, desturi iliyoviegemeza vitu vyote katika mawazo ya mwanadamu huku ukitoa wito wa kurejeshwa kwa ubinadamu ilianza kujitokeza huko Italia. Kipindi hiki kinaitwa kipindi cha Mwamko wa Maarifa.

Hadi kufikia karne ya 16, desturi hii ya kibinadamu iliyokuwa imeanzishwa kule Italia ilianza kuenea katika ulimwengu mwingine wa magharibi, na wanazuioni waliosomea mambo ya mwanadamu, ambayo ni falsafa iliyoundwa na mwanadamu walianza kusoma theolojia. Hali wakiitafsiri Biblia kwa kutumia ufahamu wao binafsi, walianza kutengeneza mafundisho mbalimbali ya Kikristo. Lakini kwa kuwa walikuwa hawaufahamu Ukweli, basi hawakuweza kuifahamu Biblia kwa usahihi. Kulikuwa na vifungu vingi vigumu katika Biblia, na kwa sababu hiyo viliwasukuma kutengeneza mafundisho yao binafsi ya Kikristo kwa kuingiza ufahamu wao binafsi pamoja na mitazamo yao ya kifalsafa. Na hivi ndivyo Ukavini, Uarminia, Msingi-Asili, Uhuru-asi, Theolojia Mpya, Uhafidhina, Changamoto ya Juu, Fikra-Maarifa, Theolojia ya Mafumbo, Wingi na Ushirika wa Dini, na Theolojia inayozungumzia juu ya kifo cha Mungu.

Historia ya Ukristo inaweza kuonekana kuwa ni ndefu sana lakini ukweli sio ndefu kiasi hicho. Kwa miaka 300 tangu kipindi cha Kanisa la Kwanza, watu waliweza kujifunza juu ya Biblia, lakini kipindi hiki kilifuatiwa na Kipindi cha Kati, ambacho ni kipindi cha giza kwa Ukristo kiasi kwamba hata kusoma Biblia ilikuwa ni kosa linalostahili adhabu ya kifo au kukatwa kichwa. Ni hadi ilipofikia miaka ya 1700 wakati upepo wa theolojia ulipoanza kuvuma, kisha Ukristo ukaonekana kuchanua tena katika miaka ya 1800 na katika miaka ya 1900 theolojia ilikua na kupata nguvu, lakini hadi sasa watu wengi wameangukia katika dhana za kimafumbo katika imani zao huku wakimwamini Mungu kwa kuzingatia uzoefu wao binafsi.

Lakini ukweli ndio huu? Ulipoamini kwa namna hii ni kweli kuwa dhambi zako zilitoweka? Unatenda dhambi kila siku. Unatenda dhambi kila siku kwa mawazo yako, matendo, na kwa mapungufu. Sasa unaweza kweli kuondolewa dhambi hizi kwa

kuamini katika damu ya Yesu pekee aliyoimwaga Msalabani? Kule kusema kwamba Yesu alizibeba dhambi zetu zote kwa kubatizwa kisha akafa Msalabani ndio ukweli halisi. Lakini bado kuna watu wanaosema kwamba dhambi zao ziliondolewa kwa kuamini katika damu ya Msalaba tu na kwa kutoa sala zao za toba. Je, dhambi katika moyo wako na katika dhamiri yako zilisafishiliwa mbali wakati ulipofanya sala za toba? Kwa kweli hii haiwezekani.

Kama wewe ni Mkristo, basi sasa unapaswa kufahamu na kuamini katika wokovu wa ukweli huu, kwamba Yesu Kristo alikuia hapa duniani na akazichukua katika mwili wake dhambi zote za ulimwengu na kwa kubatizwa na Yohana Mbatizaji. Pamoja na ushahidi huu kwako, bado una udharau ukweli huu kiasi kuwa hutaki hata kujaribu kuufahamu au kuuamini? Kama ni hivyo, kwa kweli huwezi kusema kwamba Yesu ni Mwokozi wako. Na kama hali iko hivi, basi ni vema utambue kwamba unafanya dhambi ya kumdhihaki Yesu, yaani dhambi ya kulidharau na kulishusha jina lake. Kwa maneno mengine, ni tendo la kulikufuru jina la Yesu na kumdhihaki Mungu kutokana na utashi wako binafsi. Yesu alikuja hapa duniani ili kuzifanya dhambi zetu kutoweka, na kwa mujibu wa huu ujio wake, Yesu alibatizwa ili kuzichukua dhambi zetu zote katika mwili wake na kisha alizibeba dhambi za ulimwengu na akasulubiwa, Yesu aliibeba adhabu ya hizo dhambi zote.

Lakini pamoja na huu Ukweli wa kimbingu, kuna watu wengi ambao bado hawaamini katika wokovu huu wa Yesu Kristo, na kwa sababu hiyo wanafanya dhambi isiyosameheka dhidi ya Mungu. Kwa kuuacha ubatizo wa Yesu toka katika mpango huu wa wokovu ambao ulitimizwa na Yesu Kristo na kwa kitendo cha kumwamini Yesu kwa namna yoyote wanayoona inafaa, basi ni hakika kwamba hawawezi kuvikwa neema ya hii ya wokovu. Lakini pamoja na kweli hizi zote

Wakristo wengi hawaamini katika ukweli huu kam ulivyo yaani, kwamba Yesu alizitoweshea mbali dhambi zao zote, na badala yake wanafuata mawazo yao binafsi na kuamini katika kweli zilizopindishwa wanazotaka kuziamini. Siku hizi, mioyo ya watu imefanywa kuwa migumu kutokana na makosa ya mafundisho ya kiimani huku wakiamini kwamba dhambi zao zinaweza kutoweshewa mbali kwa kuamini katika damu ya Msalaba pekee.

Lakini jibu la wokovu lilipangwa na Mungu ni kama ifuatavyo: Ondoleo la dhambi la kudumu linapokelewa kwa kuamini katika ubatizo wa Yesu, Msalaba, na ufufuo wake. Hata hivyo kuna idadi kubwa sana ya watu wanaomwamni Yesu kwa kuuachilia mbali ubatizo ambao Yesu aliupokea toka kwa ukweli huu wa wokovu, watu hao bado wanaendelea kuamini kimakosa kwa kuzingatia mlinganyo ufuatao kuwa ndio ukweli: "Imani katika Yesu (Msalaba na ufufuo wake) + sala za toba + matendo mema = wokovu unaopatikana kwa kutakatifuzwa." Wale wanaoamini kwa namna hii ni watu wanaosema kwa maneno yao tu kwamba wamepokea ondoleo la dhambi, lakini ukweli ni kwamba mioyo yao imejazwa na lundo la dhambi ambazo zitabaki pasipo kutatuliwa.

Wale wanaoamini katika Msalaba wa Yesu tu kwa kweli wataishia wakiwa na dhambi zaidi. Kwa nini hauamini katika ukweli huu kama inavyoelezwa kwamba Yesu amezitoweshea mbali dhambi zako zote kwa kubatizwa na Yohana Mbatizaji: na badala yake unaamini katika mafundisho ya uongo yaliyoundwa na mwanadamu, hata pale unapokiri kwamba unamwamini Yesu? Unapaswa kutambua ukweli kwamba kila ubao wa Hem Takatifu la Kukutania ulikuwa umeundwa kwa mti wa mshita ulikuwa na ndimi mbili zilizojitokeza, na kwamba chini yake kulikuwa na vikuku viwili vya fedha ili kuushikilia ule ubao mahali pake. Injili ya maji na Roho (ubatizo ambao

Yesu aliupokea na damu yake Msalabani) ndio Ukweli mkamilifu.

Tunapolifungua lango la ua wa Hema Takatifu la Kukutania na kisha kutembea katika ule ua cha kwanza tutakachokiona ni madhabahuu ya sadaka ya kuteketezwa na birika la shaba. Sasa ni wapi ilipo madhabahu ya sadaka ya kuteketezwa? Ipo mahali ambapo sadaka za kuteketezwa zilitolewa. Ni mahali ambapo wanasadaka wa kuteketezwa waliokuwa wamezimebeba dhambi za Waisraeli waliadhibiwa kwa ajili yao. Birika la shaba liliwekwa sehemu gani? Lilikuwa mahali ambapo miili ilioshwa ili kuwa safi. Kwa maneno mengine, ni mahali ambapo mioyo iliyochafuliwa na dhambi inasafishwa na kuwa safi. Ni hadi pale tutakapouendea mchakato huu kwa imani ndipo tunapoweza kulifungua pazia la Hema Takatifu la Kukutania na kisha kuingia katika Nyumba ya Mungu na si kabla ya hapo.

Pazia la mlango wa Hema Takatifu la Kukutani lilikuwa limeundwa kwa nyuzi za bluu, zambarau, na nyekundu na kitani safi ya kusokotwa. Lilifumwa kwa kutarizi nyuzi za kitani safi na zile za bluu, na zile za zambarau, na nyekundu. Basi tunapaswa kuamini katika ukweli huu ili tuweze kuingia katika Ufalme wa Mungu. Tunaweza kuingia katika Ufalme wa Mungu wakati tutakapokuwa na imani katika huduma za Yesu zinazodhihirishwa katika nyuzi za bluu, zambarau, na nyekundu. Yesu alikuja hapa duniani na akawa ndiye utimilifu wa nyuzi za bluu, zambarau, na nyekundu. Nyuzi za bluu zina maanisha ni ubatizo wa Yesu alioupokea, na nyuzi za zambarau zinatueleza kwamba Yesu Kristo ni Mungu Mwenyewe. Nyuzi nyekundu zinatueleza kwamba Yesu aliibeba adhabu ya dhambi zetu zote kwa damu aliyoimwaga Msalabani.

Je, bado una dhambi ambayo bado ipo kama ilivyo katika moyo wako? Kwa maneno mengine bado una dhambi katikati

ya moyo wako? Kama bado una dhambi katika moyo wako pamoja na kuwa unamwamini Yesu, basi ni wazi kwamba kuna tatizo kubwa sana katika imani yako. Kwa kuwa unamwamini Yesu kama sehemu ya dini tu ndio maana dhamiri yako si safi na kwamba bado una dhambi. Lakini kwa kumwamini Mungu kwa kupitia ukweli unaodhihirishwa katika nyuzi za bluu, zambarau, na nyekundu na kitani safi ya kusokotwa, basi hapo unaweza kuifanya dhamiri yako kuwa safi.

Ule ukweli kwamba sasa unaweza kutambua kwamba nafsi yako ni yenye dhambi kutokana na kupewa ufahamu usio sahihi kuhusu Yesu ni jambo la bahati sana kwako. Kwa nini? Kwa sababu wale ambao wanatambua kwamba bado wana dhambi watatambua kwamba hawawezi kukwepa zaidi ya kufungwa kuzimu kwa sababu ya dhambi hizo, na watakapofahamu hivyo watakuwa ni maskini wa roho na hivyo kuweza kulisikia Neno la ukweli wa wokovu.

Ikiwa unataka kweli kupokea ondoleo la dhambi toka kwa Mungu hivi sasa, basi unapaswa kuuandaa moyo wako. Wale wambao mioyo yao ipo tayari mbele za Mungu wanaweza kukiri hivi mbele za Mungu: "Nimemwamini Yesu kwa muda mrefu, lakini bado nina dhambi katika moyo wangu. Kwa kuwa mshahara wa dhambi ni mauti, kwa kweli siwezi kufanya lolote zaidi ya kutupwa kuzimu. Mungu ninataka kupokea ondoleo la dhambi." Kwa namna hii, watu hao wanajitambua kuwa ni viumbe wenye dhambi mbele za Mungu. Wale wanaolitambua Neno la Mungu, wale wanaoamini kwamba Neno la Mungu limetimilizwa kikamilifu kama lilivyo—basi ni hakika kwamba watu wa jinsi hii mioyo yao ipo tayari. Watu wa jinsi hiyo watalisikia hili Neno, wataliona Neno kwa macho yao na kisha watalithibitisha, na kwa kufanya hivyo watafikia hatua ya kutambua kwamba, "Aah, wakati huu wote nilikuwa nikiamini kimakosa. Na kuna idadi ya watu wengi ambao bado wanaamini

kimakosa hadi sasa." Hivyo kwa kuamini katika injili ya maji na Roho, na bila kujali kile ambacho wengine wanaweza kusema, basi kwa kufanya hivyo watapokea ondoleo la dhambi zao zote.

Ninapofikiria jinsi watu wengi katika ulimwengu huu wanavyoamini kimakosa, na jinsi watu wengi wanavyotembea kimakosa kwa kweli moyo wangu unaniuma sana. Kaka zangu na akina dada, injili ambayo kwa hiyo Bwana ametuokoa toka katika dhambi zetu lilitimizwa na ubatizo ambao Yesu aliupokea na damu yake aliyoimwaga Msalabani. Yesu alizichukua katika mwili wake dhambi zetu zote kwa ubatizo wake, aliibeba adhabu ya dhambi kwa damu yake Msalabani, na kwa sababu hiyo ametuokoa. Hivyo, tunapaswa kuamini pasipo shaka kwamba Mungu ametuokoa kwa kutupatia imani inayoamini katika ukweli wa nyuzi za bluu, zambarau, na nyekundu na kitani safi ya kusokotwa. Kwa kweli ninashukuru sana kutokana na ukweli kwamba Yesu Kristo mwenyewe amekuokoa wewe na mimi kwa namna hii. Wewe na mimi, ambao tunaamini katika injili ya maji na Roho kwa kweli tuna amani, na imani yetu haiyumbishwi.

Wale Waliookolewa Toka Katika Dhambi Zao Ni Lazima Wailinde Imani Yao Kwa Kuamini Katika Injili ya Maji na Roho

Ulimwengu huu umejaa mafundisho mengi maovu kiasi kwamba hata mioyo ya wale waliozaliwa tena upya inaweza kujaribiwa na hivyo kuchafuliwa. Na hii ndio sababu Yesu Kristo alisema, "Akawaagiza, akasema, Angalieni, jihadharini na chachu ya Mafarisayo na chachu ya Herode" (Marko 8:15). Kwa kweli hatuwezi kuhesabu idadi ya hayo mafundisho yenye madhara, kwa kweli mafundisho hayo yanaichafua mioyo ya

watu hata mtu akisikiliza mara moja tu. Tunapaswa kutambua jinsi ulimwengu huu ulivyofurikwa na uasherati. Sisi tunaoamini ni lazima tufahamu kikamilifu juu ya kipindi cha ulimwengu tunachoishi ili tuweze kuilinda imani yetu. Hata hivyo hata pale tunapoishi katika ulimwengu huu wenye dhambi, ukweli ni kuwa ndani ya mioyo yetu kuna ukweli mkamilifu unaoamini kwamba Bwana ametukomboa toka katika dhambi zetu zote. Neno la ushuhuda linaloushuhudia wokovu wetu usiobadilika ni injili ya maji na Roho. Ni lazima tuwe na imani katika Ukweli ambao hautikiswi wala kuburuzwa na ulimwengu.

Ulimwengu huu si wa ukweli. Bali umejawa na uongo wa Shetani. Hata hivyo, Mungu alituambia kwamba wenye haki wanaweza kuushinda ulimwengu. Wenye haki wanaweza kumshinda Ibilisi na kuushinda ulimwengu kwa imani katika injili ya ukweli huu usiobadilika. Pamoja na kuwa tuna mapungufu, mioyo yetu, mawazo yetu, na miili yetu bado ipo katika Nyumba ya Mungu na imesimama imara katika injili ya wokovu kwa imani. Sisi tunasimama imara katika injili ya maji na Roho ambayo kwa hiyo Bwana ametuokoa kikamilifu.

Mbao za mti wa mshita, zilizokuwa zimeinuliwa kama nguzo na kuta za Hema Takatifu la Kukutania zilikuwa zimefunikwa kwa dhahabu. Na kwa kuwa hizo mbao zilikuwa zimesimama katika vikuku vya fedha, ni hakika kuwa zilikuwa imara na wala hazikuyumba. Vivyo hivyo, imani ya sisi tuliozaliwa tena upya kwa maji na Roho kwa kweli haibadiliki milele. Kama vile dhahabu ilivyozifunika mbao za mti wa mshita pasipo kubadilika, basi vivyo hivyo imani yetu ikiwa kama dhahabu safi haiwezi kubadilishwa kamwe, na kwa sababu hiyo mbao za mti wa mshita ambazo hazikuweza kufanya lolote zaidi ya kuunguzwa na moto ziliokolewa kikamilifu kwa namna hii, na hiyo ni picha halisi ya mimi na wewe.


Kwa kweli tunamshukuru Mungu kwa sababu hii.


Haijalishi jinsi dhambi ilivyo nyingi katika ulimwengu huu, ni hakika kwamba sisi wenye haki tuna dhamiri safi isiyo na mawaa na mioyo yetu ina ng'aa kama ilivyo dhahabu safi. Sisi wenye haki wote tutaishi maisha yetu yanayoushinda ulimwengu kwa imani hii. Sisi sote tutaendelea kuisifia imani hii hadi siku Bwana atakaporudi, na tutaendelea kusifu hata baada ya kuingia katika Ufalme wa Mungu. Tutaendelea kumsifu Bwana milele na kumsifu Mungu wetu aliyetupatia imani hii.

Imani yetu ya kweli haitaweza kuyumbishwa katika mazingira yoyote yale kwa kuwa imani yetu imeundwa juu ya mwamba. Hivyo, haijalishi kile kinachoweza kututokea tunapoishi hapa duniani hadi ile siku tutakaposimama mbele za Bwana, sisi tutaendelea kuilinda mioyo yetu kwa imani. Hata kama kila kitu katika ulimwengu huu kitaangamizwa, hata kama ulimwengu huu utazama katika dhambi, hata kama ulimwengu huu utabadilika na kuwa mbaya kuliko Sodoma na Gomora, ukweli ni kuwa sisi hatutaufuata ulimwengu huu, bali tutamwamini Mungu pasipo shaka, tutaifuata haki yake, na tutaendelea kuzieneza huduma mbili za Yesu (ubatizo wa Yesu na kifo chake Msalabani) za wokovu ambazo ni neema za Mungu.

Kwa kweli ninashangazwa sana na neema ya Mungu, ninashangaa jinsi tulivyoweza kuiamini injili hii ya maji na Roho. Kwa kweli ninashukuru sana kwa namna tulivyoweza kuifahamu na kuiamini injili hii na pia jinsi tulivyoweza kufikia hatu ya kuzifanya kazi njema za Mungu. Kwa kuwa injili ya maji na Roho ni neema ya Mungu ambayo ametupatia bure, basi tunachoweza kukifanya ni kumshukuru Mungu kwa imani yetu na kisha kuueneza Ukweli wa injili hii hadi siku atakaporudi.

Ninamshukuru Mungu kwa kutupatia ukweli huu. 🖂





Unaweza Kupakua Vitabu vya Kikristo vya Mchungaji Paul C. Jong katika Kompyuta, Kompyuta-Kibao, au kwenye Simu-Mahiri

Kiti cha Rehema

< Kutoka 25:10-22 >

"Nao na wafanye sanduku la mti wa mshita; urefu wake na uwe dhiraa mbili na nusu, na upana wake dhiraa moja na nusu, na kwenda juu kwake dhiraa moja na nusu. Nawe ulifunike kwa dhahabu safi, ulifunike ndani na nje, nawe tia na ukingo wa dhahabu kulizunguka pande zote. Nawe subu vikuku vinne vya dhahabu kwa ajili vake, na kuvitia katika miguu vake minne; vikuku viwili upande mmoja, na vikuku viwili upande wake wa pili. Nawe fanya miti mirefu ya mshita na kuifunika dhahabu. Nawe tia hiyo miti katika vile vikuku vilivyo katika pande mbili za sanduku ili kulichukua hilo sanduku. Hivo miti itakaa katika vile vikuku vva sanduku; haitaondolewa. Kisha tia ndani ya sanduku huo ushuhuda nitakaokupa. Nawe fanya kiti cha rehema cha dhahabu safi; urefu wake utakuwa dhiraa mbili na nusu, na upana wake dhiraa moja na nusu. Nawe fanya makerubi mawili ya dhahabu; uyafanye ya kazi ya kufua, katika hiyo miisho ya kiti cha rehema, huku na huku. Weka kerubi moja mwisho mmoja, na kerubi la pili mwisho wa pili; fanya havo makerubi va kitu kimoja na kiti cha rehema, mwisho huku na mwisho huku. Na hayo makerubi yatainua mabawa yao juu, na kukifunika hicho kiti cha rehema kwa mabawa yao, na nyuso zao zitaelekeana hili na hili; nyuso za hayo makerubi zitaelekea kiti cha rehema. Weka kiti cha rehema juu ya hilo sanduku, kisha utie huo ushuhuda nitakaokupa ndani ya sanduku. Nami nitaonana nawe hapo, na kuzungumza nawe pale nilipo juu ya kiti cha rehema, katikati ya hayo makerubi mawili yaliyo juu ya sanduku la

ushuhuda, katika mambo yote nitakayokuagiza kwa ajili ya wana wa Israeli."

Ndani ya Hema Takatifu la Kukutania kulikuwa kumegawanyika katika sehemu kuu mbili: Mahali Patakatifu na Patakatifu pa Patakatifu. Kulikuwa na pazia kati ya sehemu hizo mbili, na Sanduku la Ushuhuda lilikuwa nyuma ya pazia hili na ndani ya Patakatifu pa Patakatifu. Mfuniko wa Sanduku la Ushuhuda unajulikana pia kwamba ni kiti cha rehema.

Kiti cha Rehema Kilikuwa na Urefu wa Dhiraa 2.5

Katika Biblia, dhiraa ni urefu unaoanzia mwanzo wa mkono hadi katika kiwiko. Hivyo, katika Agano la Kale dhiraa inakadiriwa kuwa na vipimo vya milimita 500 katika vipimo vya hivi sasa. Hivyo basi, urefu wa kiti cha rehema ulikuwa ni dhiraa mbili na nusu ambazo ni sawa na mita 1.0 kwa vipimo vya sasa; upana na urefu wake, katika kipimo cha dhiraa moja na nusu ulikuwa ni takribani milimita 750. Chini ya hiki kiti cha rehema kulikuwepo na Sanduku la Ushuhuda, na hili Sanduku lilikuwa limetengenezwa kwa mti wa mshita na kisha kufunikwa kwa dhahabu safi. Katika kile upande wa kile kiti cha rehema, kulikuwa na makerubi wawili waliokuwa wameyainua mabawa yao kwenda juu huku wakiwa wamekifunika kiti cha rehema kwa mabawa yao, na nyuso zao zilielekea kile kiti cha rehema huku wakiwa kama wanatazamana. Kiti cha rehema, kama jina lake linavyoonyesha ndipo mahali ambapo Mungu aliitoa neema vake.

Mungu alitueleza kwamba atakutana nasi katika hiki kiti cha rehema. Ndani ya Sanduku la Ushuhuda, kulikuwa na fimbo

ya Haruni iliyochipuka, kulikuwa na chungu cha dhahabu kilichokuwa na mana, na mbao mbili za mawe zilizokuwa zimeandikwa zile Amri Kumi. Katika zile pembe nne za kile kiti cha rehema kulikuwa na vikuku vinne ambavyo vililiwezesha Sanduku la Ushuhuda kubebwa. Miti miwili ilitengenezwa kutokana na mti wa mshita na kisha kufunikwa kwa dhahabu, na miti hii iliweza kuwekwa kupitia katika hivyo vikuku wakati wa kulibeba sanduku.

Mara moja kwa mwaka, Kuhani Mkuu alileta damu ya mnyama wa sadaka ya kuteketezwa katika Patakatifu pa Patakatifu na kisha kuinyunyuzia katika kiti cha rehema. Kuhani alifanya hivi kwa sababu kwa kupitia njia ya kuwekea mikono, dhambi zote za mwaka mzima za Waisraeli zilipitishwa kwenda kwa mnyama wa sadaka ya kuteketezwa. Hii ndio sababu Bwana wetu alisema, "Nami nitaonana nawe hapo, na kuzungumza nawe pale nilipo juu ya kiti cha rehema, katikati ya hayo makerubi mawili yaliyo juu ya sanduku la ushuhuda, katika mambo yote nitakayokuagiza kwa ajili ya wana wa Israeli" (Kutoka 25:22). Hii ilikuwa ni ahadi ya Bwana kwamba atalileta ondoleo la dhambi kwa wanadamu wote. Hivyo, tunapokiri na kuiamini injili ya maji na Roho, basi ni muhimu sana kwetu sisi kuwa na ufahamu wa kina juu ya utaratibu wa sadaka ya kuteketezwa wa agano la kale.

Mungu aliamuru kwamba wakati makuhani walipolibeba Sanduku la Ushuhuda, walipaswa kuliinua kwa kutumia ile miti katika pande zake zote. Jambo hili lina maanisha nini? Ina maanisha kwamba Mungu anatutaka tuhudumu na kuuhubiri Ukweli wa wokovu wake kwa mioyo na miili yetu. Pia ina maanisha kwamba Mungu anatutaka tumtumikie Bwana katika umoja badala ya ubinafsi. Hii ndio sababu Mungu aliamuru kwamba hata meza ya mikate ya wonyesho, na madhabahu ya uvumba vilipaswa vyote kubebwa kwa miti hii ambayo

iliwekwa katika vikuku hivi pande zote. Hii ina maanisha kwamba tunapaswa kujitoa kwa miili na mioyo yetu yote katika kuieneza injili ya Mungu. Kwa maneno mengine, Mungu anatuamuru kuitoa miili na mioyo yetu katika kuueneza Ukweli wa wokovu, huku tukimhubiria kila mtu kwamba Bwana wetu amezitoweshea mbali dhambi zetu zote kwa injili ya maji na Roho na ametufanya sisi kuwa wenye haki. Hii ndio sababu Mungu aliwaamuru Waisraeli kulibeba Sanduku la Ushuhuda kwa kutumia miti hii.

Tumepokea ondoleo la dhambi katika mioyo yetu kwa kuiamini injili ya maji na Roho. Ndani ya Sanduku la Ushuhuda kulikuwa na chungu cha dhahabu kilichokuwa na manna. Tukiongea kiroho, hii maana ina maanisha ni Neno la Mungu. Pia hili Sanduku lilikuwa na fimbo ya Haruni iliyochibuka. Hii fimbo ya Haruni iliyochipuka ina maanisha juu ya ufufuo wa Yesu, ambaye ni Bwana wa uzima. Mwisho, Sanduku lilikuwa pia na mbao mbili za mawe zilizokuwa zimeandikwa Amri Kumi za Mungu. Hii ina maanisha kwamba ni lazima tumtumikie Mungu kwa mioyo yetu yetu kwa kuliamini Neno lake kwa mioyo yetu yote.

Bwana Alisema Kwamba Atakutana Nasi Katika Kiti cha Rehema

Tukiongea kiroho, kiti cha rehema kina maanisha ni injili ya maji na Roho, mahali ambapo Bwana anakutana nasi. Huku akituangalia tokea juu huku akiwa kati ya makerubi katika kile kiti cha rehema, Bwana anazungumza nasi kuhusu injili ya maji na Roho. Kiti hiki cha rehema kinatueleza kiroho kuhusu ondoleo la dhambi. Bwana ametuokoa toka katika dhambi zetu zote kwa kubatizwa na Yohana Mbatizaji na kwa kuimwaga

damu yake. Hii ndio sababu tunaweza kukiita kiti cha rehema kuwa ni mahali ambapo Mungu wetu anaitoa neema yake ya wokovu kwetu. Kwa maneno mengine, kiti cha rehema kina maanisha ni upatanisho wetu, jambo ambalo lina maanisha kuwa Bwana amezitoweshea mbali dhambi zetu zote mara moja na kwa wote kwa injili ya maji na Roho.

Ni vipi basi kuhusu watu wa Israeli? Bwana amezitoweshea vipi dhambi zao? Bwana alifanya hivyo kwa ile damu ambayo ilinyunyizwa katika kiti cha rehema, kwa kuwa damu hiyo iliyonyunyizwa ilikuwa ni damu ya mnyama wa sadaka ya kuteketezwa ambayo ilikuwa imezibeba dhambi za mwaka mzima za watu wa Israeli. Katika Siku ya Upatanisho, Kuhani Mkuu aliiweka mikono yake juu ya kichwa cha mnyama wa sadaka ya kuteketezwa na kuzipitisha dhambi za mwaka mzima wa Waisraeli, kisha ndipo alipomchinja mwanasadaka huyo na kisha kuikinga damu yake. Kisha damu hii ilinyunyiziwa juu ya kiti cha rehema ili kuzipatanisha dhambi ambazo watu wa Israeli walikuwa wamezifanya kwa mwaka mzima. Utaratibu huu wa sadaka ya kuteketezwa uliokuwa ukifanyika wakati wa Agano la Kale una maanisha juu ya haki ya Mungu iliyotimizwa kwa injili ya maji na Roho katika zama za Agano Jipya. Akiwa Kuhani Mkuu wa mbinguni, Yesu Kristo ametuokoa toka katika dhambi zetu zote kwa kuutoa mwili wake kama kipatanisho cha dhambi kwa wanadamu wote.

Mlango wa pazia wa Hema Takatifu la Kukutania ulikuwa umetengenezwa pia kwa nyuzi za bluu, zambarau, na nyekundu na kitani safi ya kusokotwa, ilikuwa ni kama vile lango la ua wa Hema Takatifu la Kukutania lilivyokuwa. Maana ya kiroho ya nyuzi za bluu ni kwamba Yesu alizibeba dhambi zetu zote kwa kubatizwa na Yohana Mbatizaji. Kwa maneno mengine, nyuzi za bluu zina maanisha juu ya ukweli kwamba Yesu alizichukua katika mwili wake dhambi zote za ulimwengu mara moja na kwa

wote kwa kubatizwa na Yohana Mbatizaji. Yesu Kristo aliweza kusulubiwa na kuhukumiwa kwa ajili ya dhambi zote za mwanadamu kwa kuwa alikuwa amezipokea dhambi zote za ulimwengu huu kwa kupitia ubatizo wake. Huu ndio ukweli wa fumbo lililofichika katika mlango wa Hema Takatifu la Kukutania. Bwana wetu alizichukua dhambi zote katika mwili wake kwa kupitia ubatizo wake kisha akaibeba adhabu ya dhambi hizo zote Msalabani. Hivyo, kwa sasa Mungu Baba anataka kila mtu aamini katika Ukweli huu kwamba Mwanawe Yesu amezitoweshea mbali dhambi zote za ulimwengu kwa kubatizwa na Yohana Mbatizaji. Mungu anawataka watakatifu wote ambao wamefanyika kuwa watu wake kuitumikia injili ya maji na Roho. Hivyo tunapaswa kuyatambua haya mapenzi ya Mungu na kisha kuishi kwa mujibu wa mapenzi hayo. Kwa kuwa sasa tumefanyika kuwa watakatifu, basi tunapaswa kutambua kile ambacho Mungu anakitaka toka kwetu.

Nyuzi za Zambarau Zilizotumika Katika Mlango wa Hema Takatifu la Kukutania Zinamaanisha Kwamba Yesu ni Mfalme wa Wafalme

Yesu Kristo ni Mungu Mwenyewe na Bwana wa uzima wa milele (1 Yohana 5:20). Kwa maneno mengine, Mungu Mwenyewe alizaliwa kama Mwanadamu ili kutukomboa sisi toka katika dhambi za ulimwengu. Mungu alituahidia hili kupitia Nabii Isaya, akisema, "Tazama, bikira atachukua mimba, Naye atazaa mwana; Nao watamwita jina lake Imanueli; Yaani, Mungu pamoja nasi" (Mathayo 1:23, Isaya 7:14). Yesu Kristo alikiacha kiti cha enzi cha utukufu Mbinguni kisha akaja hapa duniani kwa kupitia mwili wa Bikira Mariamu ili kutuokoa sisi sote toka katika dhambi zetu, alifanya hivi sawa kabisa na jinsi

Mungu aliahidi kupitia Nabii Isaya zaidi ya miaka 700 kabla ya kuzaliwa kwa Bwana hapa duniani. Kwa kuwa Mungu amefanyika kuwa Mwanadamu kwa jinsi hii na kubeba dhambi zote za kila mwenye dhambi kwa kubatizwa, basi amewavika haki yake wale wote wanaoamini katika Ukweli huu.

Nyuzi Nyekundu Zilizotumika Katika Mlango wa Hema Takatifu la Kukutania Zinamaanisha ni Maisha Mapya Ambayo Yesu Ametuletea Kwa Kupitia Sadaka

Yesu alisulubiwa kwa ajili yetu baada ya kuwa amezibeba dhambi zote za mwanadamu mara moja na kwa wote kwa kubatizwa na Yohana Mbatizaji. Yesu alipigiliwa misumari katika mikono yake yote miwili na miguuni, na adhabu hii ambayo Bwana aliteseka ilikuwa ni adhabu ambayo kila mwenye dhambi kama vile wewe na mimi tulipaswa kuipitia. Kwa maneno mengine, Bwana Mwenyewe alisulubiwa kwa niaba yetu. Kwa kupitia huduma hizi tatu ambazo zinaonyeshwa katika nyuzi hizi za bluu, zambarau, na Nyekundu za mlango wa Hema Takatifu la Kukutania, sisi sote tunaweza kuifahamu kazi ya kweli ya wokovu kwa usahihi. Tunaweza kuona kwa wazi kwamba kama sehemu ya kazi yake ya wokovu, Yesu alizebeba dhambi zote za mwanadamu mara moja na kwa wote, na kwamba alihukumiwa kwa ajili ya dhambi hizo. Hii ndio sababu Bwana anatuamuru kuihubiri injili hii njema ya maji na Roho kwa kila mtu ulimwenguni. Mungu anatutaka tuitumikie injili hii.

Sanduku la Ushuhuda katika Hema Takatifu la Kukutania lilikuwa limefunikwa na kiti cha rehema. Ni nani basi ambaye Mungu anakutana naye katika kiti hiki cha rehema ambacho

kinalifunika Sanduku la Ushuhuda? Mungu anakutana na wale tu wanaoamini kwamba dhambi zao zote zilipitishwa kwenda kwa Yesu Mwana-kondoo wa Mungu na kwamba alihukumiwa kwa ajili ya dhambi zao zote. Kwa maneno mengine, tukiongea kiroho, Mungu anakutana na wale tu wanaoamini katika injili ya maji na Roho. Wakati Siku ya Upatanisho ilipowadia, Kuhani Mkuu alizipitisha dhambi za mwaka mzima za watu wote wa Israeli katika mwanambuzi wa sadaka ya kuteketezwa kwa kuiweka mikono yake juu ya kichwa chake na kisha kuziungama dhambi zote za Waisraeli kwa niaba yao. Baada ya kuwa amezipitisha dhambi za mwaka mzima za Waisraeli kwa huyu mbuzi wa sadaka ya kuteketezwa kwa kumwekea mikono katika kichwa chake, basi hapo Kuhani Mkuu aliikinga damu yake, akaichukua damu hii hadi Patakatifu pa Patakatifu na kuinyunyuzia mara saba katika Sanduku la Mungu la Ushuhuda.

Hivi ndivyo Mungu alivyokutana na watu wa Israeli katika zama za Agano la Kale. Siku hizi, Mungu anakutana na waamini katika injili ya maji na Roho, ambayo inatangaza kwamba Yesu alizitoweshea mbali dhambi zetu zote kwa kubatizwa na Yohana Mbatizaji kwa ajili yetu. Hivyo Bwana anasema kwa waamini wa injili ya maji na Roho, "Hauna dhambi. Nimezitoweshea mbali dhambi zako zote. Nimekuokoa toka katika dhambi zako zote." Kwa lugha nyingine, Bwana anaitoa Neema ya Mungu kwa wale wanaoamini katika haki ya Mungu. Neema ya Mungu ina maanisha ni zawadi yake. Inaelezea ule ukweli kwamba Mungu Baba ameitimiza haki yake kwa kuzipitisha dhambi za kila mtu katika ulimwengu huu kwa Mwanawe. Hii ina manaisha kwamba wakati Yesu alipokuwa akisulubiwa hali akiwa amezibeba dhambi zote za ulimwengu huu, basi ni hakika kwamba alikuwa ameibeba adhabu zote za dhambi zetu kwa niaba yetu. Huu ndio upendo halisi wa Mungu unaofunuliwa katika kiti cha rehema.

Bwana wetu, Mwana wa Mungu, alikuja hapa duniani akafanyika mwili wa mwanadamu, alizipokea dhambi zote za ulimwengu huu kwa kupitia ubatizo wake, alikufa Msalabani kwa niaba yetu, akafufuka tena toka kwa wafu siku ya tatu, kisha akapaa Mbinguni na kuketi mkono wa kuume wa kiti cha enzi cha Mungu Baba. Haki ya Mungu ni ule ukweli kwamba Mungu ametuokoa toka katika dhambi zote za ulimwengu, na kwamba neema ya Mungu inatolewa kwa wale wanaoamini katika haki hii ya Mungu. Mungu wetu anatueleza sisi sote tunaoamini katika haki yake, "Ninyi ni watu wangu. Ninyi si wenye dhambi tena. Nimewaokoa ninyi nyote. Upendo wangu kwenu ni mkubwa sana kiasi kwamba nimewaokoa pasipo masharti yoyote kwa maamuzi yangu binafsi. Sio tu kwamba ninawapenda, bali pia nimeuonyesha upendo wangu kwenu kwa kuzibeba dhambi zenu zote na kuyatoa maisha yangu kwa ajili yenu. Huu ni uthibitisho wa upendo wangu, na nimewaonyesha ninyi nyote."

Ni Kipi Ambacho Mungu Ametuonyesha Kupitia Neno Lake?

Tunapoligeukia Neno la Mungu, tunaweza kuona kwamba pamoja na kuwa Mungu anazungumzia dhambi zetu, ukweli ni kuwa anazungumzia zaidi jinsi alivyozishughulikia dhambi za ulimwengu kwa kupitia injili ya maji na Roho. Baada ya kutuahidia wokovu wetu, ni hakika kwamba Mungu amezitoweshea mbali dhambi zetu mara moja na kwa wote kama alivyoahidi, na matokeo ya ukamilifu huu si mwingine bali ni injili ya maji na Roho. Injili hii ya maji na Roho ni uthibitisho wa wokovu wetu ulioandikwa katika Biblia. Tunaweza kuokolewa toka katika dhambi zetu zote kutokana na imani yetu

katika injili ya maji na Roho kama ilivyoandikwa katika Neno la Mungu. Hivyo basi, tunapokuja mbele ya uwepo wa Bwana Mtakatifu, basi tunaweza kuonana naye kwa kupitia injili ya maji na Roho, na kwa kuamini katika wokovu wake uliodhihirishwa katika nyuzi za bluu, zambarau, na nyekundu na kitani safi ya kusokotwa za Hema Takatifu la Kukutania.

Injili ya maji na Roho ni zawadi ya Mungu kwetu sisi, na kadri tunavyoiamini injili hii ya kweli, basi ni hakika kwamba Bwana wetu atakutana nasi. Hii ina maanisha kwamba Bwana anakutana na wale tu wanaoamini kwamba alikuia hapa duniani ili kuwaokoa toka katika dhambi za ulimwengu, na kwamba alihukumiwa Msalabani kwa niaba yao, na kwamba alifufuka toka kwa wafu ili kuwapatia uzima wa milele. Hivyo, Mungu anaitoa neema yake kwa wale wanaoiamini haki yake. Mungu anatueleza kwamba, "Ingawa mlikuwa viumbe wa kawaida, nimerithi ninyi nyot kuwa wana na mabinti zangu. Sasa ninyi ni watoto wangu. Ninyi si watoto wa Ibilisi kamwe, nanyi si viumbe wa kawaida tena. Ninyi ni watu wangu halisi. Nimezitoweshea mbali dhambi zetu zote kwa kupitia haki ya Mwana wangu Yesu. Hivyo nimewarithi ninyi ili muwe wanafamilia yangu, kwa kutegemea imani yenu kwangu, sasa ninyi nyote mmefanyika kuwa wana wangu." Vivyo hivyo, Mungu ameitoa neema yake ya wokovu kwetu sisi sote.

Miti Iliyoingizwa Kupitia Vikuku vya Kiti cha Rehema Haipaswi Kuondolewa

Ni muhimu sana kwetu sisi kukumbuka kwamba kiti cha rehema kilikuwa na miti miwili katika pande zake mbili kwa ajili ya kubebea. Na haipaswi kuondolewa katika Sanduku wakati wote. Hii ina maanisha kwamba kila mwamini anapaswa

183

kuitunza imani yake katika injili ya maji na Roho huku akiitumikia kwa mwili na kwa moyo wake wote. Hata hivyo, kuna tatizo ambapo Wakristo wengi siku hizi sio tu kwamba wanakataa kuitumikia injili ya maji na Roho kwa miili na mioyo yao yote, bali hawaiamini hata injili hii ya kweli. Pamoja na kuwa Wakristo wengi wanakiri kumwamini Yesu huku wengi wao wakidai kuwa wamezaliwa tena upya, basi wanajiona kuwa wapo safi sana kiasi kuwa hawataki kuamini katika injili ya maji na Roho. Mungu anawataka Wakristo waliopotoka kama hao kuiamini injili ya maji na Roho.

Kutoka 25:15 inasema, "Hiyo miti itakaa katika vile vikuku vya sanduku; haitaondolewa." Kifungu hiki kinatufundisha kwamba tunapaswa kuihubiri injili ya maji na Roho kama ilivyo. Kwa maneno mengine, tunapaswa kumhubiria kila mwenye dhambi juu ya fumbo la nyuzi za bluu, zambarau, na nyekundu na kitani safi ya kusokotwa katika mlango wa Hema Takatifu la Kukutania linalodhihirishwa katika injili ya maji na Roho ambayo imetuokoa toka katika dhambi zote za ulimwengu. Mungu alimwamuru Musa kulitengeneza Hema Takatifu la Kukutania kama alivyoonyeshwa na Mungu, jambo hili lina maanisha kwamba tunapaswa kumwamini Yesu kikamilifu kama inavyoonyeshwa katika Neno la Mungu. Pamoja na ukweli huu, kuna Wakristo wengi sana siku hizi ambao wanakiri kumwamini Yesu kwa namna yao binafsi, huku wakiuacha ubatizo wa Yesu katika imani yao.

Mlango wa Hema Takatifu la Kukutania ulikuwa umeundwa kwa nyuzi za bluu, zambarau, na nyekundu na kitani safi ya kusokotwa. Mlango huu una maanisha ni mlango wa wokovu ulioandaliwa na Bwana, na kwamba sisi sote tunapaswa kuingia kwa kupitia mlango huo kwa kuiamini injili ya maji na Roho. Kitani safi ya kusokotwa ina maanisha ni Neno la Mungu. Neno la Mungu lilizungumzwa kwa watumishi wake 40. Mungu

alilitoa Neno lake la unabii kwa watumishi wake kwa zaidi ya miaka 1, 500, na ameutimiza kila unabii wake kwa wakati wake. Kwa maneno mengine, Bwana ameutimiza wokovu wetu mara moja na kwa wote kwa kupitia injili ya maji na Roho.

Hata hivyo, kwa huzuni, kuna Wakristo wengi sana katika ulimwengu huu ambao hawaliamini Neno la Mungu wala kulihubiri kwa usahihi kama lilivyo. Vipi kuhusu wewe? Je, umepokea ondoleo la dhambi kwa kuamini katika injili ya maji na Roho? Ikiwa umepokea ondoleo la dhambi kwa kuamini katika injili ya maji na Roho, basi unapaswa kuihubiri injili hii kikamilifu kama ilivyoandikwa katika Neno la Mungu.

Neema ya Wokovu Ambayo Bwana Wetu Ametupatia Ni Kuu Kuliko Makosa Yetu Yote

Biblia inasema kwamba kadri wengi walivyozidi kuwa wenye dhambi kwa sababu ya kosa la mtu mmoja, basi vivyo hivyo watu hao wamefanyika wenye haki kwa shukrani ya mwenye haki mmoja, ambaye ni Yesu Kristo Bwana wetu. Ni kwa sababu ya kosa la mtu mmoja Adamu hata wewe ukawa mwenye dhambi. Kwa maneno mengine, ulifanyika kuwa mwenye dhambi mara moja kwa kuwa ulizaliwa ukiwa ni wa ukoo wa Adamu. Kwa kuwa Adamu na Hawa walifanya dhambi dhidi ya Mungu, basi sisi sote tulifanyika kuwa wenye dhambi kwa asili.

Hata hivyo, neema ya Mungu ambayo imetolewa na Yesu Kristo ni kuu mno kuliko makosa yetu yote yakijumuishwa kwa pamoja. Pamoja na kwamba tumetenda dhambi nyingi sana katika dunia hii na kwamba tutaendelea kutenda dhambi hadi siku tutakapokuja, basi ni hakika kwamba Bwana amezitoweshea mbali kikamilifu dhambi hizi zote mara moja na

kwa wote kwa kupitia haki ya Mungu ambayo Yesu ameitimiza. Bwana wetu alikuja hap duniani, akakiacha kiti cha enzi cha utukufu Mbinguni, akafanyika mwili wa mwanadamu; alizibeba dhambi zote za ulimwengu mara moja na kwa wote kwa kupitia ubatizo wake alioupokea toka kwa Yohana Mbatizaji; aliimwaga damu yake Msalabani kwa niaba yetu; na kwa kupitia kazi hii ya wokovu, Bwana wetu amezitoweshea mbali dhambi zote ambazo tuliwahi kuzitenda na ambazo tutazitenda. Bwana amezifuta dhambi zote, hata dhambi za wale ambao bado hawajazaliwa hapa ulimwenguni na dhambi zote ambazo bado hazijatendwa hapa duniani. Bwana wetu ametufanya sisi kuwa wakamilifu kwa kuzioshelea mbali dhambi zetu zote kwa wokovu wake unaodhihirishwa katika nyuzi za bluu, zambarau, na nyekundu na kitani safi ya kusokotwa za mlango wa Hema Takatifu la Kukutania. Hivyo, wokovu huu ambao Yesu Kristo ameuleta kwetu kwa kuzitoweshea mbali dhambi zetu zote hapa duniani ni mkuu kuliko dhambi na makosa yetu yote ambayo tumekuwa tukiyafanya na yale ambayo tutayatenda kutokana na kosa la mtu mmoja. Ndio maana tumefanywa kuwa wenye haki kwa kuamini katika injili ya maji na Roho. Tumefanyika kuwa wasio na dhambi kwa kupitia imani yetu katika injili ya maji na Roho.

Mungu Aliahidi Kukutana Nasi Katika Kiti cha Rehema

Sanduku la Ushuhuda lililokuwa ndani ya Patakatifu pa Patakatifu lilikuwa na malaika wawili waliokuwa wameyainua mabawa yao kukielekea kiti cha rehema. Tunachoweza kukiona hapo ni nini? Tunaweza kuona damu. Ni damu ya nani? Katika Agano la Kale, damu hii ilikuwa ni damu ya upatanisho iliyotoka kwa mnyama wa sadaka ya kuteketezwa. Katika zama za Agano Jipya, ni damu ya Yesu Kristo. Kwa maneno mengine, damu tunayoiona katika kiti cha rehema ni damu ya Mwana wa Mungu Baba. Hii ni damu ya sadaka ambayo Yesu aliimwaga Msalabani baada ya kuwa amezibeba dhambi zetu zote kwa kupitia ubatizo wake. Na kwa sababu ya sadaka hii, yeyote anayeamini katika ubatizo wa Mwana wa Mungu na damu yake anaweza kupokea ondoleo la dhambi. Mungu anaweza kutangaza kwamba wale wote wanaofahamu na kuamini katika injili ya maji na Roho hawana dhambi. Pia anaweza kuwafanya kuwa watu wake. Huu ni ukweli uliodhihirishwa katika kiti cha rehema.

Wakati tunapoihubiri injili ya maji na Roho, basi tunapaswa kuihubiri kikamilifu kama ilivyoandikwa katika Biblia. Hakuna hata mmoja kati yetu ambaye anaweza kuhubiri au kuitumikia injili ya Mungu ya maji na Roho kwa namna iliyofupishwa au kupunguzwa. Kila mtu anaweza kuokolewa na kisha kuamini kwa moyo wake wote ikiwa tu ataisikia injili ya maji na Roho ikihubiriwa na sisi. Hata hivyo, pamoja na jambo hili, bado kuna baadhi ya Wakristo wanatudhihaki huku wakisema kuwa yeyote anayemwamini Yesu hana dhambi bila kujali namna anavyoamini. Kwa hiyo, wanadai kwamba hakuna sababu ya mtu kuamini katika injili ya maji na Roho.

Lakini ni kweli kwamba mtu anafanywa kuwa asiye na dhambi kwa kuamini katika jina la Yesu kwa kiasi fulani? Je, ni kweli kuwa dhambi zako zinatoweka katika hali ya upofu kwamba Yesu alisulubiwa na kuhukumiwa kifo kwa niaba yako? Hapana, kwa kweli hapana! Hata hivyo, kuna Wakristo wengi hivi sasa ambao wanamwamini Yesu kwa upofu kama hivi, kwa kuwa wanafuraha kusikia kuwa wamefanyika wasio na dhambi ingawa madai yao hayo si ya kweli. Inaeleweka kwamba ni kwa nini Wakristo wengi wanavutwa na aina hii ya ulinzi; ni kweli kwamba kama ungelikuwa gerezani kisha serikali ikakupatia

msamaha, basi ni hakika kwamba utakuwa na furaha sana. Ukweli ni kuwa msamaha huo ambao wengi wanaufikiria unakuwa si wa kweli.

Biblia inasema wazi kwamba, "Tena mtaifahamu kweli, nayo hiyo kweli itawaweka huru" (Yohana 8:32). Ni njia ipi ambayo kwa hiyo dhambi za mwanadamu zinaweza kupatanishwa? Wanadamu wanawezaje kupokea uzima wa milele? Wanaweza kupokea ondoleo la dhambi na kisha kupata uzima wa milele kwa kuamini katika Ukweli wa wokovu unaodhihirishwa katika nyuzi za bluu, zambarau, na nyekundu za mlango wa Hema Takatifu la Kukutania, ambao ni injili ya maji na Roho. Ni wale tu wanaoamini katika injili hii ya kweli ndio wanaoweza kufanyika wana wa Mungu.

Injili ya maji na Roho ni injili halisi ya Mungu, sisi sote tunalo jukumu la kuihubiri injili hii ya kweli kwa imani. Sasa tumefanyika kuwa Waisraeli kiroho kwa kuamini katika injili ya maji na Roho. Injili hii ya maji na Roho ni lazima ihudumiwe walau na watu wawili au zaidi kwa umoja mkamilifu. Wakati wowote tunapoihubiri injili ya maji na Roho, basi tunapaswa kuuhubiri Ukweli wa wokovu unaofunuliwa katika nyuzi za bluu, zambarau, na nyekundu za mlango wa Hema Takatifu la Kukutania. Bwana ameitimiza haki ya Mungu kikamilifu kama alivyotuahidi. Haki hii ni ule ukweli kwamba Yesu amezitoweshea mbali dhambi zetu zote na ametuokoa sisi tunaomwamini kwa kuja hapa duniani, kwa kubatizwa na Yohana Mbatizaji, kwa kufa Msalabani, kwa kufufuka toka kwa wafu, na kwa kupaa Mbinguni. Tunapaswa kuihubiri injili hii ya maji na Roho kama ilivyo, na wale wanaoisikia injili hii ni lazima waiamini kama ilivyo ili waweze kuufikia wokovu wao. Kwa kweli nashindwa kupata maneno ya kutosha kusisitiza jinsi ilivyo muhimu kwetu sisi sote kuihubiri injili ya maji na Roho. Tunapoihubiri injili hii ya kweli basi Roho Mtakatifu anafanya

kazi ya kuleta wokovu kwa wasikilizaji wetu.

Injili ya maji na Roho ni wokovu wetu. Ni upatanisho wetu. Mungu amezitoweshea mbali dhambi zetu zote mara moja na kwa wote kwa kupitia injili ya maji na Roho. Kila dhambi tuliyonayo ilipelekwa kwa Yesu kwa kupitia ubatizo alioupokea toka kwa Yohana Mbatizaji, na hivi ndivyo upatanisho ulivyofanywa kwa ajili ya dhambi zetu zote. Zaidi ya yote, si tu kwamba Bwana wetu alizibeba dhambi zetu zote, bali pia alisulubiwa hadi kifo kwa niaba yetu, akaimwaga damu yake na kuibeba laana ambayo tulipaswa kuibeba. Hivi ndivyo Yesu alivyomwokoa kila mmoja wetu toka katika dhambi zetu zote na laana. Huu ni wokovu ambao Mungu ametuletea, na huu ni upendo wake. Basi unapaswa kuuamini Ukweli huu wa wokovu kikamilifu kama ulivyo na kisha uuhubiri ukweli huo kwa imani.

Bwana wetu ni Mwokozi kwa wale wote wanaoamini katika haki yake. Ni kwa imani yetu kupitia katika injili ya maji na Roho ndipo tunapoweza kwenda mbele ya uwepo wa Mungu. Tunaposimama mbele ya kiti cha rehema na kuitoa damu ya sadaka ya kuteketezwa ya Bwana wetu kwa Mungu, basi hapo ndipo tunapoweza kumkaribia kwa imani, hali tukimwambia, "Mungu, damu ya Mwana wako Yesu Kristo imeniokoa toka katika dhambi zangu zote." Ni hapo ndipo Mungu atakaposema, "Ndiyo, ni kweli kwamba nimekuokoa. Upendo wangu kwako ni mkuu sana kiasi kwamba Mimi mwenyewe nimekuokoa." Bwana ni Mwokozi wetu. Amewapatia wokovu watu wake wanaomwendea yeye kwa imani katika haki ya Mungu. Na ametupatia haki ya kufanyika watoto wa Mungu na kwa wale wote wanaoikubali injili ya maji na Roho katika mioyo yao. Mungu ametukomboa toka katika laana zetu zote, na kutoka katika maangamizi yetu yote. Bwana ametufanya sisi waamini wake kuwa wasio na dhambi kabisa. Ametupatia furaha ya milele. Na hii ni neema halisi ya Mungu inayodhihirishwa katika

189

kiti cha rehema.

Ni kutoka katika kiti cha rehema ambapo Mungu ameitoa neema yake ya wokovu kwetu sisi. Hivyo, sisi sote ni lazima tukiendee kiti cha enzi cha neema kwa kuamini katika haki ya Mungu. Hajjalishi jinsi ulivyo na dhambi nyingi, ukweli ni kuwa bado unaweza kupokea ondoleo la dhambi zako kwa kuamini katika Ukweli wa wokovu ambao unafunuliwa katika nyuzi za bluu, zambarau, na nyekundu za mlango wa Hema Takatifu la Kukutania—ambavyo vina maanisha ni ubatizo wa Yesu, damu yake, na ufufuo wako. Ni lazima uende mbele ya uwepo wa Mungu kwa imani kama hii, na kwa mujibu wa sheria ya wokovu ambayo Mungu ameianzisha kwa kupitia injili ya maji na Roho. Ni lazima uende mbele ya Mungu kwa kuamini katika haki yake. Ni lazima uamini kwamba Bwana alikuja hapa duniani ili kuwaokoa wenye dhambi wote, na kwamba alizibeba dhambi zote za mwanadamu mara moja na kwa wote kwa kubatizwa na Yohana Mbatizaji, na kwamba alihukumiwa kwa ajili ya dhambi zako zote kwa kufa Msalabani kwa niaba yako. Ni lazima uamini kwamba Bwana alizichukua dhambi zako zote mara moja na kwa wote kwa kuamini katika ubatizo wa Yesu toka kwa Yohana Mbatizaji, huku ukimwambia Bwana, "Bwana ninaamini kila kitu ambacho umekifanya kwa ajili yangu ili kuniokoa toka katika dhambi zangu zote!" Ni mpaka utakapoenda mbele za Mungu ukiwa na imani hii ndipo unapoweza kuufukia wokovu wako.

Ikiwa unataka kuamini katika haki ya Bwana na kisha kupokea ondoleo la dhambi, basi unapaswa kuamini katika Ukweli wa wokovu unaodhihirishwa katika nyuzi za bluu, zambarau, na nyekundu na kitani safi ya kusokotwa za mlango wa Hema Takatifu la Kukutania. Hii ni kwa sababu ondoleo la dhambi linapatikana ikiwa tu unafahamu na kuamini katika injili ya maji na Roho kwa usahihi. Ikiwa unataka kuonana na Mungu

na kisha kupokea baraka zake, ikiwa unataka kuwa na furaha, na ikiwa unataka kumrudia Mungu na kisha kuishi pamoja naye kama kiumbe wake apendwaye, basi unapaswa kuamini kwamba ili kukuokoa toka katika dhambi za ulimwengu, Bwana alizipokea kila dhambi za mwanadamu hapa ulimwenguni kwa kubatizwa na Yohana Mbatizaji, na kwamba alisulubiwa hadi kifo huku akiwa amejitwika dhambi zote za ulimwengu, na kwamba kwa sababu hiyo amekukomboa toka katika dhambi zako zote. Ikiwa una imani katika Ukweli huu wa wokovu na kisha kuupokea wokovu wa Mungu, basi ni hakika kwamba utakombolewa. Ni muhimu sana kwetu sisi kulikumbuka jambo hili wakati wowote tunapoihubiri injili ya maji na Roho.

Mungu anatueleza kwamba injili ya maji na Roho ndiyo injili pekee ya kweli iliyoandikwa katika Biblia. Hebu iangalie meza ya mikate ya wonyesho katika Hema Takatifu la Kukutania. Meza ya mikate ya wonyesho ina maanisha ni Neno la Mungu. Vivyo hivyo, ni hadi pale moyo wako utakapokuwa na imani katika injili ya maji na Roho iliyoandikwa katika Neno la Mungu ndipo unapoweza kupokea ondoleo la dhambi.

Hata hivyo, vipi wale wanaojiita "wahubiri mahiri" wa siku hizi wanavyofundisha kuhusu wokovu? Wao wanadai kwamba kila mtu anaweza kuokolewa ikiwa tu anaamini kwa kiasi fulani kuwa Yesu ni Mwokozi wake. Na wanasema kwamba wale wote wanaoamini katika damu ya Yesu Msalabani wameokolewa. Hata hivyo, ikiwa utamwamini Yesu kiupofu kama hivi, ukweli ni kuwa hakuna dhambi hata moja kati ya zile ulizozifanya katika maisha yako itakayoondolewa. Wakristo wengi wa siku hizi bado wanazo dhambi zao katika mioyo yao. Kwa kuwa Wakristo hawa wanamwamini Yesu kiupofu hali wakiwa wamesahau na kuuweka kando ubatizo wa Yesu ambao aliupokea toka kwa Yohana Mbatizaji, basi ndio maana ni vigumu kwa mioyo yao kuwa isiyo na dhambi. Na hii ni kwa

sababu hawajazipitisha dhambi zao kwenda kwa Yesu Kristo. Haijalishi jinsi wanavyomwamini Yesu, ukweli ni kuwa hawawezi wao wenyewe kuzitoweshea mbali dhambi za mioyo yao. Pamoja na kuwa wanakiri kuiamini damu ya Yesu Msalabani, ukweli ni kuwa hali yao ya kiroho inabakia kuwa ile ile kama mwanzo, hii ni kwa sababu hawaufahamu Ukweli wa wokovu uliofunuliwa katika nyuzi za bluu za mlango wa Hema Takatifu la Kukutania. Kwa maneno mengine, kwa kuwa Wakristo hawa waliopotoshwa ni wapofu kuhusiana na maana ya ubatizo wa Yesu alioupokea toka kwa Yohana Mbatizaji, basi ni hakika kwamba dhambi zao bado zipo katika mioyo yao, na bado wanaendelea kuwa ni wenye dhambi.


Ni dhahiri kuwa Mungu amezitoweshea mbali dhambi zetu zote kwa maji, damu, na Roho (1 Yohana 5:6-8). Yesu ametuokoa bila mawaa na bila shaka kwa kulitimiza Neno la Mungu la ahadi kwa Neno lake la Ukweli. Kwa lugha nyingine, Yesu ametuokoa sisi sote toka katika dhambi zetu zote mara moja na kwa wote kwa kupitia maji yake, damu yake, na Roho vinavyodhihirishwa katika nyuzi za bluu, zambarau, na nyekundu za mlango wa Hema Takatifu la Kukutania. Roho Mtakatifu ni Mungu wetu. Kile ambacho Roho Mtakatifu anakishuhudia ni kwamba Yesu, Mungu wa kweli alifanyika Mwanadamu, akaupokea ubatizo wake toka kwa Yohana Mbatizaji, kisha akaimwaga damu yake Msalabani ili kuhukumiwa kwa ajili ya dhambi zetu. Bwana ametuokoa sisi kwa jinsi hiyo. Lakini, pamoja na ukweli kwamba Yesu ametuokoa toka katika dhambi zetu zote kwa kupitia injili ya maji na Roho, kuna Wakristo wengi sana ambao wamebakia wenye dhambi ingawa wanaamini kwa juhudi sana kuwa Yesu ni Mwokozi wao, hii ni kwa sababu wanamwamini Bwana kwa upofu hali wakiuacha ubatizo ambao Bwana aliupokea toka kwa Yohana Mbatizaji.

192

Hivyo ni muhimu sana kwetu sisi sote kumwamini Yesu kwa mujibu wa injili ya maji na Roho, lakini pia ni muhimu sana kuihubiri injili hiyo kama ilivyoandikwa katika Maandiko kwa kila mtu kwa imani kama Mtume Paulo alivyofanya. Katika 1 Wakorintho 15:3-4 Paulo anasema, "Kwa maana naliwatolea ninyi hapo mwanzo yale niliyoyapokea mimi mwenyewe, ya kuwa Kristo alikufa kwa ajili ya dhambi zetu, kama yanenavyo maandiko; na ya kuwa alizikwa; na ya kuwa alifufuka siku ya tatu, kama yanenavyo maandiko." Wakati Paulo anaposema, "Kristo alikufa kwa ajili ya dhambi zetu, kama yanenavyo maandiko," basi hili neno "Maandiko" linalotajwa hapa lina maanisha ni Agano la Kale kwa kuwa wakati huo Agano Jipya lilikuwa bado halijatolewa katika ukamilifu wake. Hivyo, Paulo alikuwa akisema kwamba Yesu Kristo amezipatanisha dhambi zote za ulimwengu kwa usahihi kwa mujibu utaratibu wa sadaka ya kuteketezwa wa Agano la Kale. Yesu aliimwaga damu yake na kisha kufa Msalabani kwa kuwa alkuwa amehatizwa na Yohana Mbatizaji.

Ni kwa sababu Bwana alikuwa amezibeba dhambi zetu zote kwa kupitia ubatizo wake ndio maana aliweza kusulubiwa hadi kifo, na kifo hiki Msalabani kililenga kubeba adhabu yote ya dhambi. Hivi ndivyo Yesu Kristo alivyofanyika kuwa Mwokozi wetu kwa kuja hapa duniani. Hivyo, ondoleo la dhambi la Mungu litamshukia yeyote yule anayeamini katika injili ya maji na Roho. Wokovu huu wa milele umeshakuja kwa wale wote wanaoamini katika injili ya maji na Roho.

Halleluya! ⊠





Unaweza Kupakua Vitabu vya Kikristo vya Mchungaji Paul C. Jong katika Kompyuta, Kompyuta-Kibao, au kwenye Simu-Mahiri

Vikombe Vya Mapambo Kwa Injili ya Maji na Roho

< Kutoka 25:31-40 >

"Nawe fanya kinara cha taa cha dhahabu safi; hicho kinara na kifanywe cha kazi ya kufua, tako lake, na mti wake, vikombe vyake, na matovu vake, na maua vake, vyote vitakuwa vya kitu kimoja nacho; nacho kitakuwa na matawi sita yenye kutoka ubavuni mwake; matawi matatu ya kinara upande wake mmoja, na matawi matatu ya kinara upande wake wa pili vikombe vitatu vilivyofanywa mfano wa maua va mlozi katika tawi moja; tovu na ua; na vikombe vitatu vilivyofanywa mfano wa maua ya mlozi katika tawi la pili, tovu na ua; vivvo hivvo havo matawi vote sita vatokayo katika kile kinara: na katika hicho kinara vikombe vinne vilivyofanywa mfano wa maua ya mlozi, matovu yake, na maua yake; na tovu chini ya matawi mawili la kitu kimoja nacho, na tovu chini ya matawi mawili la kitu kimoja nacho, na tovu chini ya matawi mawili la kitu kimoja nacho, kwa hayo matawi sita yatokayo katika kile kinara. Matovu yake na matawi yake yatakuwa ya kitu kimoja nacho; kiwe chote pia kazi moja ya kufua, ya dhahabu safi. Nawe zifanye taa zake saba; nao wataziwasha hizo taa zake, zitoe nuru mbele vake. Na makoleo vake, na visahani vyake, vyote vitakuwa vya dhahabu safi. Kitafanywa cha talanta moja ya dhahabu safi, pamoja na vyombo hivi vyote. Nawe angalia ya kwamba uvifanye kama mfano wake, ulioonyeshwa mlimani."

Kifungu hiki kinaelezea juu ya kinara cha taa cha Hema Takatifu la Kukutania. Leo nitapenda kuelezea juu ya maana ya kiroho ya vikombe hivi vya mapambo, maua na taa. Mungu alimwamuru Musa kutengeneza kwamba mhimili wa taa ili kutengeneza kinara cha taa cha dhahabu. Hivyo, kitu cha kwanza kilichofanyika ilikuwa ni kutengeneza huo mhimili, kisha baada ya huo mhimili yaliunganishwa matawi pembeni yake. Kila upande wa huo mhimili kulitengenezwa matawi matatu, kisha katika kila tawi kulikuwa na mabakuli matatu mfano wa ua la lozi, kisha vikombe vya mapambo na maua vilitengenezwa. Vivyo hivyo, taa saba ziliwekwa juu ya matawi hayo ili kuuangaza. Hivyo kinara cha taa kiliweza kuangaza vizuri kabisa ndani ya Patakatifu pa Patakatifu pamoja na vyombo vyake vya ndani.

Bwana wetu ambaye ni Mfalme wa Ufalme wa Mbinguni hapa duniani katika mfano mwanadamu wa mnyenyekevu kwa ajili yako na mimi. Na akiwa hapa duniani, Yesu alizifanya kazi za wokovu zinazodhihirishwa katika nyuzi za bluu na nyekundu. Kazi hizi za wokovu zilitimizwa na Yesu Kristo ambaye alizaliwa hapa duniani, na kisha kubatizwa na Yohana Mbatizaji alipokuwa na umri wa miaka 30 katika Mto Yordani, kisha alihukumiwa kwenda Msalabani. Hivyo, kwa "kule" kubwa katika mfano wa kuwekewa mikono. Yesu alizichukua katika mwili wake dhambi zote za mwanadamu (Mathayo 3:15). Kwa kuwa Yesu, ambaye alifanyika kuwa mwanadamu, alizichukua dhambi zote za mwanadamu katika mwili wake kwa kubatizwa, basi ndio maana kusulubiwa na kuimwaga damu yake, na hivyo kuyafanya majukumu yake ya wokovu yanayodhihirishwa katika nyuzi za bluu na nyekundu. Huu ndio Ukweli ambao Kanisa la Mungu linauweka msingi wake juu yake.

Bwana wetu amefanyika kuwa vikombe vya mapambo vya

Kanisa. Mungu alifanyika kuwa msingi wa wokovu kwa ajili yako wewe na mimi ambao tumepokea ondoleo la dhambi. Hivyo, wewe na mimi tumefanyika kuwa sehemu ya Kanisa la Mungu kwa kuamini kwamba Bwana ametuokoa toka katika dhambi zetu zote kwa kazi zake za wokovu zinazodhihirishwa katika nyuzi za bluu, zambaranu, na nyekundu. Sisi tumevikwa neema ya Mungu kwa kupitia injili ya maji na Roho. Na hii ndio maana neno "kanisa" linaitwa kwa Kiyunani "έκκλησία" (*Ekklesia*), neno linalomaanisha "mkusanyiko wa walioitwa toka katika ulimwengu wenye dhambi. "

Yeye aliyewawezesha watu wa ulimwengu huu kuikwepa dhambi ka kuwakomboa toka katika dhambi hiyo si mwingine bali ni Yesu Kristo. Yeye ni Bwana aliyekuja kwa injili ya maji na Roho na kisha kuyasafishia mbali maovu yote ya wenye dhambi. Sisi tumeokolewa toka katika dhambi na kufanyika wenye haki wakamilifu kwa kuamini katika ubatizo wa Bwana na damu yake aliyoimwaga. Kule kusema kwamba Bwana ametufanya sisi kuwa wenye haki kuliweza kufikiwa kwa imani yetu katika ukweli kwamba alikuja hapa duniani na kisha kuzitimiza kazi zote za wokovu zinazodhihirishwa katika nyuzi za bluu na zambarau. Hii ni imani ambayo inadhihirishwa katika nyuzi za bluu, zambarau na nyekundu.

Yesu alizichukua dhambi zetu zote katika mwili wake kwa kubatizwa na Yohana wakati alipokuja hapa duniani (Mathayo 3:13-17). Huu ndio ukweli na imani inayodhihirishwa katika nyuzi za bluu, zambarau, na nyekundu. Kwa kuwa Yesu alihukumiwa kwa ajili ya dhambi za ulimwengu Msalabani baada ya kuwa amebatizwa na Yohana Mbatizaji, basi ni hakika kwamba Yesu amezitoweshea mbali dhambi zetu mara moja na kwa wote. Kwa maneno mengine, Yesu ambaye alijitwika dhambi zetu zote zote ametukomboa toka katika dhambi zote. Kwa namna hii, Bwana ametuokoa toka katika dhambi zote za

ulimwengu mzima kwa kazi zake za wokovu zinazodhihirishwa katika nyuzi za bluu, zambarau, na nyekundu. Imani ya wokovu wa kweli ni kwetu sisi kuufahamu na kuuamini ukweli huu kiusahihi.

Kwa kuwa tumeokolewa toka katika dhambi zetu zote kwa imani, basi ni wazi kwamba wokovu toka katika dhambi ni zawadi itokayo kwa Mungu. Vivyo hivyo, wokovu wetu umeundwa katika Yesu Kristo hata kabla ya kuwekwa misingi ya ulimwengu, na wokovu huo unajengwa katika ubatizo alioupokea na damu yake Msalabani. Hata kabla ya kuumbwa kwa sayari hii, na hata kabla ya wazazi wa kwanza wa mwanadamu Adamu na Hawa hawajaumbwa, Mungu Baba alikuwa amepanga juu ya wokovu wa wanadamu toka katika maovu yao yote katika Yesu Kristo kwa kupitia injili ya maji na Roho; na wakati ulipowadia, Yesu alikuja hapa duniani kuutimiza mpango huo kwa kubatizwa na kwa kuimwaga damu vake. Mungu wetu aliyemuumba mwanadamu amelitimiza ondoleo la dhambi zote za mwanadamu kama alivyoahidi. Utumilifu huu wa ahadi za Mungu ulitimizwa na Yesu Kristo kwa kubatizwa na Yohana na kwa kuimwaga damu yake. Na kwa wale wote wanaoamini katika ukweli huu, basi Mungu amewapatia zawadi ya wokovu ambao unawakomboa toka katika dhambi za ulimwengu mzima na amewaruhusu watu hao kupokea ondoleo la dhambi zao na kupokea uzima wa milele. Wale wanaouamini Ukweli huu wameokolewa kikamilifu na Mungu na amewafanya kuwa watu wake halisi. Ukweli huu ni Ukweli wa wokovu unaodhihirishwa katika nyuzi za bluu, zambarau, na nyekundu.

Injili ya Maji na Roho Ni Mhimili wa Kinara cha Taa

Yesu amefanyika kuwa jiwe kuu la pembeni la wokovu, ambalo ni jiwe muhimu sana kwa wokovu wa wanadamu wote. Yesu maji na Roho. Kinara cha taa cha Mungu kilikuwa na mabakuli yaliyokuwa mfano wa ua la lozi, na pia kilikuwa na vikombe vya mapambo na maua. Pia kinara hiki cha taa kilikuwa na mhimili. Yesu Kristo amefanyika kuwa ua la wokovu. Ikiwa Ukweli wa Yesu Kristo wa wokovu ni ua, ni nani basi atakayekuwa ni kifundo cha mapambo? Kwa hakika hao ni watumishi wa Mungu ambao wamepokea ondoleo la dhambi. Kwa maneno mengine, Yesu Kristo ni ua na sisi ni vikombe vya mapambo vinavyolishikilia ua ili liweze kuchanua vyema.

Baada ya kutuokoa toka katika dhambi zetu zote, Bwana wetu ametufanya sisi kuwa vikombe vya mambo ya injili. Je, unaufahamu ukweli huu na kuuamini? Baada ya kutuokoa toka katika dhambi zetu zote, Bwana wetu ametufanya sisi kuwa vikombe vya mapambo ya injili. Unaufahamu ukweli huu na kuuamini? Wachungaji wetu, wazee wa kanisa, na kaka na akina dada wote ni vikombe vya mapambo. Yeyote aliyepokea ondoleo la dhambi ni kifundo cha mapambo. Kitu cha kwanza alichokifanya Bwana ni kuuweka mhimili wa wokovu kwa nyuzi za bluu, zambarau, na nyekundu. Kisha akatuokoa kwanza kwa injili ya maji na Roho na akatufanya kuwa vikombe vya mapambo vinavyoyashikilia maua ya injili ili yaweze kuchanua. Sisi sote tutakapofanyika kuwa vikombe vya mapambo basi hapo ndipo wenye dhambi wote wanapoweza kuokolewa toka katika dhambi zao. Tofauti pekee ipo katika ukubwa, kwa kuwa baadhi ya vikombe vya mapambo vinaweza kuwa vikubwa wakati vingine vinaweza kuwa vidogo, lakini ukweli ni kwamba sisi sote ni vikombe vya mapambo kwa injili na ukweli huo

haubadiliki.

Kwa Shetani wakati wote anasimama akimpinga Mungu, basi ndio maana anatafuta kutuzuia ili tusiweze kuiamini injili ya maji na Roho ili sisi sote tusiweze kuwekwa huru toka katika dhambi zetu zote. Lakini kama vile maua yanavyochipua hata katika shamba lilikwisha kuharibiwa na dhoruba, basi ukweli ni kuwa kila mwenye dhambi anaweza kukombolewa toka katika dhambi kwa kuisikia injili ya wokovu, ambayo kimsingi ni injili ya maji na Roho. Bwana anataka kuziokoa nafsi zilizopotea toka katika dhambi. Kwa maneno mengine, anataka kuueneza Ukweli wa maji na Roho katika ulimwengu mzima. Hivyo, Kanisa la Mungu linafanya kazi kwa dhumuni kama hilo.

Wakati watumishi wanapoyatumikia makanisa yao kwa kutoamini kwamba wao wenyewe ni vikombe vya mapambo katika makanisa yao, basi ukweli ni kuwa makanisa kama hayo yanaweza kushindwa kabisa kuzaa matunda ya wokovu. Kwa hiyo, ikiwa mtumishi anataka kuokolewa kwa kutegemea kusanyiko kanisani kwake, basi ukweli ni kuwa mtumishi huyo ni kizuizi cha injili na si muunga mkono wa injili njema.

Sababu iliyomfanya Shetani akaja ni kuiba uzima wetu na kisha kutuua. Lakini Bwana wetu alikuja kutupatia maisha makamilifu tukiwa kama kondoo zake (Yohana 10:10), na ametuokoa kwa kuacha kila kitu alichokuwa nacho. Ikiwa kitu fulani ni cha faidha na muhimu katika kuieneza injili ya maji na Roho, basi hatupaswi kusita kukifanya kitu hicho hata kama kitu hicho ni kigumu kukifanya. Fikra ya jinsi hiyo inatufanya kuwa vikombe vya mapambo ya injili. Ni muhimu sana hata kwa wachungaji kufanya kazi kama watumishi wa ndani ili kuitumikia injili, na ndio maana wachungaji wetu kwa kweli wanafanya kazi chini ya jua linalounguza. Ikiwa nafsi hata moja itaokolewa kutokana na wao kulitimiza jukumu lao kama vikombe vya mapambo hata wawapo chini ya jua linalounguza,

basi ni hakika kwamba wataweza kufanya huduma hiyo kwa muda mrefu katika maisha yao yote. Watumishi ni wale walio na aina ya imani inayowafanya wawe radhi kufanya jambo lolote ili kulifanya ua la injili ya Mungu kuchipua. Unapawa kufahamu juu ya jitihada na kujitoa kunakohitajika ili kulifanya ua moja la injili ya maji na Roho kuchipua. Ule ukweli kwamba wewe na mimi tumeweza kupokea ondoleo la dhambi kunatokana na sababu ya msingi kwamba baba zetu waliotutangulia katika imani walikuwa radhi kufa na wakauawa kama wafia-dini ili kulihifadhi Neno la Maandiko.

Taa saba katika Hema Takatifu la Kukutania ni sehemu ambapo mafuta ya thamani ya Mungu yalimiminiwa. Sisi tumeweza kuyapokea mafuta haya mazuri na kuyafurahia kutokana na imani yetu katika injili ya maji na Roho, na kwa neema ya Mungu tumefanyika kuwa vikombe vya mapambo ya injili. Tunapoitumikia injili, tunafikia hatua ya kutambua kwamba kuna mambo mengi sana ya kufanya. Kuanzia jambo moja hadi jingine, na kwamba hakuna mwisho wa kutenda mambo hayo. Yaani kazi kwa ajili ya kuchapisha vitabu vyetu vya injili, kupata fedha za kutosha ili watumishi waweze kulihubiri Neno, kuomba, na kuwaongoza akina kaka na akina dada, na pia kwa ajili ya akina kaka na akina dada kumtumikia Bwana—mambo haya yote ni lazima yatekelezwe ili kuweza kulitimiza jukumu la vikombe vya mapambo vinavyoitumikia injili. Ninatumaini kwamba hutasahau ule ukweli kwamba Mungu anatutumia sisi wenye haki tukiwa kama vikombe vya mapambo vinavyoliwezesha ua la injili ya maji na Roho kuchipua.

Kuwatunza Vizuri Waamini Wapya ni Kuifanya Kazi ya Mungu

Watu wenye akili sana na ambao pia ni wa kuhofiwa sana katika Kanisa la Mungu ni wale vijana wa kike na kiume ambao wamepokea ondoleo la dhambi hivi karibuni. Hata wachungaji wanapaswa kuwa wanyenyekevu mbele ya vijana hao na kuwashirikisha katika kiwango cha uelewa wao wa kiroho. Kwa nini? Ni kwa sababu pamoja na kuwa wamepokea ondoleo la dhambi, ukweli ni kuwa viwango vya ya kimaamuzi bado vinategemea sana miili yao. Hivyo, watangulizi wa imani ambao waliamini hapo kwanza ni lazima wafanyike kuwa vikombe vya mapambo vinavyowatumikia hao waamini vijana ambao wanazifuata nyayo zao. Ni lazima wawahudumie hao waamini wapya ili kwamba watakapokua katika imani yao, basi watafikia hatua ya kutambua jinsi walivyotunzwa kiimani tangu wakati walipokuwa wachanga katika imani. Watafikia hatua ya kushukuru kwa wema walioonyeshwa, na kwa sababu ya hilo na wao pia hali wakiwa katika imani yao watawageukia watakatifu wapya wanaokuja Kanisani.

Hata hivyo, hampaswi kuwaonyesha wema pasipo kuwa na masharti ya msingi. Kuwa mwema kwa mtu fulani kimwili bila utaratibu hakumaanishi kwamba nafsi ya mtu fulani itakuwa na kufanikiwa. Namna bora ya kuwaongoza watu kuelekea katika hali bora ya kiroho ni kwa kuwaongoza na kuwasimamia ili waishi kwa mujibu wa mapenzi ya Mungu kwa imani. Ikiwa tutakuwa wema katika mwili tu, basi ni hakika kwamba wema huo utawaharibu zaidi. Unafahamu ni kwa nini akina kaka na akina dada wanaliacha Kanisa? Wanaliacha Kanisa kwa kuwa hawakuwa wameongozwa na kusimamiwa vizuri katika imani ili kufikia ukomavu wa kiroho. Kama kinara cha taa kilivyotengenezwa kwa nyundo toka katika dhahabu safi, basi

wale waliofanyika kuwa kinara cha taa na vikombe vya mapambo ni lazima wayakane mawazo yao ya kimwili na pia waikane haki yao binafsi, na kwa sababu hiyo ni lazima waipondeponde mioyo yao na kuiweka chini ya mapenzi ya Mungu. Ni lazima wafanyike kuwa watumishi wa Kanisa la Mungu kwa kujiweka tayari kuwa chini ya Mungu kikamilifu.

Wafanyakazi wa huduma za jamii mara zote wanatafakari jinsi wanavyoweza kuwasaidia watu vizuri. Basi ni jambo gani jema la kutendwa? Ni kuwapatia fedha ombaomba au kuwasaidia ili waweze kujitegemea? Mara nyingi watu wengi wanachofanya ni kuwapatia fedha hao ombaomba. Lakini wale walio na elimu katika mambo ya jamii kwa kawaida huwa hawawapi fedha. Bali wao wanachowapatia ni aina ya msaada ambao unajenga nia ya ombamba kuwa huru ili aweze baadaye kuishi kwa kujitegemea. Hivi ndivyo ukweli unavyowasaidia vijana walioamini. Hivyo, kuwasaidia wengine ni lazima pia kuendane na maarifa na stadi ya juu.

Vivyo hivyo, kitu hiki kinachoitwa huduma ya uhubiri wa injili pia ni karama ya Mungu, kwa kuwa inamtaka mtu kuzimwagilia nafsi kwa Neno la Mungu na kisha kuwaokoa ili kwamba miili na roho zao ziweze kukua katika uwiano mwema. Kwa maneno mengine, watumishi ni lazima waziongoze nafsi na kuziongoza kwenda kwa Bwana, na pia ni lazima wawaongoze kuhusiana na masuala ya kimwili ili kwamba waweze kufanikiwa katika maisha yao ya kiimani. Watumishi ni lazima wakati wote wawe macho kuangalia kwa mapana. Maisha yetu ya kiimani kama watu waliozaliwa tena upya ni kuhusiana na kulitimiza jukumu la kuwa vikombe vya mapambo kila siku na katika maeneo na matukio mbalimbali. Jukumu letu ni kutumia kwa uaminifu maisha yetu yote kama vikombe vya mambo ya injili kabla ya kwenda kwa Bwana.

Baada ya kutuokoa, Mungu wetu ametufanya sisi kuwa

vikombe vya mambo na ametukabidhi majukumu muhimu ili kwamba tuweze kulifanya ua la injili liweze kuchanua. Watu wa ulimwengu huu ambao hawajazaliwa upya tena ni wenye mamlaka, wanaojisifu, wabishi, na wakati wote wanajaribu kuokolewa na waamini wengine. Lakini watumishi ambao Mungu amewachagua kumtumikia katika Kanisa la waliozaliwa tena upya wanayatambua vizuri mapenzi ya Mungu na ni waaminifu katika kufanya kile ambacho Mungu amewaagiza wakiwa kama vikombe vya mapambo ya injili. Ni muhimu sana kwa watumishi kulitimiza jukumu la kuwa vikombe vya mapambo vizuri. Bwana wetu alisema, "Ni heri kutoa kuliko kupokea" (Matendo 20:35). Hili si wazo la kinadharia tu, bali ni kanuni ya kiimani inayoongoza katika maisha halisi. Kimsingi wale wanaotoa ndio wale wanaobarikiwa zaidi kuliko wale wanaopokea. Je, umewahi kupata uzoefu wa namna hii?

Hebu nikwambie kuhusu habari moja. Wanandoa fulani waliochelewa sana kupata watoto, waliomba kwamba mtoto huyu akue akiwa amependwa. Basi ikawa kama walivyoomba, huvu mtoto alikuwa akiwa anapendwa sana. Lakini kadri muda kwenda waligundua kwamba ulivyozidi mtoto waliyemtarajia kwamba atakuwa wa kupendwa alikuwa ni mtu mbinafsi sana ambaye hakumjali yeyote zaidi ya kujijali yeye Walitambua kwamba kile walichokifanya hakikuwa na faida kabisa kwa huyo mtoto. Kwa kuwa kadri alivyoendelea kupokea, na wala kutotoa, basi aligeuka kuwa mtoto mwenye uchoyo na ubinafsi. Hivyo, hao wanandoa wakaomba tena ili kumfanya mtoto wao kuwa ni mtu anayewajali na kuwapenda wengine.

Kwa kweli kutoa ni jambo jema kuliko kupokea. Ni furaha kiasi gani kumtumikia Bwana? Ni jambo la kuridhisha kiasi gani? Ninapofikiria kwamba kuna nafsi ambayo imekuja kupokea ondoleo la dhambi kutokana na juhudi zangu katika kuitumikia

injili kwa imani, basi ni hakika kwamba napata furaha na kuridhika. Waamini wenye haki wanatamani kuihubiri injili kwa nafsi nyingi. Katika Kanisa la Mungu, jukumu la vikombe vya mapambo vya injili ni la muhimu sana. Wewe na mimi ni lazima tutambue mahali ambapo Mungu ametuweka kuwa kama vikombe vya mapambo. Na katika nafasi hizo ambazo Mungu ametuweka kuwa vikombe vya mapambo tunapaswa kuyatimiza majukumu yetu kwa imani. Ninaamini kwamba tunapoitumikia injili nje ya uwezo na majivuno ya mwili, na katika imani yetu kwa Mungu, basi ni hakika kwamba Mungu alileta ua la wokovu ili lichanue kikamilifu. Ni hadi pale tunapokuwa vikombe vya mapambo ya injili ndipo maua ya injili yanapochipuka, na kwa kupitia maua haya watu wengi wanabarikiwa.

Kanisa ni Kinara cha Taa Kinachouangaza Ulimwengu Huu kwa Mwanga wa Wokovu

Kwa kule kukusanyika pamoja, wenye haki wanafanyika kuwa kinara cha taa cha injili na wanauangazia ulimwengu huu. Wenye haki wanatoa nuru ya injili ya maji na Roho. Maisha yakiwa kama kinara cha taa yanauangazia ulimwengu huu wenye giza mwanga angavu wa ukweli—na haya ni maisha yetu. Maua ya kiimani yanachanua kikamilifu hapa ulimwenguni wenye haki waliopokea ondoleo la. wanapofanyika kuwa vikombe vya mapambo ya injili, na wakati huo ndipo injili ya maji na Roho inashuhudiwa katika ulimwengu wote. Pasipo vikombe hivi vya mapambo, ni hakika kabisa kwamba hakuwezi kuwa na maua wala taa. Mhimili wa kinara cha taa ulikuwa na mabakuli manne yaliyokuwa na mfano wa ua la lozi, huku kila bakuli likiwa na kikombe cha pambo na ua. Ni hadi pale tutakapofanyika kuwa vikombe vya mapambo

na kisha kulitimiza jukumu ambalo tumepewa basi hapo ndipo Kanisa la Mungu linapoweza kuchipua kila mahali na kisha nafsi nyingi kuokolewa toka katika dhambi zao. Tunapokiangalia kinara cha taa, tunaona kwamba kulikuwa na kikombe kingine cha mapambo juu ya kikombe kingine, na kwamba juu ya kikombe hicho cha mapambo kulikuwa na kikombe kingine kwa kuufuata huo mhimili. Vivyo hivyo, kwa kupitia huduma yako kwa injili, ndio maana maua ya injili yanachanua hadi sasa, na injili itahubiriwa katika ulimwengu huu wote. Wewe na mimi ndio hivi vikombe vya mapambo. Kuanzia kuisikia injili ya maji na Roho hadi katika kuihubiri injili ulimwenguni mwote hadi wakati huu, tumefanya kazi mbalimbali tukiwa kama vikombe vya mapambo. Na hivi ndivyo unavyoweza kupokea ondoleo la dhambi zako na kisha kuihubiri injili kwa wengine.

Tumefanya kazi mbalimbali katika kuyatimiza majukumu yetu tukiwa kama vikombe vya mapambo. Kwa mfano, tulijenga kanisa hili miaka miwili iliyopita kwa ajili ya mafunzo ya ufuasi na kituo cha mapumziko ya kiroho. Ilituchukua takribani mwezi mzima kujenga jengo hili pacha tulilonalo. Tulipolijenga jengo hili kwa imani tulifikiria kwamba, "Kaka zetu na akina dada watakuja mahali hapa kwa mapumziko ya kiroho, na nafsi nyingi zilizopotea zitakuja katika madarasa yetu ya injili, watalisikia Neno, na kisha kupokea ondoleo la dhambi. "Pamoja na kuwa tulikabiliana na magumu mengi wakati tulipokuwa tukilijenga jengo hili, ukweli ni kuwa tuliendelea kuwa na wazo hili katika akili zetu, tuliendelea kufanya kazi katika magumu kama hayo kwa tumaini na kwa uaminifu. Hivi ndivyo kituo hiki cha mafunzo ya ufuasi kilivyojengwa, na ndio maana sasa tunaweza kuabudu mahali hapa patulivu na penye raha. Jambo hili liliwezekana kutokana na kila kikombe cha mapambo kutimiza wajibu wake. kwa kuwa wewe na mimi tumefanyika kuwa vikombe vya mapambo ndio maana tunaweza sasa

kuabudu mahali hapa penye joto zuri hata katika majira haya magumu ya baridi kali. Kama kusingelikuwa na vikombe vya mapambo, basi mazingira haya rahisi yasingeliweza kuwepo. Kabla ya kujengwa kwa kanisa hili, eneo hili lilikuwa na pori lililokuwa limesahaulika. Ikiwa tungelikusanyika katika pori kama hilo ili kulisikia Neno la Mungu, je, ungelipenda kweli kuhudhuria mahali kama hapo? Kwa kuwa pangelikuwa na baridi kali wakati wa kuabudi, basi bila shaka mngelikuwa mmeenda majumbani.

Kwa kuwa vikombe vya mapambo vimekuwepo mahali pake ndio maana tumeweza kulifanya ua la injili kuchanua si tu wakati huu, bali tutaendelea kufanya hivyo hapo baadaye. Kuna shairi mashuhuri sana la Kikorea lenye kichwa kisemacho "Kando ya Krisanthemumi," na linasema hivi,

"Ili ua moja la Krisanthemumi liweze kuchanua, Ndege Kinega atakuwa alilia tangu majira ya kuchipuka Ili ua moja la Krisanthemumi liweze kuchanua,

Ngurumo itakuwa iliuunguruma katika mawingu mazito meusi..."

Ni hakika, vikombe vya mapambo vya watumishi wengi wa Mungu na watakatifu wengi vimewekwa katika mti wa injili. Wafanyakazi wanaolitekeleza jukumu la vikombe vya mapambo walifanya kazi kwa juhudi kila siku ili kuifanya injili ya maji na Roho iweze kuchanua. Chini ya hivi vikombe vya mapambo, Bwana alikuwa ameweka mabakuli yaliyokuwa na mfano wa ua la lozi lililochipua ili tuweze kulitimiza jukumu hili la vikombe vya mapambo kwa ufanisi zaidi. Pia Mungu ametupatia neema yake kwa wakati wake, huku akitupatia mafuta kwa ajili ya taa saba. Haki akifahamu kwamba hatuwezi kufanya lolote kwa kuzitegemea nguvu zetu, Bwana wetu ametufunika katika neema yake kwa kupitia Kanisa ili tuweze kulitimiza jukumu la vikombe vya mapambo vinavyoitumikia injili. Hivyo ni lazima

utambue kwamba huku kufanyika vikombe vya mapambo hakumaanishi kwamba tunaweza kuieneza injili kwa kuzitegemea nguvu zetu pekee. Bali, ni vema kufahamu kwamba sisi sote tumetukuzwa kwa kufanywa vikombe vya mapambo kwa kupitia neema ya Mungu.

Wale waliopokea ondoleo la dhambi ssa na wale waliolipokea ondoleo hilo hapo zamani wote kwa pamoja na vikombe vya mapambo vinavyopaswa kuitumikia injili. Sababu inayowafanya kuwa sawa pamoja na utofauti wa kiwango cha kiroho ni kwa kuwa wote wanaitwa au kutajwa kuwa ni vikombe vya mapambo. Kila mmoja wetu ni kikombe cha mapambo pasipo shaka yoyote. Kulihubiri Neno kiroho bila hata kuinua kidole katika kuzifanya kazi nyingine hayo siyo maisha sahihi ya kiroho. Wale walio wa kiroho sawasawa wanaweza kufanya jambo lolote ili mradi linainufaisha injili. "Msimamo wa kanisa langu ni huu, na ndio maana ninavifanya vitu hivi. Kwa kuwa umeishapokea ondoleo la dhambi hivi sasa, je uendelee kufanya mambo haya wakati mimi nikifanya ya kwangu binafsi?" Kwa kweli si sahihi. Inapofikia hatua ya kuitumikia injili, basi hakuna mtu aliye juu kuliko mwingine. Sisi sote ni lazima tuungane pamoja ili tuwe mbolea kwa ajili ya injili iweze kuchipuka na kuchanua.

Inawezekanaje Watakatifu Waliozaliwa Tena Upya Wakaufuata Mwili?

"Kwa sasa ninafuraha sana kwamba dhambi zangu zimetoweshwa na kwamba nimefanyika kuwa asiye na dhambi. Lakini nitakuwa na furaha zaidi ikiwa nitakuwa tajiri. Je, haitakuwa jambo jema ikiwa hatimaye nikaishi katika utajiri?" Kuna mtu yeyote anayetaka kufanikiwa katika mwili na ambaye matatizo yake ya kiroho yametatuliwa? Nilipokutana na Bwana kwa mara ya kwanza, huku nikiwa sitambui kwamba ameniokoa ili niweze kuwa kikombe cha mapambo kikamilifu kwa ajili ya injili, nilidhani ninaweza kulitimiza jukumu hili kwa kufanya biashara na kupata kiasi fulani cha fedha. Nilidhani nitakuwa nikienda kanisani kila siku, na kufundisha shule ya Jumapili, na kuieneza injili ya maji na Roho kwa watoto, huku nikiendesha biashara ndogo na kufanya kazi masaa machache kwa siku, na kwamba nitatoa mapato yangu ya kila siku kama sadaka kanisani, na kisha kulisaidia kanisa katika upandaji wa makanisa kwa kuchangia mali na vifaa kwa jinsi hii. Pia niliwaza kwamba nje ya masaa machache ambayo niliyatumia katika biashara yangu, nitatumia muda wangu wote uliobakia kwa ajili ya Bwana. Lakini bila kujalisha jinsi mawazo yangu yalivyokuwa, nilipomuuliza Bwana juu ya jukumu ambalo nilipaswa kulitimiza kama kikombe cha mapambo, ukweli ni kuwa Bwana hakutaka nilitimize jukumu hilo kwa kuingiza fedha.

Wakati ule mawazo yangu yalikuwa si sahihi. Bwana hakuniruhusu kufanya hivyo. Kwa hiyo sasa ninalitimiza jukumu langu nikiwa kikombe sahihi cha mapambo kwa kuyatoa maisha yangu yote katika huduma kwa kuieneza injili ya maji na Roho. Tunapaswa kufanya kitu chochote kinachomfurahisha Mungu. Ikiwa Mungu atatuamuru kuuondoa mlima, basi tunapaswa kuuondoa mlima huo. Ikiwa watu wengi wanaokolewa kwa kuundoa mlima huo, basi tutakuwa na uhiari zaidi wa kufanya hivyo. Hata kama jukumu lolote linalotolewa likionekana kuwa haliwezekani kabisa, ukweli ni kuwa kama Mungu ametueleza kulifanya kwa imani, na kama jambo hili lina faida za kiroho, basi tunaamini kwamba ni hakika jambo hilo litafanikiwa. Kuuchimba mlima kwa jembe kunaweza kuwa ni jambo gumu sana mwanzoni, lakini kadri muda unavyozidi kwenda, tutaweza kuuvunja mlima kwa baruti na kisha

kusafisha mabaki yote kwa gereda. Kisha mlima wote utatoweka. Kwa kuwa hatuyafuati mawazo yetu ya kibinadamu bali mapenzi ya Bwana, basi kwa maneno mengine, tunalitimiza wakati wote jukumu la vikombe vya mapambo kwa ajili ya injili ya Mungu kwa imani wakati wote. Hivi ndivyo tunavyoweza kuyafanya majukumu yetu tukiwa kama vikombe vya mapambo ya Mungu.

Bwana ametuweka kuishi ndani ya Kanisa lake ili tuweze kuwa vikombe vya mapambo kwa ajili ya kuieneza injili. Tofauti pekee iliyopo ni kuhusu mahali ambapo Mungu ametuweka kuwa vikombe vya mapambo, lakini inapofikia katika hatua ya kuieneza injili, ukweli ni kuwa hakuna mahali au sehemu ambayo ni ya muhimu kuliko sehemu nyingine. Ikiwa tutapanga kwa mfuatano, ukweli ni kuwa wa kwanza watakuwa wa mwisho kama Yesu alivyosema, "Mtu atakaye kuwa wa kwanza atakuwa wa mwisho kuliko wote, na mtumishi wa wote" (Marko 9:35). Ni kweli kwamba Mungu anapotuita kulitimiza jukumu la vikombe vya mapambo, anataka tulifanye na majivuno, mikogo au kwa kujionyesha? Ukweli ni kwamba tunapolitimiza jukumu la vikombe vya mapambo, basi ni hakika kwamba kazi njema za Mungu zinafanyika kama ulivyo mwanga wa taa saba katika kile kinara cha taa unavyopaangazia Mahali Patakatifu.

Katika kifungu cha leo cha Maandiko imeandikwa hivi, "Na makoleo yake, na visahani vyake, vyote vitakuwa vya dhahabu safi. Kitafanywa cha talanta moja ya dhahabu safi, pamoja na vyombo hivi vyote. Nawe angalia ya kwamba uvifanye kama mfano wake, ulioonyeshwa mlimani" (Kutoka 25:38-40). Katika ya vifaa vya kinara cha taa kulikuwa na haya makoleo ya kushikia utambi. Mafuta yaliwekwa katika tambi hizi zilizokuwa zikikaa juu ya kinara cha taa. Wakati tambi hizo zilipokuwa vikiungua cheche zilikuwa zinaruka na hivyo

makoleo ya kushikia tambi yalitumika katika kuondolea cheche hizo. Makoleo haya ya tambi yalitengenezwa kwa dhahabu safi. Makuhani walibana tambi zilizokuwa zikiungua na kisha kuziweka katika visahani. Vifaa kama hivyo vilitumika sana Mahali Patakatifu.

Tunapolitekeleza jukumu la vikombe vya mapambo baada ya kuwa tumepokea ondoleo la dhambi, basi ni wazi kuwa kunaweza kuwepo na nyakati ambapo mioyo yetu inakuwa migumu kutokana na sisi kutingwa na kazi moja tu. Hivyo, kuna wakati ambapo tunazifanya kazi zetu kwa mazoea hali tukiwa na moyo hafifu. Katika nyakati kama hizo, watumishi wa Mungu wanahitaji kubadilisha tambi za kinara cha taa. Kama vile tambi zilizoungua zilivyokatwa, basi vivyo hivyo watumishi wa Mungu wanaibadilisha mioyo yetu kwa kutubadilishia majukumu tuliyokuwa tukiyafanya. Bwana wetu anayaondoa majivu toka katika mioyo yetu ili tuweze kuendelea kuitumikia injili kwa mioyo yetu iliyofanywa upya, kama ilivyoandikwa, "Ya kale yamepita tazama! Yamekuwa mapya" (2 Wakorintho 5:17). Kwa kupitia njia hii, watumishi wanafikia hatua ya kuitumikia injili kwa mioyo yao iliyofanywa upya kwa mara nyingine tena.

Unakumbuka kwamba hakukuwa na kitu kingine ndani ya Mahali Patakatifu zaidi ya dhahabu safi? Ili kufanyika kikombe cha mapambo chenye uaminifu kwa imani, basi unapaswa kuziangalia kazi mpya za Bwana. Ni hapo ndipo tunapoweza kuishi kwa imani. Tunapaswa kuishi leo hii kwa imani, pia tunapaswa kuishi kesho kwa imani pia. Tunayatimiza majukumu mapya ya vikombe vya mapambo kila siku kwa imani. Sisi watumishi wa injili ya Mungu ni lazima tunapaswa kuyaondoa majivu yote toka katika tambi kwa kutumia makoleo ya utambi, na kisha kuihudumia taa, na kisha kuifanya taa hiyo iweze kung'aa vizuri na mwanga wake kuwaka vyema.

Ndani ya Mahali Patakatifu kuna utukufu. Bwana amewaita na kuwakusanya wenye haki katika Kanisa la Mungu ili waweze kuwa kinara cha taa kinachoieneza injili ya ondoleo la dhambi. ya Kanisa hilo, Mungu amewaweka viongozi, amewapatia wenye haki karama zake zinazowawezesha kuitumikia injili, na ametuita ili kwamba tuweze kumtumikia Bwana kwa kufanyika vikombe vya mapambo vinavyoyafanya maua ya injili kuchipua katika yale maeneo ambapo Mungu ametuweka. Hivyo Mungu ameturuhusu kuieneza injili kwa wenye dhambi wote katika ulimwengu mzima. Na hili ndilo "ekklesia," halisi, yaani Kanisa la Mungu. Kwa maneno mengine, sisi ni watu wa Kanisa la Mungu mahali ambapo wale walioitwa na kuokolewa wanakusanyika pamoja. Mungu wetu ametuokoa toka katika dhambi kwa kutukomboa toka katika dhambi na maovu yote na kutuita toka katika ulimwengu. Kwa kupitia wokovu wa Bwana, Mungu ametuokoa kwa kutufanya tumwamini Yesu, na amelitengeneza Kanisa hili ili kwamba tuweze kuitumikia injili kwa kuungana pamoja. Ni ukweli huu ndio uliounda kusanyiko la watakatifu.

Sababu Inayolifanya Kanisa Liwepo Ni Kuuangaza Mwanga wa Injili ya Maji na Roho

Sababu iliyofanya kukawepo na kinara cha taa kilichotokana na kugongwa kwa lundo la talanta ya dhahabu ilikuwa ni kulifanya Kanisa la Mungu kuungana na kuyafanya maua ya injili kuchanua. Kinara hiki cha taa kina maanisha ni Kanisa la Mungu, na kanisa hili lipo ili kuiangazia giza. Na hili ndilo jukumu halisi la uwepo wa Kanisa. Kwanza kabisa Kanisa limefanyika kuwa kikombe cha mapambo ili kutuhudumia tuweze kuzaliwa tena upya. Na sasa huu ni wakati wetu. Wewe

na mimi, na wengine wote ambao wamepokea ondoleo la dhambi, ni lazima tufanyike kuwa vikombe vya mapambo, na ni lazima sisi sote tuendelee kuyatekeleza majukumu yetu kama vikombe vya mapambo na mboleo ili kwamba maua ya injili yaweze kuchanua kikamilifu. Sisi wenye haki wote na Kanisa lote la Mungu tunapaswa kulitenda jukumu la kinara cha taa jukumu ambalo linaueneza mwanga wa injili katika ulimwengu mzima na hivyo kumtumikia Bwana.

Sisi hatujaribu kufungua dhehebu jipya. Ikiwa tutakuwa kulielezea dhehebu letu, basi tutasema kwamba ni dhehebu la Yesu. Sisi ni wenye haki ambao tumeitwa na Bwana ili kutumika. Tunapofanyika kuwa vikombe vya mapambo vya kinara cha taa na kisha kumtumikia Bwana, basi tunafikia hatua ya kutambua kwamba Bwana anayajaza mahitaji yetu yote tukiwa kama vikombe vya mapambo. Hata kama hatufanyi jambo lolote katika kuyatimiza mahitaji yetu, ukweli ni kuwa Mungu mwenyewe anatupatia mahitaji yetu kwa wingi. Tunapata kila kitu kwa wakati kama vile Bwana alivyosema, "Bali utafuteni kwanza ufalme wake, na haki yake; na hayo yote mtazidishiwa" (Mathayo 6:33). Bwana anawajazia watakatifu wanaoitumikia injili mahitaji yao yote. Wakati watenda kazi wanaolitekeleza jukumu la vikombe vya mapambo wanapokabiliana na nyakati ngumu, ukweli ni kuwa Bwana anawapatia nguvu, huku akisema, "Changamka! Nipo pamoja nawe daima." Wakati vikombe vya mapambo vinapokuwa havina imani, basi Mungu anawapatia imani akisema, "Uwe na imani thabiti! Unaweza kufanya mambo yote kwa mimi nikutiaye nguvu." Pia Bwana anawapatia neema yake watenda kazi hao. Kisha Bwana analitatua tatizo huku akisema, "Kikombe changu cha mapambo, kwa hakika unaweza kulihitaji hili. Nitalitatua tatizo hili kwa ajili yako." Mungu anatubariki sisi wenye haki ambao tumefanyika kuwa vikombe vya mapambo ili aweze kututumia kwa ajli ya kazi

yake yenye haki.

Jambo lolote ambalo sisi wenye haki tunalifanya, basi tunapaswa kulifanya jambo hilo tukiwa kama vikombe vya mapambo kwa ajili ya kuifanya injili iweze kuchanua. Pia wanafunzi wetu ni lazima waishi maisha yao shuleni kwa uaminifu wakiwa kama vikombe vya mapambo ya injili. Kwa waamini wetu wa kawaida katika maeneo yao ya kazi, pia wanapaswa kufanya hivyo wakiwa kama vikombe vya mapambo ya injili. Lolote tunalolifanya, ukweli ni kuwa sisi sote tunapaswa kulitenda tukiwa kama vikombe vya mapambo ya injili ya Bwana. Sisi wenye haki ni lazima tuishi sote katika kulitekeleza jukumu la vikombe vya mapambo ya injili, na hivi ndivyo tunavyopaswa kuyaishi maisha yetu ya kiimani. Kwa kweli vikombe vya mapambo ni muhimu sana ili maua ya injii yaweze kuchanua.

Unapaswa kukumbuka kwamba sisi wenyewe si maua. Ua la injili ni Yesu. Pia mwanga wa kweli ni Yesu. Tunachokifanya hasa ni kumhubiri huyu Yesu Kristo ulimwenguni mwote kwa imani na kwa kuamini katika Ukweli wa wokovu uliodhihirishwa katika nyuzi za bluu, zambarau, na nyekundu na kitani safi ya kusokotwa. Katika 1 Wakorintho 10:31 imeandikwa hivi, "Basi, mlapo, au mnywapo, au mtendapo neno lo lote, fanyeni yote kwa utukufu wa Mungu." Maisha yetu yamelengwa katika kuieneza injili hii kwa uaminifu na kwa kulitimiza jukumu la vikombe vya mapambo.

Kitu ambacho watu wanakihofia sana katika maisha yao ya ujana ni hali yao ya baadaye. Huwa wanashangaa, "Maisha yangu ya baadaye yatakuwaje? Mpenzi wangu yupo wapi na mchumba wangu wa hapo baadaye atakuwa anafanya kazi gani?" Mchumba wangu mtarajiwa yupo wapi? Yupo katika Kanisa la Mungu, na huyo si mwingine bali ni Yesu Kristo. Sasa huyo mchumba wangu anafanya nini? Yeye anafanya kazi ya

kuuangaza. Yeye ni Nuru ya injili ya maji na Roho. Yeye ni Bwana, na ninyi nyote ni mabibi harusi wa Kristo. Bwana anakueleza kuja katika Kanisa lake, na anakueleza kwamba atakutana nawe katika hili Kanisa lake. Bwana anasema atakutana nawe wakati unapomwomba Mungu kwa moyo wako wote na kwa kuamini kikamilifu katika Ukweli unaodhihirishwa katika nyuzi za bluu, zambarau, na nyekundu na kitani safi ya kusokotwa. Bwana anakueleza kwamba atakuka kwako na kukutana nawe wakati unapomwamini Yeye.

Wenye haki wanapaswa kuwa macho katika mawazo yao. Unapoujaza moyo wako kwa injili ya maji na Roho, basi hapo ndipo Roho Mtakatifu atakapokufanya kuwa macho kila siku. Kile ambacho wenye haki wanapaswa kukifanya ni kuishi maisha yao kwa mujibu wa uongozi wa Roho Mtakatifu na katika kuieneza injili ya maji na Roho. Tunapofanya hivyo, sisi wenyewe tunaweza kutofautisha kati ya mawazo ya kimwili na yale ya kiroho.

Pengine umewahi kukimenya kitunguu ganda moja baada ya jingine. Kwanza kabisa ipo ngozi ya nje, na unapoitoa, ndani yake kuna ngozi nyingine ambayo kwa kiasi fulani inaonekana kuwa ni ya kijani. Utakapolitoa ganda hilo lenye ukijani, basi ndani yake kutakuwa ngozi nyekupe. Na utakapoitoa ngozi hiyo nyeupe utakutana tena na ngozi nyingine nyeupe kama ile uliyoitoa awali. Kitunguu chote kimeundwa na ngozi zinazofuatana moja baada ya nyingine. Unapoitoa hiyo ngozi nyeupe na ukaiacha kwa muda basi hugeuka na kuwa yenye rangi ya njano inayofifia. Lakini utakapoitoa ngozi hii tena, basi ndani yake kutaonekana tena ngozi nyingine nyeupe. Baada ya muda kidogo, ngozi hiyo itageuka na kuwa ni ngozi ya nje na kwa sababu hiyo utahitajika kumenya tena ili uweze kupata ngozi ambayo ni laini zaidi.

Miili yetu ni kama hizi ngozi za vitunguu, na kwa sababu

hiyo ni lazima tuyamenye na kuyaondoa mawazo yetu ya kimwili kila siku. Sasa unaweza kufikiria, "Nilijikana wakati nilipookoka, sasa ninaweza kuendelea kujikana tena na tena hata baada ya kupokea ondoleo la dhambi zangu? Je, unaelewa mwaka jana nilijikana mara ngapi? Kwa kweli ilikuwa ni vigumu sana kuukunja moyo wangu, na sasa ninapaswa kujikana tena? Kwa kweli ni jambo gumu sana!" Lakini akina dada na akina kaka, kwa kweli ni jambo la msingi sana kwa wewe kuyaondoa mawazo yako ya kimwili kwa jinsi hii. Bwana anatueleza kwamba kufanya hivyo ni jambo la msingi na la kikanuni ili kuyaondoa mawazo ya kimwili kama vile tunavyokimenya kitunguu.

Bwana anataka kukutana nasi kwa kupitia Neno la Mungu lililoandikwa. Bwana anataka kukutana nasi katika meza ya mikate ya wonyesho, na katika kinara cha taa, na katika madhabahu ya uvumba, na mbele ya kiti cha rehema. Ninachokisema hapa si kwamba unalazimishwa kujikana wewe mwenyewe na kisha kujifanya una imani wakati hauna, bali unapaswa kujikana mwenyewe kutokana na imani katika moyo wako. Je, sasa unaelewa? Si kwamba Bwana anashauri kwamba ujikane, bali anachokisema ni kwamba ni lazima ufanya hivyo. Unaposhikilia katika akili yako kwamba unapaswa kujikana mwenyewe katika moyo wako, basi hapo kujikana binafsi kunatokea katika moyo wako. Hali hiyo inaweza kujitokeza hata pasipo wewe kutambua, "Aah, kwa hiyo hivi ndivyo ninavyoweza kujikana mwenyewe." Lakini kama kanuni za misngi zisipofunindishwa vizuri na ikiwa watu walazimishwa kuziinamisha nia zao, basi ukweli ni kuwa si tu kwamba jambo hili litakuwa vigumu kulitimiza bali wataishia kuipoteza imani yao.

Tunapoinyenyekeza mioyo yetu mbele za Bwana ni hakika kamba Bwana atafurahishwa. Na kama jambo hili linampendeza

Bwana, basi tunapaswa kuyafanya mawazo yetu ya kimwili kuwa chini ya maongozi yake. Kwa kweli kuna mambo ambayo yanaweza kuonekana kuwa yapo nje ya uwezo wetu, lakini bado tunajaribu sana kuyafikia mambo hayo. Je, hali halisi haiko hivi? Kwa kuwa Bwana ametuokoa na kutufanya kuwa watumishi wake, basi ni hakika kwamba hakuna kitu ambacho hatuwezi kukifanya, ni kama vile Mtume Paulo alivyosema, "Nayaweza mambo vote katika veve anitiave nguvu" (Wafilipi 4:13). Zaidi ya yote, tunapofikai hatua ya kuyafanya maua ya injili kuchanua, hata kama tutakuwa ni kikombe kidogo cha mapambo kuliko vyote, ukweli ni kuwa kuchanua huko kwa injili ni jambo la muhimu sana. Sasa kuna jambo gani basi ambalo hatuwezi kulifanya? Wakati Bwana atakapoyafanya maua ya injili kuchanua na kisha kuziokoa nafsi wakati sisi tukiwa ni vikombe vya mapambo vidogo kuliko vyote, je, tutakuwa si vikombe vya mapambo? Ukweli tutabakia kuwa sisi ni vikombe vya mapambo.

Pia ni muhimu kuikiri imani katika mioyo yetu. Kile tunachopaswa kukifanya ni kukitambua kile kilicho sahihi na chema, huku tukisema, "Ndiyo, hilo ni sahihi," na pia kukiri kile kisicho chema kwa kusema, "Hapana, mawazo yangu yalikuwa potofu." Kwa kweli kufanya jambo hili ni kumfuata Bwana, na kuikana nafsi na kisha kutawala nia zetu binafsi. Wakati tunapoyaweka mbali matamanio yetu ya kimwili, basi hapo Bwana anapotubadilisha. Hata hivyo, kujibadilisha sisi wenyewe. Kuwa mtu wa kiroho si jambo ambalo linaweza kufikiwa kwa kutegemea jitihada zetu binafsi. Tunachopaswa kukifanya ni kujitafakari mbele ya Neno la Mungu ili kuona ikiwa tupo sahihi au la, na kama hatupo sahihi, basi tunachopaswa kukifanya ni kukiri tukisema, "Ndiyo, Bwana! Ni wewe tu uliye sahihi, na mimi ni mkosefu." Mara tutakapofanya jambo hili, giza katika mioyo yetu litaondolewa.

Kisha Bwana anatuambia hivi, "Hata kwa kiumbe kama wewe, nilizitoweshea mbali dhambi zako zote. Nimekugeuza kuwa nuru." Bwana wetu anatueleza kwamba, "Lakini yote yaliyokemewa hudhihirishwa na nuru maana kila kilichodhihirika ni nuru" (Waefeso 5:13).


Kwa kweli hakuna jambo la kufanya kutokana na maamuzi yete binafsi. Tunachopaswa kukifanya ni kuishi Mahali Patakatifu kwa imani. Hivyo wakati tunapoishi Mahali Patakatifu kwa imani, basi hapo ndipo Bwana anapotenda kazi ndani yetu. Ili kutufanya kuwa vikombe vya mapambo vyenye thamani, Mungu anatupatia neema na baraka zake zaidi. Kwa kuwa Mungu anataka kuieneza injili ya maji na Roho kwa kupitia sisi, basi ndio maana hawezi kufanya lolote zaidi ya kutupatia baraka zaidi. Ninatumaini ninyi nyote mtauamini ukweli huu. Ninaamini mnaliamini Neno lote la Mungu. Je, unaamini hivyo? Ikiwa utajibu kwa kusema "ndiyo" wakati wowote ule swali hili litakapoulizwa, basi ni hakika kwamba imani yako inakua. Milki ya imani inasimama katika ukweli kwamba hakuna mtu anayeweza kusimama yeye binafsi.

Watumishi ni vikombe vya mapambo, na hivyo kwa sababu hiyo kaka zetu wote na akina dada ni vikombe vya mapambo. "Wewe ni kikombe cha mapambo kibaya. Lakini mimi ni kikombe cha mapambo kizuri." Ninafahamu kwamba hakuna hata mmoja wenu anayefikiria kwa namna hii, lakini mawazo ya jinsi hiyo yatakapojitokeza ndani yako, basi unapaswa kugeuka hali ukitambua kwamba unaenda katika uelekeo tofauti na ule ulio katika mawazo ya Mungu. Kuna wema gani kwa vikombe vya mapambo kuingia katika mashindano ya uzuri yasiyo na maana? Haijalishi baadhi ya vikombe vinavyoweza kuwa vizuri, ukweli ni kuwa kuna vinavyoweza kuwa vizuri kuliko ua lenyewe, basi ua hilo litakuwa halina maana. Kama vile

matofali makubwa na madogo yanavyohitajika katika kuujenga ukuta, basi sisi sote bila kujalisha ubora au udhaifu, tunahitajika kama vikombe vya mapambo vinavyoyafanya maua ya injili ya Bwana kuchanua.

Hivyo, hebu tusidharauliane kwa sababu ya kiburi chetu. Na badala yake tunapaswa kutunzana hali tukitambua kwamba sisi sote ni wenye thamani. Kila mtu ni wa thamani. Kila mtu anahitajika. Kama vile Mungu alivyomwamuru kutengeneza kinara cha taa kwa kuipondaponda talanta ya dhahabu safi, Mungu kwa kupitia sheria ya wokovu ametugeuza kuwa wenye haki na kutufanya vikombe vya mapambo ambavyo vinaitumikia injili ya maji na Roho. Kwa hiyo Mungu anafurahishwa sana kuihubiri injili kupitia sisi. Hata sasa, Mungu anaieneza injili ya maji na Roho kwa wanadamu wote kwa kupitia Kanisa lake. Mungu anataka kuuangazia ulimwengu wote kwa upendo na Ukweli wake kwa kupitia kuieneza injili hii na vikombe vyake vya mapambo.

Halleluya! ⊠





Unaweza Kupakua Vitabu vya Kikristo vya Mchungaji Paul C. Jong katika Kompyuta, Kompyuta-Kibao, au kwenye Simu-Mahiri

Maana za Kiroho Zilizofichika Katika Mavazi ya Kuhani Mkuu

< Kutoka 28:1-43 >

"Nawe umlete Haruni ndugu yako karibu nami, na wanawe pamoja naye, miongoni mwa wana wa Israeli, ili anitumikie katika kazi ya ukuhani. Haruni, na Nadabu, na Abihu. na Eleazari, na Ithamari, wana wa Haruni. Nawe utamfanyia Haruni ndugu yako mavazi matakatifu, kwa utukufu na kwa uzuri. Nawe utawaambia watu wote wenye moyo wa hekima, niliowajaza na roho ya hekima wamfanyie Haruni mavazi ili kumtakasa anitumikie katika kazi va ukuhani. Na mavazi watakayoyafanya ni haya; kifuko cha kifuani, na naivera, na joho, na kanzu ya kazi ya urembo; na kilemba, na mshipi; nao watawafanyia Haruni nduguyo, na wanawe, mavazi matakatifu ili anitumikie katika kazi va ukuhani. Nao wataitwaa dhahabu, na nguo ya rangi ya samawi, na ya rangi ya zambarau, na ya rangi nyekundu, na nguo ya kitani nzuri. Nao waifanye naivera kwa nyuzi za dhahabu, na za samawi, na za zambarau, na nyekundu, na kitani nzuri venye kusokotwa kwa kazi va mstadi. Itakuwa na vipande viwili vya mabegani, vilivyoungana kwenye ncha zake mbili; ili ipate kuunganywa. Na mshipi wa kazi ya ustadi ulio juu yake, ili kuifunga mahali pake; utakuwa wa kazi kama ile ya naivera, ya vitu vile vile ya nyuzi za dhahabu, na za rangi ya samawi, na ya zambarau, na nyekundu, na kitani nzuri yenye kusokotwa. Nawe utatwaa

vito viwili vya shohamu, ya rangi ya chani-kiwiti, nawe utachora juu yake majina ya wana wa Israeli; majina yao sita katika kito kimoja, na majina sita valivosalia katika kile kito cha pili, kwa utaratibu wa kuzaliwa kwao. Kwa kazi mtu mwenye kuchora mawe kama vile muhuri ichorwayyo, utavichora hivi vito viwili, sawasawa na majina va wana wa Israeli, nawe utavitia katika vijalizo vya dhahabu. Nawe utavitia vile vito viwili juu va vipande vva mabegani vva hivo naivera, viwe vito vva ukumbusho kwa ajili va wana wa Israeli; nave Haruni atavachukua majina vao mbele za Bwana juu ya mabega yake mawili ili kuwa ukumbusho. Nawe fanya vijalizo viwili vya dhahabu; na mikufu miwili va dhahabu safi; utaifanya iwe mfano wa kamba, ya kazi ya kusokotwa; nawe uitie ile mikufu va kazi va kusokotwa katika vile vijalizo. Nawe utafanya kifuko cha kifuani cha hukumu, kazi ya fundi stadi; utakifanya kwa kuiandama ile kazi ya hiyo naivera; ya nyuzi za dhahabu, na za rangi ya samawi, na za rangi va zambarau, na nyekundu, na kitani safi yenye kusokotwa, ndivyo utakavyokifanya. Kitakuwa mraba, tena cha kukunjwa; urefu wake utakuwa shibiri moja, na upana wake shibiri moja. Nawe ukijaze viweko vva vito, safu nne za vito; safu moja itakuwa ni akiki, na vakuti ya rangi ya manjano, na baharamani, hivi vitakuwa safu ya kwanza; na safu ya pili itakuwa zumaridi, na yakuti samawi, na almasi; na safu ya tatu itakuwa hiakintho, na akiki nyekundu, na amethisto; na safu ya nne itakuwa ni zabarajadi, na shohamu, na yaspi; vito hivyo vitakazwa ndani ya dhahabu kwa kujaa mahali pake. Na vile vito vitakuwa sawasawa na majina ya wana wa Israeli, kumi na viwili, sawasawa na majina yao; mfano wa kuchora kwa muhuri kila kimoja sawasawa na jina lake, vitakuwa vya hizo kabila kumi na mbili. Nawe utie katika kile kifuko cha

kifuani mikufu mfano wa kamba, ya kazi ya kusokotwa, ya dhahabu safi. Nawe utie pete mbili za dhahabu katika kile kifuko cha kifuani, na kuzitia hizo pete mbili katika ncha mbili za kifuko cha kifuani. Nawe utie hivo mikufu miwili va dhahabu ilivosokotwa katika zile pete mbili zilizo katika ncha za kifuko cha kifuani. Na ncha zile nvingine za hivo mikufu miwili va kusokotwa utazitia katika vile vijalizo viwili, na kuvitia katika vile vipande vya mabegani vya naivera upande wa mbele. Nawe utafanya pete mbili za dhahabu, uzitie katika hizo ncha mbili za kifuko cha kifuani, katika ukingo wake, ulio upande wa naivera ulio ndani. Nawe fanya pete mbili za dhahabu, na kuzitia katika vile vipande viwili vva mabegani vva ile naivera chini vake, upande wa mbele, karibu na kifungo chake, juu ya huo mshipi wa naivera uliosukwa kwa ustadi. Nao watakikaza kile kileso kwa zile pete zake kwenye pete za naivera kwa ukanda wa rangi ya samawi, ili kwamba kikae pale juu ya ule mshipi wa naivera uliosukwa kwa ustadi, ili kwamba kifuko cha kifuani kisiachane na naivera. Na Haruni atayachukua majina ya wana wa Israeli katika kile kifuko cha kifuani cha hukumu juu va movo wake, hapo atakapoingia ndani ya mahali patakatifu, kuwa ukumbusho mbele ya Bwana daima. Nawe utie hizo Urimu na Thumimu katika kile kifuko cha kifuani cha hukumu; nazo zitakuwa juu ya moyo wa Haruni, hapo atakapoingia ndani mbele ya Bwana; na Haruni atachukua hukumu va hao wana wa Israeli juu ya moyo wake mbele ya Bwana daima. Nawe fanya hiyo joho ya naivera ya rangi ya samawi yote. Nayo itakuwa na tundu katikati yake kwa kupitisha kichwa; itakuwa na utepe wa kazi ya kusokotwa kuzunguka hilo tundu lake, mfano wa tundu lililo katika kanzu ya chuma, ili lisipasuke. Nawe katika pindo zake utatia makomamanga ya

rangi ya samawi, na ya rangi ya zambarau, na ya rangi nyekundu, kuzunguka pindo zake kotekote; na njuga za dhahabu kati ya havo makomamanga pande zote; njuga ya dhahabu na komamanga, njuga va dhahabu na komamanga, katika pindo za joho kuizunguka pande zote. Navo itakuwa juu va Haruni akitumika; na sauti va hizo itasikilikana hapo aingiapo ndani ya mahali patakatifu mbele va Bwana na hapo atokapo nje, ili kwamba asife. Nawe fanya bamba la dhahabu safi na kuchora juu vake, mfano wa machoro va muhuri, MTAKATIFU KWA Bwana. Nawe ulitie hilo bamba katika ukanda wa rangi ya samawi, nalo litakuwa katika kile kilemba; litakuwa upande wa mbele wa kile kilemba. Nalo litakuwa katika kipaji cha uso cha Haruni, na Haruni atauchukua uovu wa vile vitu vitakatifu, watakavvovitakasa hao wana wa Israeli katika vipawa vyao vyote vitakatifu, nalo litakuwa katika kipaji chake cha uso sikuzote, ili kwamba vipate kukubaliwa mbele za Bwana. Na hiyo kanzu utaifuma ya kitani nzuri ya kazi ya urembo, ufanye na kilemba cha nguo ya kitani nzuri, nawe utafanya mshipi wa kazi ya mwenye kutia taraza. Kisha utafanya kanzu kwa ajili ya wana wa Haruni, nawe wafanyie mishipi, wafanyie na kofia kwa utukufu na uzuri. Nawe mvike huyo nduguyo Haruni na wanawe nao mavazi havo; nawe watie mafuta, na kuwaweka kwa kazi takatifu, na kuwatakasa, ili wapate kunitumikia mimi katika kazi ya ukuhani. Nawe wafanyie suruali za nguo ya kitani, ili kufunika tupu ya miili yao; suruali hizo zitafika tangu kiunoni hata mapajani; na Haruni na wanawe watazivaa, hapo watakapoingia katika hema ya kukutania, au hapo watakapoikaribia madhabahu ili watumike katika mahali patakatifu; wasije wakachukua uovu, wakafa; hii itakuwa ni amri ya milele kwake yeye, na kwa wazao wake."

Mavazi ya Kuhani Mkuu

Leo tutakwenda kuangalia juu ya maana za kiroho zilizofichika katika mavazi ya Kuhani Mkuu. Haruni alipaswa kuyavaa mavazi haya pamoja na watoto wake. Kwa kupitia mavazi haya ya Kuhani Mkuu tutaweza kutambua kwa imani juu ya mpango wa Mungu ambao umetuokoa toka katika dhambi.

Mungu alimwamuru Musa kumweka wakfu ndugu yake Haruni pamoja na watoto wa Haruni ili kwamba waweze kumtumikia Mungu wakiwa makuhani. Pia Mungu alimwamuru Musa kuyatengeneza mavazi kwa mujibu alivyoonyeshwa na Mungu.

Katika aya ya 4 Mungu alisema, "Na mavazi watakayoyafanya ni haya; kifuko cha kifuani, na naivera, na joho, na kanzu ya kazi ya urembo; na kilemba, na mshipi; nao watawafanyia Haruni nduguyo, na wanawe, mavazi matakatifu ili anitumikie katika kazi ya ukuhani."

Kwanza kabisa, Kuhani Mkuu alipaswa kuvaa kanzu na suluari ili kuufunika uchi wake. Mavazi haya yalitengenezwa kwa nyuzi za kitani safi ya kusokotwa ili hewa iweze kuingia vizuri na kumfanya asitoke jasho jingi. Maana ya kiroho ya mavazi haya ni kwamba Kuhani Mkuu anapaswa kuweka mbali matamanio yake ya kimwili, na kisha amtumikie Mungu kwa mujibu wa imani na neema iliyokwishatolewa na Mungu. Kwa maneno mengine, mapenzi ya Mungu yatatimizwa pale tu Kuhani Mkuu atakatupilia mbali mawazo yake ya kimwili na kisha kutoa sadaka kwa mujibu wa utaratibu wa sadaka ya kuteketezwa ulioanzishwa na Mungu kwa imani. Ni kwa sababu hii ndio maana Mungu alitengeneza kanzu na suruali ya jinsi hiyo na kisha kumvika Kuhani Mkuu.

Kisha Mungu alimvika Kuhani Mkuu kwa joho la bluu juu ya mavazi haya. Na juu ya joho hili la bluu, Kuhani Mkuu aliivaa

naivera na kisha kukiweka kifuko cha kifuani. Kifuko cha kifuani kilichovaliwa katika kifua cha Kuhani Mkuu kilitengenezwa kwa nguo nzito iliyokunjwa mara mbili na kisha kufumwa kiufundi kwa nyuzi za dhahabu, bluu, zambarau, na nyuzi nyekundu na kitani safi ya kusokotwa, na ukubwa wake ulikuwa ni sawa kwa upana na urefu. Vito kumi na mbili vya thamani viliwekwa katika kifuko hiki cha kifuani, kisha majina ya kabila kumi na mbili za Israeli yaliandikwa katika vito hivi.

Kisha Kuhani Mkuu alivaa kilemba kilichotengenezwa kwa kitani safi ya kusokotwa. Kisha bamba la dhahabu safi lililokuwa limeandikwa "Utakatifu kwa Bwana," litawekwa katika kipande cha nguo cha bluu na kisha kuwekwa mbele ya kile kilemba. Haya ni maelezo mafupi kuhusu mavazi, kilemba, na bamba la dhahabu ambavyo vilivaliwa na Kuhani Mkuu.

Mavazi mengi ya Kuhani Mkuu yalitengenezwa kwa nyuzi za dhahabu, bluu, zambarau, na nyuzi nyekundu na kitani safi ya kusokotwa. Pia nyuzi hizo ndizo zilizotumika katika kutengenezea kifuko cha kifuani cha Kuhani Mkuu. Katika hiki kifuko cha kifuni, vito kumi na mbili vya thamani viliwekwa humo, na katika majina kumi na mbili ya kabila za watu wa Israeli yalikuwa yameandikwa juu yake.

Kazi ya Kuhani Mkuu ilijumuisha mambo yafuatayo: Alipaswa kupokea sadaka za kuteketezwa toka katika kusanyiko la wana wa Israeli, alizipitisha dhambi zao kwenda katika wanyama hao wa sadaka ya kuteketezwa kwa kuiweka mikono yake juu ya mwanasadaka huyo huku yeye akiwa kama mwakilishi wao, alimchinja mwanasadaka huyo, kisha akaitoa damu ya sadaka ya mnyama huyo kwa Mungu. Kwa maneno mengine, Kuhani Mkuu alihudumu ili kuondoa dhambi za watu kwa kuzitoa sadaka kwa mujibu wa sheria ya Mungu. Kuhani Mkuu aliiweka mikono yake juu ya mnyama wa sadaka ya kuteketezwa mbele za Mungu kwa niaba ya watu wa Israeli,

alimchinja mwanasadaka huyo na kuikinga damu yake, kisha aliiweka damu hii katika pembe za madhahabu ya sadaka ya kuteketezwa. Kisha aliichukua damu ya mnyama huyo wa sadaka na kisha kuingia nayo Patakatifu pa Patakatifu na kuinyunyuzia juu ya kiti cha rehema. Kisha nyama iliyosalia ya yule mwanasadaka itabebwa na kupelekwa nje ya kambi ili kuunguzwa kikamilifu (Mambo ya Walawi 16:3-28). Hivi ndivyo Kuhani Mkuu alivyoitoa sadaka. Kwa namna hii, yaani kwa kutoa sadaka ambazo zilimridhisha Mungu, Kuhani Mkuu alilitimiza jukumu lake la kuituliza ghadhabu ya Mungu. Kwa maneno mengine, Kuhani Mkuu alilitimiza jukumu la kuwa mwombezi kati ya watu wake na Mungu.

Vivyo hivyo, Yesu Masihi amefanyika kuwa Kuhani Mkuu wa Ufalme wa Mbinguni, na amekuwa ni Mwombezi kati ya Mungu na wanadamu. Kwa kuupokea ubatizo wake toka kwa Yohana Mbatizaji ambao kwa huo alizichukua dhambi zote za mwanadamu katika mwili wake, na kwa kuutoa mwili wake Msalabani na kusulubiwa, basi Masihi amewakomboa wanadamu wote toka katika dhambi na kifo. Katika kipindi cha Agano la Kale, ni Kuhani Mkuu ndiye aliyetoa sadaka iliyoziondoa dhambi za watu, lakini katika kipindi cha Agano Jipya, ni Masihi aliyekuja kwa jina la Yesu ndiye aliyeitimiza huduma ya Kuhani Mkuu wa milele ya kuzitoweshea mbali dhambi zote za mwanadamu (Waebrania, sura 7-9).

Na katika kipindi cha Agano Jipya, Mungu ameiweka huduma ya Kuhani Mkuu kwa wenye haki ambao wamesafishwa dhambi zao zote kwa ukweli uliofichika katika nyuzi za bluu, zambarau, na nyekundu. Na hii ndio maana kibamba cha dhahabu katika kilemba cha Kuhani Mkuu kilikuwa kimeandikwa "Utakatifu kwa Bwana." Vivyo hivyo, mavazi ya Kuhani Mkuu yanaonyesha kwa wazikabisa na kwa kina juu ya injili inayozisafishilia mbali dhambi zote za

mwanadamu.

Joho la Kuhani Mkuu lilikuwa limefumwa kwa nyuzi za bluu. Zaidi ya yote, hili joho la bluu linahusiana kabisa na ubatizo wa Yesu alioupokea. Wakati Kuhani Mkuu alipovaa mavazi yaliyokuwa yamefumwa kwa nyuzi za bluu, zambarau, na nyekundu, na nyuzi za dhahabu, basi mavazi yake yalikuwa na utukufu kwa kuwa rangi hizo nne zilionekana kwa wazi kabisa. Katika upindo wa lile joho la bluu, kulikuwa na picha ya makomamanga iliyokuwa imefumwa kuuzunguka huo upindo, pia njuga za dhahabu zilikuwa zimening'inizwa sambamba na makomamanga hayo. Katika kifungu hiki kikuu aya ya 33 inasema hivi, "Nawe katika pindo zake utatia makomamanga ya rangi ya samawi, na ya rangi ya zambarau, na ya rangi nyekundu, kuzunguka pindo zake kotekote; na njuga za dhahabu kati ya hayo makomamanga pande zote." Basi Kuhani Mkuu alipoingia katika Hema Takatifu la Kukutania na kuzitoa sadaka ajili ya watu wake, watu wa Israeli waliokuwa wamesimama nje waliweza kufahamu kwamba alikuwa akitoa sadaka kwa kusikiliza sauti ya hizo njuga.

Mambo haya yote yanahusiana sana na ukweli wa Agano Jipya wa injili ya maji na Roho, na mambo hayo yanakubaliana vizuri. Kile alichokifanya Kuhani Mkuu ilikuwa ni kuzisafishilia mbali dhambi za watu, na pia ilikuwa ni kuwafanya watu wayafahamu mapenzi ya Mungu kwa kumvika katika mavazi kama yale na katika kuyatimiza majukumu ya ukuhani. Katika kipindi cha Agano Jipya, watu wa Mungu ambao ndio makuhani wa leo wanafanya nini ili kuzisafishilia mbali dhambi za watu wengine? Ukweli ni kuwa ili waweze kulitenda jukumu kama hili, kwanza kabisa ni lazima wao wenyewe wapokee ondoleo la dhambi kwa kuamini katika injili ya maji na Roho inayodhihirishwa katika ufunuo wa nyuzi za bluu, zambarau, na nyekundu. Vivyo hivyo, mavazi ya Kuhani Mkuu

yanatuonyesha kwa wazi juu ya injili inayozisafishilia mbali dhambi zetu zote.

Pili, katika kipindi hiki, sisi wenye haki tunapaswa kuyafanya majukumu yetu ya ukuhani ili kuzisafisha dhamiri za watu kuhusiana na dhambi zao na kisha kuwapatia utakatifu. Hii ndio sababu kibamba cha dhahabu kilitengenezwa katika kilemba cha Kuhani Mkuu kikiwa na alama iliyosomeka "Utakatifu kwa Bwana".

Kibamba hiki cha dhahabu kilichokuwa na maandishi "Utakatifu kwa Bwana" kilikuwa kimeunganishwa na ule utepe wa bluu katika kilemba ambacho Kuhani Mkuu alikuwa amekivaa kichwani mwake. Watu waliweza kumtambua kwa urahisi kabisa Kuhani Mkuu; walimtambua kwa kuangalia katika kichwa chake ambapo waliweza kuona kibamba cha dhahabu na utepe wa bluu pamoja na mavazi yaliyokuwa yamefumwa kwa nyuzi za bluu, zambarau, nyekundu, nyuzi za dhahabu na nyuzi za kitani safi ya kusokotwa. Hii inatuonyesha kwamba Kuhani Mkuu aliifanya kazi ya kuzisafishilia mbali dhambi kwa nyuzi za bluu, zambarau, na nyekundu.

Ni Lazima Tuitii Hukumu ya Haki ya Watumishi wa Mungu

Kuhani Mkuu alipaswa kuyabeba majina ya wana wa Israeli katika kifuko chake cha hukumu cha kifuani kilichokuwa kimewekwa juu ya moyo wake wakati alipokuwa akiingia Patakatifu pa Patakatifu. Vivyo hivyo, sisi nasi tunapaswa kuzibeba nafsi za wenye dhambi wa ulimwengu wanaotaka kumpokea Mungu katika mioyo yetu, pia ni lazima tuwaombee. Pia Mungu alimweleza Musa kuweka vito viwili vya thamani vinavyoitwa Urimu na Thumimu katika kifuko cha kifuani

kilichokuwa kikivaliwa na Kuhani Mkuu. Aya ya 30 katika kifungu cha Maandiko ya leo kinasema, "Nawe utie hizo Urimu na Thumimu katika kile kifuko cha kifuani cha hukumu; nazo zitakuwa juu ya moyo wa Haruni, hapo atakapoingia ndani mbele ya Bwana; na Haruni atachukua hukumu ya hao wana wa Israeli juu ya moyo wake mbele ya Bwana daima."

Vito hivi vya thamani vya Urimu na Thumimu vina maanisha kimsingi kuwa ni "nuru na ukamilifu." Kwa maneno mengine, Mungu alikuwa amempatia Kuhani Mkuu moyo wenye uangavu ili aweze kuwahukumu watu wa Israeli kwa haki na kwa usahihi. Mungu alikuwa amempatia Kuhani Mkuu mamlaka na hekima ili kwamba aweze kutambua kilicho sahihi na kisicho sahihi katika maisha ya watu wake. Kuhani Mkuu alikuwa na jukumu la kuamua kilichosahihi na kisicho sahihi katika maisha ya kiroho ya Waisraeli.

Pia katika zama hizi, Mungu anautoa uwezo kama huo kwa kila mtumishi wa Mungu ili aweze kutambua jema na baya na pia ili kutambua ikiwa amepokea au hajapokea ondoleo la dhambi zake. Ndani ya uwezo unaotolewa na Mungu, watumishi wake wanaweza kufanya hukumu sahihi juu ya injili ya kweli, juu ya ondoleo sahihi la dhambi, njia ya haki na iliyo sahihi ambayo kwa hiyo wana wa Mungu wanapaswa kuishi, na ikiwa kila mtu amezaliwa tena upya au la. Hivyo, watu wote wa Mungu wanapaswa kuyatii maamuzi yake pamoja na uongozi wake. Watu wanapaswa kufahamu kwamba kitendo cha kukataa maamuzi ya msingi ya watumishi wa Mungu ni sawa na kuyakataa mapenzi ya Mungu. Hivyo, watu wa Israeli walipaswa kuyatii maamuzi na hukumu za watumishi wa Mungu, kama ilivyo kwa Makuhani Wakuu wa leo.

Vivyo hivyo, katika kipindi cha wakatu huu, Mungu amewakabidhi watumishi wake jukumu la kuamua "mema na mabaya." Kwa hiyo, ni lazima tuheshimu kile ambacho viongozi

wa Kanisa la Mungu wanafanya na kisha kuiunganisha mioyo yetu pamoja na kazi zao. Tunapaswa kutambua kwamba ni muhimu kwetu sisi kufuata maagizo yao na uongozi wao kwa imani toka ndani ya mioyo yetu. Hatupaswi kufikiria hivi, "Anafanya hivyo kwa kuwa amewekwa kuwa Kuhani Mkuu, lakini hatimaye yeye ni sawa na sisi." Baadhi ya watu wanaweza kufikiria hivi, "sipendi tabia ya mchungaji wangu! Mwonekano wake unatisha mno; na kwa sababu hiyo maamuzi yake pia yatakuwa na utakatili. Hivyo kwa kuwa ninaamini katika injili anayoihubiri, ukweli ni kuwa siwezi kukubaliana na maamuzi anayoyafanya kutokana na namna anavyofikiri. Pia ninaweza kuwa na dhumuni tofauti na lile alilonalo." Watu wanaweza kufikia hitimisho baya kama hili kwa kumwangalia Kuhani Mkuu kwa mtazamo wao wa kimwili. Lakini fikra na mitazamo kama hiyo inapaswa kuepukwa.

Tunapaswa kuwatii watumishi wa Mungu wanaoamini katika wokovu unaojifunua katika nyuzi za bluu, zambarau, na nyekundu kama vile tunavyomtii Mungu. Kwa nini? Kwa sababu maamuzi na hukumu zao hazitokani na mawazo yao yanafanywa kulingana bali imani na inayomfurahisha Mungu. Kwa lugha nyingine, kwa kuwa hukumu na maamuzi ya Makuhani Wakuu wa leo inafanywa katika mwanga na ukweli wa Mungu, basi maamuzi hayo pamoja na hukumu ni maamuzi ya Mungu mwenyewe. Ikiwa maamuzi yao yanafanywa pasipo hata ushawishi mdogo toka katika mawazo yao, na kwamba maamuzi hayo yamejikita katika Neno la Mungu na kwa mujibu wa imani yao katika injili ya maji na Roho, basi hukumu au maamuzi wanayoyatoa ni sahihi kabisa. Ikiwa maamuzi wanayoyatoa hayapishani na Neno la Mungu na mapenzi ya Mungu, basi tunapaswa kuamini kwamba maamuzi yao ni maamuzi ya Mungu.

Vivyo hivyo, ofisi ya Kuhani Mkuu ni ya muhimu sana kwa

maisha ya watu. Katika zama hizi kama ilivyokuwa katika zama za Agano la Kale, basi yeye anayewaongoza watu wa Mungu si mwingine bali ni Kuhani Mkuu. Katika Israeli, hakukuwa na mfalme mwingine ambaye angeliongoza taifa zaidi ya Kuhani Mkuu. Kwa kuwa mfumo wa kisiasa wa Israeli ulikuwa ni ule unaotawaliwa na Mungu, basi ndio maana watu wake wote walifuata maamuzi yaliyotolewa na Makuhani Wakuu. Sasa katika mambo ya kiroho, watu wa Mungu ni lazima pia waamini katika maongozi ya watumishi ambao Mungu amewaweka katika Kanisa lake kama ilivyo kwa Neno la Mungu na kuyafuata maongozi hayo pamoja na Neno la Mungu. Pia Makuhani Wakuu ni lazima wafanye maamuzi ya jambo lolote kwa mujibu wa mapenzi ya Mungu, kwa kufuata Neno la Mungu na majaliwa yake.

Kwa kweli mavazi ya Kuhani Mkuu yanatupatia mafunzo mengi sana. Kwanza ni lazima tufahamu maana za kiroho za nyuzi za bluu, zambarau, na nyekundu na nyuzi za dhahabu zilizotumika katika kutengenezea mavazi Tumekwishajifunza juu ya ukweli wa nyuzi za bluu, zambarau, na nyekundu. Kwa kupitia mavazi ya Kuhani Mkuu pia, Mungu ametueleza jinsi ukweli uliofichika katika nyuzi za bluu, zambarau, na nyekundu ulivyo muhimu kwa imani. Nyuzi hizi ni za muhimu sana kwa kuwa ni vitu vinavyoonyeshwa juu ya ondoleo la dhambi za watu. Kule kusema kwamba Bwana alikuja hapa hapa duniani, akabatizwa, na kuimwaga damu yake kunadhihirisha kwamba ni injili ya maji na Roho tu ndio inayoziondoa dhambi zote za kila mtu katika ulimwengu mzima. Kwa kuwa nyuzi za bluu, zambarau, na zimetufundisha kwamba injili ya maji na Roho ni Ukweli unaotupatia upatanisho kamili, basi ni muhimu kwetu sote kupata uelewa sahihi juu ya nyuzi hizi. Ikiwa tutaufahamu na kuuelewa vizuri ukweli huu, basi ni hakika kwamba

tutasafishwa dhambi zetu zote milele na kisha kupokea uzima wa milele. Hivyo, ni lazima tuwe na imani inayoamini katika Ukweli huu wa wazi uliotimizwa katika injili ya maji, damu, na Roho.

Ni Lazima Tuilinde Imani Yetu Katika Nyuzi za Bluu, Zambarau, na Nyekundu

Ikiwa hatuna ufahamu wa ukweli kama huo kuhusiana na nyuzi za bluu, zambarau, na nyekundu, basi ni hakika kwamba hatuwezi kuilinda injili halisi, na jambo baya kabisa ni kwamba injili hii inaweza hata kuharibiwa. Dini za ulimwengu huu zinaweza kujibadilisha kadri muda unavyozidi kwenda. Lakini kwa kupitia rangi za mavazi ya Kuhani Mkuu, Mungu ametuonyesha Ukweli halisi na usiobadilika wa nyuzi za bluu, zambarau, na nyekundu. Kwa kupitia mavazi ya Kuhani Mkuu, na kwa kupitia vyombo vyote vilivyomo katika Hema Takatifu la Kukutania, na kwa kupitia mfumo wa utoaji sadaka uliotolewa katika Hema Takatifu la Kukutania, basi ni dhahiri kwamba Mungu anafanya udhihirisho sahihi wa upendo wake na mipango yake kwetu sisi. Kwa hiyo, tunapaswa kuilinda imani yetu katika Ukweli huu wa kudumu ambao umetufikia kama injili ya nyuzi za bluu, zambarau, na nyekundu. Kitu ambacho hakipaswi kubadilika hata pale wakati unapobadilika ni imani vetu katika injili ya maji na Roho. Imani hii ndiyo ile inayoamini katika wokovu wa milele unaodhihirishwa katika nyuzi za bluu, zambarau, na nyekundu.

Tunawezeje basi kuruhusu injili hii ya nyuzi za bluu, zambarau, na nyekundu tunayoiamini kubadilika? Kama Mungu anatueleza kwamba ametuokoa toka katika dhambi kwa kupitia injili ya nyuzi za bluu, zambarau, na nyekundu, basi huu ndio ukweli halisi. Katika Agano la Kale, Mungu aliyatoweshea mbali makosa ya wenye dhambi kwa kuwekea mikono na kwa kuimwaga damu, na katika kipindi cha leo, Mungu amelitimiza ondoleo kamilifu la dhambi kwetu sisi kwa ubatizo wa Yesu alioupokea toka kwa Yohana Mbatizaji (Mathayo 3:15) na kwa kifo chake Msalabani. Mungu ameyatoweshea mbali makosa yote ya wenye dhambi wa ulimwengu huu wote kwa kupitia injili ya maji na Roho.

Jambo hili ni lenye uhakika kiasi hiki! Katika Biblia, dhahabu ina maanisha ni 'imani'. Hivyo, nyuzi za dhahabu zilizotumika pamoja na nyuzi za bluu, zambarau, na nyekundu katika mavazi ya Kuhani Mkuu kwa pamoja vinaonyesha juu ya kutotenganishwa kwa imani yetu katika injili ya maji na Roho. Kwa kuwa Mungu aliuanzisha mbinu inayozitoweshea mbali dhambi zetu zote na hajairuhusu kubadilika, basi hata pale tunapokabiliana na nyakati ngumu, ukweli ni kuwa tunabaki kuwa na amani. Hii pia ni kwa sababu ya Ukweli unaodhihirishwa katika nyuzi za bluu, zambarau, na nyekundu ambazo Mungu ametuonyesha.

Mkanda wa Kiunoni wa Kuhani Mkuu

Mkanda wa kiunoni ulikuwa ni moja ya mavazi ya Kuhani Mkuu. Mkanda huu ulivaliwa na Kuhani Mkuu katika ile naivera yake, mkanda huu pia ulikuwa umetengenezwa kwa nyuzi za dhahabu, bluu, zambarau, na nyekundu na kitani safi ya kusokotwa. Mkanda wa naivera ni alama ya nguvu. Kama Biblia inavyosema, "Basi simameni, hali mmejifunga kweli viunoni, na kuvaa dirii ya haki kifuani" (Waefeso 6:14) mkanda wa kiunoni wa Kuhani Mkuu unamaanisha ni nguvu zinazotoka katika imani katika Ukweli wa injili. Kwa maneno mengine, mkanda

huu unatueleza kwamba imani inayoamini katika Ukweli wa nyuzi za bluu, zambarau, na nyekundu na kitani safi ya kusokotwa unatuwezesha kuokolewa toka katika dhambi zetu zote. Hivyo, hakuna maana kuwamini katika injili nyingine zaidi ya ile iliyodhihirishwa katika nyuzi za bluu, zambarau, na nyekundu na kitani safi ya kusokotwa.

Wale wanaokosa katika mwili wanaweza pia kuoshelewa mbali dhambi zao zote kikamilifu kwa kuamini katika injili ya maji na Roho iliyotolewa na Bwana, hii ni kwa kuwa dhambi zote za ulimwengu zilipitishwa kwenda kwa Yesu Kristo kwa Ukweli wa ondoleo la dhambi uliotimizwa na Mungu (Mathayo 3:15; Mambo ya Walawi 16:1-22). Hivyo, wale wanaoamini kwamba matendo ya Yesu yaliyodhihirika katika nyuzi za bluu, zambarau, na nyekundu yamewaokoa, basi hao wanaweza kuwa na hakika hata kama nguvu ya dhamira yao ni dhaifu. Tunapodumu katika injili ya maji na Roho ambayo Yesu Kristo ambaye ni Kuhani Mkuu wa Mbinguni ametupatia, basi ni nani anayeweza kututenganisha sisi na upendo wa Kristo? Wokovu wake mkamilifu unaweza kuwa mali yetu pale tu tunapoamini katika Ukweli uliofunuliwa katika nyuzi za bluu, zambarau, na nyekundu na kitani safi ya kusokotwa.

Ili makuhani waweze kuyafanya majukumu yao ya kikuhani, ukweli ni kuwa hawapaswi kuyafuata mawazo mengine yoyote yale ya kibinadamu zaidi ya utaratibu wa sadaka ya kuteketezwa unaoonyeshwa katika Hema Takatifu la Kukutania. Vivyo hivyo, watumishi wa Mungu wa leo hawapaswi kuruhusu injili tofauti ambayo inaenda kinyume na ukweli wa injili kuota mizizi katika nafsi nyingi (Wagalatia 1:6, 9). Wale wanaofundisha injili za uongo kama hizo, haijalishi jinsi wanavyoweza kutoa vizuri mahubiri yao, ukweli ni kuwa watu wa jinsi hiyo hawawezi kutoa msaada wa kweli kwa nafsi zinazopotea kwa kuwa hawatoi ushuhuda sahihi wa injili ya

Mungu ya maji na Roho ambayo inadhihirishwa katika Hema Takatifu la Kukutania. Wao ni waongo na walimu wa uongo. Inapofikia kumwamini Yesu Kristo kama Kuhani Mkuu wa Mbinguni na Mwokozi wetu, kwa kweli hatuwezi kushindwa kuushukuru utaratibu wa sadaka ya kuteketezwa wa kuwekea mikono na wa kuimwaga damu uliodhihirishwa katika utaratibu wa Hema Takatifu la Kukutania. Tunapaswa kutambua kwamba katika ulimwengu huu kuna injili nyingi sana za uongo. Pia haijalishi ni nani anayeihubiri injili, ukweli ni kuwa ikiwa mtu anauhubiri Ukweli wa injili ya maji na Roho kwa kufuata Neno la Mungu, basi hapo tunapaswa kusikia na kuamini.

Sababu mojawapo inayoelezea kwamba ni kwa nini Ukristo wa leo una matatizo mengi ni kwa sababu kuna matapeli wengi sana wa kiroho wanaodai kuyatimiza majukumu yao ya kikuhani huku wakiwa hawaifahamu injili ya maji na Roho. Hatua ya kwanza kufanyika kuwa kuhani wa kweli mbele za Mungu ni kwa kuamini katika injili ya maji na Roho. Ni wale tu walio na imani kama hii ndio wanaoweza kutoa matoleo ya kweli kwa Mungu. Vivyo hivyo, wale wanaofahamu na kuamini katika injili ya maji na Roho wanaweza pia kuwapenda wengine. Unafikiri Kanisa la Mungu lipo kwa ajili ya kazi gani? Ninaweza kukwambia kwamba Kanisa la Mungu lipo kwa ajili ya kuieneza injili ya maji na Roho kwa wenye dhambi.

Tunapoamini kwa moyo wote katika Ukweli wa nyuzi za bluu, zambarau, na nyekundu zilizodhihirishwa katika Biblia, basi ni hakika kwamba tutaokolewa toka katika dhambi zetu na kufanywa wasio na dhambi. Amani ya kweli inapatikana katika mioyo yetu, na hatuwezi kwenda mbali na Mungu kwa kuamini katika injili ya maji na Roho. Tunaamini katika injili kamilifu, tunaishi kwa imani, na kwa sababu hiyo tutaingia katika Ufalme wa Bwana na kisha kuishi ndani yake. Bwana wetu ametuongoza kwenda katika amani, na kwa kuwaongoza watu

wote wa ulimwengu kwenda kwa Mungu, yaani kama vile kibamba cha dhahabu kilivyokuwa kimeandikwa katika kilemba cha Kuhani Mkuu "Utakatifu kwa Bwana," vivyo hivyo Bwana anawaangazia kwa mwanga wa kweli wa ondoleo la dhambi. Hivyo Mungu ametukabidhi kazi inayowawezesha watu wengine kupokea ondoleo la dhambi zao. Mungu ametukabidhi sisi tunaoamini katika injili ya nyuzi za bluu, zambarau, na nyekundu majukumu yaliyosawa na yale ya makuhani katika Agano la Kale.

Tunamshukuru sana Mungu kwa kuturuhusu kuzifanya kazi za thamani kama hizo chini ya mwanga wake mkamilifu wa kweli. Nilipolisikia Neno hili la injili nilijawa na furaha. Na nilipokuwa nikiisoma Biblia, basi injili hii ilinijia karibu na kwa uwazi kabisa. Baada ya hapo macho yangu ya kiroho yalifunguka, pia Roho Mtakatifu ndani yangu amenifundisha Neno la Mungu kwa kina. Nilifikia hatua ya kufahamu kwamba vifungu vyote vya Biblia vinaeleza kwa wazi kwamba injili ya maji na Roho ndiyo injili pekee ya kweli ambayo Mungu ametupatia. Katika zama za Agano la Kale, injili ilidhihirishwa katika nyuzi za bluu, zambarau, na nyekundu. Katika zama za Agano Jipya, mitume wote na waandishi wa Biblia walitueleza kwamba Yesu alipokea ubatizo akaimwaga damu yake ili kutuokoa kikamilifu toka katika dhambi. Ili tuweze kuivaa kanzu ya wokovu, basi tunapaswa kuamini katika injili ya maji na Roho, na wala hatuwezi kupokea ondoleo la dhambi toka kwa Bwana kwa kutoa sala zetu za toba. Injili ya maji na Roho ndio injili pekee na ya kweli.

Kuhani Mkuu alipaswa kuvaa mavazi yaliyokuwa yametengenezwa kama vile Mungu alivyoamuru. Kama ingelitokea Kuhani Mkuu alisumbuliwa na upendo wenye baridi kali, kisha akaamua kutoivaa ile kanzu ambayo Mungu alimwagiza na badala yake akavaa kanzu nzito ya aina nyingine,

basi ni hakika kwamba huyo Kuhani Mkuu angaliuawa mara moja. Ikiwa Kuhani Mkuu angeliingia Patakatifu pa Patakatifu huku akiwa amevaa kanzu iliyotengenezwa na kitani safi ya kusokotwa peke yake, basi pia angeliuawa mara moja. Kuhani Mkuu alipaswa kulivaa joho la bluu na naivera iliyokuwa imefumwa kwa nyuzi za dhahabu, bluu, zambarau, na nyuzi nyekundu.

Tunapofuata kwa usahihi kile ambacho Mungu amekipanga, basi ni hakika kwamba Bwana anatembea mbele yetu, anatuongoza, na anafanya kazi katika kila jambo maishani mwetu. Mungu alipanga kumtuma Masihi kwa ajili yetu na pia ameufunua mpango huu kwetu sisi. Ikiwa tunaiamini injili ya maji na Roho na kisha kuufuata mpango wa Mungu, basi ni hakika kwamba Bwana atafanya kazi katika maisha yetu. Na hii ndio sababu hatuwezi kupokea ondoleo la dhambi kwa kuyategemea matendo yetu, bali tunapokea ondoleo la dhambi kuamini katika mpango wa Mungu wa wokovu kwa unaodhihirishwa katika nyuzi za dhahabu, bluu, zambarau, na nyekundu zilizotumika katika mavazi ya Kuhani Mkuu.

Tunachopaswa kukifanya tukiwa makuhani wa Mungu ni kuamini katika kile ambacho Mungu amekipanga na kisha kukifuata kikamilifu. Hii ndio imani halisi. Kumtumikia Mungu kwa kuifuata mipango yetu midogomidogo si njia sahihi ya kumwamini Mungu. Inapofikia katika suala la jitihada zetu katika kuieneza injili ya maji na Roho katika nchi nyingine, basi ni vema tufahamu kwamba jambo hili haliwezi kufanikiwa kwa kuifuata mipango iliyoundwa na mwanadamu, lakini ukweli ni kuwa jambo hili linaweza kufikiwa kwa msaada wa Mungu unaotolewa kwa watu wake kwa kupitia imani. Haya ndiyo mapenzi ya Mungu. Tunapolifanya jambo fulani kwa imani, basi mambo mengine yaliyosalia yatashughulikiwa na Mungu. Tunapoyafahamu mapenzi ya Mungu na kisha kuieneza injili ya

maji na Roho, basi Mungu anaigusa mioyo ya wale wanaovisoma vitabu vyetu, na tunawafanya wapate uamsho, na kisha kuwafanya waamini katika injili ya maji na Roho, na kwa sababu hiyo wanayasahihisha mawazo yao potofu ili waweze kuamini kwa usahihi. Hatimaye wao nao watafikia hatua ya kuweza kuieneza injili ya maji na Roho.

Ili Tuweze Kuieneza Injili ya Maji na Roho, Basi Tunapaswa Kuiamini kwa Mioyo Yetu Yote

Nimesema kwamba kuieneza injili hakufanikiwi kwa sababu ya jitihada zetu binafsi, bali tunaweza kuihubiri injili kwa mafanikio ikiwa tu tutafanya hivyo kwa imani hali tukiwa tumeungana na mapenzi ya Mungu. Nafsi za watu haziokolewi kwa sababu ya jitihada na kujitoa kwetu, bali zinaokolewa pale tunapoyatafuta mapenzi ya Mungu kwa kuamini katika matendo yake na katika injili ya maji na Roho, na hapo ndipo majaliwa ya Mungu yanapotimizwa. Tunapaswa kuitumikia injili ya maji na Roho kwa imani. Katika nyakati za sasa, tunaihitaji kuwa na imani kama ile iliyokuwepo katika nyakati za Agano la Kale. Hivyo, hivi sasa, kama ilivyokuwa hapo zamani, wana wa Mungu ni lazima waieneze imani ya nyuzi za bluu, zambarau na nyekundu.

Tunapaswa kuamini na kuieneza nyuzi nyekundu pia na nyuzi ya zambarau, lakini kwanza tunapaswa kutambua kinachodhihirishwa katika ule uzi wa bluu—ambao ni ubatizo wa Yesu Masihi alioupokea. Tunapoueneza ukweli wa uzi wa bluu kwa waliopotea, tunaona kwamba wazi kwamba wanaweza kuielewa picha kamili ya Ukweli kwa urahisi na kisha kuwa na imani kwa ujasiri. Kwa nini? Ni kwa sababu Yesu Masihi alizichukua katika mwili wake dhambi zote za mwanadamu kwa

kubatizwa. Inapotokea kwamba watu, kwa kuamini katika ubatizo wa Yesu, wanafikia hatua ya kutambua kwamba Yesu amezioshelea mbali dhambi zao zote, basi hapo ndipo wanapofikia hatua ya kukiri kwamba pia Yesu alikufa Msalabani ili kulipa deni la dhambi zao zote. Kwa maneno mengine, watu wanafikia hatua ya kuziamini nyuzi nyekundu na za zambarau wakati wanapolifahamu na kuliamini fumbo la ubatizo ambao Yesu Masihi, ambaye ndiye kitu halisi cha nyuzi za bluu, aliupokea toka kwa Yohana Mbatizaji. Hapo ndio wanapofikia hatua ya kutambua, "Aah, Bwana alizichukua dhambi zetu zote kwa kubatizwa. Yesu Kristo ndiye Mungu wa kweli na Mwokozi wa wanadamu. Na huu ndio Ukweli halisi!"

Kwa watu wengi, imani katika nyuzi za zambarau, kwamba Yesu ni Mungu Mwenyewe, huwa inakuja kujuliakana baadaye. Tangu wakati tulipoanza kuamini kwamba Yesu ni Mwokozi, tulikiri kwamba, "Yesu ni Mungu kamili," lakini haya yalikuwa ni mawazo ya kinadharia tu. Ni hadi baadaye ndipo tulipofikia kuwa na imani thabiti katika mioyo yetu. Tunapolipokea ondoleo la dhambi kwa kuamini katika ubatizo na damu ya Yesu, basi hapo ndipo tunapofikia hatua ya kuwa na imani kwamba Yesu ni Mungu Mwenyewe, yeye aliye hai, anayetusaidia na kufanya kazi katika maisha yetu, na kwa sababu hiyo hatimaye imani yetu kwa Yesu inakua. Kwa hiyo, ili watu waweze kupokea ondoleo la dhambi, basi wanapaswa kuamini katika injili iliyoletwa na Mungu ya nyuzi za bluu, zambarau, na nyekundu.

Makuhani Wa Leo Wanapaswa Kukitumikia Kitu Gani?

Ni kitu gani ambacho Kuhani Mkuu alikifanya katika

Omba kitabu cha bure katika tovuti ya www.nlmission.com

Hema Takatifu la Kukutania? Ni mambo gani yaliyojidhihirisha kupitia utaratibu wa sadaka ya kuteketezwa? Mambo hayo yaliudhihirisha ukweli kwamba Masihi atazitoweshea mbali dhambi zetu zote kwa nyuzi za bluu, zambarau, na nyekundu. Hivyo watumishi wa Mungu katika zama hizi wanapaswa kuyarithi majukumu ya kihuduma kama hayo. Watumishi wa Mungu wanazitoweshea mbali dhambi za watu kwa kupitia injili ya maji na Roho.

Kuna watu wengi sana ambao wanajaribu kuunda injili ya namna yao. Ukweli ni kuwa injili ya jinsi hiyo haiwezi kuwa ya kweli kibiblia, na wala haiwezi kumwokoa yeyote. Watu wa jinsi hiyo ni wataalamu katika kuazima mafundisho ya mwanadamu toka hapa na pale na kisha kuyaweka pamoja. Lakini injili ya maji na Roho si kitu kinachotokana na kuunganisha pamoja mafundisho na nadharia mbalimbali za Kikristo.

Watu wanapokea ondoleo la dhambi kwa kuamini katika injili ya maji na Roho. Kwa maneno mengine, Neno ndilo msingi wa wokovu. Kuzioshelea mbali dhambi za watu kunawezekana kwa mujibu wa viwango alivyoviweka Mungu. Kiwango hiki ni injili ya maji na Roho. Hakuna hata mmoja anayeweza kuondolewa dhambi zake na kisha kupokea utakatifu nje ya injili ya wokovu. Ili kuoshelewa mbali dhambi zetu zote mbele za Mungu na kisha kupokea utakatifu kunawezekana kwa kumwamini Yesu tu aliyekuja kwa ubatizo katika Mto Yordani na kwa damu yake Msalabani akiwa ni Mwokozi. Ili watu waweze kuondolewa dhambi zao zote, basi wanapaswa kumwamini Yesu Kristo aliyekuja kwa nyuzi za bluu, zambarau, na nyekundu na kama Mwokozi kikamilifu. Hakuna njia nyingine inayoweza kuwafanya watu kupokea ondoleo la dhambi zao.

Na watumishi wa Mungu waliofanyika kuwa makuhani

wake ni lazima waamini katika injili halisi iliyoundwa kwa nyuzi za dhahabu, bluu, zambarau, na nyekundu zilizotumika katika mavazi ya Kuhani Mkuu. Ikiwa watumishi hao hawatauamini Ukweli huu, basi ni hakika kwamba hawawezi kufaa kuitwa watumishi wa Mungu. Watakuwa ni wanadini wa ulimwengu huu. Watakuwa wakiitumikia moja ya dini zao kati ya dini nyingi katika ulimwengu huu kwa kujisingizia kuazima jina la Yesu peke yake. Watumishi halisi wa Mungu ni lazima wawe na imani inayoamini katika Yesu Kristo aliyekuja kwa maji, damu, na kwa Roho kama Mwokozi. Hivyo, wanapaswa kuukiri ubatizo wake ili kwamba imani yao sahihi iweze kuudhihirisha mwanga wa Mungu wa Ukweli kwa uwazi zaidi. Ni wale wanaofanya hivyo tu ndio wanaokuwa watumishi wa Mungu na wale waliookolewa mbele za Mungu.

Wale wanaouacha ubatizo wa Yesu, Msalaba wake, au ule ukweli kwamba Yesu ni Mungu Mwenyewe, na wale wanaohubiri ufahamu kama huo kwa kuzingatia nadharia pasipo imani, basi hao wote ni watumishi wa Ibilisi ambao hawana lolote la kufanya pamoja na Mungu.

Siku hizi kuna watu wengi sana "wanaoitwa Wainjili" katika ulimwengu huu. Wanadai kwamba yeyote anayeamini katika Yesu anaweza kusafishwa dhambi zake zote kwa imani na hivyo kufanyika asiye na dhambi. Mara ya kwanza nilifikiria kwamba na wao wanauhubiri Ukweli wa nyuzi za bluu, zambarau, na nyekundu, lakini baadaye niligundua kwamba ilikuwa ni tofauti. Wao hawaihubiri injili ya maji na Roho, wao wanafikiria na kuamini kwama mafundisho waliyojitengenezea ndiyo injili ya kweli. Pamoja na kuwa wanajiita ni "Wainjili," ukweli ni kuwa wanazifuata nia zao wenyewe na mambo ya kidunia, ambapo lengo lao ni kuziridhisha tamaa zao.

Pia siku hizi kuna watu wengi sana wanoitwa Makuhani katika dunia hii. Lakini ni kwa nini wanakataa kuipokea injili ya

kweli inayowawezesha kuwa watakatifu? Wahafidhina wanajisifu na wana majivuno na kujiamini kupitia Neno lenyewe. Lakini ukweli ni kwamba hata watu wa jinsi hiyo si wahafidhina wa kiimani. Wakati Neno linapoidhihirisha kwa wazi injili ya maji na Roho, ni kwa nini basi wanauacha ubatizo wa Yesu katika imani yao? Kumbuka kwamba Nadabu na Abihu walikufa wakati walipotoa moto wenye kufuru mbele za Bwana Mungu. Wakati makuhani hawa walipotoa sadaka kwa namna iliyokuwa tofauti na ile aliyoagiza Mungu, basi moto ulishuka toka kwa Mungu na ukawaunguza hadi kifo (Hesabu 26:61).

Kuhani Mkuu aliuawa hata kwa kule kutovaa kanzu iliyokuwa imeamriwa na Mungu (aya ya 43). Haijalishi kadri wenye dhambi wanavyoweza kuleta damu ya sadaka zao za kuteketezwa katika Hema Takatifu la Kukutania, ukweli ni kuwa umaana wake unakuwepo ikiwa walikwisha iweka mikono yao juu ya vichwa vya wanyama hao wa sadaka. Pasipo imani hii inayoamini katika kuwekea mikono, ambao kwa hiyo waliziungama dhambi zao na makosa yao na kisha kuzipitisha kwenda kwa wanasadaka hao, basi ni dhahiri kwamba imani yao si sahihi hata kama wanaiamini damu kiasi gani. Pia haijalishi kwamba ni mara ngapi Makuhani Wakuu wameleta damu, walifungua pazia, na kuingia Patakatifu pa Patakatifu, na kisha kuinyunyuzia damu katika kile kiti cha rehema, ukweli ni kuwa ikiwa waliingia maeneo hayo pasipo kulivaa lile joho la "bluu" lililoamriwa na Mungu, basi makuhani hao watauawa. Kwa hiyo, wale wanaoshikilia dini na vikundi vya kiimani wanapaswa kuachilia mbali imani yao ya kizamani na kisha kuirudia injili ya kweli inayoweza kuwaongoza kwenda katika "nuru na ukamilifu," ambavyo ni "Urimu na Thumimu" (Kutoka 28:30).

Kimsingi, Mungu anafurahishwa na wale ambao, japo si wakamilifu, wanaamini na kulifuata Neno lake na mapenzi yake. Na hii ndio maana Mungu ametuita sisi tunaoamini katika injili ya maji na Roho. Pia Mungu ametukabidhi injili ya maji na Roho. Tunapoungana pamoja na kuieneza injili kwa imani, basi hapo ndipo Mungu anaturuhusu kuzifanya kazi njema kwa uendelevu.

Tunaamini kwamba majaliwa ya Mungu yatatimizwa hivi punde. Kwa kweli tuna furaha sana mbele za Mungu. Katika miili yetu tuna mapungufu mengi sana. Mimi ninafikiri mimi ndiye ninayeongoza kwa kuwa na hayo mapungufu kuliko wote. Ikiwa nitakiri kwa wazi mbele yenu, basi ni hakika kwamba uso wangu utageuka na kuwa mwekundu kwa sababu ya mapungufu mengi kwa upande wangu wa kibinadamu. Mapungufu yangu si ya muda au ya kitambu kifupi. Kadri muda unavyozidi kwenda, na kadri ninavyoendelea kuitumikia injili, ndivyo ninavyozidi kutambua jinsi nilivyo na mapungufu mbele za Mungu. Na ninapowaangalia watenda kazi wenzangu, pia ninaona kwamba wana mapungufu mwengi kama mimi, lakini wao ninaishukuru sana neema ya Mungu kwamba sisi sote bado tunaitumikia injili. Mungu ametufanya tuamini kwamba anatenda kazi ndani yetu ili tuweze kumtumikia na kumfuata kwa kuamini katika injili ya Mungu na mipango yake.

Bwana wetu anatukuzwa kupitia sisi ambao tuna mapungufu. Kadri tunavyozidi kuwa na mapungufu, basi ndivyo injili ya maji na Roho inavyozidi kung'aa katika mioyo yetu—ni kwa sababu ya mambo hay kwamba Mungu anatukuzwa. Tunapojitambua kwamba hatuna makosa basi ndivyo tunavyozidi kuwa na majivuno, na kwa sababu hiyo Mungu anaanza kukosa raha na sisi. Na haya ndiyo mapenzi ya Mungu anayetaka kupokea sifa kupitia sisi tusio wakamilifu.

Wewe na mimi tuna mapungufu sana. Tuna mapungufu kiasi gani? Kwa kweli ni kupita maelezo! Hata hivyo, kila mtu anayaona mapungufu aliyonayo katika hali tofauti, ni kama vile kina cha bahari au kina cha mto kilivyo tofauti na ufukweni. Wale wanaofahamu kwa hakika kwamba wana mapungufu

makubwa hao ndio wanaompenda sana Bwana zaidi, kwa kuwa wanatambua kwamba wanadaiwa sehemu kubwa na Bwana. Wale wanaoyafahamu mapungufu yao na wanaofahamu kwamba madeni yao makubwa yamefutwa wana kila sababu ya kumpenda Bwana zaidi. Na hii ndio sababu wanaifurahia injili ya Bwana zaidi, wanajivunia injili hiyo na wanaifuata kwa juhudi sana. Lakini wale wasioyafahamu mapungufu yao wanampenda Bwana kiasi, kwa kuwa wanadhani lile deni lililofutwa lilikuwa ni dogo sana na kwamba Bwana anatarajia mambo mengi na makuu toka kwao kwa sababu tu ya kulifuta lile deni dogo.

Sasa inawezekanaje basi kwa watu kama hawa wanayafahamu mapungufu yao kwa uchache kuja kutambua jinsi mapungufu yao yalivyo makuu? Kwa kweli hawawezi kulazimishwa kuelewa. Lakini kadri wanavyoitumikia injili kwa kuamini kwamba ni mapenzi ya Mungu kwa wao kuitumikia injili pamoja na kuwa wana mapungufu, basi hapo ndio mapungufu yao yatakapodhihirika baada ya muda si mrefu, na kadri mapungufu yao yatakavyozidi kudhihirika ndivyo na wao watakavyozidi kumpenda Mungu zaidi.


Kwa kweli haina maana kwa sisi kuyafahamu mapungufu yetu kwa nadharia tu. Tunaweza kuyatambua mapungufu yetu wakati tunapokabiliana na nyakati ngumu wakati tukijaribu kuitumikia injili. Na hii ndio sababu kadri tunavyozidi kumtumikia Bwana, ndivyo anavyozidi kuwa na thamani kwetu. Kwa kweli tunaweza kuwa na ujasiri kwa sababu ya Bwana, na tunatukukuzwa kwa sababu ya Bwana pia. Tunaweza kuishi kwa imani na kisha kujitoa kwa kazi iliyobarikiwa kwa sababu ya Bwana. Kwa kweli kama si Bwana na kwa ajili ya Bwana, basi mimi na wewe tungelikuwa ni bure kabisa.

Yohana Mbatizaji alisema, "Yeye hana budi kuzidi, bali mimi kupungua" (Yohana 3:30). Mungu ametupatia ondoleo la

dhambi na fursa zilizobarikiwa za kuitumikia injili yake. Uwepo wetu unapaswa kutumiwa kama vifaa ya kuieneza injili, na katika yote hayo ni Bwana tu ndiye anayestahili kupokea utukufu. Kwa kweli tunapaswa kuushukuru ule ukweli kwamba Bwana anatutumia sisi kama vyombo.

Tunamtolea shukrani zetu za dhati Mungu kwa kutupatia baraka yake ya kuyafanya majukumu ya Kuhani Mkuu. Yesu ni Kuhani wetu Mkuu wa mbinguni na Mchungaji Mkuu. Watumishi wake wote ni wachungaji wadogo wanaofuata kile ambacho Mchungaji Mkuu amekifanya kwa ajili yao. Wewe na mimi ni lazima tuliamini Neno la Mungu kwa ukamilifu kama lilivyo, na tunapaswa kutenda kwa mujibu wa Neno kama lilivyo, na kisha kulifuata kama lilivyoandikwa. Tunapaswa kuhudumu kwa usahihi kama Bwana alivyofanya. Tunapaswa kuiga sawasawa kile ambacho Bwana amekifanya, na pia tunapaswa kumwamini na kumfuta kikamilifu. Tunachopaswa kukifanya ni kuamini na kumfuata kama alivyotuamuru na kama alivyopanga kwa ajili yetu, na kisha kuieneza injili ya maji na Roho. Imani sahihi mbele za Mungu ni kulipokea Neno lake katika usafi wote na kisha kuihubiri injili ya maji na Roho kwa kuiamini.

Tunatoa shukrani zetu za dhati kwa Bwana wetu aliyefanyika kuwa Kuhani wetu Mkuu. \boxtimes





Unaweza Kupakua Vitabu vya Kikristo vya Mchungaji Paul C. Jong katika Kompyuta, Kompyuta-Kibao, au kwenye Simu-Mahiri

Utakatifu Kwa Bwana

< Kutoka 28:36-43 >

"Nawe fanya bamba la dhahabu safi na kuchora juu vake, mfano wa machoro va muhuri, MTAKATIFU KWA BWANA. Nawe ulitie hilo bamba katika ukanda wa rangi ya samawi, nalo litakuwa katika kile kilemba; litakuwa upande wa mbele wa kile kilemba. Nalo litakuwa katika kipaji cha uso cha Haruni, na Haruni atauchukua uovu wa vile vitu vitakatifu, watakavyovitakasa hao wana wa Israeli katika vipawa vyao vyote vitakatifu, nalo litakuwa katika kipaji chake cha uso sikuzote, ili kwamba vipate kukubaliwa mbele za Bwana. Na hiyo kanzu utaifuma ya kitani nzuri ya kazi ya urembo, ufanye na kilemba cha nguo ya kitani nzuri, nawe utafanya mshipi wa kazi ya mwenye kutia taraza. Kisha utafanya kanzu kwa ajili ya wana wa Haruni, nawe wafanyie mishipi, wafanyie na kofia kwa utukufu na uzuri. Nawe mvike huvo nduguvo Haruni na wanawe nao mavazi havo; nawe watie mafuta, na kuwaweka kwa kazi takatifu, na kuwatakasa, ili wapate kunitumikia mimi katika kazi ya ukuhani. Nawe wafanyie suruali za nguo ya kitani, ili kufunika tupu va miili vao; suruali hizo zitafika tangu kiunoni hata mapajani; na Haruni na wanawe watazivaa, hapo watakapoingia katika hema ya kukutania, au hapo watakapoikaribia madhabahu ili watumike katika mahali patakatifu; wasije wakachukua uovu, wakafa; hii itakuwa ni amri ya milele kwake yeye, na kwa wazao wake."

Kutoka 28:36 inasema, "Nawe fanya bamba la dhahabu safi na kuchora juu yake, mfano wa machoro ya muhuri, MTAKATIFU KWA BWANA." Bamba hili liliunganishwa pamoja na utepe wa bluu ili kwamba lisiweze kuanguka toka katika kilemba.

Mungu anatuonyesha nini kupitia kilemba hiki cha Kuhani Mkuu? Kilemba na yale mapambo yake vina maanisha kwamba Yesu Kristo alizichukua dhambi zetu zote kwa kupitia ubatizo wake alioupokea toka kwa Yohana Mbatizaji na kwa sababu hiyo amezisafishilia mbali dhambi zetu zote.

Kwanza kabisa ili tuweze kuishi kwa imani mbele za Mungu tunapaswa kumwamini Mungu. Na ili tuweze kuwa na imani katika ukweli, basi tunahitaji kuwa na ufahamu sahihi kuhusiana na Ukweli huo. Bwana wetu alituambia sisi sote kwamba, "Tena mtaifahamu kweli, nayo hiyo kweli itawaweka huru" (Yohana 8:32). Kumwamini Mungu si kitu kinachoweza kufanywa kwa kutumia hisia tu. Na hii ndio sababu imani yetu inapaswa kuwa na ufahamu wa Ukweli, baada ya ufahamu huu ndipo hisia zinaweza kufuata na kisha kufuatiwa na nia. Ili kufanya hivyo tunahitaji kuwa na imani inayofahamu kiusahihi na kuwamini katika ukweli unaodhihirishwa katika vifaa vilivyotumika katika kutengenezea nguo ya Kuhani Mkuu.

Katika kile kilemba kilichovaliwa na Kuhani Mkuu. kibamba cha dhahabu kilichokuwa kulikuwa na kimening'inizwa na kushikizwa na utepe wa bluu. Vifaa hivi vinatuonyesha kwa wazi ule ukweli kwamba Bwana alizichukua dhambi zetu zote katika mwili wake kwa kuja hapa duniani na kwa kubatizwa. Na ndio maana kifungu cha Maandiko cha leo kinasema, "Nalo litakuwa katika kipaji cha uso cha Haruni, na Haruni atauchukua uovu wa vile vitu vitakatifu, watakavyovitakasa hao wana wa Israeli katika vipawa vyao vyote vitakatifu" (Kutoka 28:38). Imani ambayo italitatua tatizo la dhambi kwa watu wa Israeli ilidhihirishwa katika kile kibamba cha dhahabu kilichokuwa mbele ya kile kilemba cha Kuhani Mkuu na kushikizwa katika ule utepe wa bluu.

Ubatizo wa Yesu ni wa Muhimu Kwa Wokovu wa Wanadamu Wote

Kama vile Kuhani Mkuu alipokuwa amekivaa kilemba kilichokuwa kimeunganishwa pamoja na lile bamba la dhahabu lililokuwa limebanwa katika ule utepe wa bluu mbele ya paji la uso wake, basi ikiwa wewe ni kuhani wa kiroho wa nyakati za sasa, basi hapo unapaswa kufahamu na kuamini kwamba Bwana alikuja hapa duniani, alibatizwa na Yohana Mbatizaji kwa namna ya kuwekewa mikono ambako kunawiana sana na utaratibu wa sadaka ya kuteketezwa wa Agano la Kale, na kwa sababu hiyo Bwana amezisafishilia mbali dhambi zako zote. Katika zama za Agano la Kale, Kuhani Mkuu alipaswa kutambua kwamba ni kwa kupitia sadaka ya kuteketezwa iliyotolewa kwa mujibu wa utaratibu wa sadaka ya kuteketezwa ndipo kila dhambi ilipoweza kutoweshewa mbali. Kwa upande mwingine, wewe na mimi tunaishi katika kipindi cha Agano Jipya tunapaswa kutambua kwamba kwa kuwa Bwana alibatizwa na Yohana Mbatizaji wakati alipokuja hapa duniani, basi ni hakika kwamba alizichukua dhambi zetu zote mara moja na kwa wote. Na kwa kuwa Yesu Kristo alibatizwa, basi dhambi zetu zote zilipitishwa kwenda kwa Yesu na Yeye alizichukua katika mwili wake dhambi zote za ulimwengu na kwa wote.

Kwa kupitia ubatizo huu, basi dhambi zote za kila mwanadamu katika sayari hii zilipitishwa kwenda kwa Yesu pasipo shaka. Hata dhambi za Yohana Mbatizaji, ambaye ni Kuhani Mkuu wa mwisho na mwakilishi wa wanadamu wote 2.54

zilipitishwa pia kwenda kwa Yesu, vivyo hivyo dhambi zote za ulimwengu zilipitishwa pia kwenda kwa Yesu.

Sasa ni aina gani ya imani ambayo tunapaswa kuwa nayo mbele za Mungu? Tunapaswa kuwa na imani halisi inayoamini kwamba Yesu Kristo alibatizwa na kisha kuzichukua dhambi za watu wote katika mwili wake. Sambamba na ufahamu wa Ukweli, pia tunapaswa kuwa na imani inayoamini katika Ukweli huu kwa mioyo yetu yote. Tunapofanya kazi na kuieneza injili ya maji na Roho kwa imani inayoamini katika Ukweli huu, basi ni hakika kwamba watu watasikia na kuuamini ukweli huu kwa mioyo yao yote, na kwa sababu hiyo watasafishwa dhambi zao zote na kuwa nyeupe kama theluji. Yesu Kristo ametoa ondolo la dhambi la kweli kwa wale wote wanaoamini katika Ukweli huu kwa mioyo yao yote.

Zaidi ya yote, makuhani wa leo wa kiroho wanapaswa kuwa na imani safi inayoamini katika injili ya maji na Roho. Ukweli ni kuwa pasipokuwa na ufahamu wa Ukweli huu pamoja na imani hii, basi ni hakika kwamba hatuwezi kuyatimiza majukumu yetu ya ukuhani wa kiroho. Kwa maneno mengine, wale walio na imani kama hii inayoamini katika Ukweli wa nyuzi za bluu, zambarau na nyekundu—yaani katika ukweli wa ondoleo halisi la dhambi— basi hao ndio wanaoweza kuyatenda majukumu ya ukuhani wao wa kiroho. Kwa maneno mengine, ni wale tu waliopokea ondoleo la dhambi kwa kuamini katika ubatizo wa Yesu Kristo pamoja na damu yake Msalabani ndio wanaoweza kuyatimiza majukumu ya kuieneza injili. Vivyo hivyo, kuwa na ufahamu sahihi juu ya Ukweli ni muhimu kwa kila kuhani wa kiroho. Na hii ndio maana Biblia inasema wazi kwamba, "Watu wangu wanaangamizwa kwa kukosa maarifa; kwa kuwa wewe umeyakataa maarifa, mimi nami nitakukataa wewe, usiwe kuhani kwangu mimi; kwa kuwa umeisahau sheria ya Mungu wako, mimi nami nitawasahau watoto wako" (Hosea

4:6).

Wakati Kuhani Mkuu alipokuja mbele za Mungu katika ile Siku ya Upatanisho, ukweli ni kuwa hakuweza kuingia Patakatifu pa Patakatifu pasipo kuvaa kilemba chake. Kuhani Mkuu alipaswa kukivaa kile kilemba kilichotengenezwa kwa kitani safi ya kusokotwa na kisha kuweka lile bamba la dhahabu lililoshikwa kwa utepe wa bluu mbele ya paji la uso wake kama ilivyokuwa imepangwa na Mungu. Kama ulivyokwisha thibitisha, nyuzi za bluu zinashuhudia juu ya ubatizo ambao Yesu aliupokea toka kwa Yohana Mbatizaji (Mathayo 3:15; 1 Petro 3:21).

Kila mtu hawezi kufanya lolote zaidi ya kutenda dhambi kila siku. Hivyo, kila mtu hawezi kukwepa kuhukuiwa na kuuawa na kisha kuangamizwa milele kwa ajili ya dhambi zake. Lakini Bwana alikuja hapa duniani, na akazichukua dhambi zote za mwanadamu katika mwili wake kwa kupitia ubatizo alioupokea toka kwa Yohana Mbatizaji. Kama vile Yesu alivyosema katika Mathayo 3:15, "Kubali hivi sasa; kwa kuwa ndivyo itupasavyo kuitimiza haki yote," kwa kupitia ubatizo huu, Mungu Baba alikuwa anataka kuzipitisha dhambi zote za wanadamu kwenda kwa Mwanae Yesu Kristo, na akaruhusu jambo hili kutokea. Kule kusema kwamba Yesu alibatizwa na Yohana Mbatizaji kuna maanisha kwamba Bwana alizipokea dhambi zote za ulimwengu katika mwili wake mara moja na kwa wote. Hivyo, dhambi zako na zangu pia zilipitishwa zote kwenda kwa Yesu wakati huo.

Kwa kuwa wote wamefanya dhambi, basi ndio maana wote wamepungukiwa na utukufu wa Mungu (Warumi 3:23). Biblia inasema, "Kwa sababu kama kwa kuasi kwake mtu mmoja watu wengi waliingizwa katika hali ya wenye dhambi" (Warumi 5:19). Kuna yeyote yule ambaye hatendi dhambi? Hapana, kwa kweli hapana! Sasa kama ni hivyo hatma yetu itakuwaje? Mungu

alisema kwamba ikiwa tuna dhambi yoyote ile, bila kujalisha jinsi dhambi hiyo ilivyotendwa, bila kujali kwamba ilitendwa kwa matendo, mawazo, au kwa moyo, ni hakika kwamba sisi sote tutaangamizwa kwa sababu ya dhambi hizo. Kwa kuwa Mungu alisema kwamba "mshahara wa dhambi ni mauti" (Warumi 6:23), ikiwa tutakuwa na dhambi hata kama ni ndogo kama vile mbegu ya haradali, ukweli ni kuwa bado tunapaswa kusafishwa dhambi hiyo. Wanadamu wote wametenda dhambi mbele za Mungu, na kwa sababu ya hii wanadamu wote hawawezi kukwepa kuhukumiwa kwa ajili ya dhambi hizo. Hata hivyo, kama vile Mungu alivyosema, "mshahara wa dhambi ni mauti" badi ndio maana alimfanya Mwanawe kubatizwa na kisha akaruhusu asulubiwe. Kwa kweli mshahara wa dhambi ni mauti. Sasa neno hili kifo lina maanisha nini? Kwa kweli neno hili kifo lina maanisha ni kuzimu.

Waehrania 9:27 inasema. "Na kama vile watu wanavyowekewa kufa mara moja, na baada ya kufa hukumu." Mungu anatueleza kwamba hukumu inatungojea mara baada ya kifo. Watu wote bila kujalisha kwamba ni wenye haki au ni wenye dhambi, bila kujalisha kwamba wamepokea hawajapokea ondoleo la dhambi, ukweli ni kuwa watu hao wote wataishi milele mara baada ya kifo cha kimwili. Kule kusema kwamba wanadamu waliumbwa kwa sura na mfano wa Mungu kunatueleza kwamba kwa kuwa Mungu anaishi milele, basi kila mmoja wetu ataishi milele pia bila kujalisha matakwa yake. Lakini unapaswa kukumbuka kwamba kuna aina mbili za maisha ya milele: moja ni maisha ya milele yaliyobarikiwa katika Ufalme wa Mbinguni, na maisha mengine ni yale yaliyolaaniwa huko kuzimu.

Yesu Kristo ni Kuhani Mkuu wa Mbinguni na wa milele. Alikuja hapa duniani kama Kuhani Mkuu wa Ufalme wa Mungu. Yesu alikuja hapa duniani akiwa kama Kuhani Mkuu wa Ufalme

Hii ndio maana Mungu aliweka sheria na kanuni kwamba Kuhani Mkuu alipaswa kukivaa kile kibamba cha dhahabu kilichokuwa kimechorwa maandisho yanayosema "UTAKATIFU KWA BWANA" mbele ya kile kilemba na kisha kulishikiza hilo bamba la dhahabu katika utepe wa bluu ili kwamba lisiweze kuanguka. Hii inatueleza kwamba kwa kuwa Yesu amezioshelea mbali dhambi zote za wanadamu kwa ubatizo wake, basi wale wanaoamini wanaweza kuupokea utakatifu katika mioyo yao na kisha kuweza kwenda mbele za Mungu.

Bamba la Dhahabu Litakuwa Mbele ya Kilemba

Kutoka 28:37 inasema, "Nawe ulitie hilo bamba katika ukanda wa rangi ya samawi, nalo litakuwa katika kile kilemba; litakuwa upande wa mbele wa kile kilemba." Kifungu hiki kina

Omba kitabu cha bure katika tovuti ya www.bjnewlife.org

maanisha kwamba tunapaswa kuwa na imani katika ubatizo wa Yesu. Tunapaswa kupokea ondoleo la dhambi kwa kufahamu na kuamini kwamba dhambi za ulimwengu zilipitishwa kwenda kwa Yesu Kristo. Je, ni makosa kusema kwamba Yesu alizichukua dhambi zetu zote wakati alipobatizwa? Kwa nini watu wanaangamizwa? Mimi na wewe hatuangamizwi na kuachwa na Mungu ati kwa sababu wewe na mimi tumefanya dhambi. Watu wanaangamizwa kwa sababu hawaamini katika Ukweli huu wa wazi na kwa sababu hiyo bado wana dhambi. Kwa kuwa Yesu Kristo alikuja hapa duniani na akazichukua dhambi zetu zote katika mwili wake mara moja na kwa wote kwa kubatizwa na Yohana Mbatizaji, na kwa kuwa dhambi zetu zilipitishwa kwenda kwa Yesu, basi ndio maana Bwana wetu alihukumiwa kwa haki kwa ajili yetu. Tunapaswa kuutambua ukweli huu kwa akili zetu na kisha kuuamini kwa mioyo yetu pia. Ni hapo tu ndipo ubatizo wa Yesu unapoweza kupandwa katika mioyo yetu ukiwa ndio imani yetu. Katika Biblia, dhahabu ina maanisha ni imani. Tunaweza kuingia Mbinguni kwa kuamini katika injili ya kweli.

Dini zote za ulimwengu huu kimsingi zinawafundisha wafuasi wao kuufikia uamsho wao binafsi. Kwa mfano, Ubuddha unawafundisha waamini wake kuisafisha mioyo yao kwa kufanya majaribio ya kujinyima anasa ili waweze kuingia katika Nivana. Kwa maneno mengine, lengo la Ubuddha ni kuweka mbali mawazo ya ndotoni ya kidunia kwa kujiingiza katika tafakari nzito ya kiimani na hatimaye kubadilika na kuwa mungu ndani ya nafsi ya mtu binafsi. Lakini ukweli ni kuwa hakuna hata mmoja anayeweza kulifikia jambo hili. Baadhi ya wanadini wanajaribu kubadilika na kuwa mungu katika nafsi zao kwa kujitenga na kukimbilia milimani. Kwa mfano, hata katika Ukristo mara baada ya kipindi cha Kanisa la Mwanzo, kuliibuka nyumba nyingi za utawa ambazo zililenga katika utakaso-binafsi.

Lakini mtu kujitenga kwa kwenda mlimani hakumaanishi kwamba mtu huyo hatatembelewa na mawazo machafu. Ni makosa makubwa kufikiria kwamba tukijitenga na ulimwengu na kisha kutokuwa na mawasiliano na wengine ndipo tunapoweza kuwekwa huru toka katika tamaa na hisia mbaya. Lakini kinyume na fikra hizo, miili yetu inaonyesha dhahiri kwamba kadri tunavyozidi kujitenga na wenzetu ndivyo tunavyozidi kugubikwa na matamanio mabaya na anasa za ulimwengu huu. Kwa kuwa tuna dhambi kama hizo katika mioyo yetu, basi ni vigumu kwetu sisi kuwa mbali na dhambi hata kama tutajitahidi kiasi gani. Ndio maana Yesu alisema, "Mimi ni njia, kweli na uzima." Bwana wetu ndiye Njia pekee kuelekea katika Ufalme wa Mbinguni. Yeye ni Ukweli. Na Yeye ni Uzima. Yesu ndiye Bwana wa uzima.

Watu wanachotaka kukiona na kukipata ni njia ya kuelekewa Mbinguni. Watu wanapaswa kuufahamu na kuuamini Ukweli kwa kina ili waweze kuitambua njia hii inayowaongoza kwenda katika Ufalme wa Mungu. Ukweli ni kwamba Mungu Mwenyewe alikuja hapa duniani akafanyika mwili wa mwanadamu na kwamba kwa kubatizwa na Yohana Mbatizaji; Yesu alizichukua katika mwili wake dhambi zote za wanadamu. Sisi sote tunaweza kuingia katika Ufalme wa Mungu kwa kuufahamu Ukweli huu na kwa kuamini kwamba dhambi zetu zote zimepitishwa kwenda kwa Yesu.

Kwa upande mwingine, ni vema tufahamu kwamba haiwezekani kuingia Mbinguni kwa kutegemea jitihada zetu, kwa lugha nyingine kwa kutegemea matendo yetu mema. Kwa nini? Kwa sababu hata kama tumetenda matendo mema kwa kiasi gani, ukweli ni kuwa kama tumevunja kanuni moja katika Sheria ya Mungu, basi hii itamaanisha kwamba tumeshindwa kulitii Neno lote la Mungu. Kwa kuwa hata kule kuivunja kanuni moja katika Sheria ya Mungu kuna maanisha kwamba mtu huyo

ni mwenye dhambi mbele za Mungu, basi kwa kweli haiwezekani kwa mtu huyo kwenda Mbinguni kwa kuyategemea matendo yake binafsi. Tunapaswa kuuamini ukweli huu, pia ni lazima tuzipitishe dhambi zetu zote kwenda kwa Yesu kwa kupitia ubatizo alioupokea toka kwa Yohana Mbatizaji. Yesu alizichukua dhambi zote za mwanadamu zikiwemo dhambi zako katika mwili wake. Hivyo, dhambi zako zote zinaoshelewa mbali pale tu unapozipitisha dhambi hizo kwenda kwa Yesu.

Ili kulifikia jambo hili, kwanza kabisa unapaswa kujichunguza ili kuona ikiwa kuna dhambi katika moyo wako au la, na pale utakapotambua kwamba kuna dhambi katika moyo wako, basi hapo unapaswa kuamini katika ondoleo la dhambi lililodhihirishwa katika nyuzi za bluu, zambarau, na nyekundu, na kwa sababu hiyo imani yako itakubaliwa na Mungu. Ni kwa kuamini katika sadaka ya kuteketezwa ya mwili wa Kristo ndipo tunapoweza kwenda Mbinguni baada ya kuwa tumeokolewa toka katika dhambi zote mara moja na kwa wote. Watu hawawezi kuingia Mbinguni si kwa sababu watu wamefanya dhambi, bali ni kwa sababu hawaufahamu na kuuamini ukweli halisi, ambao ni injili inayodhihirishwa katika nyuzi za bluu, nyekundu. Hatupaswi kusema kwamba zambarau. na hatufahamu kwa sababu ya ujinga wetu na kisha kujiweka mbali na Neno la Mungu, bali tunapaswa kuokolewa kwa kusikia na kuamini katika injili ya maji na Roho.

Kadri Kuhani Mkuu alivyomtumikia Mungu kwa kutoa sadaka kwa imani ili kuwatakasa watu wake, basi sisi nasi, ambao ni makuhani wakifalme wa leo, tunapaswa kuufahamu ukweli katika akili zetu na kisha kuukumbatia utakatifu wa Mungu katika mioyo yetu. Bila kujalisha ni lini na wapi, ukweli ni kuwa sisi tunapaswa kwanza kuvikwa utakatifu wa Mungu. Kibamba cha dhahabu kilichokuwa kimechorwa maneno

yasemayo 'Utakatifu kwa Bwana' kinapaswa kuwa katika vipaji vya nyuso zetu tukiwa kama Makuhani Wakuu.

Injili iliyodhihirishwa katika nyuzi za bluu, zambarau, na nyekundu na kitani safi ya kusokotwa ni ukweli wa ondoleo halisi la dhambi. Injili hii imeziondolea mbali dhambi zetu zote na imetufanya kuwa tusio na dhambi, watakatifu, na waliowekwa wakfu. Ni dhahiri-angavu kwamba dhambi zetu zilipitishwa kwenda kwa Yesu Kristo wakati alipobatizwa. Wale wanaomwamini Yesu wanaweza kupokea ondoleo la dhambi na kisha kuishi kwa imani kwa kuwa Yesu Kristo alizioshelea mbali dhambi zote mara moja na kwa wote. Zaidi ya yote, kadri tunavyoendela kuishi katika maisha yetu ya kiimani baada ya kuwa tumepokea ondoleo la dhambi zetu, basi hapo tunapaswa kutafakari na kuamini kwa kina jinsi injili hii ilivyo na umuhimu, na pia kufahamu jinsi ilivyo muhimu kwetu sisi katika maisha ya kiroho kuishi na kuifahamu injili ya ubatizo ambayo Yesu aliipokea toka kwa Yohana Mbatizaji.

Injili ya maji na Roho ni lazima ikae daima katika mioyo yetu. Kwa nini? Tunapaswa kuishikilia injili hiyo kwa kuwa tunafanya dhambi mara kwa mara kila siku. Miongoni mwa wasomaji wa vitabu vyangu, hakuna hata mmoja ambaye hafahamu kwamba Yesu aliibeba adhabu yote ya dhambi zetu kwa kubatizwa na kusulubiwa. Hata hivyo, lakini ukweli huu hauwezi kuwa na maana yoyote ikiwa tunauchukulia kuwa ni sawa na ufahamu wa kawaida. Tunapaswa kuutafakari ubatizo wake mara kwa mara kadri itakavyowezekana, kwa kuwa tunaweza kupata madoa ya dhambi kila siku. Kuwa na imani kama hii ni sawa na kuvuna nafaka na kuiweka ghalani na kisha kutumia nafaka hizo kama chakula chetu. Kwa maneno mengine, kutafakari juu ya injili ya kweli ya maji na damu ndio chakula cha kiroho kwa nafsi zetu. Na hii ndio maana Yesu alisema, "Basi Yesu akawaambia, Amin, amin, nawaambieni, Msipoula

mwili wake Mwana wa Adamu na kuinywa damu yake, hamna uzima ndani yenu. Aulaye mwili wangu na kuinywa damu yangu anao uzima wa milele; nami nitamfufua siku va mwisho" (Yohana 6:53-54).

Ni lazima tuithibitishe imani yetu katika ubatizo wa Yesu kila siku. Kwa makuhani wote, imani hii ni lazima iwe ndani yao kwa uthabiti. Ni mpaka watakapokuwa na imani kama hii ndipo wanapoweza kuudumisha wokovu wao, pia kuwafundisha wenye dhambi wengine ili nao kuokolewa. Je, huu sio ukweli? Kwa kweli ndio ukweli wenyewe! Tunachopaswa kila siku ni imani inayoamini katika ubatizo wa Yesu, yaani imani inayoamini katika Yesu aliyeibeba adhabu ya dhambi zetu zote.

Kilemba kilichokuwa kikivaliwa na Kuhani Mkuu hakiwezi kupatikana katika ulimwengu huu. Je, kuna kilemba chochote hapa duniani ambacho kina bamba la dhahabu linaloning'inia katika kilemba hicho huku likiwa limeshikizwa na utepe wa bluu? Kwa kweli kuna kilemba kimoja tu cha jinsi hiyo, na hicho ni kilemba cha Kuhani Mkuu. Na jambo hili linazungumzia juu ya ukweli wa ndani na wa kina kwetu sisi siku hizi: Makuhani wa kifalme wanapaswa kusimama imara katika imani kuhusiana na ubatizo wa Yesu. Pia hii inatuonyesha kwamba wewe na mimi tunaweza kuyatimiza majukumu yetu ya kikuhani pale tu tunapokuwa na imani thabiti katika ukweli huu.

Imani yetu katika ubatizo wa Yesu ni lazima iwe wazi na dhahiri kila siku. Yesu alisulubiwa hadi kifo kwa kuwa alikuwa amezichukua dhambi zetu katika mwili wake, kwa kuwa alikuwa amezichukua dhambi zetu wakati alipobatizwa, ndio maana aliweza kusema, "Imekwisha" (Yohana 19:30) mara kabla ya kufa Msalabani. Kisha alifufuka toka kwa wafu na akarudi tena kuwa hai. Kwa kuyafanya haya matendo ya haki, Yesu amezitoweshea mbali dhambi zetu zote kikamilifu na amefanyika kuwa Mwokozi wa milele kwa wale wote wanaomwamini Yeye.

Tunapaswa kuukumbuka ubatizo wa Yesu kila siku. Kwa nini? Kwa sababu maisha yetu yamejaa makosa mengi na mawaa. Je una mapungufu au la? Ukweli ni kuwa kadri muda unavyozidi kwenda ndivyo tunavyozidi kuona jinsi tulivyo na mapungufu katika nafsi zetu. Sasa katika hali kama hiyo bado hautaendelea kutoamini katika ubatizo wa Yesu na damu yake Msalabani?

Bamba la Dhahabu Lililokuwa Limechorwa "Utakatifu kwa Bwana"

Ni aina ipi ya imani inayotuwezesha kuwa wasio na dhambi na kuwa watakatifu? Ni imani ya nyuzi za bluu inayoamini katika ubatizo wa Yesu alioupokea toka kwa Yohana Mbatizaji. Dhambi zote za wanadamu zilipitishwa kwenda kwa Yesu kwa kuwa Yesu alikuwa amezipokea dhambi za mwanadanu kwa kubatizwa na Yohana. Tunapofikia hatua ya kuamini katika ubatizo wa Yesu kwamba alibatizwa ili kuzichukua dhambi zetu zote katika mwili wake, basi imani ya jinsi hiyo inatufanya sisi sote tupate uzoefu kwamba dhambi zetu zote zimetoweshewa mbali kwa imani. Wakati Yesu alipobatizwa na Yohana Mbatizaji, dhambi za mwanadamu zilipitishwa kwenda kwa Yesu. Sasa kwa kuwa dhambi za kila mmoja wetu zilipitishwa kwenda kwa Yesu, basi wale wanaouamini Ukweli huu wamesafishwa dhambi zao zote mara moja na kwa wote. Dhambi zao zimesafishwa kwa imani. Huku kusafishwa dhambi kunamaanishwa katika rangi ya bluu katika ule utaratibu wa Hema Takatifu la Kukutania. Kwa maneno mengine, dhambi za mioyo yenu zinatoweshewa mbali kwa imani pale unapoamini

katika ubatizo wa Yesu na kukiri kwamba, "Aah, dhambi zangu, dhambi zako, na dhambi za watu wote katika ulimwengu mzima zilipitishwa kwenda kwa Yesu Kristo." Basi ukiwa na imani kama hii ufahamu kwamba dhambi zako zote zimesafishiliwa mbali

Kabla haujaufahamu ubatizo huu ambao Yesu aliupokea toka kwa Yohana Mbatizaji, ni wazi kuwa moyo wako ulikuwa na dhambi. Kabla ya kuufahamu ukweli huu hakuna hata mmoja katika sayari hii ambaye amethibitishwa kwamba hana dhambi. Kila mmoja ana dhambi, na kwa sababu hiyo amefungwa kwenda kuzimu. Lakini ili aweze kuzitoweshea mbali dhambi zetu zote, Yesu alikuja hapa duniani akazipokea dhambi zetu zote katika mwili wake kwa kubatizwa. Ubatizo ambao Yesu aliupokea ni sawa na kule kuwekewa mikono katika utaratibu wa sadaka ya kuteketezwa wa Agano la Kale; dhambi za watu wa Israeli zilipitishwa kwenda kwa mnyama wa sadaka ya kuteketezwa kwa kuwekewa mikono. Hivyo tunaweza kuziona aya nyingi sana zinazozungumzia juu ya 'kuiweka mikono yake (au yao)' katika Agano la Kale, hasa katika kitabu cha Mambo ya Walawi.

Dhambi zako zilipitishwa kwenda kwa Yesu wakati alipobatizwa? Wakati Yesu alipobatizwa alisema, "Kubali hivi sasa; kwa kuwa ndivyo itupasavyo kuitimiza haki yote" (Mathayo 3:15). Neno "kwa kuwa" katka lugha ya Kiyunani ni "hutos" linalo maanisha 'kwa namna hii, ' 'kwa namna inayofaa, ' au 'hakuna njia nyingine zaidi ya hii. ' Hili neno linaonyesha kwamba Yesu alizichukua dhambi zote za mwanadamu katika mwili wake kwa kupitia ubatizo alioupokea toka kwa Yohana Mbatizaji. Kwa kuwa wakati Yesu alipozichukua dhambi zetu zote kwa kubatizwa ulikuw ni wakati wa maamuzi muhimu, basi ukweli ni kuwa siwezi kuusahau wakati huo. Ni lazima ukumbuke katika fikra zako hili Neno

ambalo limeandikwa kwa wazi maandiko ya asili. Unapaswa kuamini katika moyo wako na uanze kutafakari juu ya injili ya maji na Roho kila siku.

Tunaweza kufanyika wasio na dhambi na kisha kuingia katika Ufalme wa Mbinguni kwa kuamini katika mioyo yetu kwamba Yesu alizipokea dhambi zetu zote na akazisafishilia mbali kwa kupitia ubatizo wake. Je, tunaweza kuingia Mbinguni kwa njia nyingine zozote? Unaweza kufikiri kwamba utakuwa mnyenyekevu na muungwana utakapofikia umri wa uzee, lakini utashangaa kadri unavyozidi kuwa mzee ndivyo unavyozidi kuwa mbaya zaidi. Ikiwa unafikiri kwamba unaweza kuwa mwema zaidi na wenye nidhamu kadri muda unavyozidi kwenda, basi ni lazima utambue na ukubali kwamba huwezi kulifikia lengo au nia hiyo. Ukweli ni kuwa kadri tunavyozidi kukua kuelekea uzee, basi ndipo tunavyozidi kukosa subira na hata kukosa uwezo wa kuzitawala hasira zetu. Kama tungelipewa uwezo wa kufanya hivyo, basi pengine tungeliweza kuingia katika Ufalme wa Mbinguni kwa kuishika Torati kwa matendo yetu. Lakini kwa kuwa hatuna uwezo kama huo, ndio maana dhambi, uovu, na hasiri vinainuka ndani yetu.

Ninachojaribu kukisema hapa ni kwamba wokovu hauwezi kupatikana kwa matendo, bali unapatikana kwa imani tu. Waebrania 11:1 inasema, "Basi imani ni kuwa na hakika ya mambo yatarajiwayo, ni bayana ya mambo yasiyoonekana." Ukweli ni kuwa ingawa hatujamwona Mungu, ukweli utabaki kuwa Mungu yupo, na kwa kuwa huyu Mungu yupo hai, basi ni hakika kwamba anatenda kazi katika maisha yetu. Mungu aliuumba ulimwengu huu ambao hauonekani wote kwa macho yetu, na kwa kupitia Neno lake Mungu ametuonyesha Ukweli wake wa wokovu. Kwa kuamini katika ukweli huu wa wokovu katika mioyo yetu tunaweza kuokolewa toka katika dhambi zetu zote na kisha kuzisafishilia mbali dhambi zote za mioyo yetu.

Na hali hii bado inafanya kazi hata sasa. Hivyo, wenye dhambi ni lazima waokolewe hivi sasa kwa kuamini katika Ukweli huu ndani ya mioyo yao, wala hawapaswi kujaribu kuokolewa toka katika dhambi zao kwa kupitia matendo yao mema.

Sasa ule ukweli kwamba bamba la dhahabu liliwekwa mbele ya kilemba cha Kuhani Mkuu na kisha kufungwa kwa utepe wa bluu una maanisha nini? Ina maanisha kwamba tunapaswa kuifahamu injili ya maji na Roho na kisha kuiamini. Yesu alizichukua katika mwili wake dhambi zote za kila mtu kwa kubatizwa, alizichukua dhambi zako na zangu pia. Hivyo, Yesu ambaye ni Mwenyezi alizichukua dhambi zetu zote katika mwili wake kwa namna hii. Tunapaswa kuufahamu ukweli huu na kuuamini. Ni hadi pale tutakapolisikia Neno la Mungu kwa masikio yetu, na kulifahamu kwa akili zetu, na kisha kuliamini kwa mioyo yetu basi hapo ndipo mioyo yetu itakaposafishwa. Kwa kuwa tulitenda dhambi hapo kabla, na kwamba hatuwezi kujizuia zaidi ya kuendelea kutenda dhambi sasa na hapo baadaye, basi ndio maana Bwana wetu alikuja hapa duniani akazichukua dhambi zetu katika mwili wake kwa kubatizwa ili aweze kutuokoa.

Wakati Yesu alipozipokea dhambi za mwanadamu na kisha kuzioshelea mbali, basi hapo dhambi zako zilipitishwa pia kwenda kwa Yesu. Unaweza kuondolewa dhambi zako zote kwa kuuamini Ukweli huu. Tunapoamini katika ubatizo ambao Yesu Kristo aliyekuja hapa duniani aliupokea, basi wewe na mimi tunaweza kuoshelewa mbali toka katika dhambi zote katika mioyo yetu, pia tunaweza kufanyika watoto wa Mungu mwenyewe kwa kuamini kwamba Yesu Kristo aliibeba adhabu yote ya dhambi zetu. Hivyo, tunaweza kuzaliwa tena upya na kufanyika watoto wa Mungu kwa kuwa na imani inayoamini katika injili ya maji na Roho.

Suruali ya Kitani Safi ya Kuhani Mkuu

Mungu alimwamuru Musa kuitengeneza suruali ya kitani kwa ajili ya Kuhani Mkuu na kisha kumvisha suruali hiyo. Suruali hii ilipaswa kuanzia kiunoni hadi mapajani ili kufunika uchi wa makuhani. Kisha Mungu alisema kwamba ili kukwepa kifo, Haruni na wanawe walipaswa kuvaa suruali hizo wakati walipoingia katika Hema Takatifu la Kukutani au wakati walipoikaribia madhabahu ili kuhudumu katika ua wa Hema Takatifu la Kukutania, kisha Mungu akasema kwamba hii itakuwa ni sheria ya milele kwa Haruni na wazawa wake watakaofuatia baada yake.

Suruali hizi zilikuwa ni nguo za ndani zilizokuwa zikivaliwa ili kuficha uchi wa makuhani. Kuanika utupu au uchi mbele za Mungu ni kuuanika uchafu mbele zake, na kwa sababu hiyo mtu yeyote ambaye dhambi zake zinaanikwa mbele za Mungu atauawa. Na hii ndio sababu Mungu aliwaamuru makuhani wake kuuficha utupu au uchi wao. Kwa maneno mengine, Mungu anatueleza kuzifunika dhambi zetu na uchafu wetu kwa imani inayoamini katika injili hii kamilifu ya haki yake.

Sasa je, suruali nyeupe za kitani za Kuhani Mkuu ni vitu gani? Ni imani inayoamini katika haki ya Mungu. Ni Ukweli wa wokovu mkamilifu ambao kwa huo Mungu ametufanya sisi kuwa wasio na dhambi. Yesu Kristo ambaye yeye Mwenyewe ni Mungu (nyuzi za zambarau) alikuja hapa duniani, alibatizwa (nyuzi za bluu), aliimwaga damu yake na kufa Msalabani (nyuzi nyekundu), alifufuka tena toka kwa wafu na kwa sababu hiyo ameukamilisha wokovu wetu kikamilifu. Kitendo cha kuamini kwamba Mungu amezitoweshea mbali dhambi zetu zote kwa ubatizo wake na kwamba alihukumiwa kulipa mshahara wa dhambi zote kwa niaba yetu ni sawa na kuvaa suruali za kitani

za wokovu katika mioyo yetu. Tunaweza kuokolewa kikamilifu toka katika dhambi na kwamba tunaweza kufanyika watoto wa Mungu na kisha kuingia katika Ufalme wa Mungu kwa kuamini katika mioyo yetu.

Njia pekee ya kuweza kuusafisha uchafu wa mioyo yetu ni kwa kuamini katika ubatizo wa Yesu alioupokea na damu yake Msalabani. Kimsingi, imani ya nyuzi za bluu, yaani kwamba Yesu alizipokea dhambi zote kwa ubatizo wake, ni ukweli wa msingi kuhusiana na wokovu wetu unaozisafishilia mbali dhambi zetu zote, na ni kwa kuamini katika imani hii ndipo tunapoweza kuufunika uchafu wetu wote. Tunawezaje basi kwenda mbele za Mungu pasipo kusita bila kujalisha mapungufu yetu na makosa? Ukweli ni kuwa hii inawezekana pale tu tunapoamini katika haki ya Mungu inayofunika uchafu wetu wote kikamilifu. Tunaweza kuufunika uchafu wetu wote kwa imani inayoamini kwamba Mungu ametuokoa kwa maji na kwa damu, yaani kwa nyuzi za bluu, zambarau, na nyekundu. Yesu alikuja hapa duniani, akatufanya kuwa wenye haki kikamilifu kwa matendo yake ya haki, na kwa sababu hiyo amefanyika kuwa Bwana wa wokovu wetu wa kudumu. Ni kwa kuamini katika ukweli huu ndipo tunapoweza kufikia hali ya kutokuwa na dhambi. Tunaweza kuikwepa adhabu ya dhambi kwa kuamini katika matendo ya haki ya Mungu, ambayo kwa kupitia matendo hayo Mungu anatupenda na ametufanya kuwa tusio na dhambi. Tunaweza kupokea uzima wa milele kwa kuamini katika wokovu huu wa Mungu na wa haki katika mioyo yetu.

Tunafanya dhambi kila siku. Hivyo ni lazima tutambue kwamba yeyote anayekuja mbele za Mungu pasipo kuvaa suruali nyeupe ya kitani ya wokovu wa Mungu ambao umezitoweshea mbali dhambi zetu zote kwa nyuzi za bluu, zambarau, na nyekundu, basi mtu huyo atauawa. Aina ya imani inayotulinda tusife tunapokwenda mbele za Mungu si nyingine

bali ni imani inayoamini katika haki ya Mungu. Imani hii inayoamini katika haki ya Mungu ni imani inayoamini katika injili ya maji na Roho. Kwa kuwa Mungu ametueleza kuzivaa suruali nyeupe za kitani kama hizo, basi ni lazima tuzipate suruali hizo na kuzivaa ambazo ni suruali za ondoleo la dhambi la kweli kwa imani katika mioyo yetu.

Tunapokwenda mbele za Mungu hali tukiwa na imani hii, ni hakika kwamba hatutauawa. Kwa hiyo, kinachodhihirishwa katika mavazi haya ya Kuhani Mkuu ni kuhusiana na ukweli wa injili ya maji na Roho. Hakuna vazi la Makuhani Wakuu ambalo halina maana ya kiroho. Sisi, ambao ni Makuhani Wakuu wa leo hatuwezi kuondoa moja ya mavazi ambayo Mungu aliamuru tuyavae. Nini kitatokea ikiwa Kuhani Mkuu atayavaa mavazi yote na kisha kutovaa surali ya kitani? Ni hakika kwamba atauawa. Kwa watu wa kawaida haijalishi ikiwa wanavaa surali hizi za kitani au la, maana hiyo ni uchaguzi wao, lakini kama Makuhani Wakuu wasipovaa suruali hizo, ni hakika kwamba watauawa, hii ni kwa sababu uchi na utupu wao wenye aibu—yaani dhambi zao na uchafu wao—zitakuwa hazijafunikwa kikamilifu.

Nini kitatokea ikiwa hatutakuwa na aina ya imani inayoamini katika wokovu wake mkamilifu kwa mioyo yetu yote mbele za Mungu? Nini kitatokea ikiwa tunakwenda mbele za Mungu pasipo kuamini katika mioyo yetu kwamba Mungu ametufanya sisi kuwa wasio na dhambi, na pasipo kuvaa mavazi ya wokovu wetu katika mioyo yetu? Ni dhahiri kwamba tutabakia kuwa ni wenye dhambi. Kwa kuwa 'mshahara wa dhambi ni mauti, ' basi wenye dhambi ambao dhambi zao hazijaondolewa ni lazima wahukumiwe, wauawe, na kisha kutupwa katika moto wa milele wa kuzimu. Hii ndio sababu kwamba mioyo yenu inapaswa kuyavaa mavazi ya wokovu ambayo Mungu amewaandalia. Tunaweza kuingia katika

Ufalme wa Mungu kwa kuamini katika ukweli unaodhihirishwa katika nyuzi za bluu, zambarau, na nyekundu.

Na hii ndio maan Biblia inaeleza kwamba dhahabu, ambayo haiwezi kushika kutu na kitu chenye thamani sana ina simama kumaanisha 'imani.' Katika Biblia, dhahabu ina maanisha ni imani, wakati shaba ina maanisha ni adhabu. Tunaweza kuuona ukweli kwamba nyuzi za dhahabu zilitumika mara kwa mara katika kuyatengeneza mavazi ya Kuhani Mkuu. Hii ina maanisha kwamba tunapaswa kuishika imani thabiti katika injili hii ya wokovu mkamilifu. Nakusihi uamini katika Ukweli unaodhihirishwa katika nyuzi za bluu, zambarau, na nyekundu. Mungu alisema kwamba hii itakuwa ni amri ambayo tunapaswa kuishikilia milele.

Wewe na mimi tunapaswa kuuamini Ukweli huu pasipo makosa katika akili zetu na mioyo yetu. Imani ya kweli ni lazima iendane na ufahamu wa kweli, na mawazo na matendo ya kweli. Je, una aina hii ya imani na ukweli? Je, unaamini kwa kweli katika ukweli uliodhihirishwa katika nyuzi za bluu, zambarau, na nyekundu kwa moyo wako wote? Unaamini kwamba Mungu anakupenda, na kwamba alizitoweshea mbali dhambi zako zote kwa kubatizwa kwake, na kwa kuimwaga damu yake, na kisha kufufuka tena toka kwa wafu? Ikiwa unauamini Ukweli huu, basi hii ina maanisha kwamba umeuvika moyo wako kwa mavazi ya wokovu.

Mungu aliwakemea watu wa Israeli kwa kupitia Mtume Paulo akisema, "Kwa maana, wakiwa hawaijui haki ya Mungu, na wakitaka kuithibitisha haki yao wenyewe, hawakujitia chini ya haki ya Mungu" (Warumi 10:3). Mungu anawachukia wale wanaojaribu kujivunia haki binafsi kwa matendo yao mema yanayoonekana. Wale wote wasioyaamini matendo mema ambayo Mungu ameyafanya kwetu sisi kutokana na upendo wake wataangamizwa wote. Unaamini katika nini? Unaamini

katika haki ya Mungu, au unaamini katika haki yako binafsi? Je, unaamini kwa hasa kwa moyo wako wote kwamba Mungu anakupenda, na kwamba amezitoweshea mbali dhambi zako zote kwa ubatizo wa Yesu na damu yake Msalabani? Je, unauamini Ukweli huu, je, unajikabidhi katika Ukweli huo? Je, ni kweli kwamba unaushikilia Ukweli huu katika moyo wako na kuuamini? Au bado unajaribu kupokea ondoleo la dhambi zako kwa kujaribu kuwa mwema kwa jitihada zako binafsi?

Kimsingi, unapaswa kuishi maisha ya wema. Baada ya kuzaliwa tena upya, unapaswa kuishi maisha ya wema zaidi. Hata hivyo, katika Roho Mtakatifu, unapaswa kwanza kutambua jinsi maisha mema yalivyo. Biblia inasema, "Bali ninyi ni mzao mteule, ukuhani wa kifalme, taifa takatifu, watu wa milki ya Mungu, mpate kuzitangaza fadhili zake yeye aliyewaita mtoke gizani mkaingie katika nuru yake ya ajabu" (1 Petro 2:9). Kwa makuhani wa leo wa Mungu, kuishi maisha ya wema ni kuitumikia injili halisi.

Kwa kweli ni huzuni sana kwa wale wasioamini katika injili hii na katika upendo wa Mungu kwetu, yaani wale wasio amini kwamba Mungu amezitoweshea mbali dhambi zao zote kwa kupitia ubatizo wa Yesu na damu yake Msalabani!

Wakati fulani kulikuwa na kikundi cha wavuvi ambao chombo chao kiligonga mwamba na ambao walifaulu kufika katika mlango wa Mto Amazoni baada ya siku 10 za kushindana na dhoruba na mawimbi ya bahari isiyo na mipaka. Wavuvi hao wote walichoka sana kutokana na kutokunywa maji kwa siku hizo 10. Hatimaye waliwasili mahali ambapo maji baridi yaliweza kupatikana. Hata hivyo, mlango wa mto huu ulikuwa ni mpana sana kiasi kuwa hawakufahamu ikiwa walikuwa wanaelea juu ya maji yanayoweza kunyweka. Na kutokana na kutofahamu, wavuvi hao wote waliuawa kwa kuchoka wakiwa juu ya maji tele. Kwa kweli walipaswa kuonewa! Tukikiangalia

kisa hiki katika mtazamo wa kiroho, tutaona kwamba karibu watu wote wa kizazi hiki wanapambana sana dhidi ya dhambi zao, wamechoka kiroho huku wakiwa hawatambui kwamba wakati wote dhambi zao zote zilikuwa zimeshatoweshewa mbali kwa kupitia ubatizo wa Yesu na damu yake aliyoimwaga Msalabani.

Kwa kuwa Mungu anakupenda wewe na mimi, basi ndio maana ameyakamilisha matendo ya haki ya kuzitoweshea mbali dhambi zetu zote. Tunaweza kuingia katika Ufalme wa Mungu kwa kuuamini Ukweli huu. Imani hii inatuwezesha kuzaliwa tena upya. Kuzaliwa tena upya maana yake ni kuzaliwa tena upya kama watoto wa Mungu; ingawa tulizaliwa wakati fulani tukiwa wenye dhambi, tulifanyika kuwa wenye haki kwa matendo ya Roho Mtakatifu wakati tulipokiri na kuamini katika injili ya maji na Roho. Tunaweza kuingia katika Ufalme wa Mungu kwa kuzaliwa na kuwa wasio na dhambi kwa namna hii.


Je, umeivika nafsi yako kwa mavazi mema ya wokovu wa Mungu? Je, umeifanya nafsi yako kuiamini injili hii? Jambo la muhimu ni ikiwa unaamini au hauamini katika injili hii halisi katika moyo wako. Unapaswa kuamini katika Neno la Mungu linalofundishwa kwako na wale waliopokea ondoleo la dhambi zao kabla yake badala ya wewe kujaribu kuutambua Ukweli kwa kutegemea jitihada zako binafsi kwa kufuata mafundisho ya ulimwengu huu wa kimwili. Injili ya kweli si kitu unachoweza kukifahamu toka katika kichwa chako, bali ni kitu ambacho unapaswa kuamini kwa moyo wako. Ni lazima uingie Mbinguni kwa kuamini katika injili hiyo. Kaka zangu na dada zangu, kwa kweli ni baraka kubwa kiasi gani ambayo Mungu ametupatia kupitia Mwanae Yesu Kristo? Mungu ametufanya kuwa watoto wake kwa kuzitoweshea mbali dhambi zetu zote kwa kupitia sadaka ya Mwanawe pekee.


Watu wa ulimwengu huu wanapenda kufanya lile lililo la

haki na kwa sababu hiyo wanawaheshimu wale wanaofanya mambo mema. Je, matendo ya Yesu likiwemo lile la kujitoa Mwenyewe kama sadaka kwa ajili ya wanadamu wote si ndio matendo ya haki zaidi? Injili ya maji na Roho haijaundwa na mwanadamu. Injili hii moja ya matendo mema na ya haki ambayo Mungu ameyatimiza maalum kwa ajili yetu. Kwa kuwa Yesu alibatizwa na kusulubiwa Msalabani kwa ajili ya watu wote wa ulimwengu huu, basi ndio maana tunamtambua kuwa ni Mwokozi wetu wa kweli. Haijalisi ni lini na wapi, ukweli ni kuwa kuna Mtu mmoja tu mwenye haki na huyo ni Yesu Kristo pekee. Kwa kweli hakuna hata mmoja ambaye ni mwenye haki katika sayari hii isipokuwa kwa kupiia Yesu Kriso.

Je, mnataka kuwa wenye haki? Ninyi nyote mnaweza kuwa wenye haki kwa kuamini katika tendo jema la Mungu ambalo amelifanya kwa ajili yenu. Kazi ya haki ya Mungu si nyingine bali ni injili ya maji na Roho. Mwamini Yesu ambaye amefanya tendo hili jema. Mungu amezitoweshea mbali dhambi zetu zote kwa kuwa ametupenda. Tunapoupokea upendo wake wa Ukweli huu kwa imani, basi hapo tunaweza kuwa watakatifu kama vile Mungu alivyo mtakatifu. Mungu alisema, "Basi mtakuwa watakatifu, kwa kuwa mimi ni Mtakatifu" (Mambo ya Walawi 11:45). Kwa kweli Mungu ametueleza kuishi maisha yetu ya kiimani kwa imani. Je, unaamini kwa moyo wako wote katika tendo hili la haki la Yesu ambalo limekuokoa kikamilifu toka katika dhambi zako zote? Ninaamini kwamba kazi kuu zaidi ya haki katika ulimwengu huu imekwisha kutimizwa na sadaka ya milele ya Bwana wetu. Ninaamini kwamba kazi hiyo imetimizwa kwa kupitia ubatizo ambao Yesu aliupokea, damu yake Msalabani, na ufufuo wake toka kifo.

Ninamshukuru Mungu kwa imani yangu ambayo alinipatia kupitia Neno lake la kweli. \boxtimes





Unaweza Kupakua Vitabu vya Kikristo vya Mchungaji Paul C. Jong katika Kompyuta, Kompyuta-Kibao, au kwenye Simu-Mahiri

Kifuko cha Kifuani cha Hukumu

< Kutoka 28:15-30 >

"Nawe utafanya kifuko cha kifuani cha hukumu, kazi va fundi stadi; utakifanya kwa kuiandama ile kazi ya hiyo naivera; ya nyuzi za dhahabu, na za rangi ya samawi, na za rangi ya zambarau, na nyekundu, na kitani safi yenye kusokotwa, ndivyo utakavyokifanya. Kitakuwa mraba, tena cha kukunjwa; urefu wake utakuwa shibiri moja, na upana wake shibiri moja. Nawe ukijaze viweko vya vito, safu nne za vito; safu moja itakuwa ni akiki, na vakuti ya rangi ya manjano, na baharamani, hivi vitakuwa safu ya kwanza; na safu ya pili itakuwa zumaridi, na yakuti samawi, na almasi; na safu ya tatu itakuwa hiakintho, na akiki nyekundu, na amethisto; na safu ya nne itakuwa ni zabarajadi, na shohamu, na yaspi; vito hivyo vitakazwa ndani ya dhahabu kwa kujaa mahali pake. Na vile vito vitakuwa sawasawa na majina ya wana wa Israeli, kumi na viwili, sawasawa na majina yao; mfano wa kuchora kwa muhuri kila kimoja sawasawa na jina lake, vitakuwa vya hizo kabila kumi na mbili. Nawe utie katika kile kifuko cha kifuani mikufu mfano wa kamba, ya kazi ya kusokotwa, ya dhahabu safi. Nawe utie pete mbili za dhahabu katika kile kifuko cha kifuani, na kuzitia hizo pete mbili katika ncha mbili za kifuko cha kifuani. Nawe utie hiyo mikufu miwili ya dhahabu iliyosokotwa katika zile pete mbili zilizo katika ncha za kifuko cha kifuani. Na ncha zile nyingine za hiyo mikufu miwili ya kusokotwa utazitia katika vile vijalizo

viwili, na kuvitia katika vile vipande vya mabegani vya naivera upande wa mbele. Nawe utafanya pete mbili za dhahabu, uzitie katika hizo ncha mbili za kifuko cha kifuani, katika ukingo wake, ulio upande wa naivera ulio ndani. Nawe fanya pete mbili za dhahabu, na kuzitia katika vile vipande viwili vva mabegani vva ile naivera chini vake, upande wa mbele, karibu na kifungo chake, juu va huo mshipi wa naivera uliosukwa kwa ustadi. Nao watakikaza kile kileso kwa zile pete zake kwenye pete za naivera kwa ukanda wa rangi ya samawi, ili kwamba kikae pale juu ya ule mshipi wa naivera uliosukwa kwa ustadi, ili kwamba kifuko cha kifuani kisiachane na naivera. Na Haruni atayachukua majina ya wana wa Israeli katika kile kifuko cha kifuani cha hukumu juu ya moyo wake, hapo atakapoingia ndani ya mahali patakatifu, kuwa ukumbusho mbele ya Bwana daima. Nawe utie hizo Urimu na Thumimu katika kile kifuko cha kifuani cha hukumu; nazo zitakuwa juu ya moyo wa Haruni, hapo atakapoingia ndani mbele ya Bwana; na Haruni atachukua hukumu ya hao wana wa Israeli juu ya moyo wake mbele ya Bwana daima."

Hebu sasa tukiangalie kifuko cha kifuani ambacho Kuhani Mkuu alikitumia katika kuwahukumu watu wa Israeli. Kifungu cha maandiko hapo juu kinatueleza kuwa kifuko cha kifuani cha hukumu kilitengenezwa kwa kitambaa kilichokuwa na mraba unaolingana kwa vipimo kwa urefu na upana wake. Kitambaa hiki kilikuwa kimefumwa kiujuzi kwa nyuzi za dhahabu, za bluu, za zambarau, na nyekundu na kitani safi ya kusokotwa. Vito kumi na mbili vya thamani viliwekwa katika kitambaa hiki huku kila mstari ukiwa na vito vitatu na hivyo kufanya jumla ya mistari minne. Pia Mungu alimwambia Musa kuweka *Urimu* na

Thumimu katika kile kifuko cha kifuani cha hukumu. *Urimu* na *Thumimu* zina maanisha ni 'mwanga na ukamilifu.'

Kiwango cha Hukumu ya Kuhani Mkuu

Kama tunavyofahamu, kila hukumu inaweza kutolewa hukumu baada ya kuendesha kesi kwa kuzingatia viwango na kanuni na miongozo. Kisha, Kuhani Mkuu aliwahukumu watu wake kwa kutumia kiwango au mwongozo gani? Kuhani Mkuu alipaswa kuwahukumu watu wake kwa kutumia Urimu na Thumimu vilivyokuwepo katika kifuko cha kifuani, ambavyo ni 'mwanga na ukamilifu.' Imani ya msingi iliyomwezesha ni imani kuhukumu vizuri ilikuwa katika ukweli unaodhihirishwa katika nyuzi tano zilizotumika katika kutengenezea hicho kifuko cha kifuani cha hukumu. Kwa maneno mengine, hukumu yake ilijikita katika imani iliyokuwa inaamini katika ukweli unaotokana na nyuzi za dhahabu, bluu, zambarau, na nyekundu na kitani safi ya kusokotwa ambazo kwa hizo Kuhani Mkuu alitoa hukumu kwa watu wote wa Israeli.

Kwa lugha nyingine, kipimo cha hukumu cha Kuhani Mkuu ni ukweli ambao ni 'mwanga na ukamilifu,' unaodhihirishwa katika nyuzi za bluu, zambarau, na nyekundu na kitani safi ya kusokotwa zilizotumika katika kile kifuko cha kifuani. Kwa kuamini katika ukweli unaodhihirishwa katika zile nyuzi tano, basi ndio maana Kuhani Mkuu aliweze kutoa maamuzi yake yenye mamlaka kwa watu wote wa Israeli; na aliweza kuwajuza ikiwa walikuwa wamekosa au kutokosea kiroho.

Kifuko cha kifuani kiliwekwa katika kifua juu ya moyo wa kila Kuhani Mkuu, na kisha *Urimu* na *Thumimu* viliwekwa ndani yake. Hii ina maanisha kwamba katika moyo wa Kuhani

Mkuu, ukweli wa mwanga na ukamilifu vilikuwemo kiasi kwamba aliweza kuwaongoza watu wa Israeli na kuwahukumu ikiwa imani yao ilikuwa sahihi au la, aliweza kutambua ikiwa walitoa sadaka kwa mujibu wa utaratibu wa sadaka ya kuteketezwa wa Mungu, na aliweza pia kufahamu ikiwa walizifuata sheria za Mungu au la.

Leo hii, sisi makuhani wa kifalme wa Mungu, tunapaswa pia kuwa na kiwango kile kile alichokuwa nacho Kuhani Mkuu na kisha kuwahukumu watu wa kipindi hiki. Tunapaswa kufikia hitimisho lile lile kwamba ikiwa watu watauamini ukweli unaodhihirishwa katika nyuzi tano zilizotumika katika kukiunda kifuko cha kifuani, basi wanaweza kufanyika kuwa mwanga wa ulimwengu mbele za Mungu, na kama hawaamini basi wafahamu kwamba watahukumiwa.

Baadhi wanaweza kutokubaliana na Neno hili huku wakitoa hoja kwamba ili kukifikia kilele cha mlima fulani kunaweza kuwa na njia nyingi nyingine. Wapanda mlima wanaweza kusema, "Wakati uliopita ulichagua njia rahisi, lakini hivi sasa tutapitia njia ya kushoto, njia yenye miinuko migumu ili kuweza kuushinda mlima huu. "Ni kweli kwamba inapofikia hatua ya kupanda milima, ni kweli kwamba kunaweza kuwa na njia nyingi mbadala. Hata hivyo, inapofikia katika suala la ulimwengu wa kiroho ni hakika kwamba hakuna mabishano katika jambo hili. Hii ni kwa sababu kiwango pekee cha msingi ni kile ambacho Mungu amekianzisha. Ukweli ni kuwa hakuna njia mbalimbali tunazoweza kuzitumia ili tuweze kuwa mwanga wa ulimwengu mbele za Mungu, bali kuna njia moja tu: Njia hii ni kufahamu na kuamini katika ukweli angavu unaodhihirishwa katika nyuzi za dhahabu, za bluu, za zambarau, na nyekundu na kitani safi ya kusokotwa, ambazo ni malighafi zilizotumika katika kutengenezea kifuko cha kifuani na ile naivera, na kwa sababu hiyo tutaweza kupokea ondoleo la

dhambi zetu na kisha kufanyika watoto wa mungu.

Hakuna njia nyingine ya kufanyika kuwa mwanga wa ulimwengu zaidi ya kuamini kwamba Mungu amezitoweshea mbali dhambi zetu zote na ametufanya kuwa wenye haki kwa nyuzi za lbuu, zambarau, na nyekundu. Ni kwa kuamini katika ukweli wa vifaa vilivyotumika katika kutengenezea vazi la Makuhani Wakuu ndipo wenye dhambi wanapoweza kufanyika wenye haki na wale wasio kamili wanaweza kuwa wakamilifu. Vivyo hivyo, wakati tunapohukumiwa ikiwa tumeokolewa mbele za Mungu au la, tunahukumiwa kwa kuzingatia Neno la injili ya maji na Roho ambalo limefanyika kuwa mwanga ung'aao wa ukweli.

Ikiwa tunataka kuhukumiwa kiusahihi mbele za Mungu yaani ikiwa tunakwenda Mbinguni au kuzimu, basi tunapaswa kuwa na imani hii inayofahamu na kuamini katika vifaa vilivyotumika kutengenezea kifuko cha kifuani cha hukumu. Ili tuweze kuwaona wengine na ili tuweze kutambua ikiwa wanaamini kwa mioyo yao yote katika ukweli wa maji na Roho, basi kwanza tunapaswa kuamini katika injili ya maji na Roho. Tunachopaswa kutambua ni kwamba ukweli unaodhihirishwa katika nyuzi za dhahabu, za bluu, za zambarau, na nyekundu na kitani safi ya kusokotwa ndio unaotuwezesha kuifikia hukumu sahihi kuhusiana na ondoleo la dhambi, na ni ukweli huu ndio unaoishuhudia hukumu sahihi. Sasa unauelewa ukweli huu?

Ni nani basi aliye wa kwanza anayeweza kutoa hukumu sahihi juu ya ondoleo la dhambi leo hii? Ni Yesu Kristo, ambaye ni Kuhani Mkuu wa milele Mbinguni. Yesu Kristo alizichukua dhambi zetu zote kwa kuzichukua dhambi za mwanadamu katika mwili wake kwa ubatizo wake, na kwa kufa Msalabani na kwa kufufuka tena toka kwa wafu, na kwa sababu hiyo ametukomboa milele toka katika dhambi za ulimwengu. Hivyo, yeyote anayeamini katika Yesu Kristo kwa mujibu wa ukweli

huu anaweza kufanyika kuhani wa kifalme na ana haki ya kuwahukumu watu kwa usahihi. Sasa, sisi tuliozaliwa tena upya tuna jukumu la kuwahukumu ambao hawajaokoka kwa mujibu wa kiwango cha Mungu, ambacho ni injili ya maji na Roho. Na kwa sababu hiyo tunapaswa kulitenda jukumu hili kwa uaminifu mbele za Yesu Kristo, ambaye ndiye Hakimu Mkuu.

Kuna watu wengi ambao wanakataa hukumu inayotolewa nasi tulio makuhani wa kiroho. Wanasimama kinyume nasi wakisema, "Wewe si Mungu! Wewe ni mwanadamu mwenye mapungufu kama nilivyo mimi, unawezaje basi kutambua ikiwa nimepokea au sijapokea ondoleo la dhambi zangu? Hukumu ya kweli kwa wenye dhambi inatolewa na Mungu peke yake! Unafikiri wewe ni nani? Unawezaje kudiriki kunihukumu kwamba nimeokoka au la? Ni Mungu tu ndiye anayelijua hili. Wewe ni Mungu? Unafikiri wewe ni bora kuliko mtu mwingine yeyote?"

Lakini sababu inayoyafanya maamuzi ya makuhani wa kiroho kutokuwa na dosari ni kwa sababu wamekabidhiwa haki hiyo toka kwa Bwana. Wakati makuhani wa Mungu wanapotambua kile kilicho sahihi na kile kisicho sahihi, basi tunapaswa kuiamini hukumu hiyo, kwa kuwa ni hukumu sahihi. Ni kama ilivyo kwa daktari anayeweza kugundua ugonjwa wa mgonjwa, basi vivyo hivyo ni makuhani wa kiroho ndio wanaoweza kuzichunguza nafsi na kisha kutambua ikiwa kuna dhambi au hakuna dhambi ndani yake na ikiwa nafsi hizo zimefanyika kuwa zenye haki au la.

Tunaweza kufanyika kuwa makuhani wa kiroho kwa kuwa na imani inayoamini katika nyuzi za bluu, zambarau, na nyekundu na kitani safi ya kusokotwa. Makuhani hawa wa kiroho ni wale ambao dhambi zao zote zimeondolewa na ambao wamepokea Roho Mtakatifu toka kwa Mungu kwa kuamini katika injili ya Ukweli. Hivyo basi wale waliofanyika kuwa

makuhani wanaweza kuwatambua wenye dhambi kati ya wenye haki. Kwa kuwa tumepokea ondoleo la dhambi kwa kusikia na kuiamini injili inayodhihirishwa katika nyuzi za bluu, zambarau, na nyekundu, basi sasa tunaweza kuwaponya wenye dhambi na kisha kuwaongoza kwenda kwa Kristo.

Unapaswa Kuwa Jasiri Wakati Watu Wanapoupinga Ukuhani Wako

Katika mawazo yao binafsi, wenye dhambi wanajaribu kuzipunguza nguvu za hukumu ya kweli inayotolewa na wenye haki. Hata hivyo, kitu kibaya zaidi wanachokifanya ni kujaribu kutushawishi tuachane na ule ukuhani wetu pamoja n akuwa tumeshazaliwa tena upya. Wakati sisi tuliozaliwa tena upya tunapowahukumu wengine, inawezekana tukafikiria hivi, "Hivi sioni kwamba nina kiburi kwa namna yoyote ile? Je, sifanya makosa katika kuwahukumu wengine?" Lakini ukweli ni kwamba hakuna kosa lolote hapo, hii ni kwa sababu ni wale tu waliofanyika kuwa makuhani wa Mungu kiroho ndio wanaoweza kutoa hukumu ya kiroho kwa usahihi. Hivyo, sisi tuliozaliwa tena upya tunapaswa kuwa na ujasiri wakati wenye dhambi wanapoyapinga mamlaka yetu ya kuwahukumu wao. Yesu ametupatia sisi wanafunzi wake haki kama hiyo akisema, "Wo wote mtakaowaondolea dhambi, wameondolewa: na wo wote mtakaowafungia dhambi, wamefungiwa" (Yohana 20:23). Wale waliofanyika kuwa makuhani wa kiroho wanaweza kuwaongoza wengine kwa injili iliyowawezesha kupokea ondoleo la dhambi zao.

Ulimwenguni kote, kuna watakatifu wengi ambao wamepokea ondoleo la dhambi kwa kupitia huduma yetu ya vitabu vya Kikristo. Pamoja na ondoleo hili la dhambi, Mungu

amewapatia nguvu za Roho Mtakatifu ili kwamba na wao waweze kubainisha kiroho ikiwa wengine nao wamepokea ondoleo la dhambi au la. Wale wanaofahamu na kuamini katika kile ambacho nyuzi za dhahabu, za bluu, za zambarau, na nyekundu na kitani safi ya kusokotwa zinawaeleza basi hao ndio walio na nguvu ya kuwahukumu wengine kwa imani. Mungu amewapokoa watu toka katika dhambi zao na adhabu kwa kupitia makuhani hao. Tumefanyika uwa watoto wa Mungu kiroho kwa kuamini katika injili ya maji na Roho.

Baada ya kufanyika kuwa watoto wa Mungu, pia tumefanyika kuwa makuhani wa kiroho, na kwa sababu hiyo tuna haki ya kuwahukumu wale waliopokea ondoleo la dhambi na wale ambao hawajapokea. Tunapaswa kuwaeleza wenye dhambi bila kusita kwamba wanaelekea kuzimu kwa sababu ya dhambi zao na kwamba wanapaswa kupokea ondoleo la dhambi zao kwa kuamini katika injili ya maji na Roho. Pia tunapaswa kuwahukumu waamini wenzetu, yaani wale ambao wameishazaliwa tena upya kwa maji na kwa Roho ili tuweze kuwaongoza kwenda katika njia sahihi.

Usifikiri kamwe kwamba ni makosa kwetu sisi tuliofanyika kuwa makuhani wa kiroho kuwahukumu wenye dhambi ambao bado hawajapokea ondoleo la dhambi zao. Kwa maneno mengine, hupaswi kufikiri kwamba ni kiburi kuwabainisha watu wa jinsi hiyo kuwa ni wenye dhambi. Kinyume chake, kwa kuwa wakati wote tumekibeba kifuko cha kifuani cha hukumu katika vifua vyetu tukiwa makuhani wa kiroho, basi ni lazima tuyatimize majukumu yetu kwa nguvu zaidi. Kwa niaba ya Mungu tunapaswa kuyaweka mambo mengine yote kando na kisha kuwahukumu wenye dhambi kwamba wanapaswa kwenda kuzimu. Kwa kufanya hivyo, ndio hawa wenye dhambi watakapoitambua hukumu ya makuhani wa kiroho kuwa ni hukumu ya Mungu, wataipokea hukumu hiyo, kisha wataiamini

neema ya Mungu ya kuoshelea mbali dhambi kama inavyodhihirishwa katika nyuzi za bluu, zambarau, na nyekundu na kitani safi ya kusokotwa, na kisha wataokolewa toka katika dhambi zao zote. Hii ndio maana kama hukumu inatolewa kwa imani, basi hukumu hiyo inakuwa ni sahihi.

Sasa tunaweza kutumia kigezo gani kuwatambua wengine kwamba wamepokea ondoleo la dhambi au la? Tunaweza kutambua hivyo kwa kuiangalia imani inayoamini katika nyuzitano za dhahabu, bluu, zambarau, na nyekundu na kitani safi ya kusokotwa. Kwa lugha nyingine, sisi makuhani wa kiroho tunaweza kuwahukumu wengine kwa kuzingatia misingi ya injili ya maji na Roho: Yesu Kristo Mwana wa Mungu alizichukua katika mwili wake dhambi zetu zote kwa kubatizwa na Yohana Mbatizaji, alikufa Msalabani, alizikwa na kisha kufufuka tena toka kwa wafu tena, na kwa sababu hiyo amekwisha zioshelea mbali dhambi zetu zote na kubeba adhabu yote ya dhambi hizo. Wale wanaoamini katika Ukweli huu ndio wale waliopokea ondoleo hilo la dhambi, na wale wasioamini hivi wanastahili kuhukumiwa kama wenye dhambi.

Hukumu sahihi ya wenye haki—yaani kule kusema ikiwa wameishi kiroho au la—itategemea pia jinsi walivyoitumikia vizuri injili ya maji na Roho. Kwa namna yoyote ile, na kwa hukumu zote zinazoweza kutolewa, swali la msingi ni ikiwa mtu anaamini au haamini katika injili ya maji na Roho. Yeyote asiyeamini katika injili hii halisi mbele za Mungu atabaki kuwa mwenye dhambi. Yeyote atakayeacha kuamini katika mojawapo ya zile nyuzi nne za Agano la Kale—yaani nyuzi za bluu, zambarau, na nyekundu na kitani safi ya kusokotwa— katika imani yake basi mtu huyo atabaki kutookolewa milele yote, hii ni kwa sababu wokovu wa Mungu unataka mtu awe na imani katika hizi nyuzi zote nne.

Miongoni mwa Wakristo wa leo, kuna wengi sana

wanaosema kwamba wamezaliwa tena upya kwa kuamini katika damu ya Msalaba tu. Tukiitolea hukumu imani ya Wakristo kama hawa wanaoamini katika damu ya Msalaba tu, basi tunaweza kuhitimisha kwamba imani yao haijitoshelezi, kwa kuwa imani yao ilijengwa hali wakiwa wameziacha nyuzi za bluu (ambao ni ubatizo wa Yesu). Je, inawezekana kwamba Yesu alizichukua dhambi za mwanadamu wakati alipokufa Msalabani? Sababu ya msingi iliyomwezesha Yesu kusulubiwa na kuimwaga damu yake na kisha kufa Msalabani ni kwa sababu alikuwa amezichukua dhambi zetu zote katika mwili wake kwa kubatizwa na Yohana Mbatizaji katika Mto Yordani, Kama Yesu angelikuwa hajabatizwa na Yohana, ingeliwezekanaje basi kwa dhambi za ulimwengu kupitishwa kwake? Kwa kuwa dhambi zetu zote zilipitishwa kwenda katika mwili wa Yesu Kristo kwa kupitia ubatizo wake, basi ndio maana Kristo aliweza kujitwika dhambi zote za ulimwengu huu, akasulubiwa, akaimwaga damu yake na kisha kufa ili kuukamilisha wokovu wetu.

Yesu alisulubiwa kwa kuwa alikuwa amezipokea dhambi za mwanadamu wakati alipobatizwa na Yohana Mbatizaji. Lakini pasipo ubatizo wake angeliwezaje basi kuzichukua dhambi zetu katika mwili wake? Ni nani ambaye angeliangikwa Msalabani ili kuyatimiza mapenzi ya Mungu Baba? Kwa maneno mengine, kama Yesu angelikuwa hajazichukua dhambi zetu katika mwili wake kwa kubatizwa angeliwezaje basi kufa Msalabani? Je hali haiko hivi? Kama Yesu Kristo angelikuwa hajabatizwa na Yohana Mbatizaji, basi dhambi zako zote zingelibakia kama zilivyo katika moyo wako. Kama mwili wa Yesu Kristo ungelikuwa haujazichukua dhambi za ulimwengu, basi sababu ya msingi ya Yesu kufa Msalabani kwa niaba yetu ingelikuwa ni ipi?

Maswali Yanayoulizwa Kutokana na Kutoifahamu Injili ya Maji na Roho

Kuna baadhi ya watu wanaouliza, "Ikiwa ni kweli kwamba Yesu alizichukua katika mwili wake dhambi zetu zote kwa kubatizwa, jambao ambalo litamaanisha kwamba alikuwa na dhambi katika mwili wake. Na kama hivyo ndivyo ilivyo, inawezekanaje basi kwa huyu Yesu mwenye dhambi akafanyika kuwa Mwokozi wa wenye dhambi?"

Kwa kweli hili ni swali linalochanganya na linalotokana na kutoifahamu injili ya maji na Roho. Ni kweli kwamba Yesu alizichukua katika mwili wake dhambi za mwanadamu wakati alipobatizwa. Kwa maneno mengine, Yesu hakuzichukua dhambi za ulimwengu katika Roho yake. Hali ya kiroho kwa Yesu aliyebatizwa ilibakia kuwa takatifu. Alibatizwa katika mwili wake tu na kwa sababu hiyo alizichukua dhambi za ulimwengu katika mwili wake. Yesu aliweza kusulubiwa na kisha kuhukumiwa kwa ajili ya dhambi kwa kuwa alikuwa amekwisha batizwa na Yohana Mbatizaji, na ndio maana aliweza kuimwaga damu yake na kufa Msalabani. Yesu Mwenyewe hakutenda dhambi yoyote ile katika ulimwengu huu (2 Wakorintho 5:21). Lakini kwa kuwa Yesu Kristo alikuwa amezichukua dhambi za ulimwengu katika mwili wake kwa kubatizwa na Yohana Mbatizaji, basi hizi dhambi za ulimwengu ziliwekwa katika mwili wake. Kama isingelitokea hivi, basi ni hakika kwamba Yesu Kristo asingeliweza kamwe kuwa Mwokozi wetu.

Ninachotaka kuwaeleza watu wasiofahamu kama hao ni kwamba Yesu hakuzichukua dhambi za ulimwengu pale Msalabani. Hebu nikueleze tena jambo hili: "Kule kusema kwamba Yesu alikufa Msalabani ni kwa sababu alikuwa amezichukua dhambi za ulimwengu katika mwili wake wakati alipobatizwa na Yohana Mbatizaji katika Mto Yordani." Kama jambo hili si kweli, basi kusingelikuwa na fursa nyingine ya Yesu kuzichukua dhambi za ulimwengu katika mwili wake. Pamoja na kuwa Yesu alifanyika kuwa Mwana-kondoo wa sadaka ya kuteketezwa kwa ajili ya wenye dhambi wote, kimsingi, Yesu hakuwa na dhambi yoyote ile katika moyo wake. Ukweli ni kuwa Yesu hakuwa na dhambi tangu wakati alipozaliwa, bali alizipokea dhambi za ulimwengu ambazo zilipitishwa katika mwili wake kwa kubatizwa na Yohana Mbatizaji. Hivi ndivyo Yesu alivyoweza kufanyika sadaka ya kisheria kwa ajili ya dhambi zote za ulimwengu. Kwa maneno mengine, Yesu alizichukua katika mwili wake dhambi za mwanadamu kwa kubatizwa, kisha alipaswa kuimwaga damu yake, na kisha kufa Msalabani. Zaidi ya yote, Yesu alifufuka tena toka kwa wafu na kwa sababu hiyo amefanyika kuwa Mwokozi wetu wa kweli. Kwa kufanya hivyo aliibeba adhabu vote ya dhambi. Hivyo, kama bado una dhambi katika moyo wako ni lazima uokolewa toka katika dhambi zako zote kwa imani inayoamini katika injili ya maji na Roho.

Historia ya Ukristo Uliopotoshwa

Wakati wa kipindi cha Kanisa la Kwanza, Mitume kama vile Paulo na Petro na watakatifu wa mwanzo waliweza kufanyika na kufanya kazi kama makuhani wa kiroho kwa kuamini katika ubatizo wa Yesu na damu yake Msalabani. Tukiongea kihistoria, baada ya kipindi cha Kanisa la Kwanza kupita na baada ya kupita kipindi cha Mababa wa Kanisa, Ukweli wa injili ya maji na Roho ulianza kupotoshwa, huku Amri ya Milan katika mwaka 313 B. K ikileta ongezeko kwa upotoshaji huo. Ninaamini kwamba ni kutokana na upotoshaji

huu ndio maana Wakristo wenye dhambi wameibuka kwa wingi nyakati hizi. Kuanzia wakati huo, kundi kubwa la Wakristo wa mazoea liliibuka, huku wakidai kupokea ondoleo la dhambi huku wakiiamini damu ya Yesu tu Msalabani. Kuanzia wakati huo hadi sasa, injili iliyodhihirishwa katika nyuzi za bluu, zambarau, na nyekundu ilikuwa haijashuhudiwa na kubakia kuwa imefichwa. Ni ukweli wa kuhuzunisha kwamba kuna Wakristo wengi wenye dhambi ambao wanauchukulia Ukristo kuwa ni dini mojawapo ya ulimwengu huu.

Tunapowahukumu Wakristo wa leo kwa misingi ya imani iliyotuwezesha sisi kuwa makuhani wa kiroho, tunaweza kuona kwamba wengi wao wameuelewa vibaya na kuupindisha wokovu unaowaruhusu kupokea ondoleo la dhambi. Tunaweza kuona kwamba kila tamko la imani katika madhehebu yote ya Ukristo siku hizi linafanana miongoni sana mwao. Wanachotofautiana ni majina ya madhehebu yao; inapofikia suala la imani yao, madhehebu hayo yote yanafikiri kwamba yamekombolewa toka katika dhambi zao kwa kuamini katika damu ya Msalaba tu. Lakini ukweli ni kuwa mioyo yao haijaondolewa dhambi zao. Waoa wanajiona kuwa Wakristo hata pale wasipoitambua injili ya Mungu ya maji na Roho. Tunaweza kuona kwamba pamoja na kuwa watu hawa wanamwamini Yesu kuwa ni Mwokozi wao na pia wanaiamini damu ya Msalaba, wao bado wamegubikwa na sala zao za toba, hii ni kwa sababu hawaufahamu Ukweli unaowawezesha kuzioshelea mbali dhambi zao zote. Kwa maneno mengine, kuna watu wanaojaribu kuzioshelea mbali dhambi zao hata pale wanakuwa hawaifahamu nguvu ya injili ya maji na Roho.

Hii ndio sababu hivi sasa tunaieneza injili halisi ya maji na Roho kwa mara nyingine tena kwa watu wote hapa ulimwenguni. Kwa kuwa katika ulimwengu mzima kuna watu wengi ambao hawaufahamu ubatizo ambao Yesu aliupokea toka kwa Yohana Mbatizaji, basi hapo tunaona kwamba tunapaswa kuwahubiria injili hii ya maji na Roho inayodhihirishwa katika nyuzi za bluu, zambarau, na nyekundu kama jinsi vilivyokuwa vifaa vilivyotumika katika Hema Takatifu la Kukutania. Sisi sote tunawahubiria watu wa ulimwengu huu kwamba kwa kuwa Yesu alizibeb dhambi za ulimwengu kwa kubatizwa na Yohana Mbatizaji, basi aliibeba pia adhabu ya dhambi kwa kusulubiwa na kufa. Kwa kweli tunadaiwa na watu wasioifahamu injili ya maji na Roho kwamba tunapaswa kuwahubiria injili hii. Hivyo tunatambua hitaji la kuwapatia fursa ya kuisikia injili halisi ili waweze kuiamini.

Katika baadhi ya nchi, historia ya imani ya Kikristo inakwenda hadi kufikia miaka 1000 au 2000 iliyopita. Lakini ni wazi kwamba Wakristo wengi katika nchi hizo bado hawana ufahamu sahihi wa injili ya maji na Roho. Tunapowahukumu kwa kuzingatia ukweli wa injili iliyodhihirishwa katika Hema Takatifu la Kukutania, basi ni wazi kwamba wengi miongoni mwao watafikia hatua ya kumwamini Yesu kuwa ni Mwokozi wao. Ninachojaribu kukisema hapa ni kwamba haijalishi kwamba wamemwamini Yesu kwa muda gani, ukweli ni kuwa kama bado hawajapokea ondoleo la dhambi, basi tunapaswa kuwaongoza ili waweze kumwamini tena Yesu kwa usahihi. Tunapaswa kuwafundisha injili ya maji na Roho kwa haraka. Pia Mtume Paulo alikuwa na fikra kama zetu wakati aliposema, "Maana, ijapokuwa naihubiri Injili, sina la kujisifia; maana nimewekewa sharti; tena ole wangu nisipoihubiri Injili!" (1 Wakorintho 9:16).

Yesu Kristo ni Mungu Aliyekuja Katika Mwili wa Kibinadamu ili Kuwaokoa Wenye Dhambi Wote

Baadhi ya watu ingawa wanaamini kwamba Yesu ni Mwana wa Mungu na Mwokozi wao, ukweli ni kuwa hawaamini kwamba Yesu ni Mungu. Hawaamini katika huduma ya Kristo ya nyuzi za zambarau. Watu wa jinsi hii wataangamizwa, hii ni kwa sababu hawana imani katika mioyo yao inayoamini katika Ukweli wote unaofunuliwa katika nyuzi za bluu, zambarau, na nyekundu na kitani safi ya kusokotwa na kwa sababu hiyo hawajapokea ondoleo la dhambi. Wale wasioamini kwa kweli katika mioyo yao kwamba Bwana amezitoweshea mbali dhambi zao hawana Roho Mtakatifu katika mioyo yao, hii ni kwa sababu hawana Neno linalowashuhudia juu ya kuoshelewa mbali dhambi zao.

Tunapomwita Yesu kuwa ni "Bwana" wetu, basi ni lazima tufahamu kwamba hili neno "Bwana" lina maanisha kuwa ni Mkuu, jambo linalomaanisha kwamba tunaamini kwamba Yesu ni Mungu Mwenyewe. Huyu Mwana wa Mungu pia ni Mungu wa kweli. Mara nyingi huwa natumia mfano ufuatao ili kuuelezea uelewa huu. Wakati wanadamu wanaposhika mimba, huwa wanajifungua na kuzaa wanadamu wengine. Wakati mbwa wanapozaa huwa wanazaa vitoto vya mbwa. Ndege huwa wanazaa ndege wenzao. Kwa maneno mengine, kama vile zilivyokuwepo aina nyingi za viumbe, basi vivyo hivyo Mungu Baba alimzaa Mwanae pekee, ambaye pia naye ni Mungu (Zaburi 2:7). Katika hali ya uwepo wake, Yesu yupo takribani sawa na Mungu Mwenyewe (Wafilipi 2:6), lakini Yesu alijishusha na kuwa kama mwanadamu. Yesu alikuja hapa duniani, alibatizwa, akafa Msalabani, alifufuka toka kwa wafu ili kutuokoa toka katika dhambi, na akiwa Mwokozi wetu wa kweli ametupatia imani ya kweli ya wokovu.

Hata hivyo, kuna watu wengi sana ambao wanakana kwamba Yesu ni Mungu. Katika mashule mengi, watu hao wanafundisha wazi wazi kamba Yesu ni mmoja wa Wenye Hekima wanne ambao walitokea katika zama za kale. Mawazo kama hayo yanatokea pia toka kwa Mababa wa Kanisa. Pamoja na kwamba waliisikia injili ya kweli toka kwa watangulizi wao, baadhi yao walikuwa na imani thabiti kiasi kwamba waliweza kupokea ufia-dini, lakini baadhi yao waliukana uungu wa Yesu. Baadhi ya Mababa wa Kanisa waliandika wakiunga mkono kwamba Yesu ni Mwana wa Mungu lakini si Mungu Mwenyewe.

Hivi karibuni, watheolojia wengi wameanza kuunga dhana ya dini nyingi. Wao wanadai kwamba watu wanaweza kuokolewa toka katika dhambi na kisha kuingia Mbinguni hata kama wanaamini katika dini nyingine zaidi ya Ukristo. Ukatoliki ni moja ya dini iliyowahi kutangaza imani kama hiyo hadharani. Sababu inayowafanya Wakristo hawa wa mazoea kuunga mkono mawazo kama hayo ni kwa sababu wao wenyewe hawaamini kwamba Yesu ni Mungu Mwenyewe na Muumbaji. Wao wanataka kumwamini Mungu kama Neno linavyosema, lakini wanashindwa kuiingiza imani hii ya kweli katika mafundisho yao ya uongo. Wao ni watu wajinga ambao wamezijenga nyumba zao juu ya mchanga (Mathayo 7:26). Wanapenda kujifunza kila kitu toka katika dini nyingine. Kwa mfano, baadhi ya makanisa ya magharibi yanajumuisha sala na tafakuri za Kibuddha mara moja kwa wiki katika sala zao. Kwa kuzingatia mtazamo wa kibinadamu, utaratibu kama huo unaonekana kuwa ni mzuri na wenye kuleta maendeleo. Lakini ukweli ni kuwa yeyote asiyeamini kwamba Yesu ni Mungu Mwenyewe hawezi kuokolewa toka katika dhambi.

Vipi kuhusu wewe? Unaaminije? Mwanzo 1:1-3 inasema kwamba, "Hapo mwanzo Mungu aliziumba mbingu na nchi. Nayo nchi ilikuwa ukiwa, tena utupu, na giza lilikuwa juu ya uso wa vilindi vya maji; Roho ya Mungu ikatulia juu ya uso wa maji. Mungu akasema, Iwe nuru; ikawa nuru." Mungu aliziumba mbingu na nchi kwa kupitia Neno lake hapo mwanzoni. Hili Neno limekuwepo tangu hapo mwanzo, na hili Neno ni Mungu Mwenyewe. Kwa hiyo, ulimwengu uliumbwa kwa kupitia Yesu Kristo, ambaye alifanyika Neno (1 Yohana 1:1, Yohana 1:10). Hii ina maanisha kwamba Yesu Kristo ni si mwingine bali ni Mungu Mwenyewe, ni Mungu wa Neno. Yesu Kristo ni Muumbaji aliyeuumba ulimwengu huu na ni Mwokozi aliyekuja hapa duniani ili kutuokoa. Hivyo ni sahihi kwetu kuamini kwamba Yesu Kristo ni Mungu Mwenyewe aliyeacha kiti cha enzi cha utukufu Mbinguni na akaja yeye Mwenyewe hapa duniani katika mwili wa mwanadamu.

Mungu Mwenyewe alitabiri kwa kupitia watumishi wake juu ya ujio wa Masihi, na kwa mujibu wa unabii huu Mwokozi alichukuliwa mimba katika mwili wa Bikira Mariamu na akafanyika mwili wa mwanadamu. Maana yake ni kwamba yeye aliyetungwa mimba na kuzaliwa kwa kupitia mwanadamu ni Mungu Mwenyewe. Wakati alipofikia miaka 30, akiwa kama Kuhani Mkuu wa Mbinguni, alizichukua dhambi zetu zote pamoja na dhambi za wanadamu wote katika mwili wake kubatizwa. Kisha alikufa Msalabani, akafufu toka kwa wafu, na kwa sababu hiyo ametuokoa kikamilifu toka katika dhambi zetu zote. Kwa maneno mengine, Yesu amefanyika kuwa Mwokozi wetu wa kweli na wa milele.

Katika uwepo wake kimsingi, Yesu ni Mungu Mwenyewe ambaye ni sawa na Mungu Baba. Na kwetu sisi, huyu Yesu ambaye kimsingi ni sawa na Mungu Baba ni Mungu yule yule. Baba wa Yesu Kristo pia ni Mungu wetu, na vivyo hivyo Yesu Kristo pia ni Mungu wetu. Kwa nini? Kwa sababu ulimwengu uliumbwa kwa kupitia Yeye, na kwa kupitia Yeye sisi nasi tuliumbwa na kuwa wanadamu. Katika Mwanzo 1:26 Mungu

alisema, "Mungu akasema, Na tumfanye mtu kwa mfano wetu, kwa sura yetu." Wakati Mungu alipomuumba mwanadamu kwa sura na mfano wake, Yesu Kristo alikuwepo. Yesu ni yeye aliyetuumba sisi. Ni Yeye aliyetuumba na ni Yeye aliyetuokoa toka katika dhambi. Yesu Kristo aliyekuja kutuokoa ndiye Mwokozi wetu wa kweli. Kwa kuwa Yesu Kristo ametupatia wokovu, na kuwa pia Yeye ni Mungu Mwenywe, basi ndio maana sisi tunamwamini kuwa ni Bwana wa wokovu. Kwa hiyo, wewe na mimi hatupaswi kuzururazurura katika hali ya kuchanganyikiwa, bali tunapaswa kumwamini Bwana Mungu katika mioyo yetu, Yeye aliyekuja kwa injili ya maji na Roho akiwa ni Mwokozi.

Kuna watu wanaoendelea kusisitiza kwamba wao ni watoto wa Mungu hata pale mioyo yao inapokuwa bado ina dhambi. Katika hali kama hiyo wanaweza kweli kuwa watu wa Mungu ilhali mioyo yao ina dhambi? Wanaweza kweli kwenda Mbinguni wakati mioyo yao bado ina dhambi? Kwa kweli hapana! Haijalishi ikiwa wao ni Wakristo au la; ukweli ni kuwa kama hawajapokea ondoleo la dhambi kwa sababu ya kutokuifahamu kwao injili ya maji na Roho, basi hakuna hata mmoja wao anayeweza kuingia Mbinguni. Hata hivyo katika jamii za Kikristo ulimwenguni kote, kuna watu wengi sana walio na imani kama hii.

Ni nani basi ambaye anapaswa kuieneza injili sahihi ya maji na Roho kwa watu kama hao? Sisi—yaani wewe na mimi—ni lazima tutoe hukumu sahihi kwao na kisha kuwahubiria ukweli wa injili ya maji na Roho. Injili inayodhihirishwa katika Hema Takatifu la Kukutania si aina ya ukweli ambao unapaswa kuhubiriwa tu mara moja au mara mbili na kisha kuuacha. Huo ni Ukweli wa wokovu halisi ambao ni lazima uendelee kuenezwa hadi siku Bwana wetu atakaporudi.

Unaifahamu injili hii ya maji na Roho inayokuwezesha

kupokea ondoleo la dhambi? Ikiwa watu wana dhambi, basi watu hao si watoto wa Mungu. Wanapaswa kuwa na imani inayoamini katika ukweli wa injili ya wokovu ambao unadhihirishwa katika nyuzi za bluu, zambarau, na nyekundu zilizotumika katika kutengenezea vifaa vya Hema Takatifu la Kukutania. Tunapaswa kuieneza injili ya maji na Roho hadi mwisho wa ulimwengu. Je, tunachukizwa sana kuieneza injili ya maji na Roho? Hapo zamani, wakati Mungu alipowaambia watumishi wake kwamba, "Nenda na endelea kutabiri," watumishi hao waliendelea kufanya hivyo, na wakati Mungu alipomwambia Isaya "Nenda katabiri ukiwa uchi," Isaya alienda na akatoa unabii hali akiwa uchi (Isaya 20:2-5). Tunaweza kuikwepa ghadhabu ya Mungu pale tu tutakapoihubiri injili hii ya maji na Roho kama inavyodhihirishwa katika Hema Takatifu la Kukutania kwa watu wote. Hii ndio sababu tunapaswa kuendelea kuieneza injili.

Vipi kuhusu wewe? Je, ni kweli kwamba moyo wako una Neno la imani linaloweza kukufikisha katika wokovu wa kweli? Wakati watu wengi ulimwenguni wanapokuwa hawana Neno la ondoleo la dhambi na wakiwa bado ni milki ya Shetani, sasa katika hali kama hiyo unawezaje basi kuketina kutofanya chochote? Ukweli ni kuwa huwezi kukaa tu. Kuna washirika wetu wengi sana ulimwenguni kote. Wanaamini kwa wazi kabisa katika injili ya ondoleo la dhambi, yaani injili ya maji na Roho. Baadhi yao wamekiri kwamba waliteswa walipozungumza juu ya injili ya maji na Roho kwa jamaa zao. Wameonyesha ujasiri dhidi ya wanaoipinga injili ya maji na Roho wakisema, "Ninyi si watu wa Mungu kwa sababu bado mna dhambi katika mioyo yenu. Mnaelekea kuzimu kwa sababu ya uchafu wa dhambi zetu unaotokana na ninyi kutoiamini injili ya maji na Roho. Sasa siwezi kuwaita 'ndugu' hata kama ninyi mnaniita mimi 'ndugu yenu,' kwa kuwa mimi si mwenye

dhambi kama mlivyo ninyi."

Kwa kweli hatuajawaongoza kufanya mambo kama hayo, lakini Roho Mtakatifu aliye ndani yao amewaongoza kufanya mambo hayo. Kwa kweli hakuna sababu ya wewe kutishwa, kwa kuwa ndani yako unayo injili ya maji na Roho ambayo inaunda kiwango ambacho kwa hicho unaweza kuwahukumu wengine wote. Uwezo huu wa kuweza kutambua ondoleo la dhambi la wengine limewekwa kwako kwa kuwa umeamini katika injili ya Kweli inayodhihirishwa kipekee katika Hema Takatifu la Kukutania. Ni lazima tusimame mbele za Mungu kwa imani katika Ukweli kwamba kwa kupitia hizi nyuzi tatu za bluu, zambarau, na nyekundu, Bwana ametuokoa toka katika dhambi zetu zote na ametufanya kuwa wenye haki.

Hebu Tutumie Kipimio Sahihi cha Wokovu

Tunaliita Neno la Mungu kuwa ni 'kanuni.' Neno 'kanuni' inatokana na neno la Kiebrania *qaneh* na pia toka katika neno la Kiyunani *kanon*, maneno hayo yote mawili yana maanisha ni kipimo cha kupimia au fimbo ya kupimia. Tunapohitaji kupima kitu fulani, basi tunapaswa kutumia rula au kipimo cha kupimia ili tuweze kukipima kitu hicho kwa usahihi. Vivyo hivyo, tunapoihitaji kubainisha hali ya mtu fulani kiroho, yaani ikiwa mtu huyo amezaliwa tena upya au la, basi tunapaswa kumchunguza mtu huyo kwa kutumia kipimo cha kupimia cha nyuzi za bluu, zambarau, na nyekundu na kitani safi ya kusokotwa. Kama vile fundi cherehani anavyoweza kutumia rula yake katika kupima vipimo vya wateja wake, basi vivyo hivyo ni lazima tuwachunguze watu ikiwa wameokolewa toka katika dhambi au la. Namna ya kufanya hivyo ni kwa kupitia ukweli unaodhihirishwa katika nyuzi za bluu, zambarau, na

nyekundu, na kitani safi ya kusokotwa. Kwa maneno mengine, kwa kutumia hili Neno la Mungu, basi tunapaswa kuangalia kila kipengere katika imani ya mtu na kisha kuweza kutofautisha kwa wazi kile ambacho hakiendani na kipimo na kile ambacho kinazidi kipimo cha kawaida.

Kimsingi, tunahitaji kuichunguza imani yetu kwa kina kwa kipimo cha nyuzi za bluu, zambarau, na nyekundu, ambayo ni injili ya maji na Roho. Ikiwa mtu anamwamini Yesu tu katika nyuzi za zambarau na nyekundu, basi ni hakika kwamba mtu huyo wokovu wake hauwezi kuthibitishwa na Mungu kuwa kama kuhani wa kifalme wa Mungu. Yeyote anayetaka kuondolewa dhambi zake ni lazima aamini katika ukweli wote wa wokovu unaodhihirishwa katika nyuzi za bluu, zambarau, na nyekundu. Sisi sote ni lazima tuamini kwamba Yesu alikuja hapa duniani ili kuwaokoa wanadamu wote toka katika dhambi, akazichukua katika mwili wake dhambi zetu zote kwa kubatizwa, alikufa Msalabani, akafufuka tena toka kwa wafu, na kwa sababu hiyo amefanyika kuwa Mwokozi wetu wa kweli. Sisi sote tunapaswa kuwau kipimo hiki cha hukumu sahihi. Hukumu hii inajengwa katika Neno la Mungu ili kwamba tuweze kuamua ikiwa watu ni wenye dhambi au ni wenye haki. Hatuwezi kufanya hili kwa kuutegemea ufahamu wetu na hisia zetu binafsi. Kazi hii ni ya muhimu sana kwa makuhani wa kiroho ili waweze kuyatumiza majukumu yao ya kutoa sadaka ya dhambi kwa ajili ya watu wao.

Sasa katika kipindi hiki, wewe na mimi ni lazima tuwahukumu watu wote wa ulimwengu kwa kipimo sahihi kama hicho. Kipimo kama hicho kinatumika kwa watu wote kwa usawa, kinatumika kwa watoto wetu, wake zetu, waume zetu, baba na mama zetu, kwa wakwe zetu na kwa wajukuu wetu. Ni lazima tuitanabaishe imani ya wengine kwa Neno la Mungu. Wale waliofanyika makuhani ni lazima waweke kipimo cha

hukumu katika moyo wa kila mtu. "Je, unafahamu na kuamini katika ukweli wa Yesu wa nyuzi za bluu, zambarau, na nyekundu na kitani safi ya kusokotwa? Ikiwa unaamini kwa namna hii, basi ni hakika kwamba umeokoka, lakini kama hauamini hivyo, basi ni hakika kwamba hujaokoka." Kutoa hukumu sahihi kama hii ni jambo jema ambalo tunapaswa kulifanya.

Kama hivi ndivyo alivyofanya Kuhani Mkuu hapo zamani, basi wewe na mimi tumefanyika kuwa makuhani wa kiroho ni lazima tulifanya jambo hili pasipo kushindwa. Ikiwa hatufanyi kile ambacho tunapaswa kukifanya kama makuhani, basi ni hakika kwamba hatuwezi kukwepa kukemewa na Mungu. Baadhi ya watu wanasema, "Hii sio namna inayopaswa kuwafanyia watu uinjilisti. Kwa hivi ndivyo mnavyofanya injilisti! Kama tungeliwafanyia watu uinjilisti kama mnavyofanya, basi ni nani ambaye angediriki kumwamini Yesu?"

Katika theolojia, kuna somo linalofundishwa linaitwa 'Taaluma ya Uinjilisti.' Somo hili linatoa mwongozo wa namna ya kufanya uinjilisti. Wakati fulani msemo usemao 'Uinjilisti Rafiki' ulikuwa ni msemo unaotumiwa karibu na kila mhubiri katika eneo hili la uinjilisti. Wafuasi wanaofuata aina hii ya uinjilisti bado wanafundisha kwamba tunapojaribu kuwafanyia watu uinjilisti, basi tunapaswa kwanza kufanya urafiki nao na hatimaye kuwaongoza kujiunga na kanisa. Ni kweli wapo sahihi. Pia wanasema kwamba wakati mtu anapoamua kumwamini Yesu kutokana na juhudi zao za kiunjilisti, basi wanamfanya huyo mtu akariri na kutamka kile wanachokiita sala ya kumpokea Yesu ili Kristo aweze kuingia katika moyo wa huyo mtu na ili mtu huyo aweze kuokolewa.

Lakini matokeo ya mwisho ya njia hii ni yapi? Je, dhambi za mtu huyo aliyekiri zinatoweka toka katika moyo wake? kwa kweli dhambi zinabaki kama zilivyo. Watu wa jinsi hiyo wanakwenda kanisani lakini bado wana dhambi—kwa maneno mengine, wale waongofu wapya wanakuwa wamefanyika kuwa watendaji wa dini ya Ukristo. Baada ya kuwafanya watu hao kumwamni Yesu, basi huwafanya pia waweze kulipa zaka na sadaka za shukrani. Mwishowe, pamoja na kuwa wamefanywa Wakristo, ukweli ni kwamba hawawezi kuikwepa hukumu yay Mungu kwa kuwa bado wana dhambi.

Wao wanatueleza kwamba mbinu tunayoitumia katika kuieneza injili haipo sahihi, wanasema, "Unawezaje kuwauliza watu ikiwa wana dhambi au la wakati ndio unakutana nao mara ya kwanza? Unawezaje kuleta suala la wokovu mapema kiasi hicho, na kisha kutoa hukumu yako ikiwa wameokolewa au la, unawezaje kuwafahamu kwa namna hiyo?" Ni kweli kwamba tunahitaji kuzingatia kwa baadhi ya mambo wanayoyasema, kwa kuwa nafsi tunazotaka ziokolewe zinaweza kuumizwa kwa urahisi kutokana na midomo yetu. Lakini mwisho wa yote ni lazima tuihubiri injili ya wokovu kwa watu wasioamini ambao tunakutana nao. Haijalishi jinsi tunavyoweza kufanya urafiki nao, kwa kuwa tunapaswa kuihubiri injili mapema au baadaye, basi ni wazi kwamba hatupaswi kushindwa kuihubiri injili kwa imani. Kwa nini? Ni kwa sababu kama hatuwaelezi kuhusu Ukweli huu hadi mwisho, basi tutakuwa hatuienezi injili kiusahihi.

Hivyo, ni lazima tuwaulize watu wote mwanzoni au mwisho wa majadiliano yetu ya uinjilisti kwamba, "Una dhambi katika moyo wako?" Kama jibu lao litakuwa ni ndiyo, basi ni lazima tuwahubirie injili ya maji na Roho. Ni kweli kwamba wanaweza kutukemea kwa kule kuonekana kwetu kwamba tupo makini. Lakini kwa kuwa sisi ni makuhani wa kiroho, basi tunapaswa kukumbuka kwamba ni jukumu letu kulipiga tarumbeta la injili ya maji na Roho kwa watu wote na kwa uwazi.

Bwana Mmoja, Ubatizo Mmoja, na Mungu Mmoja

Dhambi zetu zote zimeondolewa, na kwa sababu hiyo dhumuni la maisha yetu lipo katika kuieneza injili ulimwenguni kote. Sisi tunafanya kazi pamoja kwa sababu tumepewa majukumu kama wa wainjilisti tunaoihubiri injili ya maji na Roho. Kwa nini tunafanya hili? Kwa kuwa tunamwamini Mungu yule yule, tumepokea uzima wa milele ule ule, na tutaufurahia utukufu ule ule. Sisi sote tunatofautiana, kila mmoja wetu ana mwonekano wake na ana tabia yake, lakini sababu inayotufanya tujitenge na kuungana ni ili kuyaongoza maisha yetu kwa ajili ya Mungu tu.

Mungu ameweka kifuko cha kifuani cha hukumu katika mioyo ya wale ambao wamefanyika kuwa makuhani wa leo. Na kifuko hiki cha kifuani kilipaswa kufungwa "kwa zile pete zake kwenye pete za naivera kwa ukanda wa rangi ya samawi, ili kwamba kikae pale juu ya ule mshipi wa naivera uliosukwa kwa ustadi, ili kwamba kifuko cha kifuani kisiachane na naivera" (Kutoka 28:28). Kifungu hiki kinasisitiza tena jinsi ubatizo wa Yesu ulivyo wa muhimu katika kila hukumu tunayoifanya. Pia Mtume Paulo alieleza juu ya umuhimu wa ubatizo wa Yesu kwa kusema, "Mwili mmoja, na Roho mmoja, kama na mlivyoitwa katika tumaini moja la wito wenu. Bwana mmoja, imani moja, ubatizo mmoja" (Waefeso 4:4-5).

Tunalo jukumu la kuhukumu ikiwa nafsi za watu zimeokoka au la kwa kuzingatia ukweli kama wanaamini katika injili ya maji na Roho au la. Tunapaswa kuihubiri injili kwa wale ambao bado hawajapokea ondoleo la dhambi, na kwa wale ambao wamepokea ondoleo la dhambi tunapaswa kuwatambua na kuwasaidia ili waweze kukua katika imani yao. Tunapokuwa tumeondolewa dhambi zetu zote, si haki yetu kukivaa kifuko cha kifuani cha hukumu kiroho au la? Kwa lugha nyingine, ni sahihi

kwetu sahihi kuikwepesha hukumu ya haki ya wokovu kwa mtu fulani? Kwa kweli si sahihi. Ni lazima tuieneze injili ya maji na Roho ulimwenguni kote na kwa kila mtu ambaye bado hajaokolewa.

Je, Sisi ni Wakamilifu Katika Miili Yetu?

Tunapowahukumu wengine, hatuwahukumu kwa sababu ya matendo yao. Bali tunawahukumu na kuwabaini kwa nuru ya injili hii ya kweli na kwa haki ya Mungu. Sasa nuru ya kweli kwa wao ni ipi? Ni kwa kufanyika watoto wa Mungu kwa kuamini katika injili ya maji na Roho ndipo wanapoweza kuipata nuru hii sahihi. Wana wa Mungu ni nuru ya ulimwengu. Je, hii ina maanisha kwamba wale walioondolewa dhambi zao kikamilifu ni wakamilifu katika matendo yao? Kwa kweli watu hao ni wakamilifu katika mioyo yao. Lakini katika miili yao, kwa kweli wana mapungufu mengi.

Kwa kweli katika miili yetu sisi sote ni wabinafsi, waovu, wenye mapungufu na dhaifu, lakini mbele za Mungu sisi ni watu wake wakamilifu. Je, wale ambao matendo yao yana mapungufu lakini wanaamini katika injili ya maji na Roho ni watoto wa Mungu au la? Sisi tunaoamini katika injili ya maji na Roho ni watoto wa Mungu ambao wokovu wetu ni mkamilifu kiroho. Kwa maneno mengine, matendo ya wale waliopokea ondoleo la dhambi kwa kuamini katika nyuzi za bluu, zambarau, na nyekundu si makamilifu, bali wokovu wao ndio ulio mkamilifu. Kwa kuwa imani yetu ambayo imetuokoa ni kamilifu, basi ndio maana tunaweza kushirikiana kati yetu katika neema ya Mungu. Na kwa kuwa tunayafikia maamuzi yetu kwa kuzingatia ukweli sahihi wa nyuzi za bluu, zambarau, na nyekundu, basi ndio maana imani yetu na hukumu yetu haina dosari kamwe.

Mungu ametueleza kukiweka kipimo hiki cha hukumu juu ya mioyo ya makuhani wakati wote. Tunapaswa kuwapokea watu wote wa ulimwengu huu katika mioyo yetu. Tunapaswa kuzipokea nafsi zao, kisha tuwaombee, na kisha kuwaenezea injili ya maji na Roho. Na hii ndio maana tunapaswa wakati wote kuwa na kifuko cha hukumu katika mioyo yetu. Leo hii na kesho ni lazima tuendelee kuwahukumu wenye dhambi kuwa ni wadhambi ili tuweze kuihubiri injili ya maji na Roho kwao.

Ninatamani kwa haki kwamba ukweli huu wa imani upatikane katika mioy yao. Kama ukweli huu upo katika mioyo yenu, basi fahamu kuwa umepewa haki ya kuwahukumu watu wote. Amini katika Neno hili la kweli. Wakati wote toa hukumu yako kwa kuzingatia Neno la Mungu kwa namna hii, na amini wakati wote katika kuieneza injili ya maji na Roho kwa moyo wako wote.

Kila siku, ninakikumbuka hiki kifuko cha kifuani cha hukumu katika moyo wangu, ninatoa hukumu kwa kila kitu mbele za Mungu, na ninaendelea kuieneza injili. Kwa kweli kitendo cha kurudiarudia ni cha muhimu na maana sana katika kuieneza injili. Kwa kweli sisi ni wasahaulifu sana! Wanazuoni wanasisitiza kwamba kutoa elimu kwa namna ya kusisitiza na kurudiarudia ni njia bora kabisa ya asili na yenye matokeo mazuri katika elimu. Mtaalamu mmoja wa lugha aliwahi kusema kwamba mtoto anaweza kulitamka neno kwa usahihi mara baada ya kulirudia neno hilo mara elfu moja. Vivyo hivyo, tunapoendelea na kurudiarudia kulieneza Neno la ukweli wa maji na Roho, basi hapo ndipo Neno hilo linapojikita katika mioyo yetu. Nimeandika Ukweli huu wa injili mara kwa mara ili kwamba watu wanaposoma vitabu vyetu waweze kuufikia uelewa sahihi wa ukweli wa nyuzi za bluu, zambarau, na nyekundu na kitani safi ya kusokotwa, na kisha wakauamini ukweli huo. Na hii ndio sababu tunaendelea kuuhubiri Ukweli

huu wa injili.

Akina kaka na akina dada, sisi watakatifu ni lazima tuikiri imani yetu miongoni mwetu. Tunapoikiri imani yetu na kisha kushirikishana neema ya Mungu miongoni mwetu, basi hapo ndipo mioyo yetu inapoweza kuungana, na hapo ndipo makosa au uelewa mbaya ambao tungeliweza kuwa nao unaweza kusahihishwa na kurekebishwa. Na ni kwa kupitia ushirikiano kama huu ndipo tunapoweza kukua kiroho. Kadri imani yetu inavyozidi kukua, basi vivyo hivyo maisha yetu ya kiimani pia yatasonga mbele. Ni mara ngapi tumefikiria kimakosa? Ni mara ngapi ufahamu wetu za zamani ulikuwa na dosari? Na ni mara ngapi uelewa wetu umekuwa wa kinadharia zaidi? Ni wazi kwamba imani zote tulizokuwa nazo kabla hatujaifahamu injili ya maji na Roho zilikuwa ni nadharia tu.

Mtume Paulo alisema kwamba yeyote anayeihubiri injili nyingine zaidi ya ile aliyoihubiri yeye atalaaniswa (Wagalatia 1:9). Pia Paulo alisema kwamba aliyahesabu yale yote aliyokuwa akiyafahamu hapo kabla zaidi ya ukweli wa Mungu kuwa ni takataka. Hata hivyo, katika Ukristo wa leo, wale wanaojivunia ufahamu taka wa dini zao ndio wanaokuwa na nguvu.

Kwa kuwa sisi ambao tumeokolewa kwa kupitia nyuzi za bluu, zambarau, na nyekundu na kitani safi ya kusokotwa tunashirikiana miongoni mwetu, basi ni wazi kwamba tunaweza kuiunganisha mioyo yetu. Wala hatuionei haya injili hii ya maji na Roho, kwa kuwa Ukweli huu umetukomboa toka katika adhabu ya milele kuzimu. Ndio maana hatuwezi kufanya lolote zaidi ya kuuhubiri Ukweli wa injili ambao umejificha katika nyuzi za bluu, zambarau, na nyekundu hadi mwisho wa ulimwengu pasipo kusita wala shaka. Huu ndio utume ambao tunapaswa kuufanya haraka.

Kwa mara ya kwanza nilipofahamu kwamba injili hii ya

maji na Roho ndio Ukweli pekee, kwa kweli nilishtuka sana. "Aah, hivi ndivyo ilivyo! Hivi ndivyo ilivyo halafu nilikuwa sifahamu hadi wakati huu. Je, Wakristo ulimwenguni kote wanaufahamu Ukweli huu? Je, wanatheolojia wanauzungumzia Ukweli huo?" Kwa kweli natamani kama angelikuwepo miongoni mwa watheolojia aliyewahi kuuzungumzia Ukweli huu. Hivyo niliyachunguza matawi yote ya theolojia katika Ukristo ili kuona kama kuna lolote kuhusiana na injili ya maji na Roho ndani yake, lakini sikuweza kupata hata sehemu moja.

Hivyo, sala ya kwanza kabisa niliyoifanya mara baada ya kuutambua Ukweli huu ilikuwa ni hii: "Bwana, ninaamini katika injili hii ya maji na Roho. Ninaamini kwamba ulizichukua katika mwili wako dhambi zangu zote kwa kubatizwa, ulikufa Msalabani, ukafufuka tena toka kwa wafu, na kwa sababu hiyo umeniokoa. Bwana, lakini watu wote wa ulimwengu huu bado hawaufahamu Ukweli huu. Hebu niueneza Ukweli huu ulimwenguni kote. Naomba uniruhusu kuihubiri injili yako halisi kama ilivyo."

Kwa kweli ni baraka kubwa kwamba nimeweza kuonana nanyi watenda kazi wenzangu. Kwa kweli ni jambo jema kuonana na watafuta ukweli wachache ambao wanamtafuta Mungu, na ambao wanataka kuuhubiri ukweli wa nyuzi za bluu, zambarau, na nyekundu na kitani safi ya kusokotwa, na wanaotaka kumwamini Bwana na kumtumikia kwa pamoja kama hivi, hili ni jambo jema kuliko kukutana na kuwafundisha watu elfu moja ambao hawalisikilizi wala kuliamini Neno la Mungu. Kwa kweli ninamshukuru sana Mungu kwa kuwa ninyi nyote mnaliamini Neno lake!

Kwa kweli katika ulimwengu huu kuna watu wachache ambao wana furaha kama wewe na mimi. Ni nani katika ulimwengu huu aliye na akina kaka na akina dada halisi kama tulivyo sisi? Kwa kweli mambo haya yote yametoka kwa Mungu


wa ukweli. Wakati Mungu anapokuwa ametupatia baraka ya thamani kama hiyo, na wakati Mungu anapokuwa ametukabidhi ukuhani wa thamani, itawezekanaje basi kwa sisi kutotenda kazi kwa ajili ya injili yake, tutawezaje kutowahukmu wenye dhambi, na tutawezaje kutojeneza injili ya maji na Roho? Na tunapoihubiri injili tutashindwaje kuwatofautisha kati ya wale waliopokea ondoleo la dhambi na wale ambao hawajapokea? Kama vile Mungu alivyoweza kutengenanisha mwanga toka katika giza wakati alipoziumba mbingu na nchi, sisi nasi tunaweza kuwatenganisha wenye dhambi kati ya wenye haki kwa wazi kabisa. Kwa kweli Mungu hafurahishwi wakati tunapouchanganya ukweli na uongo. Na ndio maana Mungu anasema, "Usipande shamba lako la mizabibu aina mbili za mbegu; yasije yakaondolewa matunda yote, mbegu ulizopanda na maongeo ya mizabibu yako. Usilime kwa ng'ombe na punda wakikokota jembe pamoja. Usivae nguo iliyochanganyikana sufu na kitani pamoja" (Kumbukumbu la Torati 22:9-11). Na hii ndio sababu tunapaswa kuwatenga wenye dhambi na kisha kutoa hukumu juu yao kwa wazi.

Sasa ni wakati kwa wale wote ambao wamelisikia Neno la Mungu kuliamini kuwa ni ukweli hata kama haliendani na vipaumbele vyao. Wale wanaoamini katika Neno la Mungu wanafanyika kuwa nuru ya ulimwengu katika neema ya Mungu, lakini wale wasioamini hawawezi kulikwepa giza. Kwa kuwa tunaamini katika injili ya maji na Roho ndio maana tumefanyika kuwa *Urimu* na *Thumimu*, yaani "mwanga na ukamilifu. ' Katika Mungu, sisi tumefanyika kuwa wale ambao tumeokolewa kikamilifu toka katika dhambi.

Je, mmefanyika kuwa watoto wa Mungu kikamilifu kwa kuamini katika injili ya maji na Roho? Kwa sasa tunaishi maisha yetu tukizifanya kazi za ukuhani wa kifalme, tunatoa shukrani zetu zote kwa Yesu Kristo ambaye amefanyika kuwa Mfalme

wa wafalme katika ulimwengu huu. Kwa kweli ninamshukuru Mungu kwa kutupatia injili hii ya wokovu. Ninaomba ili kwamba Mungu atuwezeshe kuyatimiza kwa mafaniko majukumu ya ukuhani wa kifalme wakati tukiwapo hapa duniani.

Halleluya! Ninamsifu Mungu wetu milele. ⊠





Unaweza Kupakua Vitabu vya Kikristo vya Mchungaji Paul C. Jong katika Kompyuta, Kompyuta-Kibao, au kwenye Simu-Mahiri

Sadaka ya Dhambi Ili Kumsimika Kuhani Mkuu

< Kutoka 29:1-14 >

"Nawe uwafanyie jambo hili, ili kuwatakasa, wapate kunitumikia mimi katika kazi ya ukuhani; twaa ng'ombe mmoja mume kijana, na kondoo waume wawili walio wakamilifu, na mkate usiotiwa chachu, na maandazi vasiyotiwa chachu yaliyokandwa kwa mafuta, na kaki zisizotiwa chachu zilizotiwa mafuta; utazifanya za unga mzuri mwembamba wa ngano. Nawe vitie vyote katika kikapu, uvilete ndani ya kikapu, pamoja na huyo ng'ombe, na hao kondoo waume wawili. Kisha mlete Haruni na wanawe hata mlangoni pa hema ya kukutania, ukawaoshe kwa maji. Kisha twaa hayo mavazi na kumvika Haruni; itie kanzu, na joho ya naivera, na naivera, na kifuko cha kifuani, na kumkaza kwa huo mshipi wa naivera uliosukwa kwa ustadi; nawe mvike kile kilemba kichwani, na ile taji takatifu utaitia katika kile kilemba. Ndipo utakapotwaa hayo mafuta va kutiwa, na kummiminia kichwani mwake, na kumtia mafuta. Kisha walete hao wanawe na kuwayika kanzu. Nawe uwakaze mishipi, Haruni na wanawe, na kuwavika kofia; nao watakuwa na huo ukuhani kwa amri ya milele; nawe utawaweka Haruni na wanawe kwa kazi takatifu. Kisha utamleta huyo ng'ombe mbele ya hema ya kukutania; na Haruni na wanawe wataweka mikono yao juu ya kichwa cha huyo ng'ombe. Kisha utamchinja huyo ng'ombe mbele ya Bwana, mlangoni pa hema ya kukutania. Kisha twaa baadhi ya damu ya ng'ombe, uitie katika pembe za madhabahu kwa

kidole chako; na kuimimina damu yote chini ya madhabahu. Kisha twaa mafuta yote yafunikayo matumbo, na kitambi kilicho katika ini, na figo mbili, na mafuta yaliyo juu yake, uyateketeze yote juu ya madhabahu. Lakini nyama yake huyo ng'ombe, na ngozi yake, na mavi yake, utayachoma kwa moto nje ya marago; ni sadaka kwa ajili ya dhambi."

Leo hii hebu tuangalie katika kumsimika Kuhani Mkuu. Hapa tunaona kwamba Mungu alimwamuru Musa jinsi yay kumsimika Haruni na wanawe kwa kina. Neno "kusimika" ambalo linaonekana kimaana katika aya ya 9 maana yake hi kufanya kitu kuwa kitakatifu, kuandaa, kuweka wakfu, kumheshimu, na kumchukulia mtu au kitu kama kitakatifu. Kwa maneno mengine, kusimikwa maana yake ni kutakaswa na kuwekwa wakfu kwa ajili ya kazi ya Mungu. Hivyo, "kusimikwa kama Kuhani Mkuu" maana yake ni "kuwekwa kando ili kupewa mamlaka na majukumu ya Kuhani Mkuu." Mungu alimpatia Haruni pamoja na wanawe haki ya kuwa Kuhani Mkuu na ukuhani ambao ulimwezesha kuwapatia watu wake ondoleo la dhambi.

Mungu alimwamuru Musa kumvika Haruni kwa mavazi ya Kuhani Mkuu na kisha kumwekea kilemba juu yake na pia kuwapatia wanawe majoho. Ili Haruni aweze kusimikwa kama Kuhani Mkuu na wanawe kama makuhani, basi walipaswa kumchukua ng'ombe dume na kondoo wawili wasio na mawaa ili vitumike katika kuwasimika. Kazi muhimu zaidi ya Kuhani Mkuu ilikuwa ni kutoa sadaka ya dhambi katika ile Siku ya Upataniso kwa ajili ya ondoleo la dhambi la watu wote wa Israeli. Na ili aweze kufanya hivyo, Haruni pamoja na wanawe walipaswa kutakaswa dhambi zao kwanza katika ile siku ya kusimikwa.

Tunachopaswa kukitambua hapa ni kwamba hata Kuhani Mkuu alipaswa kuiweka mikono yake juu ya kichwa cha mwanasadaka wa kuteketezwa kabla ya kumchinja na kisha kuitoa damu ya huyo mwanasadaka kuwa sadaka kwa Mungu, alipaswa kufanya yote hayo kwa mujibu wa utaratibu wa sadaka ya kuteketezwa ulikuwa umeanzishwa na Mungu. Kuhani Mkuu alipaswa kutoa sadaka kama hiyo kama sadaka ya dhambi pamoja na sadaka za kuteketezwa kwa muda wa siku saba, pia alitoa sadaka za kufuta na sadaka za kutupa kwa ajili ya kusimikwa kwake.

Kama ilivyokuwa kwa sadaka zilizotolewa kwa ajili ya Kuhani Mkuu mwenyewe na wana wake, Kuhani Mkuu alipaswa kuiweka mikono yake juu ya kichwa cha mnyama wa sadaka ya kuteketezwa ili kuzipitisha dhambi za Waisraeli kabla ya kumuua huyo mnyama, na kisha kuikinga damu yake. Ili aweze kumtumikia Mungu akiwa kama Kuhani Mkuu, basi Kuhani Mkuu alipaswa kujifunza kwa kina jinsi sadaka zinavyopaswa kutolewa kwa ajili ya ondoleo la dhambi la watu wake. Kule kusema kwamba Kuhani Mkuu alitoa sadaka ya dhambi ili kuzioshelea mbali kwanza dhambi zake maana yake ni kwamba alikuwa akifundishwa jinsi ya kuweza kutoa sadaka kwa ajili ya watu wake—yaani kwa yeye pia kuiweka mikono yake juu ya kichwa cha mwanasadaka, kwa kuikinga damu na kwa kuiweka damu hii katika madhabahu ya sadaka ya kuteketezwa, na kisha kuimwaga damu iliyosalia ardhini.

Hapa, Kuhani Mkuu alipaswa kukumbuka kwamba ili aweze kuzipitisha dhambi zake na dhambi za watu wake juu ya mnyama wa sadaka ya kuteketezwa; basi alipaswa kuiweka mikono yake juu ya kichwa cha mwanasadaka. Kama Kutoka 29:10-12 inavyosema, "Kisha utamleta huyo ng'ombe mbele ya hema ya kukutania; na Haruni na wanawe wataweka mikono yao juu ya kichwa cha huyo ng'ombe. Kisha utamchinja huyo

ng'ombe mbele ya Bwana, mlangoni pa hema ya kukutania. Kisha twaa baadhi ya damu ya ng'ombe, uitie katika pembe za madhabahu kwa kidole chako; na kuimimina damu yote chini ya madhabahu."

Kuhani Mkuu na wanawe waliamuriwa kwamba ni lazima waiweke mikono yao juu ya kichwa cha ng'ombe dume, ambaye alikuwa ni sadaka yao ya kuteketezwa. Kwa kuwa wakati Haruni Kuhani Mkuu na wanawe walipoiweka mikono yao juu ya kichwa cha yule mnyama wa sadaka ya kuteketezwa, basi hapo dhambi zao zote zilipitishwa kwenda kwa huyo mnyama. Na kwa kuwa huyu mwanasadaka wa kuteketezwa alikuwa amezipokea dhambi za Kuhani Mkuu pamoja na wanawe kwa kule kuwekewa mikono, basi ilimpasa mwanasadaka huyo kuimwaga damu na kufa. Baada ya jambo hili, Kuhani Mkuu aliikinga damu, akaiweka katika pembe za madhabahu ya sadaka ya kuteketezwa, kisha akaimwaga damu iliyosalia ardhini. Kuhani Mkuu aliyachukua mafuta yote yaliyokuwa yakiufunika utumbo, mafuta yaliyokuwa juu ya ini, pamoja na figo zote mbili na mafuta yaliyokuwemo ndani yake, kisha akayachoma mafuta hayo yote madhabahuni.

Kama ilikuwa ni sadaka ya dhambi kwa ajili ya upatanisho wa dhambi za mtu yeyote wa kawaida ambaye alikuwa ametenda dhambi bila kukusudia, basi alipaswa kuleta mbuzi mtoto kama sadaka yake ya dhambi, na huyo mbuzi alipaswa kuwa ni jike asiye na mawaa. "Naye ataweka mkono wake kichwani mwake hiyo sadaka ya dhambi, na kumchinja sadaka ya dhambi mahali hapo pa sadaka ya kuteketezwa. Kisha kuhani atatwaa katika hiyo damu yake kwa kidole chake, na kuitia katika pembe za madhabahu ya kuteketeza na damu yake yote ataimwaga chini ya madhabahu. Kisha atayaondoa mafuta yake yote, kama vile mafuta yanavyoondolewa katika hizo sadaka za amani; kisha kuhani atayateketeza juu ya madhabahu, iwe

harufu ya kupendeza kwa Bwana; na kuhani atafanya upatanisho kwa ajili yake, naye atasamehewa" (Mambo ya Walawi 4:29-31).

Huku kuwekea mikono na kuimwaga damu ya sadaka kunabeba vitu au hatua muhimu sana katika utaratibu wa sadaka va kuteketezwa uliowekwa na Mungu. Hata kabla va kuwekwa misingi ya ulimwengu, Mungu alikuwa ameuweka mpango huu katika Yesu Kristo ili kuziondoa dhambi zetu zote kwa ukweli uliofichika katika nyuzi za bluu, zambarau, na nyekundu, na kitani safi ya kusokotwa. Mungu aliwaahidi watu wa Israeli kwamba atakutana nao wakati wowote watakapokuwa wakitoa sadaka ya kuteketezwa. Kutoka 29:42 inasema, "Itakuwa ni sadaka ya kuteketezwa milele katika vizazi vyenu vyote mlangoni pa ile hema ya kukutania mbele ya Bwana; hapo nitakapokutana nanyi, ili ninene na wewe hapo." Sadaka ya kuteketezwa ambayo ilitolewa na makuhani kila asubuhi na jioni ilikuwa ni sadaka ya kutolewa katika kizazi chote na wakati wote, yaani hata kwetu sisi ambao ni watu wa kiroho wa Israeli ambao tumepokea ondoleo la dhambi zetukwa kuamini katika injili ya maji na Roho. Mungu anatueleza kwamba atakutana nasi kwa kupitia sadaka hizi.

Nini Maana ya Sadaka ya Kuteketezwa Iliyotolewa na Kuhani Mkuu?

Kwa kuwa sadaka ya kuteketezwa iliyapokea makosa yote ya wenye dhambi waliokuwa wameiweka mikono yao katika kichwa chake, basi ndio maana sadaka hiyo ilipaswa kufa kwa niaba yao na kisha kuchomwa. Kile ambacho Mungu anakitaka toka kwetu kwa kupitia sadaka ya dhambi ya utaratibu wa sadaka ya kuteketezwa ni kwa sisi kutubu kwamba, "Kwa kuwa

nimefanya dhambi hii na ile mbele za Mungu, basi ninapaswa kupokea adhabu ya hiyo ya dhambi." Ili tuweze kuzioshelea mbali dhambi zetu kwa mujibu wa sheria ya Mungu ya wokovu, basi tunapaswa kuiweka mikono yetu juu ya kichwa cha mnyama wa sadaka ya kuteketezwa, na kisha kuikinga damu yake, na kisha kuiweka damu hii katika pembe za madhabahu ya sadaka ya kuteketezwa, na kisha kuimwaga damu yote iliyosalia ardhini, na kisha kuichoma nyama yake huyo mwanasadaka katika madhabahu ya sadaka ya kuteketezwa, na hatimaye kupokea ondoleo la dhambi kwa mujibu wa neema katika haki ya Mungu.

Kwanza, tunapaswa kukiri dhambi zote ambazo tumezifanya kwa matendo yetu na mioyo yetu mbele za Mungu. Pia ni lazima tutambue kwamba hatuwezi kukwepa kuadhibiwa kwa sababu ya dhambi hizi. Na ndio maana hatuna maneno ya kutosha kumshukuru Mungu kwa ajili ya wokovu wake mkamilifu. Mungu alitupenda sana hata akamtoa Mwanawe pekee. Yesu Kristo alizichukua dhambi zetu zote kwa kupitia ubatizo wake kisha akazipatanisha hizo dhambi zote kwa kifo chake Msalabani ili kwamba yeyote anayemwamini asipotee bali awe na uzima wa milele.

Utaratibu wa sadaka ya kuteketezwa unahitaji kwamba sadaka itolewe kwa kuwekea mikono na kisha kuimwaga damu ya huyo mwanasadaka. Hii inatoa ushahidi wa imani inayoziondoa dhambi zetu zote, na kwa sababu hiyo tunapaswa kuiamini imani hiyo. Kule kusema kwamba kila mwenye dhambi aliiweka mikono yake juu ya kichwa cha mwanasadaka wa kuteketezwa maana yake ni kuzipitisha dhambi kwenda kwa huyo mwanasadaka. Hata Kuhani Mkuu alipaswa pia kukiri dhambi zake, "Nina dhambi hizi na hizi mbele za Mungu, na kwa sababu hiyo ninastahili kuuawa," alipaswa kukiri hivi kila wakati alipotoa sadaka ya dhambi. Lakini tunaweza kuokolewa

kwa kuamini kwamba Mungu ametupatia sadaka ya upatanisho ili kutukomboa toka katika dhambi, na kwamba Mungu ametuwezesha kupokea ondoleo la dhambi kwa kuamini katika sadaka hii.

Mungu alisema, "Nitakutana na wewe pale." Mungu alisema haya si kwa Kuhani Mkuu peke yake, bali hata kwa watu wa kawaida, na hii ina maanisha kwamba Mungu atatupatia ondoleo la dhambi kwetu sote na hivyo kutufanya kuwa watu wake. Sasa Mungu anakutana nasi kwa namna gani? Kwa kuwa Mungu anao mpango wa wokovu kwetu sisi, basi ni hakika kwamba Mungu anakutana na wale tu wanaotoa sadaka zao za dhambi kwa mujibu wa utaratibu wa sadaka ya kuteketezwa ulioanzishwa na Mungu. Kwa kuwa Mungu alifahamu kwamba kila mwanadamu anazaliwa akiwa mwenye dhambi na kwamba mwanadamu amefungwa kuendelea kutenda dhambi, basi ndio maana alitaka kuzioshelea mbali dhambi zetu zote kwa mujibu wa rehema zake zinazodhihirishwa katika utaratibu wake wa sadaka ya wokovu, ili hatimaye aweze kutufanya sisi kuwa watoto wake. Hii ndio sababu Mungu alianzisha utaratibu wa sadaka ya kuteketezwa ambao kwa huo watu wengi wa Israeli waliweza kuzipitisha dhambi zao kwenda kwa sadaka zao za kuteketezwa wakati walipoiweka mikono yao juu ya vichwa vya hao wanasadaka.

Watu wa Israeli walizipitisha dhambi zao kwenda kwa wanyama wa sadaka ya kuteketezwa "kwa kuwekea mikono yao." Watu wa Israeli walizivunja sheria za Mungu mara nyingi na walifanya kila aina ya dhambi. Lakini kwa kuwa waliweza kuyapitisha maovu yao juu ya wanyama wa sadaka ya kuteketezwa kwa kupitia njia hii "ya kuwekea mikono," basi ndio maana waliweza kuzisafisha dhambi zao zote. Ni kwa kupitia utaratibu huu ndio maana Mungu aliweza kukaa na Waisraeli wale waliokuwa wamemwamini, akawa Mungu wao,

akawafanya kuwa watu wake, akawaongoza, akawapatia baraka za Mbinguni pamoja na baraka za manono ya nchi. Mambo haya yote yaliwezekana kwa kupitia imani yao katika utaratibu wa sadaka ya kuteketezwa wa Hema Takatifu la Kukutania.

Vipengere hivyo vyote vya utaratibu wa sadaka ya kuteketezwa wa Hema Takatifu la Kukutania ulikuwa umeandaliwa na Mungu mapema, na kwa sababu hiyo watu wa Israeli waliweza kuoshelewa mbali dahmbi zao kwa kuiweka mikono yao juu ya kichwa cha mwanasadaka na kisha kuzipitisha dhambi zao zote kwa mujibu wa mbinu hii iliyopangwa na Mungu. Kwa kuwa Mungu aliwawezesha wale wote waliomwendea kwa kuamini katika nguvu ya kuwekea mikono na nguvu ya kuimwaga damu kwa namna ilivyokuwa imeanzishwa na Mungu, basi wale wote waliouamini Ukweli huu waliweza kutembea pamoja na Mungu aliye mtakatifu. Mungu asingeliweza kuishi na watu wa Israeli pasipo sadaka iliyotolewa kwa kuwekea mikono na kwa kuimwaga damu. Bila kujalisha jinsi Waisraeli walivyokuwa na mpaungufu na dhambi nyingi walizozifanya, ukweli ni kwamba Mungu aliweza kuishi kati yao kwa sababu ya ile sheria ya wokovu iliyokuwa imetolewa na Mungu ambayo inapatikana katika sadaka ya kisheria—yaani kuweka mikono juu ya kichwa cha mwanasadaka wa dhambi na kwa kuimwaga damu yake. Kwa hiyo, sisi sote ni lazima tutambue na kuamini kwamba wokovu toka katika dhambi umeruhusiwa kwetu na Mungu unaundwa na tendo la kuwekea mikono juu ya kichwa cha mwanasadaka wa kuteketezwa na katika kuimwaga damu yake.

Makuhani walipaswa kutoa sadaka ya kuteketezwa kila asubuhi na kila jioni. Walipaswa kufanya hivi kwa sababu mara baada ya kutoa sadaka ya kuteketezwa asubuhi waliendelea kufanya dhambi nyingi zaidi wakati wa mchana, na kwa sababu hiyo ilikuwa ni muhimu kwa wao kuzipitisha dhambi zao hizo

na kisha kujiosha tena kwa kutoa sadaka nyingine ya kuteketezwa wakati wa jioni. Sadaka kuteketezwa za zilizotolewa kila siku ziliwakumbusha Waisraeli juu ya imani inayokumbuka na kuamini kwamba Yesu atakuja hapa duniani, atakazichukua dhambi za ulimwengu katika mwili wake kwa kubatizwa na Yohana Mbatizaji, atakufa Msalabani, na hivyo atazitoweshea mbali dhambi zote za ulimwengu wote. Vivyo hivyo, sisi sote ni lazima tutoe sadaka za imani kila asubuhi na kila jioni, hii ni kwa sababu tunaendelea kutenda dhambi bila kukomba siku nzima. Sadaka hii ya imani iliyotolewa wakati wa Agano la Kale ni sawa na kule kuoshwa uchafu wote wa moyo katika wakati wa Agano Jipya kwa kuamini katika ubatizo ambao Yesu aliupokea toka kwa Yohana Mbatizaji na damu yake aliyoimwaga.

Mungu Baba anakutana nasi mara anapoiona imani hii katika mioyo yetu, yaani imani inayoamini kile ambacho Yesu Mwokozi amekifanya kwa kuziondolea mbali dhambi zetu zote. Yesu Kristo alikuja hapa duniani kwa mujibu wa utaratibu wa sadaka ya kuteketezwa wa Agano la Kale akazipokea dhambi zetu zote kwa kubatizwa na Yohana Mbatizaji mwanzoni mwa kipindi cha Agano Jipya (Mathayo 3:15). Hii ndio maana Yesu alisema, "Tangu siku za Yohana Mbatizaji hata sasa ufalme wa mbinguni hupatikana kwa nguvu, nao wenye nguvu wauteka" (Mathayo 11:12). Tunaweza kuwekwa huru toka katika dhambi zetu zote na kisha kusafishwa dhambi hizo kikamilifu kwa kuamini katika Ukweli wa injili.

Bila kujalisha ukweli kwamba Yesu Kristo alikuja hapa duniani, ukweli ni kwamba watu wanaendelea kutenda dhambi nyingi, na hata sisi Wakristo, kabla na baada ya kumfahamu Yesu Kristo bado tumeendelea kutenda dahmbi nyingi sana zisizohesabika. Lakini Yesu Kristo alikuja hapa duniani, na amezioshelea mbali dhambi zote za ulimwengu kwa ubatizo

wake alioupokea toka kwa Yohana Mbatizaji na damu yake aliyoimwaga Msalabani. Hivyo, wakati Mungu aliposema kwamba atakutana na watu wa Israeli kwa kupitia sadaka ya kuteketezwa, basi hii ina maanisha kwamba Mungu atakuana na wale wanaoamini katika injili ya maji na Roho. Mungu anawapenda wale wote wanaoamini kwamba Bwana amezitoweshea mbali dhambi zao zote kwa nyuzi za bluu, zambarau, na nyekundu. Lakini ni hakika kwamba Mungu hawapendi wale wanaoupuuzia Ukweli huu.

Katika kipindi hiki cha Agano Jipya, tunaweza kuonana na Mungu kwa kuamini katika injili ya maji na Roho. Katika kipindi cha Agano la Kale, mtu aliweza kupokea ondoleo la dhambi zake kwa kuamini katika Ukweli uliodhihirishwa katika nyuzi za bluu, zambarau, na nyekundu na kitani safi ya kusokotwa. Kitendo cha kuwekewa mikono na kitendo cha kuimwaga damu—vinafanya umoja wa dhana zinazoiunda injili moja kamilifu. Agano la Kale lilitabiri juu ya wokovu mkamilifu wa Mungu kwa kina, na katika Agano Jipya kuna utimilifu wa unabii huo na ukamilifu wa injili iliyoahidiwa. Kwa hiyo, Waebrania 1:1-2 inasema, "Mungu, ambaye alisema zamani na baba zetu katika manabii kwa sehemu nyingi na kwa njia nyingi, mwisho wa siku hizi amesema na sisi katika Mwana, aliyemweka kuwa mrithi wa yote, tena kwa yeye aliufanya ulimwengu."

Yesu ni Mfalme wa wafalme na Mungu Mwenyezi, lakini huyu Mungu alikuja hapa duniani akafanyika mwili wa mwanadamu, alibatizwa, akafa Msalabani, akafufuka tena toka kwa wafu, na kwa sababu hiyo amezioshelea mbali dhambi zetu zote na ametuokoa toka katika adhabu yote ya dhambi. Kwa kuamini katika injili hii ambayo kwa hiyo Mungu ametufanya sisi kuwa wenye haki, basi hapo tunaweza kufanyika wakamilifu. Sasa imewezekana kwetu sisi kupokea ondoleo la dhambi zetu ambalo tulilitafuta kwa juhudi sana. Tulihitaji sana kuzioshelea

mbali dhambi zetu zote, sasa Mungu ameziondolea mbali dhambi hizo zote mara moja na kwa wote kwa kupitia utaratibu wa sadaka ya kuteketezwa wa kuwekea mikono na kwa kuimwaga damu—yaani kwa kupitia ubatizo wa Yesu na kwa kuimwaga damu yake Msalabani, vitu ambavyo ni vipengere halisi vya injili ya maji na Roho (1 Yohana 5:6-8). Mungu ataonana nasi na kutufanya sisi kuwa watu wake pale tu takapoamini kwamba Mungu amezitoweshea mbali dhambi zetu zote kikamilifu.

Umuhimu wa Kuwekea Mikono

Mambo ya Walawi 1:1-4 inasema, "Bwana akamwita Musa, na kusema naye kutoka katika hema ya kukutania, akamwambia, Nena na wana wa Israeli, uwaambie, Mtu wa kwenu atakapomtolea Bwana matoleo, mtatoa matoleo yenu katika wanyama wa mifugo, katika ng'ombe na katika kondoo. Matoleo yake kwamba ni sadaka ya kuteketezwa ya ng'ombe, atatoa ng'ombe mume mkamilifu; ataleta mlangoni pa hema ya kukutania, ili akubaliwe mbele ya Bwana. Kisha ataweka mkono wake juu ya kichwa cha hiyo sadaka ya kuteketezwa; nayo itakubaliwa kwa ajili yake, ili kufanya upatanisho kwa ajili yake."

Hebu angalia kwa makini aya ya 4 ambayo inasema, "Kisha ataweka mkono wake juu ya kichwa cha hiyo sadaka ya kuteketezwa; nayo itakubaliwa kwa ajili yake, ili kufanya upatanisho kwa ajili yake." Kwa maneno mengine, Mungu atazipokea sadaka kwa raha wakati mwenye dhambi anapotoa sadaka yake ya kuteketezwa baada ya kuiweka mikono yake juu ya kichwa cha huyo mwanasadaka wa kuteketezwa. Je, mikono ya mwenye dhambi iliwekwa juu ya kichwa cha nani? Iliwekwa juu ya kichwa cha mwanasadaka wa kuteketezwa. Mungu

aliahidi kuzitoweshea mbali dhambi zote za watu wa Israeli kwa kupitia njia hii pekee. Kwa hiyo katika Agano la Kale mikono ya mwenye dhambi iliwekwa juu ya kichwa cha mnyama wa sadaka ya kuteketezwa, lakini vipi kuhusu wakati wa Agano Jipya? Ni nani aliye aliye sadaka ya kweli ya kuteketezwa katika kipindi cha Agano Jipya? Kwa kweli si mwingine bali ni Yesu Kristo ambaye ni Mwokozi wa wanadamu wote. Yesu Kristo ndiye sadaka pekee ya kuzitoweshea mbali dhambi zote za mwanadamu. Kwa kuwa kwa kupitia mwanadamu mmoja wanadamu wote walifanyika kuwa wenye dhambi, basi ni kwa kupitia Yesu Kristo kwamba wanadamu wote wanaweza kusafishwa dhambi zao zote na kisha kupokea uzima wa milele.

Tunapaswa kuiweka mikono yetu katika kicha cha Yesu kwa imani na kisha kuzipitisha dhambi zetu zote kwenda kwake. Kwa maneno mengine, ni lazima tuiweke mikono yetu juu ya kichwa chake kwa imani ya kweli ili kwamba Mungu aweze kuipokea sadaka hii ya kuteketezwa kwa furaha. Katika Mathayo 11:12 Yesu alisema kwamba ni wenye nguvu tu ndio wanaoweza kuuteka Ufalme wa Mbinguni. Kwa kuwa tendo la kuwekea mikono linatuwezesha kuizipitisha dhambi zetu zote juu ya sadaka ya kuteketezwa, basi ni hakika kwamba Mungu ataipokea sadaka hiyo kwa furaha. Kwa kuwa Yohana Mbatizaji aliiweka mikono yake juu ya kichwa cha Yesu Kristo na akazipitisha dhambi zote za wanadamu juu yake, basi ndio maana Mungu amemwezesha kila mtu kuoshwa dhambi zake na kukombolewa toka katika dhambi hizo na adhabu yake mara tu watakapoamini kwa mioyo yao yote katika ubatizo wa Yesu kifo chake Msalabani. Tunaweza kuzipitisha dhambi zetu zote kwenda kwa Yesu kwa kuamini katika ubatizo wa Yesu Kristo alioupokea.

Mungu aliwapatia Waisraeli utaratibu wa sadaka ya kuteketezwa, na utaratibu huo ulikuwa ni kivuli cha sadaka ya

milele iliyotolewa na Yesu Kristo kwa kuutoa mwili wake mwenyewe. Kwa maneno mengine, Yesu Kristo ameitimiza sheria ya wokovu iliyokuwa ikiahidiwa katika utaratibu huu wa sadaka ya kuteketezwa kwa ubatizo wake na damu yake Msalabani. Mungu ametuokoa kwa kutupatia Yesu Kristo, ambaye ni Mwanae pekee kutokana na upendo wake usio na kikomo juu yetu. Sasa ni wakati wa kila mtu kuokolewa kwa kuamini katika ubatizo wa Yesu Kristo na damu yake aliyoimwaga Msalabani.

Mungu mwenye maarifa yote aliupanga wokovu wake mkamilifu kwa ajili ya wenye dhambi hata kabla ya uumbaji, na ameutimiza mpango huo kwa usahihi na kwa mujibu wa ratiba yake. Kwa mujibu wa mpango huo wa Mungu, Yohana Mbatizaji alizaliwa miezi sita kabla ya Yesu. Yohana Mbatizaji alikuwa ni mkuu kuliko wanadamu wote. Kama Yesu Mwenyewe alivyosema, "Amin, nawaambieni, Hajaondokea mtu katika wazao wa wanawake alive mkuu kuliko Yohana Mbatizaji" (Mathayo 11:11), kwa maneno mengine, Yohana Mbatizaji alikuwa ni mwakilishi wa wanadamu. Yohana Mbatizaji alikuwa ni mtumishi wa Mungu aliyekuwa mkuu kuliko hata Musa, Eliya, na Nabii Isaya. Watu wengi wanamwona Yohana Mbatizaji kama mtu aliyeishi maisha ya kujinyima huko nyikani. Lakini ukweli ni kuwa alikuwa ametumwa na Mungu ili kuwa mwakilishi wa wanadamu wote. Kwa hakika Yohana Mbatizaji alikuwa ni mkuu kuliko wanadamu wote ulimwenguni. Yeye anatokea katika nyumba ya Haruni Kuhani Mkuu (Luka 1:5-7). Kama vile wafalme walivyokuwa wakizaliwa toka katika familia za kifalme, basi Yohana Mbatizaji, ambaye ni Kuhani Mkuu wa mwisho, alikuwa anatoka katika nyumba ya Haruni aliyekuwa Kuhani Mkuu wa kwanza, na akiwa kama mwakilishi wa wanadamu, alimbatiza Yesu katika Mto Yordani ili kuzipitisha dhambi za

mwanadamu kwenda kwa Yesu. Yohana Mbatizaji ni mkuu kuliko watu wote hapa duniani. Lakini kuna baadhi ya watu wanaouliza hili, kana kwamba ni watu wasioamini wakisema, "Ni wapi katika Biblia panaposema kwamba Yohana Mbatizaji ni Kuhani Mkuu?"

Hebu niwajibu kwa kufafanua kwa wazi kwamba Yohana Mbatizaji ni mwakilishi wa wanadamu na Kuhani Mkuu, na hivi ndivyo ilivyoandikwa katika Neno la Mungu: "Kwa maana manabii wote na torati walitabiri mpaka wakati wa Yohana. Na ikiwa mnataka kukubali, yeye ndiye Eliya atakayekuja" (Mathayo 11:13-14). Katika Malaki 5:5 Mungu aliahidi kumtuma Eliya. Na Yesu Mwenyewe alisema kwamba huyu Eliya atakayekuja si mwingine bali ni Yohana Mbatizaji. Kwa kuwa Yohana Mbatizaji alizaliwa toka ukoo wa Haruni ndio maana aliweza kulitimiza jukumu la Kuhani Mkuu.

Agano la Kale, wakati mwenye Katika alipozipitisha zake kwa kuiweka mikono yake juu ya kichwa cha kuteketezwa, basi ilimpasa mwanasadaka wa mwanasadaka kuuawa kwa kuimwaga damu yake na kisha kuchomwa moto. Yeyote aliyetaka kuondolewa dhambi zake ilimpasa kuiweka mikono yake juu ya kichwa cha mnyama wa sadaka ya kuteketezwa ili kuzipitisha dhambi zake kwenda kwa mwanasadaka huyo. Wakati watu walipoiweka mikono yao juu ya mwanasadaka ya kuteketezwa, bas tendo hili lilimaanisha kwamba dhambi zao zilipitishwa kwenda kwa mwanasadaka huyo. Na katika ile Siku ya Upatanisho, Haruni Kuhani Mkuu alipaswa kuilaza mikono yake juu ya kichwa cha mbuzi wa makosa ili kuzipitisha dhambi za mwaka mzima za Waisraeli kwenda kwa mbuzi huyo wa makosa. Katika tukio hili kitendo cha kuwekea mikono kilikuwua ni muhimu kisichoepukika, na kama tukiongea kiroho, tendo hili lilimaanisha ni kuzipitisha dhambi. Yohana Mbatizaji

alizipitisha dhambi zetu zote kwenda kwa Yesu kwa kupitia ubatizo wake, na kwa kupitia ubatizo huu Yesu alizipokea dhambi zote za ulimwengu kisha akaimwaga damu yake Msalabani. Yesu Kristo amefanyika kuwa Mwokozi wetu mkamilifu kwa kubatizwa na Yohana Mbatizaji na kisha kuzichukua dhambi zetu zote katika mwili wake.

Watu wa Israeli walitoa sadaka yao kwa Mungu kwa kuiweka mikono yao juu ya kichwa cha mwanasadaka kwa namna hiyo. Wakati watu wa Israeli walipofanya dhambi dhidiya Mungu na kuwa wenye dhambi, basi walipaswa kuzipitisha dhambi zao kwa mwanasadaka wao kwa kuiweka mikono yao juu ya kichwa chake ili waweze kutoa sadaka zao za dhambi vizuri. Mungu alipokea kwa raha sadaka iliyotolewa kwa kuchomwa moto mara baada ya kuwa imewekewa mikono na kisha kuchinjwa. Mungu alikutana na watu wa Israeli baada ya watu wa Israeli kuwa wamemtolea sadaka ya kisheria kwa kuiweka mikono yao juu ya huyo mwanasadaka. Kwa kuwa mwanasadaka wa kuteketezwa alikuwa amezipokea dhambi zao kwa kule kuwekewa mikono na kisha kuadhibiwa kwa ajili ya dhambi zao basi ndio maana Mungu aliweza kukutana na wale waliomwendea kwa kuamini katika neema ya Mungu inayoonyeshwa katika sadaka hii. Hii ndio maana Mungu aliridhishwa kuzipokea sadaka za wanyama kama hizo. Mungu ni mwenye rehema sana kiasi kwamba hapendi kuona yeyote yule akipelekwa kuzimu.

Vivyo hivyo, kinachotuosha toka katika dhambi zetu zote ni ubatizo wa Yesu Kristo alioupokea na damu yake Msalabani. Yesu Kristo aliweza kufa Msalabani na kisha kuibeba hukumu ya haki kwa ajili ya dhambi zetu kwa kuwa Yesu Kristo alikuwa amezichukua katika mwili wake dhambi zetu zote kwa kubatizwa na Yohana Mbatizaji ili kuzitoweshea mbali dhambi za ulimwengu. Yesu aliweza kutukomboa na kutuweka huru

toka katika dhambi kwa kuwa alikuwa amebatizwa ili kuzichukua dhambi zetu zote na kisha kuibeba adhabu ya dhambi Msalabani. Kwa hiyo, kwa kuamini katika ubatizo wake na kwa kuamini katika sadaka ya kuimwaga damu yake, basi sasa tunaweza kuzaliwa tena upya kama wenye haki na kisha kukutana na Yesu Kristo. Kwa kifupi, sisi sote tunaweza kukutana na Mungu mtakatifu kwa kupitia matendo ya haki ya Yesu na kwa kuamini katika injili ya maji na Roho. Yesu Kristo amefanyika kuwa Mwokozi wa milele kwetu sisi tunaoamini katika Ukweli huu.

Ni hakika kwamba tunapaswa kukutana na Mungu mtakatifu. Kwa kumwamini Mwokozi Yesu Kristo aliyekuja kwa nyuzi za bluu, zambarau, na nyekundu tunaweza kuonana na Mungu kwa imani. Wale wanaotaka kuonana na Mungu ni lazima walisikie Neno lake na kisha kuamini katika utaratibu wa kuteketezwa uliotolewa Mungu sadaka ambao va na unajumuisha tendo la kuwekea mikono na kuimwaga damu. Kama wanadamu hawataweza kuelewa kikamilifu kwa mawazo yao ya kimwili na kisha wakawa na mashaka yoyote yale kuhusiana na ukweli huu, basi ni lazima walifungue Neno la Mungu ili waweze kuthibitisha wao wenyewe. Kisha wanapaswa kuamini kile ambacho Neno la Mungu linakiongea.

Hatupaswi kumwamini Mungu kwa mawazo yetu binafsi. Badala yake ni lazima tusimame imara katika Neno la Mungu la kweli, na kwa kuzingatia Neno hili tunapaswa kuzitofautisha injili nyingine pamoja na hii injili halisi. Hatupaswi kuyasisitizia mawazo yetu binafsi huku tukiyategemea mawazo na uelewa wetu binafsi. Hakuna hata wazo moja kati ya mawazo yako binafsi linaloweza kuwa sahihi. Wanadamu ni wadhaifu sana, ni wenye mioyo migumu, na wamefanywa kuwa wagumu sana mbele za Mungu kiasi kuwa wameng'ang'ania haki zao binafsi na mawazo yao kwanza na kisha kuliacha nyuma Neno la

Mungu. Njia sahihi ya kuishai maisha bora na yenye baraka ni kwa kuifungua mioyo yetu mbele za Mungu na kisha kuliamini Neno lake.

Wakati Kuhani Mkuu alipotoa ng'ombe dume kama sadaka yake ya dhambi ili aweze kusimikwa, Mungu alimweleza kuyachukua mafuta yake yote yaliyoufunika utumbo, mafuta yaliyokuwa katika ini, pamoja na figo mbili na mafuta yake na kuvichoma hivyo vyote katika madhabahu, wakati huo huo nyama ya huyo ng'ombe dume pamoja na ngozi yake na mavi yake vilipaswa kuchomwa na moto nje ya kambi. Kuhani Mkuu alitoa sadaka kama vile Mungu alivyokuwa amemwamuru Musa. Wakati sadaka ya kuteketezwa ilipotolewa, Kuhani Mkuu alileta pia kondoo asiye na mawaa kama sadaka ya kuteketezwa kisha akaiweka mikono yake juu ya kichwa chake. Kila asubuhi na jioni Kuhani Mkuu pamoja na wanawe waliiweka mikono yao juu ya kichwa cha kila mwanasadaka, wakamchinja na kuikinga damu yake, kisha waliiweka damu hiyo juu ya pembe katika madhabahu ya sadaka ya kuteketezwa. Kisha walizichomo sehemu zote zisizo safi kama vile mavi na kichwa nje ya kambi, lakini sehemu nyingine zilichomwa katika madhabahu ya sadaka ya kuteketezwa. Sadaka ya kuteketezwa iliyotolewa wakati Kuhani Mkuu alipokuwa akisimikwa pia ilitolewa kwa namna hii.

Kimsingi, wakati wa kusimikwa kwa kuhani Mkuu, mafuta yote ya mnyama wa sadaka ya kuteketezwa yalipaswa kuchomwa kwa ajili ya Mungu. Kule kusema kwamba Mungu alifurahishwa na harufu nzuri ya kuunguzwa kwa mafuta ya mwanasadaka wa kuteketezwa kuna maanisha kwamba tendo hilo lilifanywa kwa mujibu wa Neno lake na kwa mujibu wa utaratibu wa sadaka ya kuteketezwa uliokuwa umepangwa na Mungu, na ni kwa kupitia utaratibu huo Mungu anatufanya sisi kuzaliwa tena upya. Kwa maneno mengine, mafuta yanayotajwa

hapa yanamdhihirisha Mungu Roho Mtakatifu. Kwa kuiweka mikono yetu juu ya mwanasadaka wa kuteketezwa, kwa kumchinja, na kisha kumtolea Mungu kwa kuichoma nyama ya huyo mwanasadaka katika madhabahu ya sadaka ya kuteketezwa, Mungu ametupatia utaratibu wa sadaka ya kuteketezwa na ametufanya sisi kwa mujibu wa utaratibu wake wa sadaka ya kuteketezwa. Mungu aliweza kuipokea sadaka kwa furaha wakati sadaka ya kuteketezwa ilipotolewa kwa Mungu kwa mujibu wa utaratibu wa sadaka ya kuteketezwa kwa imani.

Kutoka 29:10 inasema, "Na Haruni na wanawe wataweka mikono vao juu va kichwa cha huvo ng'ombe." Hii ilikuwa ni amri ya Mungu. Zaidi ya yote, kati ya mavazi ambayo Kuhani Mkuu aliyavaa wakati wa kusimikwa, naivera ilipaswa kufumwa kwa nyuzi tano bila kukosa—yaani, ilipaswa kufumwa kwa nyuzi za dhahabu, bluu, zambarau, na nyekundu na kitani safi ya kusokotwa. Hapa nyuzi za dhahabu zina maanisha ni imani. Nyuzi za bluu zina maanisha ni ubatizo wa Yesu Kristo alioupokea, ambao ni sawa na tendo la Agano la Kale la kuwekea mikono; nyuzi za zambarau zinatueleza kwamba Yesu ni Mwana wa Mungu, Mungu Mwenyewe na Mwokozi; na nyuzi nyekundu zinaonyesha juu ya sadaka ambayo Yesu Kristo aliifanya; na kitani safi ya kusokotwa ina maanisha ni Neno la Mungu lililotufanya kuwa wasio na dhambi. Nyuzi za dhahabu zinaidhihirisha imani inayoamini kwamba Mungu ameziondoleo dhambi zetu zote na ameifanya mioyo yetu kuwa myeupe kama theluji. Ni lazima tuwe na imani hii, yaani tukiamini kwamba Mungu amezitoweshea mbali dhambi zetu zote kwa ubatizo wa Yesu na damu yake Msalabani. Tunapaswa kumwamini Yesu Kristo kikamilifu kwa mujibu wa yale ambayo Mungu ametueleza, yaani kwa mujibu wa jinsi alivyozitoweshea mbali dhambi zetu zote. Tunapaswa

kumwamini Mungu kwa mujibu wa jinsi alivyouweka utaratibu wa sadaka ya kuteketezwa wa wokovu, na kwa mujibu wa namna alivyozitoweshea mbali dhambi zetu zote kwa kupitia Yesu Kristo ambaye ameutimiza utaratibu wa sadaka ya kuteketezwa.

Watu wengi wanasema, "Kwa nini humwamini Mungu kwa namna hii? Kwa nini unakuwa mchaguzi kiasi hicho? Pengine ni kwa kuwa una mwonekano binafsi na wa kina kiasi kwamba unataka kuwa na hakika wakati wote, lakini haiba yangu ipo mahali pote, na kwa sababu hiyo ninaamini juu ya mawazo yote mawili yanayopingana kwamba yanaweza kuwa sahihi. Je, ni kweli kwamba Mungu anawapokea watu wanaoamini kama hivyo? Kama mtu anasema ninamwamini Mungu kwa kiasi fulani tu, je, imani hii itakuwa inajitosheleza?" Ikiwa unaamini hivi basi ni hakika kwamba Mungu hataweza kufurahishwa nawe. Yeye ni Mungu wa ukweli. Mungu hajatuokoa kwa namna ya ovyovyo na isiyo na uhakika kama hivi. Kwa hakika Mungu ni mwanga angavu ambaye Neno lake ni kama vile upanga wa makali kuwili. Mungu anahukumu kwa Urimu na Thumimu, hii ina maanisha kwamba Mungu ametuokoa kwa mwanga na ukamilifu.

Mungu ana usahihi zaidi kuliko hata darubini za hali ya juu zinazoweza kutambua na kuvitofautisha vitu vidogo sana. Yeye si mtu anayeuthibitisha wokovu wetu tunapoamini kwa namna yeyote ile tunayopenda kuifanya. Kwa kuwa Mungu ni ukweli, ni hakika kwamba anafahamu kila kitu kuanzia mawazo yetu yaliyojificha hadi hisia zetu za muda mfupi, pia anaona dhambi zilizo ndani ya mioyo yetu hadi matendo yetu, kuanzia dhambi tulizozifanya zamani hadi dhambi tunazozifanya sasa na zile dhambi ambazo tutazifanya hapo baadaye, pia anazifahamu dhambi zetu zilizofichwa na zile zilizo wazi. Hii ndio sababu Mungu aliazimia kwamba ataziondoa dhambi hizo zote kwa

kuwekea mikono na kwa damu ya sadaka, na hivi ndivyo tunavyopaswa kuamini katika wokovu wa Mungu kwa mujibu wa utaratibu wa sadaka ya kuteketezwa uliopangwa na Mungu.

Bwana alisema kwamba tunapaswa kuiweka mikono yetu juu ya kichwa cha sadaka ya kuteketezwa, ili kwamba aweze kupokea sadaka hiyo kwa furaha. Wakati mwenye dhambi anapoiweka mikono yake juu ya kichwa cha mwanasadaka wa kuteketezwa, alipaswa kumchinja mwanasadaka hiyo na kisha kuiweka damu yake katika pembe za madhabahu ya sadaka ya kuteketezwa. Hiki kitendo cha kuweka damu katika pembe za madhabahu maana yake ni kuzitoweshea mbali ambazo zimeandikwa katika Kitabu cha Hukumu (Ufunuo 20:12-15). Baada ya tendo hilo, damu iliyosalia ilimwagwa ardhini. Hii ina maanisha kwamba moyo wa mwenye dhambi umesafishwa toka katika dhambi.

Yesu Kristo alibatizwa, akafa Msalabani, akafufuka tena toka kwa wafu, na kwa sababu hiyo ametuokoa wewe na mimi. Kuhani Mkuu alikuwa na imani inayofanana na ya kwetu. Imani ambayo wewe na mimi tunayo katika wakati huu haina tofauti yoyote na ile ambayo Kuhani Mkuu alikuwa nayo. Kuhani Mkuu aliweza kuyatimiza majukumu yake ya kikuhani kwa imani yake katika ukweli unaodhihirishwa katika nyuzi za bluu, zambarau, na nyekundu, na ni kwa imani hii hii mimi na wewe tunafanyika kuwa wenye haki. Tunaweza kuonana na Mungu kwa kuwa tumepokea ondoleo la dhambi kwa imani inayoamini katika wokovu uliotolewa Mungu, pia tunaweza kuomba msaada wake, tunaweza kuishi kama watu wake, na pia tunaweza kuieneza injili kwa wenye dhambi huku tukiyatimiza majukumu yetu ya kikuhani.

Makuhani Wakuu wa Hapa Duniani na Utaratibu wa Sadaka ya Kuteketezwa Viliwekwa na Mungu

Kuhani Mkuu na utaratibu wa sadaka ya kuteketezwa ulipangwa na Mungu. Kwa hiyo, Kuhani Mkuu wa kidunia alifanya yale aliyokuwa ameamriwa na Mungu kuyafanya, na kwa kufanya hivyo aliyatimiza majukumu yake ya kikuhani ya kuziondoa dhambi za watu wake. Akiwa kama Kuhani Mkuu wa Mbinguni, Yesu Kristo na Mwana wa Mungu alizitoweshaje dhambi zetu zote? Huyu Yesu, badala ya kutumia sadaka za kuteketezwa za kidunia aliutumia mwiliwake usio na mawaa kama sadaka ya kuteketezwa na akaziweka dhambi zetu zote juu yake. Yesu alizichukua dhambi za mwanadamu katika mwili wake kwa kubatizwa na Yohana Mbatizaji, akaimwaga damu yake na kufa Msalabani, kisha akafufuka tena toka kwa wafu, na kwa sababu hiyo ametuokoa toka katika dhambi zote za ulimwengu. Kwa kwlei upendo huu ni wa kushangaza sana na wokovu huu ni wa kustaajabisha!

Unaweza kufanya jambo kama hili? Yaani kufanya kwa ajili ya mtu mwingine, yaani kuzichukua dhambi za mtu na kisha kuuawa hadi kifo kwa niaba yake? Kwa kweli haiwezekani! Zaidi ya yote, mwili wako hauwezi kuhesabiwa kuwa ni sadaka inayofaa kisheria, kwa kuwa mwili huo hauwezi kukosa mawaa. Ni kweli kwamba kuna baadhi ya watu ambao wamefanya mambo mengi mema na ya haki kwa niaba ya watu wengine kuliko wao wenyewe—kwa mfano ni wale waliofanya kwa ajili ya taifa lao. Ingawa wanaweza wakawepo watu wanaoweza kufanya hivi, ukweli ni kuwa kitu chochote kinachofanywa na binadamu ni bure, kwa kuwa haiwezi kutatua tatizo lao la dhambi, sembuse kuwaokoa wengine. Hakuna mtu yeyote anayeweza kuwaokoa wanadamu toka katika dhambi zaidi ya Yesu Kristo ambaye ni Mwana Mtakatifu wa Mungu. Biblia

inatueleza kwamba hakuna jina jingine chini ya Mbingu tulilopewa wanadamu litupasalo kuokolewa kwalo bali ni jina la Yesu Kristo (Matendo 4:12).

Hata hivyo, anaweza akawepo mwanadamu yeyote miongoni mwenu anayeweza kufikiri kwamba, "Ninaweza kufanya hivyo. Ninaweza kujitoa kikamilifu kwa ajili ya mtu fulani, na zaidi ya yote ninaweza kujitoa sadaka kwa ajili ya mtu fulani"? Kwa kweli kujitoa huko na sadaka yake inaweza kukubaliwa miongoni mwa watu wa kimwili, lakini kadri siku zinavyozidi kwenda na kadri mambo yanavyozidi kubadilika, tendo kama hilo litafikia hatua ya kusahaulika. Waebrania 13:9 inatueleza kwamba, "maana ni vizuri movo ufanywe imara kwa neema, wala si kwa vyakula, ambavyo wao waliokwenda navyo hawakupata faida." Ni faida gani ambacho mioyo yetu imepokea toka kwa Mungu? Ni upendo wa Mungu wa wokovu ambao unaijaza mioyo yetu kwa neema ya Mungu. Kusaidiwa kimwili na mtu mwingine hakuna maana yoyote kwa maisha yetu ya milele. Tunapokuwa na amani kwa mara nyingine tena, mara nyingi huwa ni rahisi kusahau msaada wa huyo mwanadamu.

Sokreti, Konfusiasi, na Siddharta wamesifiwa kuwa ni miongoni mwa wenye hekima wakuu ulimwenguni. Hata hivyo, inawezekana kati ya hao wenye hekima akawa Mwokozi wako? Je, Siddhartha anaweza kuzisafisha dhambi zako? Kwa kweli hapana. Ni nani basi ambaye ni Mwokozi wa wanadamu ikiwa hakuna mwanadamu hata mmoja anayeweza kuziokoa dhambi zake? Hata Kuhani Mkuu asingeliweza kuzitoweshea mbali dhambi za watu wake kwa kutegemea uwezo wake binafsi. Dhambi za watu wa Israeli ziliweza kuoshelewa mbali pale tu walipokuwa na imani katika ule utaratibu wa sadaka ya kuteketezwa uliotolewa na Mungu, na hapo ndipo walipoweza kupokea ondoleo la dhambi zao—yaani kwa kuzipitisha dhambi

zao kwa mwanasadaka wao kwa kuiweka mikono yao juu ya kichwa chake, na kwa kuiweka damu yake katika pembe za madhabahu ya sadaka ya kuteketezwa, na kisha kuimwaga damu iliyosalia ardhini, na hatimaye kuchoma mafuta ya mwanasadaka katika madhabahu ya sadaka ya kuteketezwa.

Ili waweze kuondolewa dhambi zao zote za mwaka mzima. basi ilipofikia sikuya 10 katika ule mwezi wa saba, Kuhani Mkuu alipaswa kuiweka mikono yake juu ya kichwa cha sadaka ya kuteketezwa mbele za Mungu na kisha kuzipitisha dhambi kwenda katika mwanasadaka huyo, kisha aliichukua damu ya huyo mwanasadaka hadi Patakatifu pa Patakatifu kisha akainyunyizia mashariki mwa kile kiti cha rehema-vaani kutokea ule upande alikoingilia. Alipoinyunyiza damu kwa mara va saba basi zile kengele za dhahabu ambazo zilikuwa zikining'inia katika upindo wa bluu ziligonga. (Kengele hizi za zilikuwa zikining'inia kati ya makomamanga dhahabu yaliyokuwa yamefumwa kwa nyuzi za bluu, zambarau, na nyekundu.) Sauti ya kuvutia ya kengele hizo za dhahabu zilisikika wakati alipokuwa akitembea au wakati alipokuwa akinyunyuzia damu. Sauti hii si nyingine bali ni injili. Sauti hii ina maanisha ni Habari Niema, ambayo ni injili yenye nguvu ambayo imezitoweshea mbali dhambi zetu zote. Kama vile Kuhani Mkuu alivyoweza kuleta ondoleo la dhambi kwa watu wake kwa kutotoa sadaka kwa namna apendavyo bali kwa mujibu wa sheria za Mungu alizozianzisha, basi vivyo hivyo, katika nyakati za Agano Jipya, Yesu Kristo amekuokoa wewe na mimi toka katika dhambi zetu zote kwa kuja hapa duniani, kwa kubatizwa, kwa kufa Msalabani, kwa kufufuka tena toka kwa wafu kwa mujibu wa sheria ya Mungu. Yesu Kristo aliweza kutufanya sisi kuwa wenye haki wakati alipoitimiza kazi yake kwa mujibu wa sheria ya wokovu ambayo aliipanga yeye mwenyewe.


Yeyote anayependa kuzaliwa tena upya anaweza kupokea ondoleo la dhambi zake, yaani ikiwa anakubaliana na kulisikia Neno la Mungu kwa mawazo yaliyo wazi na sahihi, yaani kama roho ya 'Waberea.' Lakini wale wasiokubaliana na ukwlei huu hawawezi kuuamini Ukwlei huu na kwa sababu hiyo hawawezi kupokea ondoleo la dhambi zao hata kama Neno la Mungu litahubiriwa kwao mara nyingi; na watu wa jinsi hiyo ni wajinga. Inawezekanaje basi kwa mtu kutoamini katika Neno kama lilivyozungumzwa na Mungu. Ufahamu wa mwanadamu unaweza kufika mbali kiasi gani? Kwa kweli uwezo wa mwanadamu upo chini kabisa ya hekima ya Neno la Mungu. Pamoja na ukweli huo, wanadamu bado wanaendelea kujivunia mafanikio binafsi na wanakataa kuliamini Neno la Mungu. Kwa kweli itakuwa ni vigumu sana kupata watu wajinga kama walivyo watu hawa.


Akina kaka na akina dada, ulimwengu unabadilika kwa haraka. Teknolojia inaendelea sana kwa haraka kiasi kwamba inadhaniwa kuwa uzalishaji wa mwanadamu pasipo kujamiiana ni kitu kinachowezekana kiufundi. Hali ya kumkana Mungu inaendelea kuwa kubwa, na sasa kipindi cha dini kinazidi kutoweka. Hata hivyo, pamoja na kuwa ulimwengu huu utakuwa ni wa kutatanisha na wenye mateso, lakini sisi tuliozaliwa tena upya hatuwezi kufanya lolote zaidi ya kuendelea kuhudumu kwa uaminifu kwa Mungu tukiwa makuhani wake wa kifalme. Sasa, injili ya maji na Roho inaenea ulimwenguni kote kwa haraka sana bila kujalisha wimbi la hali ya kutomjua Mungu linaloendelea. Sisi ndio watumishi pekee tunaoweza kwenda kinyume na mkondo wa nyakati hizi.

Ninaamini kwamba injili ya maji na Roho, ambao ni wokovu kwa mujibu wa utaratibu wa sadaka ya kuteketezwa uliotolewa na Mungu, itachipuka na kuchanua zaidi na zaidi na itaenezwa ulimwengu kote hapo baadaye. Sisi makuhani wa leo

tutajiombea na pia tutaziombea nafsi nyingine zote za ulimwenguni kote na tutaendelea kuishi maisha yetu kwa kuishuhudia injili hii. Ninaamini kwamba tukiishi kwa imani, basi tutafanyika kuwa ni wale ambao tunatembea na Mungu na kwa sababu hiyo tutazikamilisha kazi kubwa za kuieneza injili. Tunapozitafuta na kuzitimiza kazi ambazo zinamfurahisha Mungu katika nyakati hizi za mwisho, basi hapo ninaamini kwamba kazi ya injili zitaendelea zaidi hadi katika kona zote za ulimwengu, itakuwa kama vile harufu nzuri ya maua inavyoenea hewani.

Ninatoa shukrani zangu zote kwa Mungu kwa kutusimika sisi makuhani ili tuweze kumtumikia na kwa kutuhesabu kuwa sehemu ya huduma yake.





Unaweza Kupakua Vitabu vya Kikristo vya Mchungaji Paul C. Jong katika Kompyuta, Kompyuta-Kibao, au kwenye Simu-Mahiri

Kuhani Mkuu Aliyetoa Sadaka Siku ya Upatanisho

< Mambo ya Walawi 16:1-34 >

"Bwana akasema na Musa, baada ya kufa kwa hao wana wawili wa Haruni, walipokaribia mbele za Bwana, wakafa: Bwana akamwambia Musa, Sema na Haruni ndugu vako, kwamba asiingie wakati wo wote katika mahali patakatifu ndani ya pazia, mbele ya kiti cha rehema, kilicho juu ya sanduku, asije akafa; maana, mimi nitaonekana katika lile wingu juu ya kiti cha rehema. Haruni ataingia katika patakatifu na vitu hivi; ng'ombe mume mchanga kwa sadaka ya dhambi, na kondoo mume kwa sadaka ya kuteketezwa. Ataivaa ile kanzu takatifu ya kitani, atakuwa na zile suruali za kitani mwilini mwake, atafungwa ule mshipi wa kitani, nave atavaa ile kofia ya kitani; hayo ndiyo mavazi matakatifu, nave ataoga mwili wake majini, na kuvayaa. Kisha atatwaa mikononi mwa mkutano wa Waisraeli mbuzi waume wawili, kwa sadaka ya dhambi; na kondoo mume kwa sadaka ya kuteketezwa. Na Haruni atamtoa yule ng'ombe wa sadaka ya dhambi, aliye kwa ajili ya nafsi yake, na kufanya upatanisho kwa ajili ya nafsi yake mwenyewe, na kwa ajili ya nyumba yake. Kisha atawatwaa wale mbuzi wawili na kuwaweka mbele za Bwana mlangoni pa hema ya kukutania. Na Haruni atapiga kura juu ya wale mbuzi wawili; kura moja kwa ajili ya Bwana; na kura ya pili kwa ajili ya Azazeli. Na Haruni atamleta yule mbuzi aliyeangukiwa na kura kwa ajili ya Bwana, na kumtoa awe sadaka ya dhambi. Bali yule mbuzi aliyeangukiwa na kura

kwa ajili ya Azazeli atawekwa hai mbele za Bwana ili kumfanyia upatanisho, ili kumpeleka jangwani kwa ajili ya Azazeli. Na Haruni atamsongeza ng'ombe wa sadaka va dhambi, alive kwa ajili va nafsi vake, na kufanya upatanisho kwa ajili va nafsi vake mwenyewe, na kwa ajili va nyumba vake; nave atamchinja vule ng'ombe wa sadaka va dhambi, aliye kwa ajili ya nafsi yake. Kisha atatwaa chetezo kilichojaa makaa va moto vatokavo katika madhabahu ilivo mbele za Bwana, na konzi mbili za uvumba mzuri uliopondwa sana, mikononi mwake, nave atauleta ndani va pazia. Kisha atatia ule uvumba juu ya moto mbele za Bwana, ili moshi wa ule uvumba ukisitiri kiti cha rehema kilicho juu va ushuhuda, asije akafa. Kisha atatwaa baadhi ya damu ya vule ng'ombe, na kuinyunyiza kwa kidole chake juu ya kiti cha rehema upande wa mashariki; na mbele va kiti cha rehema atainyunyiza ile damu kwa kidole chake mara saba. Kisha atamchinja vule mbuzi wa sadaka va dhambi, alive kwa ajili ya watu, na kuileta damu yake ndani ya pazia, na kwa damu hiyo atafanya vile vile kama alivyofanya kwa damu ya ng'ombe, na kuinyunyiza juu ya kiti cha rehema, na mbele va kiti cha rehema, nave atafanya upatanisho kwa ajili ya mahali patakatifu, kwa sababu ya mambo machafu ya wana wa Israeli, na kwa sababu ya makosa yao, naam, kwa ajili ya dhambi zao zote; naye atafanya vile vile kwa ajili ya hema ya kukutania, ikaayo pamoja nao katikati ya machafu yao. Wala hapatakuwa na mtu katika hema ya kukutania, wakati aingiapo ili kufanya upatanisho katika patakatifu, hata atakapotoka nje, baada ya kufanya upatanisho kwa ajili ya nafsi yake mwenyewe, na kwa ajili ya nyumba yake, na kwa ajili ya mkutano wote wa Israeli. Kisha atatoka na kuiendea madhabahu ilivo mbele za Bwana na kufanya upatanisho kwa ajili yake; atatwaa

baadhi ya damu ya yule ng'ombe, na ya damu ya yule mbuzi, na kuitia juu va pembe za madhabahu pande zote. Tena atanyunyiza baadhi ya damu juu ya madhabahu kwa kidole chake mara saba, na kuitakasa, ili machafu vote va wana wa Israeli vaitoke. Nave akiisha kufanya upatanisho kwa ajili va mahali patakatifu, na hema va kukutania, na madhabahu, atamleta vule mbuzi alive hai. Na Haruni ataweka mikono yake miwili juu ya kichwa cha yule mbuzi aliye hai, na kuungama juu yake uovu wote wa wana wa Israeli, na makosa yao, naam, dhambi zao zote; naye ataziweka juu ya kichwa chake yule mbuzi, kisha atampeleka aende jangwani kwa mkono wa mtu alive tavari. Na vule mbuzi atachukua juu vake uovu wao wote, mpaka nchi isivo watu; nave atamwacha mbuzi jangwani. Na Haruni ataingia katika hema ya kukutania, naye atavua mavazi yake ya kitani, aliyoyavaa alipoingia katika patakatifu, atayaacha humo; nave ataosha mwili wake kwa maji mahali patakatifu, na kuvaa nguo zake, na kutoka, na kusongeza sadaka ya kuteketezwa yake mwenyewe, na sadaka ya kuteketezwa ya watu, naye atafanya upatanisho kwa ajili ya nafsi yake, na kwa ajili va watu. Na mafuta va sadaka va dhambi atavateketeza juu va madhabahu. Na mtu vule amwachave mbuzi wa Azazeli aende zake, ataosha nguo zake, na kuosha mwili wake kwa maji, na baadaye ataingia katika marago. Na yule ng'ombe wa sadaka ya dhambi, na yule mbuzi wa sadaka ya dhambi, ambao damu yao ililetwa ndani ifanye ukumbusho katika patakatifu, watachukuliwa nje va marago; nao watachoma moto ngozi zao, na nyama yao, na mavi vao. Na yeye awachomaye moto atafua nguo zake, na kuosha mwili wake kwa maji, na baadaye ataingia maragoni. Amri hii itakuwa amri va milele kwenu; katika mwezi wa saba, siku ya kumi ya mwezi, mtajitaabisha roho zenu,

msifanye kazi ya namna yo yote, mzalia na mgeni akaaye kati yenu. Kwa maana siku hiyo upatanisho utafanywa kwa ajili venu, ili kuwatakasa; nanyi mtatakaswa na dhambi zenu zote mbele za Bwana. Ni Sabato ya raha ya makini kwenu nanyi mtajitaabisha roho zenu; ni amri va milele. Na kuhani atakavetiwa mafuta na kuwekwa wakfu badala va baba yake, ataufanya huo upatanisho, naye atayavaa mavazi ya kitani, yaani, yale mavazi matakatifu. Naye atafanya upatanisho kwa ajili ya patakatifu, naye atafanya upatanisho kwa ajili ya hema ya kukutania, na kwa ajili ya madhabahu; naye atafanya upatanisho kwa ajili ya makuhani, na kwa ajili va watu wote wa kusanyiko. Na amri hii itakuwa amri va milele kwenu, ili kufanya upatanisho kwa ajili va wana wa Israeli kwa sababu va dhambi zao zote, mara moja kila mwaka. Naye akafanya vile vile kama Bwana alivyomwamuru Musa."

Ni Kuhani Mkuu ndiye aliyetoa sadaka katika Siku ya Upatanisho kwa ajili ya watu wa Israeli. Sadaka hii ilitolewa mara moja kwa mwaka siku ya kumi ya mwezi wa saba katika kalenda ya Kiisraeli. Katika siku hii, wakati Kuhani Mkuu Haruni alipotoa sadaka kwa niaba ya watu wa Israeli kwa ajili yao, basi maovu yao yote yalipitishwa kwenda kwa mwanasadaka huyu wa sadaka ya kuteketezwa na kisha kusafishiliwa mbali. Hivyo, Siku ya Upatanisho ilikuwa ni sikukuu kubwa kwa watu wa Israeli.

Kama ilivyokuwa kwa sadaka nyinginezo, sadaka ya Siku ya Upatanisho ilipaswa pia kufuata taratibu tatu muhimu, ambazo ni, awe ni mnyama asiye na mawaa, awekewe mikono, na aimwage damu yake. Kisha Mungu aliipokea sadaka iliyokuwa imetolewa kwa uratibu huo kwa raha. Tofauti kati ya

sadaka hii na sadaka zingine ni kwamba Kuhani Mkuu alipaswa kuichukua damu ya mwanasadaka wa kuteketezwa na kwenda nayo ndani ya Patakatifu pa Patakatifu. Baada ya kumtoa ng'ombe dume kama sadaka ya dhambi na kondoo kama sadaka ya kuteketezwa kwa ajili yake na nyumba yake, basi Haruni Kuhani Mkuu aliwatoa mbuzi wawili kwa Mungu kwa ajili ya watu wa Israeli. Kwanza alimtoa mbuzi wa kwanza kwa Bwana Mungu kwa mujibu wa sadaka ya dhambi ambaye alimtoa pamoja na yule ng'ombe dume. Kisha alimtoa mbuzi wa pili kama mbuzi wa makosa. Kisha alizipitisha dhambi za watu wa Israeli kwa huyo mbuzi wa makosa kwa kuiweka mikono yake juu ya kichwa cha huyo mbuzi mbele ya Waisraeli wote, na huyu mbuzi aliyekuwa amezipokea dhambi zao alipelekwa nyikani kwa mkono wa mtu aliye tayari.

Sadaka ya Siku ya Upatanisho Ilizisafishilia Mbali Dhambi Zote za Watu wa Israeli

Katika Siku ya Upatanisho, Kuhani Mkuu aliyekuwa akiwawakilisha watu wa Israeli alizipitisha dhambi za mwaka mzima kwenda katika mwanasadaka wa kuteketezwa kwa kuiweka mikono yake juu yake. Aliwaleta mbuzi wawili waliokuwa hai na akapiga kura juu yao ili kumchagua wa kwanza ili atolewe kwa Mungu na mwingine kwa ajili ya watu wa Israeli.

Tendo la "kuwekea mikono" maana yake ni kuzipitisha dhambi zote kwenda katika kichwa cha huyo mwanasadaka wa kuteketezwa. Huku kuwekea mikono ilikuwa ni njia iliyotumika katika kuzioshelea mbali dhambi na ilikuwa ni njia iliyokuwa imepangwa na Mungu; na ni sawa na wakati wa Agano Jipya ambapo njia hii ya kuwekea mikono ilitumika kwa Yesu katika

kuzioshelea mbali dhambi zote za mwanadamu. Ili kuziondoa dhambi za mwaka mzima za watu wa Israeli, Haruni Kuhani Mkuu alipaswa kuiweka mikono yake juu ya kichwa cha mbuzi, na kwa sababu hiyo alizipitisha dhambi zote kwenda kwa huyo mbuzi. Kwa kuwa Kuhani Mkuu alizipitisha dhambi za watu wa Israeli kwenda kwa mnyama wa sadaka ya kuteketezwa kwa kuiweka mikono yake juu ya kichwa chake, basi hapo ndipo dhambi za mwaka mzima za watu wa Israeli zilipotoweshewa kikamilifu. Vivyo hivyo, kwa kupitia sadaka ya Siku ya Upatanisho, watu wa Israeli waliweza kumshukuru Mungu kwa kuwaokoa toka katika dahmbi zao zote walizokuwa wamezifanya mwaka uliopita.

Yeyote aliye na dhambi ni hakika kwamba ataadhibiwa. Ili sadaka ya kuteketezwa iweze kuadhibiwa kwa ajili ya dhambi za Waisraeli wote, ilipaswa kwanza kuzipokea dhambi zote za Waisraeli. Kama Kuhani Mkuu alipaswa kutoa sadaka kwa Mungu pasipo kuiweka mikono juu ya kichwa chake, basi sadaka hii ingelikuwa ni machukizo kwa Mungu, na kwa sababu hiyo alihakikisha kwamba hatendi dhambi hiyo.

Ili kuwaokoa wanadamu wote waliogeuka na kuwa wenye dhambi, ilimpasa Mungu kuanzisha mpango wake wa wokovu uliotimizwa kwa kupitia njia hii ya kuwekea mikono. Ili kuzitoweshea mbali dhambi za watu wa Israeli, Mungu alimwinua Kuhani Mkuu kuwa mwakilishi wa wanadamu na akamfanya aweze kuzipitisha dhambi za watu wake wote za mwaka mzima kwa kuiweka mikono yake juu ya kichwa cha mnyama wa sadaka ya kuteketezwa. Kwa hiyo, wanyama wote wa sadaka ya kuteketezwa waliotolewa kwa Mungu katika Hema Takatifu la Kukutania walizipokea dhambi za Waisraeli kwa kule kuwekea mikono, kisha wanyama hao wa sadaka ya kuteketezwa walipokea adhabu ya dhambi kwa niaba ya watu wa Israeli, na kisha wakaimwaga damu yao.

Ili kuitimiza haki na upendo wa Mungu kikamilifu, Waisraeli walipaswa kutoa sadaka hii katika Siku ya Upatanisho kwa kuwekea mikono kulikofanywa na Kuhani Mkuu juu ya kichwa cha mwanasadaka wa kuteketezwa na kisha kumchinja na kuikinga damu yake mara moja kwa mwaka. Kwa maneno mengine, Mungu alitaka kuzioshelea mbali dhambi zote za mwaka mzima za Waisraeli mara moja kwa mwaka kwa kupitia sadaka hii. Hii ilikuwa ni sheria ya upendo wa Mungu ambayo inazitimiza rehema na haki ya Mungu. Kwa kuwa Mungu ni mwenye haki, basi ili kuzitoweshea mbali dhambi za watu wote mara moja kwa mujibu wa sheria yake ya haki, basi ndio maana alimfanya Bwana kuzichukua dhambi zetu zote katika mwili wake na kuwekewa mikono na kisha kuimwaga damu yake Msalabani.

Yesu, ambaye alijitoa Mwenyewa kuwa sadaka ya milele, alizichukua dhambi za kila mtu katika mwili wake mara moja na kwa wote kwa kupitia njia hii, aliimwaga damu yake mara moja, na kwa sababu hiyo ameutimiza wokovu toka katika dhambi kwa ajili yetu sote. Kwa hiyo, ni lazima twende mbele za Mungu tukiwa na imani inayoamini katika ukweli wa wokovu ambao unadhihirishwa katika nyuzi za bluu, zambarau, na nyekundu na kitani safi ya kusokotwa. Ni kwa imani hii tu ndipo tunapoweza kuondolewa dhambi zetu zote. Hivyo, yeyote anayetaka kupokea ondoleo la dhambi mara moja na kwa wote anapaswa kwenda mbele za Mungu huku akiwa na imani inayoamini kwa kweli katika injili ya maji na Roho.

Maana ya Kuwekea Mikono

Kuwekea mikono maana yake ni kuzipitisha, kuhamishia, au kuzika (Mambo ya Walawi 1:3-4). Wakati mtu yeyote wa

Omba kitabu cha bure katika tovuti ya www.bjnewlife.org

kawaida wa watu wa Israeli alipokuwa amefanya dhambi bila kukusudia kisha akaitambua hiyo dhambi, basi walipaswa kutoa sadaka ya kuteketezwa kwa Mungu (Mambo ya Walawi 4:27-29). Kwanza walipaswa kumleta mnyama wa sadaka ya kuteketezwa asiye na mawaa, kisha walipaswa kuzipitisha dhambi zao kwenda kwa huyo mnyama kwa sadaka ya kuteketezwa kwa kuiweka mikono yao juu ya kichwa chake. Kisha walipasa kumchinja, na kuikinga damu yake na kisha kuwapatia makuhani (Mambo ya Walawi 4:27-28). Kisha makuhani walipaswa kuichukua baadhi ya hiyo damu kwa kidole na kuiweka katika pembe za madhabahu ya kuteketezwa, na kisha kuimwaga damu yote iliyomwagia chini ya madhabahu. Pia walipaswa kuyachoma mafuta yake pale madhabahuni, naye Mungu aliisikia harufu nzuri ya yale mafuta yaliyochomwa kama sadaka.

Tumekwisha jifunza kwamba ili kuzitoweshea mbali dhambi za watu wa Israeli, Mungu aliiandaa sadaka ya Siku ya Upatanisho ambapo mikono ya Kuhani Mkuu iliwekwa juu ya kichwa cha mnyama wa sadaka ya kuteketezwa kisha damu yake ilikingwa. Katika namna hii, Mungu hakuweza kuzioshelea mbali dhambi za Waisraeli pasipo kuwekea mikono juu ya mnyama wa sadaka ya kuteketezwa. Vivyo hivyo, sadaka ya Siku ya Upatanisho ambayo ilitolewa katika Agano la Kale unahusiana kwa karibu na ubatizo na damu Yesu katika Agano Jipya.

Kama ambavyo sadaka ya kuteketezwa ya Agano la Kale ilipaswa kuwa ni mnyama asiye na mawaa, basi vivyo hivyo, katika Agano Jipya Yesu alikuja kama Mwana-kondoo wa Mungu asiye na mawaa, alibatizwa na kuimwaga damu yake Msalabani ili kuzioshelea mbali dhambi za wenye dhambi. Kama ambavyo mwanasadaka wa kuteketezwa alivyopaswa kuzipokea dhambi za wenye dhambi kwa kuwekewa mikono

katika Agano la Kale, basi dhambi zote za ulimwengu zilipitishwa kwenda kwa Yesu wakati Yohana Mbatizaji alipoiweka mikono yake juu ya kichwa cha Yesu na kumbatiza katika Mto Yordani (Mathayo 3:15). Mwanasadaka wa sadaka ya kuteketezwa katika Agano la Kale na Yesu, Mwana-kondoo wa Mungu asiye na mawaa katika Agano Jipya alipaswa pia kupokea kuwekewa mikono na kuimwaga damu yake na kufa kwa namna ile ile. Hivyo, sadaka ya kuwekewa mikono na kuimwaga damu ni sadaka ile ile ambayo iliandaliwa kwa ajili ya wenye dhambi katika Agano la Kale na Agano Jipya.

Dhambi za Mwanadamu Zinafuatwa na Ghadhabu ya Mungu

Mbele za Mungu, sisi tulikuwa ni wenye dhambi ambao hatukuweza kufanya lolote zaidi ya kufa kwa sababu ya dhambi zetu; yaani tulipaswa kufa kama ilivyokuwa kwa mnyama wa sadaka ya kuteketezwa ilivyouawa kwa sababu ya dhambi ilizokuwa imezichukua. Tunapoiangalia sadaka hii ikiwa inakatwa vipande na kisha kuchomwa kwa moto katika madhabahu ya sadaka ya kuteketezwa, basi hapo tunaweza kuutambua wokovu wa Mungu kwamba hata sisi tulipaswa kufungwa na kuangamizwa mbele za Mungu, hata hivyo Bwana ametuokoa kwa kubatizwa na Yohana Mbatizaji na kwa kuimwaga damu yake. Hivyo, wale ambao bado hawajazaliwa tena upya ni lazima wajikubali kuwa wao ni wenye dhambi wanaokabiliana na adhabu ya kutisha kwa ajili ya dhambi zao mbele za Mungu na kisha waamini katika ubatizo na damu ya Bwana kama sehemu ya wokovu wao. Mungu aliandaa mwanasadaka wa kuteketezwa asiye na mawaa kwa ajili ya wokovu, akazipitisha dhambi zetu zote kwenda kwa huyo

mwanasadaka wetu wa kudumu, akamfanya aimwaga damu yake na kwa sababu hiyo ameziondoa dhambi zetu zote mara moja na kwa wote, Mungu alifanya hayo yote ili kutuokoa toka katika dhambi zetu zote badala ya kutuadhibu kwa sababu ya dhambi hizo (Mambo ya Walawi 16:1-34, Warumi 8:3-4, Waebrania 10:10-12). Je, bado una dhambi katika moyo wako? Kama ndivyo, basi unapaswa kwanza kukiri mbele za Mungu kwamba wewe ni mwenye dhambi unayekabiliana na adhabu kwa ajili ya hizo dhambi, kisha unapaswa kuamini kwamba kwa kupitia Yesu Kristo, Mungu ameutimiza mpango wa wokovu ambao alikuwa ameuandaa hata kabla ya kuwekwa misingi ya ulimwengu.

Dhambi haziwezi kupatanishwa pasipo kuifanyia sala maalumu ya upatanisho kwa ajili ya hizo dhambi. Hii ndio maana Mungu aliwapatia watu wa Israeli utaratibu wa sadaka ya kuteketezwa. Katika utaratibu huu wa sadaka ya kuteketezwa, ni sadaka iliyoambatana na kuwekewa mikono na kuimwaga damu ndiyo iliyohesabiwa kuwa ni sadaka ya kweli kwa imani na ambayo iliweza kuzisafishilia mbali dhambi za Waisraeli.

Pia ni lazima tuitoe sadaka hii kwa Mungu kwa imani huku ikiwa imewekewa mikono na kuimwaga damu yake kwa mujibu wa utaratibu wa sadaka ya kuteketezwa kama ulivyoandikwa katika Maandiko. Bwana aliimwaga damu yake kwa kuwa alikuwa amezichukua dhambi zetu zote kwa kupitia ubatizo wake, aliibeba adhabu ya dhambi kwa niaba yetu, na kwa sababu hiyo amezitoweshea mbali dhambi zetu hizo zote (Mathayo 3:15; Yohana 1:29; Isaya 53:1-7). Tunapoliamini Neno la maji na Roho, na tunapoiweka mikono yetu juu ya Bwana aliyefanyika kuwa sadaka yetu ya kuteketezwa na kisha kuzipitisha dhambi zetu kwenda kwa Bwana, basi tunaweza kupokea ondoleo la dhambi kwa kuamini kwamba Bwana aliyezichukua dhambi zetu zote katika mwili wake alibeba pia adhabu ya dhambi hizi

kwa niaba yetu. Tunaweza kuzipitisha dhambi zetu zote kwenda kwa Bwana ambaye amefanyika kuwa mwanasadaka wetu wa kuteketezwa, na tunaweza kufa pamoja naye na kisha kuishi pamoja naye katika Ukweli wake kwa kuamini katika injili ya maji na Roho (Warumi 6:1-11, Wagalatia 3:27).

Fundisho la kiroho tunalopaswa kulitambua kikamilifu toka katika sadaka ya Siku ya Upatanisho ni kama ifuatavyo: Kwanza kabisa, ni lazima tuzitambue dhambi zetu na adhabu ya dhambi zetu, pili ni lazima tutoe sadaka kwa imani ambayo kwa hiyo Mungu anataka kuipokea, yaani ni lazima tuwe na imani katika Yesu Kristo aliyeutimiza wokovu wetu kwa ubatizo wake na damu yake Msalabani. Ni lazima tuiweke mikono yetu juu ya kichwa cha Yesu kwa kuamini katika ubatizo wake. Kwa nini? Ni hadi pale tutakapoiweka mikono yetu juu ya mnyama wa sadaka ya kuteketezwa asiye na mawaa kwa imani na kisha kuikinga damu yake ndipo tunapoweza kuokolewa toka katika dhambi zetu zote.

Vivyo hivyo, yeyote anayetaka kuondolewa dhambi zake zote mbele za Mungu anapaswa kulipata gharama ya uhai, nii ni kwa sababu mshahara wa dhambi ni mauti. Haijalishi kama mtu huyo ni tajiri au maskini, ni lazima kuwepo na sadaka hii ya kuteketezwa inayoulipa mshahara wa dhambi za mtu huyo na pia ni lazima atoe gharama ya upatanisho ya uhai wa kitu. Hakuna anayeweza kupokea ondoleo la dhambi kwa imani hadi pale utakapozifuata maagizo ya Mungu kama hivi.

Sadaka ya Siku ya Upatanisho

Hebu tugeukie Mambo ya Walawi 16:6-10: "Na Haruni atamtoa yule ng'ombe wa sadaka ya dhambi, aliye kwa ajili ya nafsi yake, na kufanya upatanisho kwa ajili ya nafsi yake

Omba kitabu cha bure katika tovuti ya www.bjnewlife.org

mwenyewe, na kwa ajili ya nyumba yake. Kisha atawatwaa wale mbuzi wawili na kuwaweka mbele za Bwana mlangoni pa hema ya kukutania. Na Haruni atapiga kura juu ya wale mbuzi wawili; kura moja kwa ajili ya Bwana; na kura ya pili kwa ajili ya Azazeli. Na Haruni atamleta yule mbuzi aliyeangukiwa na kura kwa ajili ya Bwana, na kumtoa awe sadaka ya dhambi. Bali yule mbuzi aliyeangukiwa na kura kwa ajili ya Azazeli atawekwa hai mbele za Bwana ili kumfanyia upatanisho, ili kumpeleka jangwani kwa ajili ya Azazeli."

Ili kuwawezesha watu wa Israeli kupokea ondoleo la dhambi zao kwa imani, Kuhani Mkuu kwa niaba yao aliitoa sadaka ambayo iliambatana na kuwekewa mikono na kuimwaga damu. Tunawezaje kuielezea imani ya Wakristo wa leo? Si imani ambayo sadaka yake inalenga kupokea ondoleo la dhambi kwa kuzipitisha dhambi zao kwenda kwa sadaka hiyo? Ikiwa imani yako si ile ambayo imezipitisha dhambi zako zote kwenda kwa Yesu Kristo kwa kuwekewa mikono, basi ni lazima utambue kwamba hapo una tatizo. Imani yako haiwezi kuwa imani ya kweli ambayo Mungu anaikubali hadi iwe ni ile inayoamini katika ubatizo wa Yesu na damu yake Msalabani.

Sisi ni watu ambao hatuwezi kukwepa kutenda dhambi na ni watu ambao tumeshindwa kuishika Sheria mbele za Mungu na tumefanya kila aina ya dhambi mwaka mzima uliopita. Hivyo, kama tungelikuwa tunaishi wakati wa Agano la Kale, basi hapo tungelipaswa kupokea ondoleo la dhambi zetu kwa kuamini katika sadaka ya dhambi ambayo Kuhani Mkuu angeliitoa kwa niaba yetu. Ili tuweze kutoa sadaka ya imani kwa Mungu, basi tunapaswa kwanza kukubali kwamba tumefungwa ili kuangamizwa kwa sababu ya dhambi zetu, kisha ni lazima tuamini katika kuwekea mikono ambako kunazipitisha dhambi zetu zote kwenda kwa mnyama wa sadaka ya kuteketezwa ambaye Mungu amemwandaa kwa ajili yetu na kwa kuimwaga

damu ya huyo mwanasadaka.

Kwa kuwa tendo la kuwekea mikono kwa mnyama wa sadaka ya kuteketezwa na kuimwaga damu yake lilikuwa na nguvu ya wokovu, basi ndio maana watu wa Agano la Kale waliweza kulipokea ondoleo la dhambi zao kwa kupitia sadaka hii ambayo Kuhani Mkuu aliitoa kwa mujibu wa utatratibu wa sadaka ya kuteketezwa uliopangwa na Mungu. Kwa kuiweka mikono yake juu ya mnyama wa sadaka ya kuteketezwa, Kuhani Mkuu alizipitisha dhambi za mwaka mzima za watu wake kwenda kwa mwanasadaka huyo, kisha alimchinja na kuikinga damu yake, na kisha kuinyunyiza damu hii mbele ya kiti cha rehema na upande wake wa mashariki mara saba. Kwa kufanya hivyo, huyo Kuhani Mkuu hakuacha kutoa sadaka sahihi kwa Mungu mara moja kila mwaka. Hivi ndivyo watu wa Israeli walivyoweza kupokea ondoleo kamilifu la dhambi zao wakati wa Agano la Kale.

Vivyo hivyo, kwa kupitia sadaka ya dhambi ambayo Kuhani Mkuu aliitoa, watu wa Israeli waliamini na kuthibitisha katika mioyo yao kwamba dhambi zao zote zilikuwa zimeondolewa. Kile ambacho sadaka ya Siku ya Upatanisho ya Agano la Kale inatuonyesha ni kwamba katika Agano Jipya, Yesu Kristo alizichukua katika mwili wake dhambi zote za ulimwengu kwa kubatizwa na Yohana Mbatizaji kisha akaimwaga damu yake Msalabani, na kwamba tunapaswa kumwamini huyo Yesu Kristo kuwa ni Mwokozi wetu na kisha kupokea ondoleo la dhambi la milele kwa imani. Nafsi zote za ulimwengu huu ambazo mioyo yao inahangaika kutokana na dhambi zao ni lazima zitambue kwamba zinaweza kupokea ondoleo la dhambi la milele kwa kuamini katika injili ya maji na Roho, na kwamba wanapaswa kuiweka imani hii katika mioyo yao. Vivyo hivyo, sadaka ya ondoleo la dhambi zote iliandaliwa na Mungu kabla na ilikuwa imeahidiwa na Mungu kwamba

itatimizwa, sasa ahadi hii ya wokovu inadhihirishwa pia katika nyuzi za bluu, zambarau, na nyekundu na kitani safi ya kusokotwa zilizotumika katka kuunda sehemu ya Hema Takatifu la Kukutania.

Sadaka ya Siku ya Upatanisho Iliyofanyika Katika Hema Takatifu la Kukutania

Katika Siku ya Upatanisho, ili mnyama wa sadaka aweze kuzichukua dhambi zote za watu wa Israeli, ilimpasa Kuhani Mkuu kuiweka mikono yake juu ya kichwa cha mnyama wa sadaka ya kuteketezwa mbele ya uwepo wa Waisraeli wote (Mambo ya Walawi 16:20-23). Hivyo ilikuwa ni muhimu sana kwa Kuhani Mkuu kuiweka mikono yake juu ya kichwa cha mnyama wa sadaka ili kuweza kuzipitisha dhambi zao zote za mwaka mzima kwa niaba yao. Wakati Haruni Kuhani Mkuu alipoitoa sadaka katika Siku ya Upatanisho ndani ya Hema Takatifu la Kukutania kwa ajili ya Waisraeli, hakuna mtu yeyote aliyeweza kuingia ndani ya hilo Hema Takatifu la Kukutania. Lilikuwa ni tukio lisilo la kawaida, hii ni kwa sababu kwa kawaida makuhani wengi walikuwa wakifanya huduma zao ndani ya ua wa Hema Takatifu la Kukutania huku wakiyafanya majukumu yao lakini katika Siku hii ya Upatanisho walipaswa kuondoka na kuwa nje.

Kuhani Mkuu alizipitisha dhambi za watu wa Israeli kwenda kwa mnyama wa sadaka ya kuteketezwa kwa kuiweka mikono yake juu ya kichwa chake, aliichukua damu ya mwanasadaka huyu na kwenda nayo Patakatifu pa Patakatifu, kisha akainyunyiza kwa kidole chake juu ya kiti cha rehema upande ule wa mashariki; naye atainyunyiza baadhi ya damu mbele ya kiti cha rehema mara saba (Mambo ya Walawi 16:14).

Wakati huo, zile kengele za dhahabu zilizokuwa zimefungwa katika upindo wa joho la Kuhani Mkuu ili ziweze kulia, na kwa sababu hiyo kila wakati alipoinyunyiza damu mbele ya kiti cha rehema na upande wake wa mashariki, basi zile kengele zililia na watu wa Israeli waliokuwa wamesimama nje ya Hema Takatifu la Kukutania waliisikia sauti hii ya kengele, na kwa sababu hiyo walitambua kwamba sasa Kuhani Mkuu alikuwa akitoa sadaka kwa Mungu kwa niaba yao. Na baada ya kuisikia sauti ya kengele, basi walipumua kwa ahueni, kwa kuwa walifahamukwamba sadaka ya Siku ya Upatanisho ndani ya Hema Takatifu la Kukutania ilikuwa imekamilika, jambo ambalo lilithibitisha ukamilifu wa sadaka iliyozisamehe dhambi zao za mwaka mzima.

Baada ya tendo hili, Haruni Kuhani Mkuu alitoka ndani ya Hema Takatifu la Kukutania, kisha akamchukua mbuzi aliyesalia kama sadaka nyingine, kisha akamtoa mnyama huyo wa sadaka ya Siku ya Upatanisho mbele ya watu wa Israeli. Mungu aliwaamuru watu wa Israeli kutofanya chochote kila katika Siku ya Upatanisho (Mambo ya Walawi 16:20-21, 29). Huku kusanyiko kubwa la watu wa Israeli wakiwa wamekusanyika ili kuona jinsi sadaka inavyotolewa nje ya Hema Takatifu la Kukutania, Kuhani Mkuu aliiweka mikono yake juu ya mbuzi wa sadaka ya kuteketezwa ili kulitimiza jukumu lake na kisha kumpeleka huyo mbuzi nyikani kwa mkono wa mtu aliye tayari.

Katika Siku ya Upatanisho, Kuhani Mkuu alimleta mbuzi wa makosa mbele ya watu wa Israeli, akaiweka mikono yake juu ya kichwa chake na kuungama makosa na uovu wa wana wa Israeli, akayapitisha makosa hayo na uovu kwenda kwa huyo mbuzi wa makosa. Bila shaka Kuhani Mkuu alisema, "Bwana, ninazitubia dhambi zote za watu hawa wa Israeli walizozifanya kwa mwaka mzima uliopita. Tumeshindwa kuishika Sheria

kikamilifu, tumefanya dhambi nyingi sana dhidi yako na dhidi yetu wenyewe, tumeshindwa kuishi maisha ambayo ulituamuru tuishi, na badala yake tukafanya yale ambayo ulituamuru tusiyafanye. Tumezivunja amri zako nyingi katika mwaka mzima uliopita. Tumedanganya. Tumeua. Tumefanya uzinzi. Tumeiba." Vivyo hivyo, Kuhani Mkuu alizipitisha dhambi zote za watu wa Israeli kwenda kwa mbuzi za makosa kwa kuiweka mikono yake juu ya kichwa chake mbele ya uwepo wa Waisraeli, kisha akampeleka huyo mbuzi kwenda nyikani kwa mtu aliye tayari.

Kwa kuwa mshahara wa dhambi ni mauti, Mungu hakumruhusu mbuzi wa makosa kuwa hai baada ya kuwa amezipokea dhambi za watu wa Israeli. Yule mbuzi wa makosa aliyekuwa ameachwa nyikani aliteseka na hatimaye kufa akiwa nyikani, hii ni kwa sababu alikuwa amejitwika makosa yote, mawaa, na maovu ya watu wa Israeli. Hapo ndipo watu wote wa Israeli walipoanza kuifurahia Sherehe ya Hema Takatifu la Kukutania (Mambo ya Walawi 23:34) kwa kuwa kwa kupitia sadaka ya Siku ya Upatanisho, walikuwa wameziweka dhambi zao zilizokuwa zimewafunga kwa mwaka mzima.

Tendo la kuwekea mikono ni njia ambayo kwa hiyo dhambi za watu wote wa Isreali zilipitishwa kwenda kwa mnyama wa sadaka ya kuteketezwa. Wakati Kuhani Mkuu alipoiweka mikono yake juu ya mnyama wa sadaka ya kuteketezwa, dhambi zote za watu wa Israeli walizokuwa wamejilimbikizia kwa mwaka mzima zilipitishwa kwenda kwa mnyama huyo mara moja na kwa wote. Kila dhambi ya kila Mwisraeli ilipitishwa kwenda kwa huyo mnyama wa sadaka ya kuteketezwa wa kupitia tendo la kuwekea mikono la Kuhani Mkuu.

Je, dhambi zote za watu wa leo zinaweza kupitishwa kwenda kwa mnyama wa sadaka ya kuteketezwa kwa kuwekewa mikono, yaani kama ilivyokuwa kwa makosa ya watu wa Israeli

yalivyopitishwa kwa kuwekewa mikono na Kuhani Mkuu wakati wa Agano la Kale? Kama jambo hili lilikuwa haliwezekani, basi njia ipo wapi kwa watu wa leo hii kupokea ondoleo la dhambi zao? Ni nani anayezipitisha dhambi zao, kivipi na kwa nani? Kama ilivyokuwa kwa utaratibu wa sadaka ya kuteketezwa ulioanzishwa na Mungu wakati wa Agano la Kale. Yesu Kristo alichukua katika mwili wake dhambi za ulimwengu kwa kubatizwa na Yohana Mbatizaji katika kipindi cha Agano Jipya. Kama ambavyo dhambi za mwaka mzima zilivyopitishwa kwenda kwa mbuzi wa sadaka ya kuteketezwa mara moja na kwa wote kwa kupitia sadaka ya Siku ya Upatanisho ambayo Kuhani Mkuu aliitoa kwa ajili ya watu wa Israeli, basi vivyo hivyo dhambi zetu zilipitishwa kwenda kwa Yesu Kristo aliyebatizwa na Yohana Mbatizaji, ambaye ni Kuhani Mkuu wa mwisho. Sasa, dhambi zote za watu wa lo hii zipo wapi? Kwa sasa zipo kwenye kichwa cha Yesu Kristo.

Kama ambavyo mbuzi wa makosa alivyozipokea dhambi zote za watu wa Israeli kwa kupitia kuwekewa mikono na Kuhani Mkuu, vivyo hivyo Yesu alikuja kama sadaka ya kuteketezwa asiye na mawaa kwa ajili ya ondoleo la dhambi la milele kwa ajili yetu sote ambao sasa tunaishi katika wakati wa sasa. Yesu aliyefanyika kuwa mbuzi wetu wa kisingizio alijitoa Mwenyewe kwa Mungu kama Mwana-kondoo wa sadaka ya kuteketezwa kwa ajili ya dhambi zetu. Kwa maneno mengine, Yesu alibatizwa na Yohana Mbatizaji na akajitoa ili kusulubiwa, hii ni sawa na jinsi Mungu katika Agano la Kale alivyoiweka sadaka ya kuteketezwa kwa ajili ya dhambi za watu wa Israeli na kisha kuzipitisha dhambi zao kwa mnyama huyo wa sadaka ya kuteketezwa na kisha kuuawa.

Mbuzi wa makosa aliyekuwa amepelekewa nyikani hakuweza kuishi, kwa kuwa hakukuwa na maji bali jua lenye kuumiza katika jangwa. Vivyo hivyo, Yesu pia, hakuweza kukwepa kusulubiwa, kwa kuwa alikuwa amezichukua katika mwili wake dhambi za ulimwengu kwa kupitia ubatizo wake. Kama vile mbuzi wa makosa alivyoachwa katika nyika isiyo na uhai, basi vivyo hivyo Yesu aliyekuwa amezichukua dhambi zote za ulimwengu katika mwili wake alichukiwa na kudharauliwa na watu wengi. Ikiwa mbuzi wa sadaka ya kuteketezwa alipelekwa jangwani na kisha kuachwa mpweke, je mbuzi huyo si angelizunguka huku na huko, na hatimaye kufa kwa sababu ya kiu? Kwa namna hiyo hiyo, Yesu aliyekuwa amezipokea dhambi zetu alikataliwa na watu wengi, alisulubiwa ili kubeba adhabu ya dhambi zetu zote, akaimwaga damu yake na kisha kufa. Huu ulikuwa ni wokovu ambao Yesu Kristo aliutimiza kwa kupitia injili ya maji na Roho.

Watu wa Israeli waliuona mchakato huu wa upatanisho kwa ajili ya dhambi zao kwa macho yao kisha wakauamini kwa mioyo yao. Kama ilivyokuwa kwa wao, sisi nasi tunaweza kupokea ondoleo la dhambi zetu kwa kuona, kusikia, na kuamini katika matendo ya haki ya Yesu Kristo katika mioyo yetu. Hii inatueleza kwamba Yesu Kristo alibatizwa na Yohana Mbatizaji, akazibeba dhambi za ulimwengu, alisulubiwa, akaimwaga damu yake, kisha akafufuka tena toka kwa wafu, na kwa sababu hiyo tunaweza kuokolewa kwa kuyaona mambo haya yote kwa macho yetu ya kiroho na kisha kuyaamini kwa mioyo yetu yote.

Sadaka hii ya Siku ya Upatanisho itaendelea kadri Waisraeli watakavyoendelea kuishi. Hata sasa bado wanaendelea kutoa sadaka ya Siku ya Upatanisho tarehe 10 ya mwezi wa saba katika kalenda yao, hii ni kwa sababu Mungu alikuwa amewaamuru, "Na amri hii itakuwa amri ya milele kwenu, ili kufanya upatanisho kwa ajili ya wana wa Israeli kwa sababu ya dhambi zao zote, mara moja kila mwaka" (Mambo ya Walawi 16:34). Kwa kuwafanya watu wa Israeli waweze kuitoa sadaka ya Siku ya Upatanisho, Mungu aliitoa rehema yake kwa

watu wa Israeli ili dhambi zao zote ziweze kuoshelewa mbali na ili waweze kukombolewa toka katika adhabu ya hizo dhambi.

Vivyo hivyo, Mungu amewawezesha watu wa leo kutambua kwamba Yesu alizibeba dhambi zote za ulimwengu katika mwili wake kwa kubatizwa na Yohana Mbatizaji, alisulubiwa, na kwa sababu hiyo amekamilisha kuzioshelea dhambi milele. Yesu Kristo alijitwika dhambi zote za mwanadamu kwa ubatizo wake na aamefanyika kuwa Kuhani Mkuu wa Mbinguni. Hivyo, hakuna kilichosalia cha kufanya kwa ajili ya wokovu wetu zaidi ya kuuamini Ukweli huu.

Sadaka ya Upatanisho Mkuu Ambayo Masihi Aliitoa kwa Mungu Baba kwa Mwili Wake

Kwa nini Mungu aliwaamuru watu wa Israeli kumtolea sadaka ya Siku ya Upatanisho? Mungu alifanya hivyo ili waweze kuangalia mbele, kwa imani yao, juu ya ile siku ambayo Mungu Baba atamfanya Mwanawe Yesu Kristo kuitoa sadaka kuu ya upatanisho kwa ajili ya dhambi za wanadamu wote kwa ubatizo wake na damu yake aliyoimwaga. Hii ndio maana Yesu Kristo, Mwana pekee wa Mungu Baba na Mwokozi wa wanadamu wote, alikuja hapa duniani ili kuzitoweshea mbali dhambi zote za kila mtu, akayatimiza yote kwa upendo wa Mungu, kisha akaufunua wokovu wa Mungu kwa wanadamu. Kwa kubatizwa na Yohana Mbatizaji ili kuzichukua dhambi zote za mwanadamu na kwa kuimwaga damu yake Msalabani, Yesu amezitoweshea mbali dhambi zote na makosa yote ya ulimwengu, kisha akahukumiwa kwa ajili ya dhambi hizo, na kwa sababu hiyo amefanyika kuwa Mwokozi wetu wa kweli.

Mungu alimwita Musa kisha akampatia Sheria. Kisha akamwamuru kulijenga Hema Takatifu la Kukutania kwa vifaa

vya nyuzi za bluu, zambarau, na nyekundu na kitani safi ya kusokotwa, kisha akampatia utaratibu wa sadaka ya kuteketezwa. Kwa kufanya hivi, Mungu aliwawezesha watuwa Israeli kutambua umuhimu wa kuiweka mikono na kuimwaga damu ya mwanasadaka. Pia Mungu aliwaonyesha watu juu ya Yesu Kristo, ambaye ni mlango wa wokovu uliotabiriwa katika Hema Takatifu la Kukutania, na kwamba atakuja hapa duniani na kuzichukua dhambi za ulimwengu kwa kubatizwa, kwa kusulubiwa na kwa kuimwaga damu yake. Wokovu wa kuoshelewa dhambi ambao Mungu ametupatia unadhihirishwa kwa wazi katika vifaa vilivyotumika katika lango la Hema Takatifu la Kukutania.

Miongoni mwa vifaa vilivyotumika katika lango la Hema Takatifu la Kukutania, nyuzi za bluu zina maanisha kwamba Yesu alizichukua dhambi za ulimwengu katika mwili wake mara moja na kwa wote kwa kubatizwa na Yohana Mbatizaji; nyuzi za zambarau zinaonyesha kwamba Yesu ni Mfalme wa wafalme na Bwana wa mabwana, kwa kuwa Yeye ni Mungu wa kweli aliyeuumba ulimwengu; nyuzi nyekundu zinatueleza kwamba kwa kuwa Yesu alikuwa ameshabatizwa, basi ndio maana aliibeba adhabu ya dhambi kwa wenye dhambi wote kwa kuimwaga damu yake Msalabani; na kitani safi ya kusokotwa inatueleza kwamba Biblia inatueleza kwa mapana kuhusu huduma hizi tatu zinazodhihirishwa katika nyuzi za bluu, zambarau, na nyekundu, na kwamba Mungu amelitoa ondoleo la dhambi la kweli kwa wale wote wanaoamini katika Neno lake.

Sasa, waamini wote ni lazima wajikumbushe kwa mara nyingine na kisha kuamini kwamba Ukweli huu, kwamba Yesu Kristo ni Mwokozi wao na kwamba amezisafishilia mbali dhambi zao zote kwa kubatizwa na Yohana Mbatizaji na kwa kuimwaga damu yake Msalabani, imani ambayo inadhihirishwa katika nyuzi za bluu, zambarau, na nyekundu na kitani safi ya

kusokotwa zilizotumika kama vifaa katika Hema Takatifu la Kukutania, na kwa sababu hiyo ni lazima wapokee ondoleo la dhambi zao. Kwa kupitia Musa, Mungu aliianzisha sheria ya wokovu, ambayo ni sheria ya ondoleo la dhambi za mwanadamu, na wakati ulipowadia, Mungu alimtuma Yesu Kristo kuja hapa duniani na akamfanya abatizwe na Yohana Mbatizaji na kisha kuimwaga damu yake Msalabani ili kwamba Yesu afanyike kuwa sadaka ya kuteketezwa ambayo itazioshelea mbali dhambi za ulimwengu. Na kwa kufanya hili, Mungu amewawezesha wale wote wanaoamini kwa kweli kuoshelewa dhambi zao zote kwa imani. Kwa hiyo, tunapokiri kumwamini Yesu Kristo kuwa ni Mwokozi wetu, basi hapo tunapaswa kuamini kwa kuufahamu ubatizo wa Yesu alioupokea na damu yake aliyoimwaga Msalabani. Kama sadaka ya kuteketezwa ya Agano la Kale ilivyoyapokea makosa ya wenye dhambi kwa kuwekewa mikono na kisha kuimwaga damu yake kwa niaba yao, vivyo hivyo Yesu Kristo alikuja kama sadaka ya dhambi kwa ajili ya kila mmoja anayeishi hapa duniani, alizichukua dhambi za ulimwengu katika mwili wake kwa kubatizwa, alisulubiwa na kuimwaga damu yake ya thamani, na kwa sababu hiyo amezitoweshea milele dhambi za wale wote wanaoamini katika Ukweli huu.

Ni lazima tuamini katika Ukweli wa Neno lililoandikwa kama lilivyo. Ukweli wa kibiblia ni kwamba Yesu alikuja hapa duniani, alibatizwa na kusulubiwa, na akaimwaga damu yake ili kutuokoa toka katika dhambi zote za ulimwengu mara moja na kwa wote, hii ni sawa na sadaka ya Siku ya Upatanisho ambayo Kuhani Mkuu aliitoa kwa ajili ya watu wake katika Agano la Kale. Hivyo ni lazima tuiamini Biblia kama ilivyo. Hatuwezi kukwepa zaidi ya kuadhibiwa milele kwa sababu ya dhambi zetu, lakini Yesu Kristo alikuja hapa duniani na ametuokoa toka katika dhambi zetu zote kwa ubatizo wake na kwa damu yake.

Kutouamini ukweli huu, pamoja na kuwa Mungu ametusamehe dhambi zetu zote kwa jinsi hii, basi hiyo itakuwa ni dhambi ambayo haiwezi kusamehewa kamwe na Mungu. Bwana amezitoweshea mbali dhambi zote za ulimwengu isipokuwa dhambi moja tu, ambayo ni "dhambi ya kumkufuru Roho Mtakatifu" (Marko 3:28-29). Kwa hiyo, wale wanaopenda kupokea ondoleo la dhambi ni lazima waamini katika Ukweli kwamba Yesu Kristo alibatizwa, akaimwaga damu yake, akafufuka tena toka kwa wafu, na kwamba kwa sababu hiyo ametukomboa toka katika dhambi zote za ulimwengu. Zaidi ya imani hii, ni matendo gani mema yanaweza kuwa muhimu kwa ajili ya ondoleo la dhambi zetu? Sasa wakati umefika ili kuufahamu Ukweli wa injili ya maji na Roho ulivyo, na hatimaye kuuamini Ukweli huu.

Kila mtu ni lazima atambue na kuamini kwamba Ukweli unaodhihirishwa katika lango la Hema Takatifu la Kukutania lililofumwa kwa nyuzi za bluu, zambarau, na nyekundu na kitani safi ya kusokotwa ni injili ya wokovu wa kweli, na kivuli cha Yesu Kristo atakayekuja. Kwa sasa, kumwamini Yesu Kristo, na kuuamini ubatizo ambao Yesu aliupokea na damu aliyoimwaga Msalabani ni mambo muhimuu sana kwa ajili ya wokovu wetu, hivyo ni lazima tuamini katika mambo hayo. Ukweli usiopingika ni kwamba Yesu ametupatia wokovu kwa waamini wanaoamini katika ubatizo wake, na damu yake ilimwagwa Msalabani, na ufufuo wake toka kwa wafu, na kwamba mambo haya yote yalikamilishwa ili kutuokoa toka katika dhambi za ulimwengu.

Sadaka ya Mwana Ambayo Mungu Baba Aliitaka

Hebu tugeukie Waebrania 10:5-9: "Kwa hiyo ajapo

Omba kitabu cha bure katika tovuti ya www.nlmission.com

ulimwenguni, asema, Dhabihu na toleo hukutaka, Lakini mwili uliniwekea tayari; Sadaka za kuteketezwa na sadaka za dhambi hukupendezwa nazo; Ndipo niliposema, Tazama, nimekuja (katika gombo la chuo nimeandikiwa) Niyafanye mapenzi yako, Mungu. Hapo juu asemapo, Dhabihu na matoleo na sadaka za kuteketezwa na hizo za dhambi hukuzitaka, wala hukupendezwa nazo (zitolewazo kama ilivyoamuru torati), ndipo aliposema, Tazama, nimekuja niyafanye mapenzi yako. Aondoa la kwanza, ili kusudi alisimamishe la pili."

Ina maanisha nini kifungu hiki cha Maandiko kinaposema kwamba Mungu hakutaka sadaka wala matoleo, na kwamba wala hakuvifurahia? Kifungu hiki kinainukuu Zaburi ya 40:6-7. Kina maanisha kwamba dhambi zote za zisingeliweza kuondolewa kikamilifu pasipo sadaka ya kila siku ya Agano la Kale, na kwamba ili kutoa sadaka ya milele ya dhambi, basi Yesu Kristo alikuja hapa duniani, akabatizwa, akaimwaga damu yake, akafufuka tena toka kwa wafu, na kwa sababu hiyo amefanyika kuwa Mwokozi wetu sote. Maana ya Zaburi 40:7 inayosema, "Ndipo niliposema, Tazama nimekuja, (Katika gombo la chuo nimeandikiwa), " ni kwamba Yesu Kristo alikuja hapa duniani na akazioshelea mbali dhambi zote kwa kuwekewa mikono na kwa kuimwaga damu yake, kama ilivyoandikwa katika Agano la Kale.

Katika kipindi cha Agano la Kale, dhambi za watu wa Israeli ziliondolewa wakati mnyama wa sadaka ya kuteketezwa alipotolewa kwa Mungu katika ile Siku ya Upatanisho kwa kuwekewa mikono ya Kuhani Mkuu na kwa kuimwaga damu ya mnyama huyo wa sadaka. Vivyo hivyo, Yesu Kristo aliyekuja hapa duniani ili kuwa sadaka ya kuteketezwa ya milele kwa wanadamu wote, alizichukua katika mwili wake dhambi za ulimwengu kwa kubatizwa na namna ya kuwekewa mikono, kisha akabeba adhabu yote ya dhambi Msalabani, akasulubiwa,

halafu akaimwaga damu yake ya thamani hadi kifo. Kwa kufanya hivi, Yesu ametoa wokovu wa milele kwa wale wote wanaoamini.

Katika Agano Jipya, Yesu alikuja hapa duniani kama Mungu alivyoahidi kwa kupitia utaratibu wa Hema Takatifu la Kukutania, na kwa sababu hiyo ameutimiza wokovu wetu mara moja na kwa wote. Wale wanaoamini katika wokovu wake wameokolewa toka katika dhambi zao zote. Katika Hema Takatifu la Kukutania kulikuwa na ahadi ya Mungu kwamba Yesu atazitoweshea mbali dhambi za watu wote mara moja na kwa wote kwa kuimwaga damu yake. Na kwa kweli Yesu alikuja na kuitimiza hiyo ahadi ya wokovu kwa kubatizwa na kwa kuimwaga damu yake, na hivyo kulitimiza Neno la Mungu kwa ukamilifu. Kwa maneno mengine, ahadi zote za Mungu za wokovu zimetimizwa katika Yesu Kristo.

Watu wa Israeli wanaamini kwamba ni Sheria na unabii wa manabii wa Agano la Kale kuwa ndio Neno la Mungu tu. Lakini hawawezi kumwamini Yesu Kristo aliyekuja kwetu katika kipindi cha Agano Jipya kama Mungu na Mwokozi. Watu wote wa ulimwengu huu, wakiwemo watu wa Israeli ni lazima sasa watambue kwamba Yesu Kristo ni Mungu Mwenyewe na wakubali katika mioyo yao kuwa yeye ndiye Masihi atakayekuja.

Yesu Alikuja Kufanya Nini?

Kwa kuwa Yesu alikuja kuyatimiza majukumu ya Mungu Baba, basi Yesu ni Mwokozi wa wale wote wanaoamini kwamba alikuja hapa duniani ili kuzioshelea mbali dhambi zao zote. Kama vile Waebrania 10:10 inavyosema, "Katika mapenzi hayo mmepata utakaso, kwa kutolewa mwili wa Yesu Kristo mara moja tu." Ni lazima tutambue na kuamini kwamba Yesu

alizaliwa hapa duniani kwa mapenzi ya Mungu Baba, na kwamba alibatizwa kwa mujibu wa mapenzi ya Mungu Baba, na kwamba kwa mapenzi haya ya Baba alisulubiwa, akaimwaga damu yake hadi kifo pale Msalabani, akafufuka tena toka kwa wafu, na kwa sababu hiyo amefanyika kuwa Mwokozi wa wale wanaomwamini Yeye. Ili kuzitoweshea mbali dhambi zetu zote kwa mujibu wa mapenzi ya Mungu Baba, basi ilimpasa Yesu Kristo kuutimiza wokovu wa mwanadamu kwa kuzitoweshea mbali dhambi zote kwa ubatizo wake na damu yake aliyoimwaga. Vivyo hivyo, Yesu alijitoa kwa hiari yake hadi akasulubiwa, na kwa sababu hiyo ametupatia wokovu mkamilifu.

Kwa kuwa Yesu Kristo alijitoa mwenyewe ili kuziondolea mbali sio tu dhambi za watu wa Israeli bali pia dhambi za wamataifa wote, basi tunaweza kuokolewa ikiwa kila mmoja wetu anaamini katika ukweli huu kwa moyo wake wote. Katika miaka yake 33 ya maisha, Yesu alibatizwa mara moja, akasulubiwa mara moja, lakini matendo haya ya haki ya Mwokozi wetu yamewaokoa wenye dhambi wa ulimwengu mara moja na kwa wote. Huu ndio wokovu pekee na ulio mkamilifu. Kama ambavyo Yesu alivyozitoweshea mbali dhambi zote zilizofanywa na wanadamu tangu mwanzo hadi mwisho wa ulimwengu, vivyo hivyo ametuwezesha kuokolewa mara moja kwa imani. Kwa kuutoa mwili wake mara moja na kwa wote, Yesu Kristo ametufanya kuwa wakamilifu milele. Kwa kuwa alibatizwa na Yohana Mbatizaji kuhukumiwa kwa ajili ya dhambi zetu zote kwa kuimwaga damu yake, basi sasa ni lazima tuiamini injili hii halisi katika mioyo yetu kwa shukrani na kisha kuokolewa toka katika dhambi zetu zote. Yesu Kristo alikuja hapa duniani kwa mapenzi ya Mungu Baba na kisha kuzibeba dhambi zetu zote na kuulipa mshahara wa dhambi, na kwa mafanikio makubwa aliufunua wokovu wa kweli kwa kupitia upendo wa Mungu kwa mujibu wa mapenzi

ya Baba.

Hili Neno ni ukweli ambao wewe na mimi tunaoishi katika ulimwengu huu wa sasa tunapaswa kuliamini. Ni lazima tuuunganishe ubatizo wa Yesu na damu yake ya Msalabani pamoja na kisha kuviamini vyote hivyo kuwa ni jozi moja ya ukweli inayotuokoa kikamilifu. Kama tukishindwa kufanya hivyo, basi ni hakika kwamba tutalipoteza ondoleo letu la dhambi la milele. Hivyo, ni lazima tuamini kwa mujibu wa Neno la Mungu lililoandikwa, yaani kwa mujibu wa Ukweli wa injili ya maji na Roho. Injili ya maji na Roho inatoa mwanga wa wokovu, lakini kama tutaongeza kitu chochote juu yake au kama tukikipunguza kitu chochote kile toka katika injili hii ya kweli tunapomwamini Mungu, au kama tusipouamini utazimika, kisha utafichwa na kutoweka.

Hatupaswi kuangukia katika uongo kwamba Ukweli wa injili ya maji na Roho ni moja kati ya mafundisho mengine ya kidunia, yaani kama Wakristo wenye dhambi wanavyofanya. Wanafundisha kwamba mtu anaweza kupokea ondoleo la dhambi kwa kiwango fulani kwa kupitia sala za toba kwa kumwomba Mungu kusamehe dhambi za mtu kwa msingi wa kila siku. Katika Waebrania 10:11 Mungu alisema wazi kwamba, "Na kila kuhani husimama kila siku akifanya ibada, na kutoa dhabihu zile zile mara nyingi; ambazo haziwezi kabisa kuondoa dhambi." Hapa Mungu anatueleza kwamba dhambi tunazozifanya kila siku haziwezi kuoshelewa mbali ati kwa sababu tu tunamwomba Mungu ili atusamehe dhambi zetu za kila siku kwa imani yetu inayoamini katika damu pekee ya Msalabani.

Kwa kuwa sadaka ambayo Yesu Kristo aliitoa kwa Mungu Baba kwa kubatiza na Yohana Mbatizaji na kwa kufa Msalabani ilikuwa ni sadaka kamilifu ya wokovu, hivyo tumeokolewa kikamilifu kuamini katika sadaka hii. Kwa kuwa dhambi za ulimwengu zilipitishwa kwenda kwa Yesu Kristo mara moja na kwa wote wakati alipobatizwa na Yohana Mbatizaji, basi ndio maana Yesu aliweza kuzibeba dhambi hizo kwenda Msalabani na kisha kufa juu yake ili kuimaliza adhabu ya hizo dhambi. Hivyo dhambi za wale wote wanaoamini katika ubatizo wake na damu yake aliyoimwaga zimeondolewa mbali.

Kwa kuamini katika ubatizo wa Yesu Kristo alioupokea na damu yake Msalabani, basi sisi nasi tumekufa pamoja na Yesu Kristo na kisha kuhuishwa pamoja na Yesu kwa imani. Warumi 6:23 inasema, "Kwa maana mshahara wa dhambi ni mauti; bali karama ya Mungu ni uzima wa milele katika Kristo Yesu Bwana wetu." Mshahara wa dhambi ni mauti, hii haijalishi aina ya hizo dhambi, hivyo mshahara wa dhambi yoyote ile ni lazima ulipwe kwa uhai. Hii ndio sababu ilikuwa ni muhimu sana kwa Yesu Kristo kuja hapa duniani na kufanyika mwili wa mwanadamu, alibatizwa na Yohana Mbatizaji, kisha akaimwaga damu yake Msalabani. Kule kuzipitishia dhambi zako kikamilifu kwenda katika mwili wa Yesu kulitimizwa na ubatizo wa Yesu, na kwa kuzibeba dhambi hizo na kufa Yesu alilipa mshahara wa dhambi zako na kwa sababu hiyo amezitoweshea mbali dhambi hizo zote mara moja. Lakini pamoja na hili, hata pale ambapo Mungu ametupatia injili hii halisi, ukweli ni kuwa kuna watu wengi ambao bado wanamwomba Mungu kuzisamehe dhambi zao binafsi kila siku. Kwa kweli hawaufahamu Ukweli wa injili ya maji na Roho.

Wakati watu wanapokuwa na dhambi katika mioyo yao, basi hawawezi kufanya lolote zaidi ya kumwogopa Mungu kwa sababu ya dhambi zao. Ni kweli kwamba kuna watu wengi ambao hali wakiwa hawaifahamu injili ya maji na Roho, wanajikuta wakiugulia kwa sababu ya dhambi zao. Hata hivyo, Yesu alikuja hapa duniani ili kuwaokoa toka katika dhambi zao zote, alibatizwa na Yohana Mbatizaji, akaimwaga damu yake

Msalabani, na kwa sababu hiyo amewaokoa kikamilifu. Sasa ni kwa nini tuhofie wakati injili ya maji na Roho, ambayo ni injili ya Mungu ya wokovu imetuokoa kikamilifu na kuichukulia mbali adhabu ya dhambi zetu zote?

Wale wanaofahamu na kuamini kwa kweli kwamba Yesu amezitoweshea mbali dhambi zote za mwanadamu kwa kupitia injili ya maji na Roho basi ni hakika kwamba wanaweza kuokolewa kikamilifu kwa imani kama vile Mungu alivyoahidi, "Dhambi zenu zijapokuwa nyekundu sana, zitakuwa nyeupe kama theluji; zijapokuwa nyekundu kama bendera, zitakuwa kama sufu" (Isaya 1:18). Sisi sote tunaweza kuokolewa kwa imani, hii ni kwa sababu kuna ubatizo wa Yesu aliyezipokea dhambi za ulimwengu huu kwa mujibu wa utaratibu wa sadaka ya kuteketezwa wa Agano la Kale ambao ulizipitisha dhambi zote kwenda kwa mnyama wa sadaka ya kuteketezwa kwa kuwekea mikono. Kwa kuwa Yesu alikuwa amezichukua dhambi za ulimwengu kwa kubatizwa na Yohana Mbatizaji ndio maana aliweza kufanya Msalabani, pia tuliweza kuokolewa toka katika dhambi zetu zote kwa imani kwa kuwa ule wokovu ambao Mungu aliuzungumza katika Agano la Kale ulikuwa umetimizwa.

Hata hivyo pamoja na Ukweli huu usio na shaka, bado tunawaona watu wengi wanaomwamini Yesu kwa hisia tu na kwa kuonyesha huruma. Wanalia na kuomboleza kila siku ili kuikomaza imani yao kwa kuwa msingi wa imani yao ni kumwonea huruma Yesu alipokuwa katika maumivu yake makali pale Msalabani. Mioyo ya watu kama hao imepotoshwa na wanapaswa hivi sasa kuachana na hii imani yenye makosa. Ni mimi na wewe ndio tunaohitaji rehema ya Mungu ambayo ni Yesu Mwokozi wetu tu ndiye aliyeweza kutupatia ubatizo na damu yake, na wala si kwamba Yesu anahitaji maombi yetu yenye kumwonea huruma. Ukweli ni wazi ni kuwa ni sisi ndio

tunaomhitaji sana Yesu Kristo kuwa Mwokozi, lakini kuna watu wengi wanaomwamini Mungu pasipo kuwa na sababu yoyote ile ya msingi, huku wakifikiri kwamba ni Mungu ndiye anayepungukiwa kitu fulani, kana kwamba ni Yesu ndiye anayewaomba wamwamini. Lakini imani inayoamini hivyo ni aina ya imani ambayo Mungu anaidharau.

Mioyo ya wale wanaomwambia Yesu kwamba watamwamini Yesu kana kwamba wanamfanyia hisani, basi mioyo hiyo hujiku ikiwa na kiwango chao kilicho juu zaidi ya Mungu, na kwa sababu hiyo ndio maana hawaikubali katika mioyo yao injili ya maji na Roho inayowaokoa kikamilifu toka katika dhambi zao. Watu hawa wanaliheshimu kidogo sana Neno la Mungu kiasi ya kulichukulia kutokuwa na tofauti na yale ambayo majirano zao wanasema, huku wakionyesha dhahiri kwamba kuliamini Neno la Mungu ni sawa na kumfanyia Mungu hisani kutokana na huruma yao. Hatimaye, wao ndio wale ambao hawaamini katika ubatizo na damu ya Yesu kwa ajili ya ondoleo la dhambi zao na kwa sababu hiyo wanasimama kinyume na Mungu. Wanaamini kwamba dhambi zao zinaweza kuoshelewa mbali kwa sala zao za toba na za kuhuzunika pasipo hata kuamini katika injili ya maji na Roho. Kwa kuwa wanalichukulia jina la Mungu katika hali ya utupu, ndio maana hawafahamu wala hawaamini kwamba Yesu Kristo Mwokozi amezitoweshea mbali dhambi zao zote, na kwa sababu ya jambo hili hawawezi kuokolewa.

Mungu alisema, "Maana amwambia Musa, Nitamrehemu yeye nimrehemuye, nitamhurumia yeye nimhurumiaye" (Warumi 9:15). Kama Mungu aliamua kuwaokoa wenye dhambi kwa kutumia sheria yake ya wokovu kutokana na rehema yake, basi ni hakika kwamba Mungu atafanya hivyo kama alivyoamua. Hivyo, sisi ni lazima tuamini katika injili ya maji na Roho na kisha kupokea wokovu wetu wa kweli. Wale wasioamini katika

Neno la injili ya maji na Roho watagundua jinsi ghadhabu ya Mungu ilivyo kali dhidi yao. Kwa upande mwingine, wale wanaoamini katika injili ya maji na Roho wataona jinai rehema na upendo wa Mungu ulivyo juu yao. Yeyote anayezikiri dhambi zake mbele za Mungu na anatambua na kuamini katika injili ya maji na Roho, ambayo ni injili ya Mungu ya wokovu mkamilifu, ataokolewa toka katika dhambi zake.

Wale wanaoamini kwamba Yesu Kristo alizichukua katika mwili wake dhambi zao zote kwa kubatizwa watakombolewa toka katika dhambi zao zote. Wale wanaoudharau ukweli huu watakabailiana na adhabu ya kutisha kwa ajili ya dhambi zao. Watu wote wa ulimwnegu huu ni lazima waamini katika injili ya maji na Roho, ambayo ni Ukweli halisi wa wokovu. Wenye dhambi ambao hawaiogopi hukumu ya Mungu na wasioiamini injili ya maji na Roho ni hakika kwamba wataadhibiwa kwa sababu ya dhambi zao. Lakini wale wanaoamini katika Ukweli huu wa Yesu wa kuzioshelea mbali dhambi wataokolewa toka katika dhambi zao zote.

Yeyote yule ambaye dhamiri yake ina dhambi kwa kweli ni mgonjwa asiyeweza, na kwa sababu hiyo watu wanakuja na mafundisho ya wokovu yasiyo na msingi na yaliyo tofauti na injili hii halisi ya maji na Roho. Wanajaribu kuzifariji dhamiri zao zilizochoka kwa kupitia mafundisho hayo yasiyo na mantiki. Kuna wale ambao wanadikiri kusema. "Kwa ninamwamini Yesu, basi ni sahihi kama nitakuwa na dhambi katika moyo wangu." Bali tunapaswa kutosahau kwamba wale walio na dhambi katika mioyo yao ni hakika kwamba watatupwa kuzimu, kwa kuwa Mungu atawapatia hukumu yake ya haki kwa watu wa jinsi hiyo kwa sababu ya dhambi zao. Kwa kuwa wanasimama upande wa Shetani, basi Mungu hataweza kuwaacha wandelee.

Lakini wale wanaoifahamu haki ya Mungu, na kwamba

kutakuwepo na hukumu ya Mungu kali kwa ajili ya dhambi, basi watu hao wanamwomba Mungu ili awapatie rehema na upendo wake, na wanataka waokolewe toka katika dhambi zao zote, wanautafuta Ukweli na wanatamani kusimama upande wa Mungu. Kwa watu wa jinsi hiyo, basi Ukweli ni kwamba Yesu Kristo alizichukua katika mwili wake dhambi zote za mwanadamu kwa kubatizwa. Kila mwenye dhambi ni lazima apokee ondoleo la dhambi kwa kuamini katika ukweli huu. Kwa kupitia ubatizo huu, Yesu Kristo alizipokea dhambi zote za ulimwengu mzima mara moja na kwa wote, akafa Msalabani mara moja, na kwa sababu hiyo amezitoweshea mbali dhambi zetu zote na ametufanya sisi kuwa wenye haki.

Kwa kupitia Neno la injili ya maji na Roho, sisi sote tunapaswa kutambua jinsi wokovu wetu wa kweli ulivyo, na katika mioyo yetu ni lazima tuwe na imani inayoamini kwa kweli katika injili hii. Wale wote wanaoamini katika Ukweli huu katika mioyo yao, basi haijalishi ni aina gani ya dhambi wameitenda, watu hao wataoshelewa mbali dhambi zao zote kwa imani kisha watapokea ondoleo la dhambi la kweli na uzima wa milele. Je, hupendi kuamini katika Neno hili la injili linalozifanya dhambi zote za moyo wako kutoweka? Wale wanaoamini katika injili hii ya maji na Roho mbele za Mungu watapokea ondoleo la dhambi kwa hakika.

Sala Zako za Toba Haziwezi Kukuokoa

Siku hizi, Wakristo wengi wanatoa sala za toba kila siku huku wakimwomba Mungu kuzisamehe dhambi zao zote. Wanaishi maisha yao ya kiimani kwa kutoa sadaka zao za kuteketezwa kwa Mungu kila siku kama ilivyofanyika katika wakati wwa Agano la Kale. Lakini haya sio maisha ya kiimani

ambayo ungelipenda kuyaishi. Je, ni kweli kwamba Yesu anaimwaga damu yake Msalabani ili kuzioshelea mbali dhambi zao kila wakati unapotoa sala zako za toba? Haiwezekani kuwa hivi. Ukweli ni kwamba ni lazima uzioshelee mbali dhambi zako zote mara moja kwa kuamini kwamba nguvu ya ubatizo na damu ya Yesu Kristo iliyomwagika inadumu milele. Wale wanaojaribu kuoshelewa mbali dhambi zao kwa kutoa sala za toba kila siku hawawezi kupokea ondoleo la dhambi la milele na wala hawana imani inayowawezesha kupokea wokovu wa kweli.

Kama dhambi za kila mtu zingeliweza kusamehewa kwa kupitia sala hizo za toba au kwa kupitia namna yoyote ile ya ibada ya kibinadamu, basi Mungu asingeliianzisha sheria inayotangaza kwamba mshahara wa dhambi ni mauti. Kwa kuwa ili watu waweze kuondolewa dhambi zao, basi wanapaswa kutoa sadaka inayozipitisha dhambi zao kwenda katika mwili wa Yesu kwa imani. Hatupaswi kuwa na imani inayotoa sala za toba kila siku, bali tunapaswa kuwa na imani inayoamini katika injili ya maji na Roho inayodhihirishwa katika nyuzi za bluu, zambarau, na nyekundu na kitani safi ya kusokotwa zilizotumika katika lango la pazia la Hema Takatifu la Kukutania. Kwa maneno mengine, tunapaswa kutambua kwamba ni imani tu inayoamini katika injili ya maji na Roho ndio inayoweza kutupatia utakaso wa dhambi, na tunapaswa kuiamini injili hii kwa mioyo yetu yote.

Kama wenye dhambi wa Agano la Kale walivyozipitisha dhambi zao kwenda kwa mnyama wa sadaka ya kuteketezwa kwa kuiweka mikono yao juu ya kichwa cha huyo mwanasadaka, basi vivyo hivyo tunapaswa kuzipitisha dhambi zetu kwenda kwa Yesu Kristo kwa kuamini katika ubatizo wake, pia tunapaswa kwenda mbele za Mungu na kisha kupokea ondoleo la dhambi la milele kwa imani hii inayoamini katika ubatizo na damu yake aliyoimwaga Msalabani. Mungu alisema, "Kwa"

maana kwa moyo mtu huamini hata kupata haki, na kwa kinywa hukiri hata kupata wokovu." na "Basi imani, chanzo chake ni kusikia; na kusikia huja kwa neno la Kristo" (Warumi 10:10, 17).

Yohana 1:29 inasema, "Siku ya pili yake amwona Yesu anakuja kwake, akasema, Tazama, Mwana-kondoo wa Mungu, dhambi va ulimwengu!" Kifungu aichukuave kinazungumzia juu ya ushuhuda ambao Yohana Mbatizaji aliutoa siku ya pili yake mara baada ya kumbatiza Yesu. Wakati Yohana Mbatizaji alipomwona Yesu akimkaribia, alisema, "Tazama! Hapa kuna mtu anakuja!" Kauli hii ilisababisha msongamano kwa watu waliokuwa wakimzunguka Yohana Mbatizaji. Kisha Yohana akapiga kelele akisema "Tazama! Mwana-kondoo wa Mungu anakuja! Si mwingine bali ni Mwana wa Mungu, ambaye ni Mwana-kondoo halisi wa Mungu aliyezichukua dhambi za mwanadamu kwa kupitia kwangu. Yeye ni Mwokozi wetu. Yeye ni Yesu Kristo, Mwana-kondoo wa Mungu. Tazama! Hapa yupo Mwana-kondoo wa Mungu azichukuaye dhambi za ulimwengu!" Kwa kuwa Yohana Mbatizaji alikuwa amembatiza Yesu Kristo na kisha kuzipitisha dhambi zote za ulimwengu kwenda kwa Yesu ndio maana Yohana mwenyewe aliweza kumshuhudia Yesu kwa namna hii. Kwa kuwa Yohana alikuwa amezipitisha dhambi zetu zote kwenda kwa Yesu kwa kumbatiza kwa namna hii ipasayo, basi ndio maana Yesu Kristo alifanyika kuwa Mwana-kondoo asiye na mawaa wa sadaka aliyezichukua dhambi zetu zote katika mwili wake kwa mujibu wa mapenzi ya Mungu Baba.

Katika Agano la Kale, ondoleo la dhambi lilipokelewa kwa kutoa sadaka ya kuteketezwa kwa Mungu, lakini katika Agano Jipya, ni kwa imani inayoamini kikamilifu katika ubatizo wa Yesu na damu yake aliyoimwaga Msalabani ndipo tunapoweza kuondolewa dhambi zetu zote. Kwa kuwa Mungu alipokea

wanyama kama ng'ombe dume, kondoo, na mbuzi kama sadaka ya kuteketezwa ili kuzitoweshea mbali dhambi za watu wa Israeli, basi wanyama wengi sana waliuawa na kuimwaga damu, walikatwa vipande, na wakachomwa katika madhabahu ya sadaka ya kuteketezwa. Ni kweli kwamba wanyama wengi sana wa sadaka ya kuteketezwa waliuawa kwa sababu ya dhambi za wamiliki wao.

Lakini katika kipindi cha Agano Jipya, Yesu hakutoa wanyama wa sadaka ya kuteketezwa kama hao, bali aliutoa mwili wake binafsi kwa ajili yetu. Kwa kuwa Yesu Mwana-kondoo wa Mungu aliyekuja hapa duniani alizipokea dhambi za ulimwengu katika mwili wake kwa kupitia ubatizo wake, na akaimwaga damu yake Msalabani, basi ndio maana amewawezesha wale wanaoamini katika Ukweli huu kuokolewa toka katika dhambi zao zote mara moja na kwa wote. Yesu alikuja kwetu ili kuzimaliza dhambi zetu zote kwa maji, damu, na Roho.

Sasa Mungu anakuamuru wewe na mimi kuuamini Ukweli wokovu halisi. Mungu anatueleza kwamba, huu wa "Nimezitoweshea mbali dhambi zako zote, kwa kuwa nimewapenda sana. Nimewaokoa kwa namna hii. Hivyo muamini! Nimezitoweshea mbali dhambi zako zote kwa kumtoa Mwana wangu kama sadaka ya dhambi kwa ajili yenu. Nilimruhusu Mwanangu kuishi hapa duniani kwa miaka 33 ya uhai wake, nilimfanya abatizwe, na nikamfanya aimwage damu yake Msalabani kwa ajili yako, na kwa kuyafanya haya yote nimewakomboa kikamilifu toka katika dhambi zenu zote na adhabu ya hizo dhambi. Sasa, kwa kuamini katika Ukweli huu mnaweza kufanyika kuwa wana wangu halisi ninaowafurahia, na ninaoweza kuwakumbatia katika mikono yangu." Hebu ufahamu na kuuamini Ukweli huu katika moyo wako! Wale wanaoamini katika ubatizo amboa Yesu Kristo aliupokea na

damu ambayo aliimwaga sio tu kwamba wataokolewa toka katika dhambi zao zote, bali watapokea haki ya kufanyika watoto wa Mungu.

Je, Yesu Aliziondoa Dhambi Zote za Ulimwengu Huu?

Hebu tugeukie Waebrania 10:14-18: "Maana kwa toleo moja amewakamilisha hata milele hao wanaotakaswa. Na Roho Mtakatifu naye amshuhudia; kwa maana, baada ya kusema, Hili ni agano nitakaloagana nao baada ya siku zile, anena Bwana, Nitatia sheria zangu mioyoni mwao, Na katika nia zao nitaziandika; ndipo anenapo, Dhambi zao na uasi wao sitaukumbuka tena kabisa. Basi, ondoleo la hayo likiwapo, hapana toleo tena kwa ajili ya dhambi."

Kifungu hiki cha Maandiko kinasema wazi kwamba: "Basi, ondoleo la havo likiwapo, hapana toleo tena kwa ajili va dhambi." Hebu sikiliza habari hizi zilizobarikiwa kwamba dhambi zetu zote zilipitishwa kwenda kwa Yesu kwa kupitia ubatizo alioupokea! Sio tu dhambi za kwako na za kwangu tunazozifanya katika kipindi chote cha maisha yetu zilipitishwa kwenda kwa Yesu, bali dhambi zote za wanadamu zilipitishwa kwenda kwa Yesu pia. Ili kuitimiza haki yote ya Mungu, Yesu alibatizwa ndani ya maji kwa mfano wa kuwekea mikono, na hapo aliruhusu dhambi zote kupitishwa kwenda kwake. Akajitwika dhambi zetu zote, alisulubiwa na hivyo akaibeba adhabu yote ya dhambi kwa ajili ya dhambi za mwanadamu, na kwa sababu hiyo wale wote wanaomwamini na kuamini katika Ukweli huu wamekombolewa toka katika hukumu yao yote. Kama vile Kuhani Mkuu alivyozipitisha dhambi za watu wa Israeli kwenda kwa mnyama wa sadaka ya kuteketezwa kwa

kuiweka mikono yake juu ya kichwa cha huyo mwanasadaka, Yohana Mbatizaji alizipitisha dhambi zetu zote kwenda kwa Yesu kwa kumbatiza. Kisha Yesu akajitwika hizo dhambi na akasulubiwa, na kwa hiyo amemkomboa kila mtu anayemwamini toka katika dhambi. Hivyo wale wote wanaoamini katika Ukweli huu wa kimbingu wanaweza kupokea haki ya kuwa watoto wa Mungu.

Warumi 10:10 inasema, "Kwa maana kwa movo mtu huamini hata kupata haki, na kwa kinywa hukiri hata kupata wokovu." Kwa kila mmoja wenu, ni kwa kuamini katika haki ya Mungu kwa moyo wako ndipo unapoweza kuhesabiwa haki, na ni kwa kuamini katika Ukweli wa wokovu kwa moyo wako ndipo unapoweza kupokea ondoleo la dhambi zako na kisha kuingia Mbinguni. Ndugu waamini, je, mmeokolewa kwa kuamini kwa mioyo yenu na kukiri kwa vinywa vyenu kwamba ubatizo na damu ya Yesu ni vitu muhimu kwa "haki ya Mungu," na kwa "Ukweli wa wokovu," na kwa "injili ya ondoleo la dhambi"? Chini ya utaratibu wa sadaka ya kuteketezwa wa Agano la Kale, dhambi za Waisraeli hazikutoweshewa mbali kwa kumchinja pekee yake mnyama wa sadaka ya kuteketezwa pasipo kuiweka mikono na kuzipitisha dhambi juu yake. Vivyo hivyo, kama unaamini katika damu ya Msalaba tu na kisha kuuacha ubatizo ambao Yesu aliupokea, basi hapo dhambi zako zote haziwezi kuondolewa mbali.

"Dhambi zao na uasi wao sitaukumbuka tena kabisa. Basi, ondoleo la hayo likiwapo, hapana toleo tena kwa ajili ya dhambi" (Waebrania 10:17-18). Kwa nini Mungu alisema kwamba hatazikumbuka kamwe dhambi zetu? Pamoja na kuwa hatuwezi kufanya lolote zaidi ya kuendelea kutenda dhambi hadi siku tutakapokufa, lakini kwa kuwa Yesu alizichukua katika mwili wake dhambi mara moja na kwa wote kwa kubatizwa, basi sasa wokovu wetu umekamilika na utadumu milele, na sisi

tunaoamini katika ukweli huu hatuna dhambi. Hii ndio sababu Mungu alisema hana haja ya kuzimbuka dhambi tena.

Haki ya Mungu ina maanisha ni uadilifu na unyoofu wake. Uadilifu wa Mungu Baba una maanisha kwamba kama yeye alivyo mtakatifu, basi wale wote wanaoamini katika injili ya maji na Roho pia ni watakatifu na wasio na dhambi. Tangu mwanzo kabisa, Mungu alitupenda sana kiasi kuwa alitamani kutufanya sisi kuwa watoto wake. Lakini haijalishi jinsi alivyotamani kutufanya sisi kuwa watoto wake, ukweli ni kuwa alishindwa kufanya hivyo kwa sababu ya dhambi zetu. Hivyo Mungu baba akaamu kuja na mbinu ya kulitatua tatizo la dhambi.

Mungu aliweka kando wanyama wasio na mawaa ambao wangelitolewa na kuwa sadaka ya kuteketezwa kwa niaba ya Waisraeli na aliamu kuzioshelea mbali dhambi zao kwa kuzipitisha dhambi zao zote kwenda kwa wanyama hao wa sadaka za kuteketezwa kwa kuwekewa mikono. Kwa kuwa huu ulikuwa ni ubainisho wa wokovu wake halisi, ndio maana Yesu hakusita kubatizwa na kufanyika sadaka yetu, na kisha kuadhibiwa kwa niaba yetu, na hatimaye kutupatia sadaka ya dhambi ya milele kwa kuutoa mwili wake. Na kwa kupitia hii sadaka ya dhambi, Mungu aliyatimiza majaliwa yake ya kuwasafisha waamini wa kweli toka katika dhambi zao zote na kuwafanya kuwa watoto wake. Sasa, wale wanaoamini katika injili ya Ukweli wameondolewa dhambi zao zote mbele za Mungu. Kwa kuwa Yesu amekwishazioshelea mbali dhambi zote za ulimwengu huu kwa kubatizwa, basi kama tutamwamini huyu Yesu ambaye amezioshelea mbali dhambi za mwanadamu kwa kuadhibiwa kwa niaba yao, na kwa sababu hiyo hatuhitaji kutoa sadaka yoyote ile kwa ajili ya dhambi zetu. Kaka zangu na akina dada, bado tunahitaji kutoa sadaka kwa ajili ya dhambi zetu? Kwa kweli hapana!

Unafahamu kwamba Yesu Kristo alisulubiwa, pamoja na

kuwa alikuwa hana dhambi na msafi? Pamoja na kuwa Yesu alisulubiwa, yeye hakuwa amefanya jambo lolote baya. Ni kwa kuwau Yesu alikuwa amezipokea dhambi zote za mwanadamu katika Mto Yordani na ndio maana alipaswa kuuawa kwa niaba yao. Sababu iliyomfanya Yesu afe Msalabani ni kwa kuwa alikuwa amezipokea dhambi za ulimwengu kwa kupitia ubatizo wake na ndio maana alikuwa tayari kuitimiza haki yote. Wakati Mwana wa Mungu alipobatizwa ili kuitimiza haki yote kwa namna hii, basi tutawezaje kutomshukuru? Kwa kuwa Yesu alikuwa amezichukuau dhambi zetu zote katika mwili wake, ndio maana akiwa kama kondoo mbele ya wamkatao manyoya, aliyapokea mateso ya Msalaba kimyakimya. Sisi sote ni lazima tuukumbuke ubatizo wake pamoja na Msalaba wake milele, kwa kuwa kama asingelisulubiwa na kuadhibiwa, basi sisi nasi tungelikuwa hatujaadhibiwa pia.

Sio kwamba Bwana wetu alizichukua dhambi zetu zote katika mwili wake tu, bali pia aliibeba adhabu yote ya dhambi zetu. Kwa lugha nyingine, Yesu Mwokozi aliyekuwa amezichukua dhambi zetu zote katika mwili wake, alifanyika kuwa sadaka yetu ya dhambi na akaibeba kimyakimya adhabu ya hizo dhambi Msalabani, alifanya hayo yote ili kutuokoa toka katika dhambi na kwa hiyo kuyatimiza mapenzi ya Mungu. Hii ndio maana Biblia inasema, "Basi, ondoleo la hayo likiwapo, hapana toleo tena kwa ajili ya dhambi. Basi, ndugu, kwa kuwa tuna ujasiri wa kupaingia patakatifu kwa damu ya Yesu" (Waebrania 10:17-19).

Je, sasa unafahamu kuwa ni kwa nini Yesu Krito alisulubiwa? Hatupaswi kuiamini damu ya Yetu tu pale Msalabani, bali tunapaswa kufahamu kuwa ni kwa nini ilimpasa kufa Msalabani, na ni lazima tufahamu na kuamini kwa usahihi kwamba sababu ya hayo yote ipo katika ubatizo alioupokea. Ikiwa wewe na mimi tunataka kufahamu na kuamini kwa usahihi

kuwa ni wapi na kwa namna gani dhambi zetu zilioshelewa mbali, basi tunapaswa kufahamu na kuamini kwamba ni kwa kuwa dhambi zetu zote zilikuwa zimepitishwa kwenda kwa Yesu wakati alipobatizwa na Yohana Mbatizaji katika Mto Yordani ndio maana dhambi zetu zote zimeweza kuoshelewa mbali kwa imani.

Sasa Tunaweza Kuokolewa Toka katika Dhambi Zetu Zote kwa Kufahamu na Kuamini Katika Ukweli wa Injili ya Maji na Roho

Nilichokueleza hadi sasa ni Ukweli wa injili ya maji na Roho ambao Biblia inatueleza kwa mapana. Na Ukweli huu ni wokovu ambao ulikuwa umepangwa hata kabla ya kuwekwa misingi ya ulimwengu, na wokovu huu unadhihirishwa katika nyuzi za bluu, zambarau, na nyekundu, ambazo ni sehemu ya vifaa vilivyotumika katika pazia la lango la Hema Takatifu la Kukutania. Mimi pamoja na watenda kazi wenzangu, tumekuwa tukiuhubiri Ukweli huu uliodhihirishwa katika nyuzi za bluu, zambarau, na nyekundu kwa watu wengi sana ktika ulimwengu huu. Na hata sasa, katika saa hii, injili hii inazidi kuendelea ulimwenguni kote kwa kupitia vitabu vyetu vya Kikristo.

Hata hivyo, bado kuna watu wengi ambao wanadai kumwamini Yesu hata wakati hawaifahamu injili ya maji na Roho. Ninaweza kudiriki kuwaita watu hao kuwa ni wajinga, kwa kuwa injili hii ya maji na Roho ni Ukweli halisi unaotueleza juu ya utaratibu wa kweli wa sadaka ya kuteketezwa uliotimizwa kwa kupitia Yesu Kristo, ambaye ndiye kitu halisi kivuli cha wokovu kinachodhihirishwa katika Hema Takatifu la Kukutania. Sasa ni wakati wako. Kama ulikuwa unaamini pasipo kuufahamu Ukweli halisi, sasa ni wakati wako kugeuka, na kisha

kuiamini injili hii ya maji na Roho, na kisha kupokea ondoleo la dhambi zako zote.

Ubatizo wa Yesu na kifo chake Msalabani vilikuwa vimetabiriwa hata kabla ya kuwekwa misingi ya ulimwengu, pia vilidhihirika katika nyuzi za bluu, zambarau, na nyekundu na kitani safi ya kusokotwa. Ili kuitimiza ahadi hii, na ili kukuokoa wewe na mimi toka katika dhambi zetu zote, Yesu alibatizwa, akafa Msalabani, akafufuka tena toka kwa wafu, na sasa ameketi mkono wa kuume wa Mungu Baba. Je, bado unajaribu kumwamini Yesu kwa kuufuata uzoefu wako binafsi au kwa kuzifuata hisia zako pasipo kuufahamu Ukweli huu? Kuna watu wengi wa jinsi hiyo ulimwenguni kote, lakini wanapaswa sasa kugeuka na kuachana na imani yao potofu na kisha wauamini Ukweli wa injili ya maji na Roho uliofichwa katika nyuzi za bluu, zambarau, na nyekundu na kitani safi ya kusokotwa unaodhihirishwa katika lango la Hema Takatifu la Kukutania.

Waebrania 10:19-20 inasema, "Basi, ndugu, kwa kuwa tuna ujasiri wa kupaingia patakatifu kwa damu ya Yesu, njia ile aliyotuanzia iliyo mpya, iliyo hai, ipitayo katika pazia, yaani, mwili wake." Wakati Yesu Kristo, baada ya kuwa amezichukua dhambi za ulimwengu katika mwili wake kwa kubatizwa, alisulubiwa, na wakati akisulubiwa pazia la Hekalu lilipasuka vipande viwili, na dhambi za mwanadamu zilioshelewa mbali kwa ubatizo wa Yesu na damu yake Msalabani. Pazia la Hekalu, lililokuwa limefumwa kwa nyuzi za bluu, zambarau, na nyekundu, na kitani safi ya kusokotwa lilikuwa ni imara sana kiasi kwamba lisingeweza kupasuka hata kama lingefungiwa farasi wanne katika kona zake na kisha kuvutwa katika pande mbili tofauti. Kule kusema kwamba hili pazia imara la Hekalu lilipasuliwa vipande viwili toka juu hadi chini wakati lilikuwa halijaguswa na kitu chochote kile kunaonyesha kwamba wakati huo Yesu Kristo alipoukamilisha utume wake; basi malango ya

Mbinguni yalifunguka na kuwa wazi. Kule kupasuka kwa pazia la Hekalu toka juu hadi chini kunatuonyesha kwamba Mungu alizivunja hizi kuta za dhambi kwa kupitia Yesu Kristo.

Sasa huku kusema kwamba kuta za dhambi zilivunjwa kuna maanisha nini? Kuna maanisha kwamba mtu yeyote yule anaweza kuondolewa dhambi zake zote kwa kuamini katika ubatizo wa Yesu Kristo alioupokea na damu yake Msalabani. Kile ambacho Mungu aliamua kukidhihirisha kupitia pazia la Hekalu lililopasuka ni kwamba wokovu wa mwanadamu sasa umekamilika mara moja na kwa wote kwa kupitia huduma za Yesu zinazoonyeshwa katika nyuzi za bluu, zambarau, na nyekundu na kitani safi ya kusokotwa. Kwa kuwa upatanisho wetu wa milele uliokuwa umeahidiwa na Mungu ulikuwa umetimizwa, ndio maana pazia la Patakatifu pa Patakatifu lililokuwa limefumwa kwa nyuzi za bluu, zambarau, na nyekundu na kitani safi ya kusokotwa lilipasuka toka juu hadi chini, jambo hilo lilitendeka si kwa mikono ya mwanadamu, bali kwa mikono ya Mungu Mwenyewe.

Hii inaonyesha kwamba Yesu Kristo aliyefanyika sadaka ya milele kwa ajili ya dhambi za mwanadamu amewaokoa kikamilifu wale wanaoamini katika injili ya maji na Roho. Mungu Baba alipanga kwamba yeyote anayeamini katika ubatizo wa Yesu Kristo alioupokea na damu yake aliyoimwaga Msalabani aanaweza kupokea ondoleo la dhambi na kisha kusimama mbele ya uwepo wake. Unaweza kuuamini Ukweli huu au la?

Kama vile Mungu alivyokupenda wewe, basi vivyo hivyo Yesu Kristo Mwana wa Mungu anakupenda wewe, na amekupatia wokovu mkamilifu kwa kubatizwa na Yohana Mbatizaji na kisha akasulubiwa. Kwa kuupokea huu upendo wa Mungu uliotolewa kwetu kwa kupitia Yesu Kristo, na kwa kuamini katika Ukweli unaotuwezesha kuingia Ufalme wa

Mbinguni, basi dhambi zetu zote zimetoweshwa. Kwa kuamini katika injili ya maji na Roho basi hata zile dhambi zetu binafsi zimechukuliwa mbali, hii ni kwa sababu dhambi zetu zote na adhabu yake zilikwishaoshelewa mbali kwa ubatizo wa Yesu na damu yake Msalabani.

Waebrania 10:22 inasema, "Na tukaribie wenye moyo wa kweli, kwa utimilifu wa imani, hali tumenyunyiziwa mioyo tuache dhamiri mbaya, tumeoshwa miili kwa maji safi." Biblia inaendelea kuzungumza juu ya kuziosha dhambi. Tunaweza kukolewa toka katika dhambi zetu zote kwa kuamini katika Ukweli kwamba Yesu Kristo amezioshelea mbali dhambi zote tunazozifanya kwa miili yetu na mawazo kwa kupitia ubatizo wake. Kama vile Kuhani Mkuu alivyooshelea mbali uchafu wake katika birika la shaba baada ya kuwa ametoa sadaka, basi sisi nasi baada ya kuzisafishilia mbali dhambi zetu kwa kuamini katika ubatizo wa Yesu ni lazima tuendelee kukumbuka juu ya Ukweli huu kila siku. Kama vile Kuhani Mkuu alivyojiosha katika lile birika la shaba, basi sisi nasi tunapaswa kuzioshelea mbali dhambi zetu binafsi kwa kukumbuka na kuamini kila siku kwamba dhambi zetu zote zilikwisha safishiliwa mbali kwa ubatizo wa Yesu, kwa kuwa kadri tunavyoishi katika ulimwengu huu kuna nyakati ambapo tunakutana na uchafu.

Dhambi zetu zote, kwamba zimefanywa kwa miili yetu, mioyo, au mawazo hizo zote zinakuwa ni dhambi za ulimwengu. Je, ni kwa imani ipi tunaweza kuzioshelea mbali dhambi hizi zote za ulimwengu? Tunaweza kuzioshelea mbali dhambi zote kwa kuamini katika ubatizo wa Yesu alioupokea. Wale ambao wamesafishwa dhambi zao kwa kuamini katika ubatizo wa Yesu ni lazima waiweke mioyo yao kuwa safi, na mara watakapofanya dhambi ni lazima waioshe tena kwa imani. Wale wanaoukumbuka ubatizo wa Yesu kila siku na kisha kuyaosha mavazi ya matendo yao kwa imani ndio waliobarikiwa. Kwa

kuwa dhambi zetu zote zilipitishwa kwenda kwa Yesu Kristo kwa kupitia ubatizo wake alioupokea toka kwa Yohana Mbatizaji, basi kwa kuutafakari Ukweli huu na kisha kuuamini kila siku, hapo ndipo tunapoweza kukombolewa kikamilifu toka katika dhambi zetu zote.

Ni lazima uamini katika injili ya maji na Roho ili kwamba dhambi zako zote ziweze kupitishwa kwenda kwa Yesu Kristo alipobatizwa na Yohana Mbatizaji. Hauna kitu utakachopoteza ikiwa utaamini katika injili hii, hii ni kwa sababu Mungu Mwenyezi alikuwa ameupanga wokovu huu hata kabla ya kuweka misingi ya ulimwengu, yaani kabla ya nyakati za Agano la Kale. Ule Ukweli kwamba Yesu alizipokea dhambi zako zote kwa kubatizwa katika Mto Yordani na kuibeba adhabu ya dhambi zako kwa kwenda Msalabani, basi kwa kufanya hivyo amewawezesha ninyi nyote kuifikia haki ya Mungu na wokovu wako. Ukweli huu umekuwezesha kutambua kwamba Yesu ambaye ni Mfalme wa wafalme amekuokoa toka katika dhambi. Na haya maji safi ya ubatizo wa Yesu yamenyunyiziwa katika moyo wako ili kwamba mwili wako na dhamiri yako viweze kusafishwa na kuwa safi kabisa. Haya maji safi ya ubatizo wa Yesu yana maanisha juu ya injili ya maji na Roho. Injili ya maji na Roho ni Neno muhimu sana kwa maisha yako, na linang'aa zaidi pale utakapoliamini Neno hilo.

Wakati wa kipindi chake cha miaka 3 katika maisha yake ya wazi, kitu cha kwanza ambacho Yesu alikifanya ili kuwaokoa wanadamu wote toka katika dhambi ni kubatizwa. Kwa maneno mengine, Yesu Kristo alipaswa kuzichukua dhambi zetu zote, na ili aweze kufanya hivyo alipaswa kwenda kwa Yohana Mbatizaji ili abatizwe naye. Hivyo, Injili zote Nne zinaandika juu ya tukio hili mwanzoni kabisa mwa injili hizo. Je, unaamini hivi?

Kwa kweli, wewe na mimi tulifungwa ili kufa kwa sababu

ya dhambi zetu. Lakini ni kitu gani kilitokea? Bwana wetu alikuja hapa duniani, akazichukua katika mwili wake dhambi zetu zote kwa kubatizwa na Yohana Mbatizaji, akafanyika Mwana-kondoo wa Mungu, akazibeba dhambi zote za ulimwengu kwenda Msalabani, alipigiliwa misumari katika mikono yake na miguu yake kwa ajili ya dhambi zetu, akaimwaga damu yote iliyokuwa katika moyo wake na akafa, alizikwa kisha akafufuka tena toka kwa wafu. Hii ndio sababu katika Yohana 19:30 Yesu alisema, "Imekwisha!" wakati alipoivuta pumzi yake ya mwisho Msalabani.

Kila kitu ambacho Yesu alikisema na kukifanya ni ukweli. Yesu alifanyika kuwau sadaka yetu ya dhambi ili kutuokoa, kisha akafufuka tena toka kwa wafu ndani ya siku tatu. Na baada ya kufufuka toka kwa wafu, aliushuhudia ufufuo wake kwa siku 40, akapaa Mbinguni, na sasa ameketi mkono wa kuume katika kiti cha enzi cha Mungu Baba. Huyu Yesu Kristo atakuja tena hapa duniani ili kutuchukua. Yesu alikuja kama Mwokozi wakati alipokuja kwa mara ya kwanza hapa duniani, lakini wakati atakapokuja kwa mara ya pili, Yesu atakuja kama Hakimu ili kuwaadhibu wale wote wasio amini. Sasa unapaswa kutambua kwamba Yesu Kristo atarudi hapa duniani kama Hakimu, ili kuwaita na kuwapokea kama watoto wa Mungu wale wanaoamini katika wokovu wa maji, damu, na Roho ambao aliutimiza katika miaka yake 33 ya maisha hapa duniani na kisha kuwawezesha kuishi katika Ufalme wa Milenia na Mbingu ya milele, na kuwatolea hukumu yake ya milele wale wote wasioamini katika injili hii ya maji, damu na Roho na ambao wameukataa upendo wa Mungu kwa kuikataa injili hiyo.

Sasa, hupaswi kamwe kuidharau injili ya maji na Roho na kisha kujifanya kuwa hauitambui, bali unapaswa kuuamini Ukweli huu wa wokovu. Pia unapaswa kutambua kwamba kama vile Mungu alivyoahidi kwa kupitia utaratibu wa sadaka ya kuteketezwa wa Agano la Kale, Yesu Kristo alikuja hapa duniani, alibatizwa kwa namna ya kuwekewa mikono, alisulubiwa, na kwa sababu hiyo ameyaokoa mataifa yote ya ulimwenguni toka katika dhambi zao zote, na pia unapaswa kupokea ondoleo la dhambi zako kwa kuamini katika Ukweli huu kwa moyo wako wote.


Hata hivyo, taifa la Israeli bado lipo mbali sana Ukweli huu na bado linamngojea Masihi mwingine. Lakini Waisraeli ni lazima watambue kwamba bila kujalisha jinsi wanavyomngojea Masihi zaidi ya Yesu, ukweli ni kuwa hakuna Masihi mwingine zaidi ya Yesu Kristo. Kule kusema kwamba hakuna Masihi mwingine zaidi ya Yesu katika uso wa dunia huu ni ukweli binafsi unaojitegemea, na kwa kuwa watu wa Israeli hawajatengwa na ukweli huu, basi ni dhahiri kwamba hakuna Mwokozi mwingine kwa Waisraeli zaidi ya huyu Yesu aliyekuja. Hivyo, watu wa Israeli ni lazima waitubie dhambi yao ya kutomwamini Yesu Kristo kuwa ni Mwana wa Mungu, na ni lazima waamini kwamba Yesu Kristo ndiye Masihi wao wa kweli na kisha waukubali Ukweli huu kikamilifu. Taifa la Israeli ni lazima liwe taifa la kweli na kiroho la wateule wa Mungu kwa kuthibitisha na kuamini kwamba Yesu Kristo ndiye Mwokozi halisi atakayekuja.


Hata sasa, watu wa Israeli bado wanamngojea Masihi mwenye utukufu, mwenye uwezo, na mwenye nguvu anayeweza kuwaokoa toka katika maumivu na shida za ulimwengu huu. Lakini Yesu Kristo alikuja hapa duniani katika mwili wa mwanadamu kama Masihi na amewaokoa wanadamu ambao hawakuweza kukwepa zadi ya kuhukumiwa kwa moto kwa sababu ya dhambi zao. Hivyo, ni lazima wakubaliane na ukweli huu na kisha wauamini. Hii ni kwa sababu Yesu alikuja hapa duniani kama sadaka ya dhambi kama ilivyoahidiwa katika Agano la Kale, na amewaokoa milele toka katika dhambi zao

zote, na amewafanya kuwa watu wa Mungu mwenyewe.

Yesu Kristo aliyekuja kama Mwokozi ametuokoa sisi sote kwa kupitia injili ya maji na Roho, ambayo ni Ukweli unaodhihirishwa katika nyuzi za bluu, zambarau, na nyekundu, na kitani safi ya kusokotwa. Naye Yesu atatuwezesha sisi tunaoamini ukweli huu kutawala katika Ufalme wa Milenia pamoja naye. Baada ya hili, Yesu atawaruhusu kushiriki katika Ufalme wa Mungu wa milele pamoja na Mungu Mwenyewe katika furaha na utukufu. Hivyo, hali tukingali hapa duniani, sisi sote ni lazima tuamini katika injili ya maji na Roho kwa mioyo yetu yote na kisha kufanyika watoto wa Mungu mwenyewe. Ni wale tu wanaoamini katika injili hii ya Kweli ndio wanaoweza kufanyika wasio na dhambi mbele za Mungu na wamepangiwa kuzipokea baraka zote zinazowangojea katika ulimwengu ujao.

Halleluya! Ninamshukuru Bwana kwa imani yangu kwa kutupatia baraka za kiroho za Mbinguni. Bwana wetu aliahidi kwamba atarudi hivi karibuni. Hata sasa, na uje Bwana Yesu!





Unaweza Kupakua Vitabu vya Kikristo vya Mchungaji Paul C. Jong katika Kompyuta, Kompyuta-Kibao, au kwenye Simu-Mahiri

Vifaa Vilivyotumika Katika Mavazi ya Kuhani Mkuu

< Kutoka 28:1-14 >

"Nawe umlete Haruni ndugu vako karibu nami, na wanawe pamoja naye, miongoni mwa wana wa Israeli, ili anitumikie katika kazi ya ukuhani. Haruni, na Nadabu, na Abihu. na Eleazari, na Ithamari, wana wa Haruni. Nawe utamfanyia Haruni ndugu yako mavazi matakatifu, kwa utukufu na kwa uzuri. Nawe utawaambia watu wote wenye moyo wa hekima, niliowajaza na roho ya hekima wamfanyie Haruni mavazi ili kumtakasa anitumikie katika kazi va ukuhani. Na mavazi watakayoyafanya ni haya; kifuko cha kifuani, na naivera, na joho, na kanzu ya kazi ya urembo; na kilemba, na mshipi; nao watawafanyia Haruni nduguyo, na wanawe, mavazi matakatifu ili anitumikie katika kazi va ukuhani. Nao wataitwaa dhahabu, na nguo ya rangi ya samawi, na ya rangi ya zambarau, na ya rangi nyekundu, na nguo ya kitani nzuri. Nao waifanye naivera kwa nyuzi za dhahabu, na za samawi, na za zambarau, na nyekundu, na kitani nzuri venye kusokotwa kwa kazi va mstadi. Itakuwa na vipande viwili vya mabegani, vilivyoungana kwenye ncha zake mbili; ili ipate kuunganywa. Na mshipi wa kazi ya ustadi ulio juu yake, ili kuifunga mahali pake; utakuwa wa kazi kama ile ya naivera, ya vitu vile vile ya nyuzi za dhahabu, na za rangi ya samawi, na ya zambarau, na nyekundu, na kitani nzuri yenye kusokotwa. Nawe utatwaa

vito viwili vya shohamu, ya rangi ya chani-kiwiti, nawe utachora juu yake majina ya wana wa Israeli; majina yao sita katika kito kimoja, na majina sita yaliyosalia katika kile kito cha pili, kwa utaratibu wa kuzaliwa kwao. Kwa kazi mtu mwenye kuchora mawe kama vile muhuri ichorwavyo, utavichora hivi vito viwili, sawasawa na majina ya wana wa Israeli, nawe utavitia katika vijalizo vya dhahabu. Nawe utavitia vile vito viwili juu ya vipande vya mabegani vya hiyo naivera, viwe vito vya ukumbusho kwa ajili ya wana wa Israeli; naye Haruni atayachukua majina yao mbele za Bwana juu ya mabega yake mawili ili kuwa ukumbusho. Nawe fanya vijalizo viwili vya dhahabu; na mikufu miwili ya dhahabu safi; utaifanya iwe mfano wa kamba, ya kazi ya kusokotwa; nawe uitie ile mikufu ya kazi ya kusokotwa katika vile vijalizo."

Hebu sasa tuangalie vifaa vilivyotumika katika kutengenezea mavazi ya Kuhani Mkuu. Naivera ilikuwa ni kifaa cha ajabu katika mavazi yaliyovaliwa na Kuhani Mkuu. Hii naivera ilikuwa imefumwa kwa nyuzi za dhahabu, bluu, zambarau, na nyekundu na kitani safi ya kusokotwa. Hili vazi takatifu la Kuhani Mkuu lilitengenezwa na fundi stadi aliyezifuma na kuzitarizi hizo nyuzi tano.

Uzi wa dhahabu unaotajwa hapa katika Biblia unazungumzia juu ya imani ya kweli. Uzi wa bluu uliotumika katika mavazi ya Kuhani Mkuu una maanisha ni ubatizo ambao Yesu aliupokea toka kwa Yohana Mbatizaji ili kuzichukua dhambi zote za mwanadamu (Mathayo 3:15). Uzi wa zambarau unaelezea juu ya Mfalme wa wafalme, na uzi mwekundu unazungumzia juu ya kafara ambayo Yesu Kristo aliifanya wakati alipoibeba adhabu yote ya dhambi za mwanadamu.

Kitani nyeupe iliyotumika katika mavazi ya Kuhani Mkuu yanaidhihirisha haki ya Mungu ambayo imezitoweshea mbali dhambi za kila mtu kwa nyuzi za bluu, zambarau, na nyekundu.

Miongoni mwa majukumu ya Kuhani Mkuu, jukumu la muhimu sana lilikuwa ni lile la kutoa sadaka kwa Mungu. Kwa kulitimiza jukumu lake la kutoa sadaka kwa Mungu kwa mujibu wa utaratibu wa sadaka ya kuteketezwa, si tu kwamba Kuhani Mkuu alimtumikia Mungu, bali pia aliwasaidia watu wa Israeli kukombolewa toka katika dhambi zao zote. Ni lazima tukumbuke kwamba jukumu la kwanza la muhimu zaii katika majukumu yote ya Kuhani Mkuu lilikuwa ni kutoa sadaka ili kumtumikia na kumwabudu Mungu.

Ili kuthibitisha hoja hii, hebu nielezee tukio moja kama linavyoelezwa katika Kutoka 32. Wakati Musa alipopanda Mlima Sinai ili kuzipokea Amri Kumi, watu wa Israeli baada ya kuona kwamba Musa anakawia kurudi toka walimwambia Haruni, "Hata watu walipoona ya kuwa Musa kushuka katika wakakusanyana amekawia mlima wakamwendea Haruni, wakamwambia, Haya! Katufanyizie miungu itakayokwenda mbele yetu, kwa maana Musa huyo aliyetutoa katika nchi ya Misri hatujui yaliyompata" (Kutoka 32:1). Kisha Haruni akavichukua vidani vya dhahabu vya Waisraeli zikiwemo hereni, pete, na vidani vingine na akatengeneza ndama wa dhahabu. Kisha watu wa Israeli wakasema, "Hiyo ndiyo miungu yako, Ee Israeli, iliyokutoa katika nchi ya Misri!" (Kutoka 32:4). Baada ya kuona hili, Haruni alijenga madhabahu mbele ya yule ndama kisha akatangaza siku ya pili yake kuwa ni sherehe kwa Mungu Yehova.

Siku ya pili yake ilipowasili, watu wa Israeli walitoa sadaka za kuteketezwa na wakatoa sadaka za amani; kisha wakaketi chini ili kunywa na kula, kisha wakaamka na kuanza kucheza. Jambo hili likawa dhambi kubwa mbele za Mungu, na liliwafanya watu wa Israeli kukabiliana na ghadhabu kali ya Mungu. Tunapaswa kuliweka jambo hili katika fikra zetu. Kwa kweli Kuhani Mkuu Haruni pia alikuwa na udhaifu kwa upande wake, lakini pamoja na jambo hili bado alipaswa kuyatii mapenzi ya Mungu, likiwamo jukumu la kumtumikia Mungu kama Kuhani Mkuu. Lakini ni kweli kwamba Haruni alishindwa kuwa mwaminifu kwa majukumu yake kama Kuhani Mkuu. Ili kuyatenda majukumu ya Kuhani Mkuu, ilimpasa Haruni kutoa sadaka za kuteketezwa na kisha kuleta amani kwa mujibu wa utaratibu wa sadaka ya kuteketezwa ulianzishwa na Mungu, na alipaswa kufanya hili pasipo kujali ikiwa watu wake walifuata ua la.

Kwa kifupi, Haruni Kuhani Mkuu alipaswa kumtumikia Mungu tu. Vivyo hivyo, siku hizi kuna wachungaji wengi ambao wanawatumikia watu na wala hawamtumikii Mungu. Kwa kweli inanihuzunisha kuona kwamba makuhani wengi siku hizi wanaendeleza mawazo potofu kama hayo. Lakini bado sihofii sana, kwa kuwa miongoni mwao wapo makuhani walio sahihi. Ili kuzipatanisha dhambi za watu, makuhani wanapaswa kuyatimiza majukumu yao ya kutoa sadaka kwa Mungu kwa usahihi kwa mujibu wa utaratibu wa sadaka ya kuteketezwa.

Tunapaswa kuweka msisitizo maalum kwa kifungu hiki ambacho kinasema, "Nawe umlete Haruni ndugu yako karibu nami, na wanawe pamoja naye, miongoni mwa wana wa Israeli, ili anitumikie katika kazi ya ukuhani" (Kutoka 28:1). Mungu alimvika Haruni mavazi ya Kuhani Mkuu ambayo yalitengenezwa maalumu kwa ajili yake ili aweze kumtumikia Mungu kwanza. Kila kuhani anayehudumu hivi sasa hapaswi kulisahau jambo hili kwamba: Mavazi ya Kuhani Mkuu yaliundwa kwa nyuzi za dhahabu, bluu, zambarau, na nyekundu na kitani safi ya kusokotwa.

Kuyatimiza Majukumu ya Kuhani Mkuu

Katika ile Siku ya Upatanisho, na ili kuziondoa dhambi za Waisraeli za mwaka mzima, Kuhani Mkuu alipaswa kuzipitisha dhambi zao zote kwenda kwa mnyama wa sadaka ya kuteketezwa kwa kuiweka mikono yake juu ya kichwa cha huyo mnyama wa sadaka ya kuteketezwa, kwa kuikinga damu yake, na kisha kuiweka katika madhabahu ya sadaka ya kuteketezwa na kisha kuinyunyuzia katika kiti cha rehema. Vivyo hivyo, Yesu, ambaye ni Kuhani wetu Mkuu wa Mbinguni, alikuja hapa duniani, akaupokea ubatizo ambao kwa huo alizipokea dhambi za wanadamu, aliimwaga damu yake na kufa Msalabani, akafufuka tena toka kwa wafu, na kwa sababu hiyo ametuletea ushindi wa wokovu kwa wale wote wanaoamini.

Wakati akimtumikia Mungu kama Kuhani Mkuu, Haruni alipaswa kuvaa vazi la kipekee lililoitwa "naivera," ambalo lilitengenezwa kwa nyuzi za dhahabu, bluu, zambarau, na nyekundu na kitani safi ya kusokotwa. Kwa kupitia vazi hili la Kuhani Mkuu, Mungu anatufundisha jinsi tunavyoweza kutoa sadaka zetu ili kupokea ondoleo la dhambi. Ili kutambua maana pana iliyomo katika nyuzi za dhahabu, bluu, zambarau, na nyekundu na kitani safi ya kusokotwa zilizotumika katika vazi la Kuhani Mkuu, tunapaswa kufahamu ondoleo la dhambi ambalo lilitimizwa na haki ya Mungu na upendo wake.

Kwa kupitia zile nyuzi tano zilizotumika katika kutengenezea mavazi ya Kuhani Mkuu, Mungu ametuonyesha kwamba alilianzisha ondoleo la dhambi la kudumu katika Yesu Kristo hata kabla ya kuwekwa misingi ya ulimwengu (Waefeso 1:4). Hivyo, ili tuweze kuyatenda majukumu yetu ya kikuhani sawasawa, kwanza tunapaswa kufahamu juu ya fumbo la kuzioshelea mbali dhambi lililomo katika injili ya maji na Roho na kisha kuiamini. Na haya ndiyo majaliwa ya wokovu ambayo

Mungu Baba ameyaanzisha kwa ajili yetu katika Yesu Kristo.

Ili Kuhani Mkuu aweze kuyatimiza majukumu yake ya kikuhani vizuri basi alipaswa kutoa sadaka kwa Mungu kikamilifu—yaani, kwa ajili ya ondoleo la dhambi za watu wake, na kwa sababu hiyo alipaswa kuiweka mikono yake juu ya kichwa cha mwanasadaka na kisha kuzipitisha dhambi za watu wake kwenda kwa huyo mwanasadaka kwa mujibu wa utaratibu wa sadaka ya kuteketezwa. Katika ile Siku ya Upatanisho, Kuhani Mkuu aliiweka mikono yake juu ya mwanasadaka wa kuteketezwa na kisha kumchinja na kuikinga damu yake. Kwa kuiweka mikono yake, dhambi zote za mwaka mzima za watu wa Israeli zilipitishwa kwenda kwa mnyama wa sadaka ya kuteketezwa. Na kwa kuimwaga damu ya huyo mwanasadaka, dhambi zote za watu hao zilipatanishwa. Kisha Kuhani Mkuu aliinyunyiza damu yake na kisha kuichoma nyama yake ili kuikamilisha sadaka hii. Hivyo, Kuhani Mkuu aliitoa sadaka hii kwa ajili ya ondoleo la dhambi la watu wake.

Hapa tunapaswa kuzingatia kwa makini jambo hili: Kuhani Mkuu alipaswa kuwafundisha watu wake kwamba dhambi zao zilikwishapitishwa katika mwanasadaka wa kuteketezwa kabla mwanasadaka huyo hajachomwa moto, na kwamba ondoleo la dhambi lilitimizwa kwa kuwekewa mikono na kwa kuimwaga damu ya mwanasadaka. Hili lilikuwa ni jukumu kuu la kila Kuhani Mkuu. Kuhani Mkuu alikuwa ni mtu aliyepaswa kuulinda Ukweli. Kwa maneno mengine, alipaswa kuwa mlinzi mwaminifu wa injili ya maji na Roho. Ingawa Kuhani Mkuu alikuwa pia ni mwanadamu mwenye kama walivyokuwa watu wengine wa kawaida wa Israeli, lakini kwa kuamini katika Ukweli uliodhihirishwa katika utaratibu wa sadaka ya kuteketezwa na kwa kutoa sadaka kwa Mungu kwa ajili yao, basi ni hakika kuwa aliwawezesha watu wake kupokea ondoleo la dhambi. Basi katika hali hiyo hiyo, pamoja na kuwa sisi ni

viumbe wenye mapungufu, lakini kw akuamini katika kile ambacho Yesu Kristo ambaye ni Kuhani Mkuu wa Mbinguni amekifanya kwa ajili yetu ili tuweze kupokea ondoleo la dhambi, basi ndio maana tunaweza kutembea pamoja na Mungu.

Utaratibu huu wa sadaka ya kuteketezwa ambao unadhihirishwa katika utaratibu wa Hema Takatifu la Kukutania. ni hekima ya wokovu ambayo imekuja toka kwa Mungu. Hekima ya Mungu ambayo imetuokoa toka katika dhambi inapatikana katika nyuzi za dhahabu, bluu, zambarau, na nyekundu na kitani safi ya kusokotwa zilizotumika katika mavazi ya Kuhani Mkuu. Ili Kuhani Mkuu aweze kuyatimiza majukumu yake kikamilifu, ni hakika kwamba alipaswa kufundisha kwamba njia pekee inayoweza kumfanya mwanadamu kuwa asiye na dhambi inapatikana kupitia utaratibu wa sadaka ya kuteketezwa uliokuwa umepangwa na Mungu. Sisi, ambao ni makuhani wa leo wa kifalme (1 Petro 2:9), ni lazima tuushuhudie ukweli kwamba Yesu alikuja hapa duniani, akazichukua dhambi za ulimwengu katika mwili wake mara moja na kwa wote kwa kubatizwa, akaimwaga damu yake badala yetu, alizikwa, kisha akafufuka tena kwa ajili yetu.

Je, inawezekana kwa wanadamu kuzitoweshea mbali dhambi zao binafsi? Je, inawezekana dini za ulimwengu huu zikazifanya dhambi za mwanadamu kutoweka? Kutoweka kwa dhambi zetu kunawezekana tu kwa kupitia Ukweli wa wokovu unaoundwa na ubatizo wa Yesu na damu yake vitu ambavyo Kuhani Mkuu anatufundisha. Ni kwa kupitia injili ya wokovu iliyoanzishwa na Mungu ndipo tunapoweza kupokea ondoleo la dhambi zetu zote. Kuziondoa dhambi za mwanadamu ni kitu ambacho kinaweza kufanywa na Yesu Kristo peke yake, ambaye ni Kuhani Mkuu wa milele wa Mbinguni. Kwa maneno mengine, kwa kuwa Yesu Kristo ambaye ni Mungu Mwenyewe alikuja hapa duniani katika mwili wa mwanadamu na akazichukua

katika mwili wake dhambi zetu zote kwa kubatizwa na Yohana Mbatizaji, basi ndio maana aliweza kuimwaga damu yake Msalabani ili kuyaoshelea mbali makosa yote ya wenye dhambi. Bwana aliweza kuibeba adhabu yote ya dhambi zetu kwa kusulubiwa, na kwa kuimwaga damu yake, na kisha kufa Msalabani kwa kuwa alikuwa amejitwika dhambi zetu zote kwa kupitia ubatizo wake. Kwa kwa sababu hiyo, Bwana ameukamilisha wokovu wa mwanadamu kwa kupitia tendo lake la haki (Warumi 5:18). Kama Yesu asingelikuwa ameukamilisha wokovu kwa ajili yetu, basi ni wazi kwamba tusingeliweza kwamwe kuokolewa. Huyu Kuhani Mkuu wa Mbinguni aliyetufanya sisi kuwa watoto wa Mungu Mtakatifu kwa kuzitoweshea mbali dhambi zetu zote kwa Ukweli wa injili ya maji na Roho si mwingine bali ni Yesu Kristo.

Kuhani Mkuu wa Mbinguni na wa kiroho aliuelewa vizuri mpango wa Baba wa wokovu ambao ulikuwa umepangwa kwa ajili ya ondoleo la dhambi zetu. Ndio maana Bwana alisema, "Mimi ni Alfa na Omega, mwanzo na mwisho, wa kwanza na wa mwisho" (Ufunuo 22:13). Bwana aliutimiza wokovu wetu kwa mujibu wa ahadi yake inayoonyeshwa katika utaratibu wa sadaka ya kuteketezwa na kwa kutumia uelewa mkamilifu wa mwanzo na mwisho. Bwana amefanya iwezekana kwetu sisi kutoadhibiwa na kuangamizwa kwa ajili ya dhambi na udhaifu wetu. Kile ambacho Kuhani Mkuu wa Mbinguni amekifanya kwa ajili yetu—yaani, kwa kuzichukua dhambi zetu zote katika mwili wake kwa kubatizwa na kisha kuzitoweshea mbali kwa kuimwaga damu yake, basi kwa kufanya hivyo ameutimiza wokovu mkamilifu kwa ajili yetu. Hekima ya Mungu inatoa wokovu kwa wanadamu wote toka katika dhambi zao zote. Wokovu huu ulitimizwa kwa nyuzi za bluu, zambarau, na nyekundu na kitani safi ya kusokotwa. Mungu Baba alilipanga ondoleo la dhambi la milele katika Yesu Kristo kwa kupitia

Ukweli uliojificha katika nyuzi za bluu, zambarau na nyekundu, na kwa sababu hiyo Mungu amewaruhusu waamini wote katika Ukweli huu kupokea wokovu mkamilifu.

Mkanda wa Naivera ya Kuhani Mkuu

Miongoni mwa mavazi ya Kuhani Mkuu ulikuwamo mkanda wa naivera. Mkanda huu, ambao ulikuwa ni mkanda wa kiunoni uliovaliwa na Kuhani Mkuu kwa ajili ya naivera, mkanda huu ulikuwa umetengenezwa kwa nyuzi za dhahabu, bluu, zambarau, na nyekundu na kitani safi ya kusokotwa. Kwa kawaida mkanda una maanisha ni "nguvu." Kwa maneno mengine mkanda huu unatueleza kwamba imani inayoamini katika wokovu uliopatikana kwa nyuzi za bluu, zambarau, na nyekundu na kitani safi ya kusokotwa una nguvu ya kutuokoa toka katika dhambi zetu zote. Ni injili hii tu halisi ya maji na Roho ndiyo iliyo na nguvu ya Mungu inayoweza kumwokoa yeyote aaminiye (Warumi 1:16). Na kwa sababu hiyo, ni jambo baya kuamini katika injili nyingine potofu zaidi ya injili hii iliyodhihirishwa katika nyuzi za bluu, zambarau, na nyekundu na kitani safi ya kusokotwa.

Wale walio na mapungufu mengi wanaweza pia kuoshelewa mbali dhambi zao kikamilifu kwa kuamini katika injili hii iliyotolewa na Bwana yaani injili ya maji na Roho, hii ni kwa sababu dhambi zote za ulimwengu zilipitishwa kwenda kwa Yesu Kristo kwa kupitia Ukweli huu wa ondoleo la dhambi ambao ulitimizwa na Mungu (Mathayo 3:15-17; Mambo ya Walawi 16:1-22). Kwa hiyo, wale wote wanaoamini kwamba matendo ya haki ya Yesu ambayo yanadhihirishwa katika nyuzi za bluu, zambarau, na nyekundu yamewaokoa, basi watu hao watapata uhakika hata kama nguvu ya nia zao ni dhaifu.

Tunapodumu katika injili ya maji na Roho ambayo tumepewa na Yesu Kristo aliye Kuhani Mkuu wa Mbinguni, ni kitu gani basi ambacho kinaweza kututenga na upendo wa Mungu? Imani yetu katika wokovu wa Mungu imetimizwa na imani yetu katika Ukweli unaodhihirishwa katika nyuzi za bluu, zambarau, na nyekundu na kitani safi ya kusokotwa.

Ili makuhani waweze kuyatekeleza majukumu yao ya kikuhani, hawakuweza kuivumilia injili yeyote ile potofu ambayo haikuutii utaratibu wa sadaka ya kuteketezwa ambao ulionyeshwa kwa wazi katika Hema Takatifu la Kukutania. Wale wanaohubuiri injili za uongo kama hizo, bila kujalisha jinsi wanavyoweza kutoa vizuri mahubiri yao, ukweli ni kuwa hawawezi kutoa msaada wowote ule kwa sababu hawaishuhudii injili halisi ya maji na Roho ambayo inadhihirishwa katika Hema Takatifu la Kukutania. Hivyo, kwa hakika wao ni matapeli na wataka mshahara tu. Inapofikia hatua ya kumwamini Yesu Kristo aliye Kuhani Mkuu wa Mbinguni kuwa ni Mwokozi wetu, basi ni hakika kwamba hatuwezi kushindwa kuushukuru utaratibu wa sadaka ya kuteketezwa wa kuwekea mikono na wa kuimwaga damu ambao ulidhihirishwa katika Hema Takatifu la Kukutania. Tunapaswa kutambua kwamba kuna injili nyingi potofu katika ulimwengu huu. Pia tunapaswa kufahamu kwamba haijalishi ni mhubiri gani anahubiri, kama mhubiri anauhubiri Ukweli wa injili ya maji na Roho, basi tunapaswa kusikiliza na kuyasikia mafundisho yake.

Vitu vilivyotumika katika kutengenezea naivera pamoja na mkanda wake vina maanisha ni wokovu wetu wa kweli. Vifaa hivi vilikuwa ni vitu vilivyoidhihirisha sadaka ya kuteketezwa ambayo ilileta ondoleo la dhambi kwa wenye dhambi hasa wakati ule ilipotolewa kwa mujibu wa utaratibu wa sadaka ya kuteketezwa uliotolewa na Mungu katika Agano la Kale, na hii ilijumuisha kuwekea mikono na kuimwaga damu. Vifaa hivi

hatimaye vilijidhihirisha katika Agano Jipya kwa ubatizo wa Yesu na kwa kuimwaga damu yake; na kwa sababu hiyo Yesu ametuletea wokovu wa ondoleo la dhambi kwa wale wote wanaoamini. Yeyote anayeamini katika injili ya maji na Roho kwa moyo wake wote anapokea ondoleo la dhambi na uzima wa milele. Ukweli huu ulizungumzwa kwa wale wote waliozaliwa tena upya na ambao wamekabidhiwa majukumu ya Kuhani Mkuu wa leo.

Kuhani Mkuu wa duniani alizipitisha dhambi za watu wake kwa kuiweka mikono yake juu ya kichwa cha mwanasadaka wa kuteketezwa; kisha alimchinja mwanasadaka huyo na kuikinga damu yake, halafu aliinyunyizia damu hiyo katika kiti cha rehema, na kwa sababu hiyo aliyatimiza majukumu yake ya kikuhani ya kuilinda injili halisi mbele za Mungu. Lakini Kuhani Mkuu wa Mbinguni ndiye aliyebatiza ili kuzichukua dhambi za ulimwengu katika mwili wake: kwa na sababu amezitoweshea mbali dhambi hizo zote za watu wake kwa kuutoa mwili wake, na kuimwaga damu yake Msalabani, na kwa kufufuka tena toka kwa wafu. Kwa kufanya hivyo, Yesu amewawezesha watu wake kuondolewa dhambi zao na ameyafanya majaliwa ya Mungu kutimizwa. Siku hizi, wanafunzi wa Yesu wanaieneza injili hii kuwa Yesu Kristo amezifuta dhambi zote za mwanadamu na kwamba wanayatenda majukumu yao ya kikuhani kwa mafanikio.

Moja sababu kwamba ni kwa nini Ukristo siku hizi una matatizo mengi ni kwa sababu kuna matapeli wengi sana wa kiroho katika jamii zake ambao wanadai kuyatimiza majukumu yao ya kikihani huku wakiwa hawaifahamu injili ya maji na Roho. Njia ya kufanyika makuhani wa kweli mbele za Mungu ni kwa kuamini katika injili ya maji na Roho. Ni wale tu walio na imani kama hii ndio wanaoweza kutoa sadaka sahihi ya dhambi kwa Mungu na kisha kuwapenda watu wengine.

Unafikiri Kanisa la Mungu lipo kwa ajili ya jambo gani? Ninaweza kukueleza kwamba Kanisa la Mungu lipo kwa ajili ya kuieneza injili ya maji na Roho kwa wenye dhambi. Na hivi ndiyo namna njema ya kumtumikia Mungu na kuzipenda nafsi zingine zote zilizoumbwa kwa sura na mfano wa Mungu.

Kila Mtu Ulimwenguni ni Lazima Aifahamu Injili ya Maji na Roho

Ukristo wa leo ulimwenguni kote unapaswa kuifahamu injili ya maji na Roho. Bwana wetu alisema, "Ninyi ni chumvi ya dunia.... Ninyi ni nuru ya ulimwengu" (Mathayo 5:13-14). Sisi tunaoamini katika injili ya maji na Roho ni nuru ya kweli na chumvi ya kiroho kwa ulimwengu. Wale wanaofahamu na kuamini katika injili ya maji na Roho ni makuhani wa kiroho wanaleta faida kwa watu na kuwawezesha kupokea ondoleo la dhambi zao zote. Lakini kwa upande mwingine, wale wachungaji ambao wanadai kuyatimiza majukumu yao ya kikuhani huku wakiwa hawaifahamu injili hii ya maji na Roho, kwa kweli hao ni watu wa mshahara tu. Wale wanaofanya majukumu yao ya kikuhani kama wapata mshahara tu wanaweza kuwafanya watu kuwa Wakristo wa mazoea, lakini hawawezi kuzioshelea mbali dhambi zinazopatikana kwa wafuasi wao.

Makuhani wa kweli ni wale ambao dhambi zao zimepatanishwa, yaani wale wanaosimama bila dhambi mbele za Mungu kwa kuamini katika injili ya maji na Roho. Mungu anamwezesha kila kusafishwa dhambi zake zote kwa kuwapatia makuhani wake majukumu ya kiroho na kuwafanya watoe sadaka za kuteketezwa ambazo zinasafishilia mbali dhambi zote za watu wake. Mungu amewawezesha wanadamu kuyafahamu matendo ya Mungu ya wokovu, kuyaamini matendo hayo, kwa

kupitia makuhani kama hao, na kwa sababu hiyo amewafanya watu hao waweze kumrudia na kuishi maisha ya haki. Makuhani wana majukumu na kazi ya kumfanya yeyote yule kulitambua fumbo la nyuzi za bluu, zambarau, na nyekundu na kisha kuueneza Ukweli huu. Hivyo, ukuhani wa kiroho ni wa umuhimu sana kama ilivyo kwa injili ya maji na Roho.

Mungu ametupatia injili ya Neno la maji na Roho ili tuweze kuyatimiza majukumu yetu ya ukuhani wa kiroho kwa nguvu. Ni lazima tumshukuru Mungu kwa kutupatia imani hii (nyuzi za bluu) inayoamini katika injili halisi iliyodhihirishwa katika nyuzi za bluu, zambarau, na nyekundu na kitani safi ya kusokotwa. Tunapoyachunguza mavazi yaliyovaliwa na Kuhani Mkuu, tunaweza kugundua jinsi ondoleo la dhambi la mwanadamu lilivyotimizwa. Ukiyachunguza kwa karibu mavazi ya Kuhani Mkuu, basi utaona wazi kwamba injili ya maji na Roho inakuwa dhahiri kabisa kama kioo. Mungu amewaokoa wanadamu toka katika dhambi za ulimwengu sio kwa kutumia injili za uongo zinazoenezwa na waongo. Bali Mungu ameupanga wokovu wetu toka katika dhambi katika Yesu Kristo kabla ya kuwekwa misingi ya ulimwengu, na ameutimiza mpango huu kikamilifu kwa kupitia ubatizo na damu ya Yesu Kristo.

Miongoni mwa mavazi ya Kuhani Mkuu kulikuwemo na kanzu na suruali ya kitani zilizokuwa zimefumwa kwa ustadi sana. Sisi nasi tunavaa nguo za ndani, lakini mavazi haya ya Kuhani Mkuu yapo tofauti sana na mavazi ya ndani ambayo tunayavaa. Kanzu ya Kuhani Mkuu ilikuwa ni vazi refu lililokuwa likifikia hadi magotini. Kwa kuwa ilikuwa imefumwa kwa nyuzi za kitani safi basi hewa iliweza kupita kwa uzuri kabisa. Wakati makuhani walipotoa sadaka za kuteketezwa, basi walipaswa kuleta baadhi ya vipande vya mwanasadaka katika madhabahu ya sadaka ya kuteketezwa na kisha kuvichoma.

Madhabahu hii ilikuwa imewekwa kiasi fulani kwa urefu kiasi kwamba sehemu ya chini ya mwili wa Kuhani Mkuu iliweza kuonekana wakati alipoikaribia madhabahu ya sadaka ya kuteketezwa. Hivyo, Mungu alimwamuru Musa kuifanya kanzu na suruali ya kitani ili kuifunika kikamilifu sehemu ya chini ya mwili wa Kuhani Mkuu ili kwamba asije pata uovu na kisha kuuawa.

Mavazi ya kuhani mkuu ya kuyapendeza kiasi gani? Kifuko cha kifuani kilichowekwa katika kifua cha Kuhani Mkuu kilikuwa kikimetameta kutokana na vile vito kumi na mbili vilivyokuwa vimewekwa ndani yake, pia mikanda ya mabegani ilikuwa na vito vya thamani. Kifuko cha kifuani kilishikizwa katika ile mikanda ya mabegani iliyokuwa na mikufu miwili ya dhahabu kama kamba iliyokuwa imesokotwa, na pia ilikuwa imeshikizwa katika ule mkanda wa naiyera ili kwamba isiweze kutoka katika ile naivera. Hivyo, wakati Kuhani Mkuu alipokuwa akitembea, kamba hizi zilizosokotwa za dhahabu zilikuwa zikienda nyuma na mbele na hivyo kumetameta. Zaidi ya yote, vile vito kumi na mbili vya thamani vilivyokuwa katika kifuko cha kifuani cha hukumu pia vilimetameta, pia vile vito vikubwa viwili vilivyokuwa vimewekwa katika ile mikanda ya mabegani pia vilimetameta, na sehemu ya mbele ya uso iling'aa kutokana na lile hamba la dhahabu lililokuwa limeshikizwa katika kilemba kilichokuwa kimetengenezwa kwa kitani safi ya kusokotwa.

Ni kiasi gani cha dhahabu iliyokuwemo katika Hema Takatifu la Kukutania? Mbao zote katika Hema Takatifu la Kukutania zilikuwa zimefunikwa kwa dhahabu, kiti cha rehema, kinara cha taa, meza ya mikate ya wonyesho, na vyombo vingine vingi vya Mahali Patakatifu vilikuwa vimetengenezwa kwa dhahabu. Kwa kweli Hema Takatifu la Kukutania lilikuwa ni la kupendeza sana. Vivyo hivyo, tunapoingia katika utawala wa

Yesu Kristo, kwa kweli hapo ndipo tunapoweza kutambua jinsi utawala huo ulivyo na utukufu. Ukiliangalia kwa kutokea nje Hema Takatifu la Kukutania halionekani kuwa la kuvutia, lakini yeyote anayefahamu kiasi cha dhahabu iliyotumika katika kulitengeneza anajua wazi kuwa kiasi cha dhahabu yote ni zaidi ya tani moja. Jumla ya dhahabu iliyotumika katika Hema Takatifu la Kukutani ilkuwa ni talanta ishirini na tisa na shekeli mia saba na thelathini (Kutoka 38:24) na tukichakatua mahesabu haya kwa vipimo vya sasa basi itakuwa ni zaidi ya tani moja, hii ni kwa sababu talanta moja au *kikkar* (sawa na shekeli 3000) ambazo zilikua na uzito wa kilo 42.

Je, umeyaandaa mavazi ya imani yaliyotengenezwa kwa nyuzi za dhahabu, bluu, zambarau, na nyekundu na kitani safi ya kusokotwa? Uzi wa dhahabu una maanisha ni imani; uzi wa bluu una maanisha ni ubatizo ambao Yesu aliupokea; uzi za zambarau una maanisha ni Uungu wa Yesu kuwa ni Mungu Mwenyewe; uzi mwekundu unatueleza kwamba kwa kuwa Yesu Kristo alizichukua dhambi zet zote kwa ubatizo wake basi alipaswa kuimwaga damu yake ya thamani Msalabani; na kitani safi ya kusokotwa inazungumzia juu ya Neno la Mungu linaloifunua haki ya Mungu. Vivyo hivyo, nyuzi za bluu, zambarau, na nyekundu zilizotumika katika mlango wa Hema Takatifu la Kukutania na katika mavazi ya Kuhani Mkuu zinatueleza kwamba Mungu amezitoweshea mbali dhambi zetu zote.

Tunapokuja Mbele za Mungu kwa Imani Katika Ukweli Huu, Basi Tunaweza Kupokea Ondoleo la Dhambi Zetu Zote

Tunapokuja mbele za Mungu, ni lazima tuwe na imani inayoamini katika Ukweli wa wokovu unaopatikana katika

Omba kitabu cha bure katika tovuti ya www.bjnewlife.org

nyuzi za bluu, zambarau, na nyekundu na kitani safi ya kusokotwa zinazodhihirishwa katika mavazi ya Kuhani Mkuu na pia katika mlango wa Hema Takatifu la Kukutania. Wakati Kuhani Mkuu alipotoa sadaka katika ile Siku ya Upatanisho, alipaswa kuiweka mikono yake juu ya kichwa cha mwanasadaka wa kuteketezwa na kisha kumchinja na kuikinga damu yake. Kwa tendo hili la kuwekewa mikono, dhambi zote za watu wake zilipitishwa kwenda kwa huyo mwanasadaka wa kuteketezwa na kwa kuimwaga damu yake dhambi zote ziliondolewa. Yeyote yule asiyekuwa na imani hii hawezi kwenda kwa Mungu. Kujaribu kutoa sadaka kwa Mungu pasipo kuwa na imani hii ni jambo la upuuzi kabisa. Utaratibu wa sadaka ya kuteketezwa na vifaa vya Hema Takatifu la Kukutania vyote vinahusiana na imani inayoamini katika injili ya maji na Roho. Kwa kupitia imani ya Kuhani Mkuu katika Neno lililozungumzwa na Mungu ndio maana Kuhani Mkuu aliweza kuja mbele za Mungu na kuyatimiza majukumu yake ya kikuhani kwa ajili ya watu wake kwa kutoa sadaka ambazo zilizitoweshea mbali dhambi zao zote.

Vipi basi kuhusiana na imani yetu? Katika nyakati hizi za sasa, wewe na mimi tunaofahamu na kuamini katika Ukweli na kisha kuishi mbele za Mungu kwa imani sisi pia ni makuhani wa kifalme kwa Mungu (1 Petro 2:9). Je, imani yako ni sawa na imani inayoamini katika utaratibu wa sadaka ya kuteketezwa unaofunuliwa katika Agano la Kale? Imani ya kweli ni lazima iwe ni imani inayoamini katika injili halisi inayozungumziwa katika Agano la Kale na Agano Jipya. Hali ya nje ya imani inaweza kubadilika katika nyakati tofauti, lakini yaliyomo katika imani ya kweli yanapaswa kuwa ni yale yale. Makuhani Wakuu ambao wamekubaliwa na Mungu ndio wale wanaotoa sadaka zao kwa mujibu wa utaratibu wa sadaka ya kuteketezwa.

Wakati Biblia inaposema kwamba naivera ilikuwa "imetengenezwa kiustadi," ina maanisha kuwa ilikuwa

imefumwa kwa uzuri na kwa kina. Kuhani Mkuu alipaswa kuivaa naivera ambayo ilikuwa imefumwa kikamilifu, huku zile nyuzi muhimu zikiwemo ndani yake. Vivyo hivyo, ni kwa kupitia imani inayoamini kwa kweli katika nyuzi za bluu, zambarau, na nyekundu na kitani safi ya kusokotwa ndipo wale wanaofanyika kuwa makuhani wanaweza kwanza kuvikwa utakatifu na kisha kwenda mbele za Mungu na kutoa sadaka za ondoleo la dhambi kwa ajili ya watu wengine.

Imani yako ikoje? Je, unafahamu na kuamini katika injili ya maji na Roho kwa usahihi? Imani ya makuhani wa Agano la Kale iliyokuwa ikiamini katika Ukweli uliojidhihirisha wenyewe katika nyuzi za bluu, zambarau, na nyekundu na kitani safi ya kusokotwa ni sawa na imani inayoamini katika injili ya maji na Roho katika kipindi cha Agano Jipya. Imani hii ni Ukweli halisi wa wokovu ambaye hakuna hata mmoja anayeweza kuufanyia mabadiliko. Pasipo imani hii, basi hakuna hata mmoja anayeweza kwenda mbele za Mungu wala kuieneza injili yake takatifu. Hatimaye, hii ina maanisha kwamba wale ambao hawajapokea ondoleo la dhambi zao kwa kupitia injili hii halisi hawawezi kuyatimiza majukumuyao ya kikuhani kwa watu wengine.

Kwa kupitia ukurasa mama katika tovuti yetu tunasikia habari toka katika nchi nyingine. Tunasikia toka ulimwenguni kote, toka Peru hadi China na kutoka Uganda hadi Uholanzi, kwamba watu wanapokea ondoleo la dhambi kwa kupitia Vitabu vyetu vya Bure vya Kikristo. Kwa kupitia vitabu hivi ambavyo vina ukweli wa injili ya maji na Roho, basi watu ambao hata hatujawahi kuonana nao wanapokea ondoleo la dhambi zao. Ikiwa watu katika kila nchi wanapokea ondoleo la dhambi zao na kisha wakaieneza injili wakiwa kama washirika wenzetu, ni kiasi gani cha kazi hii kuu kinaweza kutendeka? Ikiwa Vitabu vyetu vya Bure vya Kikristo vinaweza kufika katika kila nchi,

basi haitakuwa vigumu kwa watu wengi ulimwenguni kote kuzaliwa tena upya. Kwa hivi sasa nafsi nyingi ulimwenguni kote zinapoke ondoleo la dhambi kwa kuvisoma vitabu vyetu. Hivyo ni lazima tuendelee kuwa waaminifu kwa majukumu yetu ya kikuhani na kisha kuueneza Ukweli huu wa wokovu ambao unadhihirishwa katika utaratibu wa Hema Takatifu la Kukutania kwa imani.

Ndugu zangu waamini, ni hadi pale utakapofanyika kuwa asiye na dhambi na mtakatifu ndipo unapoweza kuieneza injili ya kweli kwa watu wengine ulimwenguni kote. Ili tuweze kuwa makuhani, ni lazima tuwe na imani inayoamini katika ukweli wa aina nne ambao unadhihirishwa katika Hema Takatifu la Kukutania. Bwana wetu, ambaye ni Mungu Mwenyewe wa kweli ameziondoa dhambi zetu zote kwa nyuzi za bluu, zambarau, na nyekundu. Bwana wetu amezioshelea mbali dhambi zetu zote kwa kuja hapa duniani, kwa kubatizwa, na kwa kuimwaga damu yake, pia amewaokoa wale wote wanaoamini toka katika dhambi zao kwa kubeba adhabu yote ya hizi dhambi badala yetu. Yeyote anayeamini katika injili ya maji na Roho inayotufanya sisi kuwa wenye haki na wasio na dhambi wanaweza kuyavaa haya mavazi matakatifu. Tunapoyavaa mavazi haya, kisha tukaenda mbele za Mungu na kuomba, na kumwomba msaada wake, na kumtumikia, basi ni hakika kwamba tunaweza kuyatimiza majukumu yetu ya kikuhani kwa kuieneza injili hii.

Je, umepokea ondoleo la dhambi zako kwa kuamini katika injili hii ya maji na Roho? Je, imani iliyo kama uzi wa dhahabu inapatikana katika moyo wako? Kwa kweli haitoshi kwa sisi kuufahamu Ukweli huu wa injili pekee, bali tunapaswa pia kuuamini kwa mioyo yetu yote. Hatupaswi kuacha chochote kimojawapo katika ukweli huu unapatikana katika nyuzi nne zilizotumika katika mavazi ya Kuhani Mkuu na katika mlango

wa Hema Takatifu la Kukutania; kila mojawapo ya nyuzi hizo ni lazima ipatikane katika imani yetu. Je, waamini wa uongo siku hizi ni akina nani? Wakati vitu fulani vinapofanana lakini ukivichunguza kwa karibu vinaonekana tofauti, basi huwa tunasema hali hiyo ya kuigiza. Je, hizi injili potofu zipo hivyo? Wale wasioamini katika injili ya maji na Roho na badala yake wakaamini katika injili nyingine za bandia basi watu hao wote ni wale walio na imani mbovu.

Ilinde Imani Yako na Vipige Vita Kama Askari wa Kiroho

Wakati fulani kulikuwa na waandishi bandia waliokuwa wakijifanya ni waandishi wa habari huku wakiwatapeli watu fedha zao. Waaandishi hawa bandia walikuwa wakibeba vyeti bandia na walikuwa ni wajanja sana kujifanya kuwa ni waandishi halisi na kwa sababu hiyo watu wengi sana waliibiwa. Siku hizi, kwa kweli kuna watu wengi sana ambao wanazihubiri injili nyingine za bandia ambazo zinaonekana kufanana sana na injili halisi, lakini ukweli ni kuwa injili hizo zipo tofauti kabisa na injili ya maji na Roho. Hivyo, kabla ya kuiamini injili yoyote ile, basi tunapaswa kwanza kuichunguza kwa ukaribu ili kuona ikiwa inajumuisha zile nyuzi nne, yaani uzi wa bluu, zambarau, mwekundu, na kitani safi ya kusokotwa, na ikiwa kuna uzi mmoja wapo umeachwa au la. Mungu alimwamuru Musa kutengeneza mavazi ya Kuhani Mkuu kwa kuyafuma kiustadi kwa kutumia zile nyuzi nne bila kuacha uzi wowote; hii ina maanisha kwamba makuhani wa leo hawapaswi kuacha kitu chochote kile toka katika injili ya maji na Roh hasa inapohusu imani yao. Ikiwa hatuamini kwamba Mungu ameutimiza wokovu wetu kwa nyuzi hizi nne—uzi wa bluu, zambarau, na

nyekundu na kitani safi ya kusokotwa—basi hatutaweza kukubaliwa na Mungu.

Tunaweza kubainisha kwamba imani ya mtu fulani ya uongo? Tunapoziangalia rangi za mavazi ya Kuhani Mkuu, basi tunaweza kutambua kwamba imani ya wale wanaoamini katika injili ya maji na Roho ni kamilifu. Kama mtu fulani anaamini katika injili ya kweli, basi unaweza kumchukulia mtu huyo kuwa ameondolewa dhambi zake zote kikamilifu. Kuna watu wengi sana wanaofikiri kwamba imani yao ni kamilifu, hata wakati ambapo hawauamini ukweli wa nyuzi za bluu ambao ni ubatizo wa Yesu, na huku wakiiamini damu ya Msalaba pekee. Watu wa jinsi hiyo sio wale wanaoamini katika injili kamilifu. Hii ni kwa sababu watu hao hawaifahamu injili ya kweli mbele za Mungu, na ndio maana hawawezi kuhubiri juu ya ondoleo la dhambi la kiroho.

Ndugu waamini, ni lazima uweze kuzibainisha imani kati ya wale wanaoamini katika injili potofu na wale wanaoamini katika injili ya kweli. Kuna wachungaji wengi katika dunia hii wanaoamini katika injili potofu kama hizo. Katika Agano la Kale, mavazi ya Kuhani Mkuu yalitengenezwa kwa vifaa vitano, na ni kwa kupitia imani hii ndio maana tumeweza kupokea ondoleo la dhambi. Na hii ndio sababu tunavipiga vita vya kiroho dhidi ya Shetani.

Mtume Paulo analizungumzia jambo hili katika Kitabu cha Waefeso. Hebu tuangalie Waefeso 6:10-18: "Hatimaye, mzidi kuwa hodari katika Bwana na katika uweza wa nguvu zake. Vaeni silaha zote za Mungu, mpate kuweza kuzipinga hila za Shetani. Kwa maana kushindana kwetu sisi si juu ya damu na nyama; bali ni juu ya falme na mamlaka, juu ya wakuu wa giza hili, juu ya majeshi ya pepo wabaya katika ulimwengu wa roho. Kwa sababu hiyo twaeni silaha zote za Mungu, mpate kuweza kushindana siku ya uovu, na mkiisha kuyatimiza yote, kusimama.

Basi simameni, hali mmejifunga kweli viunoni, na kuvaa dirii ya haki kifuani, na kufungiwa miguu utayari tupatao kwa Injili ya amani; zaidi ya yote mkiitwaa ngao ya imani, ambayo kwa hiyo mtaweza kuizima mishale yote yenye moto ya yule mwovu. Tena ipokeeni chapeo ya wokovu, na upanga wa Roho ambao ni neno la Mungu; kwa sala zote na maombi mkisali kila wakati katika Roho, mkikesha kwa jambo hilo na kudumu katika kuwaombea watakatifu wote"

Mtume Paulo anatueleza kuwa "hodari katika Bwana na katika uweza wa nguvu zake," na "kuzivaa silaha zote za Mungu" ili tuweze "kuzipinga hila za Shetani." Hizi silaha zote za Mungu ni zipi? Ni Neno la Mungu. Kwa maneno mengine, Paulo anatueleza kupambana na hizi imani potofu kwa kuliamini Neno la Mungu, kwa kulivaa hilo Neno la kulishikilia. Na hii ndio maana Paulo anasema, "Kwa maana kushindana kwetu sisi si juu ya damu na nyama; bali ni juu ya falme na mamlaka, juu ya wakuu wa giza hili, juu ya majeshi ya pepo wabaya katika ulimwengu wa roho." Paulo anatutia nguvu kupigana vita dhidi ya wakuu wa dunia hii, wale ambao wapo upande wa ulimwengu huu, na dhidi ya pepo wabaya wa Ibilisi.

Paulo anatueleza, "Kwa sababu hiyo twaeni silaha zote za Mungu, mpate kuweza kushindana siku ya uovu, na mkiisha kuyatimiza yote, kusimama. Basi simameni, hali mmejifunga kweli viunoni, na kuvaa dirii ya haki kifuani, na kufungiwa miguu utayari tupatao kwa Injili ya amani; zaidi ya yote mkiitwaa ngao ya imani, ambayo kwa hiyo mtaweza kuizima mishale yote yenye moto ya yule mwovu. Tena ipokeeni chapeo ya wokovu, na upanga wa Roho ambao ni neno la Mungu." Paulo anatueleza hivyo ili kwamba baada ya kuwa tumeyafanya mambo yote, hatimaye tuweze kusimama mbele za Mungu. Kwa kuwa tunaamini katika injili ya maji na Roho mbele za Mungu, basi ndio maana tunapokea ondoleo la dhambi na kisha

kusimama mbele za Mungu ili kufurahia uzima wa milele pamoja na Mungu.

Sisi sote ni wadhaifu katika miili yetu. Hivyo ni lazima tuvae ngao ya imani. Kwa kutueleza kwamba tuvae kifuko cha kifuani cha haki, Paulo anatueleza kwamba ni lazima tuamini katika injili ya maji na Roho kwa mioyo yetu yote. Kama vile Kuhani Mkuu alivyovaa vile vito kumi na mbili katika kifuko cha kifuani juu ya kifua chake pamoja na majina kumi na mbili ya kabila za Israeli yakiwa yamechorwa juu yake, basi Paulo anatueleza kwamba tunapaswa kuwapokea watu wote katika mioyo yetu na kisha kuwaongoza kwenda kwa Kristo. Kule kusema kwamba Kuhani Mkuu alivivaa vile vito vya thamani vilivyokuwa vimewekwa katika kifua alichokibeba kifuani mwake kuna maanisha kwamba aliwabeba watu wote wa Israeli katika moyo wake.

Kama vile Mtume Paulo anavyosema hapa, "hali mkijifunga kweli viunoni," basi ni lazima tuwe na imani inayoamini katika nyuzi za bluu, zambarau, na nyekundu na kitani safi ya kusokotwa. Tunapokuwa hatuuogopi udhaifu wetu na kisha kuendelea kuishika imani yetu katika nyuzi za bluu, zambarau, na nyekundu katika mioyo yetu basi hapo mioyo yetu itaimarika. Ni kwa imani ndio tunaweza kusimama imara katika imani yetu isiyoyumbishwa. Hivyo, ni lazima tuvae kifuko cha kifuani cha haki na kisha kuamini katika akili zetu na katika mioyo yetu. Kwa kweli haitoshi kwetu sisi kuifahamu injili hii ya kweli katika vichwa vyetu, bali tunapaswa kuiamini pia katika mioyo yetu.

Pia ni lazima tuvae viatu vya kuieneza injili kwa maandalizi ya injili ya amani. Mungu ametupatia amani kwa kupitia injili ya maji na Roho. Mungu ametueleza kuiamini injili hii ya maji na Roho ambayo imetupatia amani na kisha kuyaongoza maisha yetu katika kuitumikia injili.

Pia Mungu ametueleza kuibeba "ngao ya imani" ili "kuizima mishale yote ya yule mwovu." Wakati wa kale, mishale mikali ilikuwa ni silaha ya kwanza kutumika vitani. anatueleza kwamba hivi ndivyo anavyotushambulia. Ibilishi anapanga na kuyaelekeza mashambulizi yake katika udhaifu na mapungufu yetu, huku akisema, "Unafikiri wewe ni nani? Mawazo na matendo yako yanayotoka ndani ya moyo wako ni machafu, halafu bado unajifanya kuieneza injili? Huu si upuuzi? Hufikirii kwamba umedanganywa? Kwa nini hujiweki sawa kwanza?" Basi kama ukipigwa na hii mishale yake na kisha ukakata tamaa kwa sababu ya mishale hiyo na kumjibu "Umepatia," basi utafikia hatua ya kujiuliza kwanza, "Hivi mimi ni aina gani ya kuhani ambaye siwezi hata kujitawala vizuri?" Na ikiwa jambo hili litatokea kwako basi ni hakika kwamba nafsi yako itakufa na wewe utakufa kiroho. Na hii ndio maana Mtume Paulo alitueleza kwanza kuitwaa ngao ya imani. Ni kitu gani kinachotulinda dhidi ya haya mawazo ya kimwili ambayo Shetani anajaribu kuyapanda katika mioyo yetu na hatimaye kutufanya kuangukia katika udhaifu wetu? Kwa kweli ni imani isiyoyumba inayoamini katika nyuzi za bluu, zambarau, na nyekundu, na kitani safi ya kusokotwa. Na hii ndio ngao ya imani.

Wakati mishale mikali ya mwovu inapotushukia bila ubaguzi, basi Bwana wetu ametueleza kwamba tunapaswa kuizima kwa kutumia imani hii: "Bwana amenifanya kuwa mwenye haki kwa nyuzi za bluu, zambarau, na nyekundu. Ninaamini katika ukweli huu kwa moyo wangu wote." Ni kwa kupitia imani kama hiyo ndipo tunapoweza kuizima mishale ya mipango yote ya Shetani.

Je, una mapungufu? Ni kweli kwamba mwili wako una mapungufu. Kwa kuzingatia hili, unapaswa kuyashughulikia mamob yote kwa imani inayoamini katika majaliwa ya Mungu

na katika injili ya maji na Roho. Bada ya kupokea ondoleo la dhambi, mara ya kwanza unaweza kuyashughulikia mambo madogo kwa imani, lakini baadaye, magumu mengine yote yatakayojitokea yanapaswa pia kushughulikwa kwa imani itakayoendelea kugonga hodi katika mlango wako. Mwanzoni udhaifu wako unaweza kujitokeza kwa uchache, lakini kadri muda unavyozidi kwenda, mapungufu kama hayo yataendelea kujidhihirisha kwa kiwango kikubwa sana. Hatimaye, utajikuta umetingwa na madhaifu mengi sana yatakayokufanya urudi nyuma.

Ni katika nyakati kama hizi unapoweza kuwa na mashaka ikiwa umepokea kweli ondoleo la dhambi zako au la, na ni wakati huo ndipo Shetani atakapoleta vita kali dhidi yako. Hivyo, ni lazima uweze kuushughulikia udhaifu wako pia. Kwa maneno mengine, unapaswa kujilinda na mawazo ya kimwili kama hayo ambayo yanakuongoza kwenda katika maangamizi yako binafsi kwa sababu tu ya madhaifu yako. Unapaswa kuyapinga mashambulizi ya Shetani kwa ngao ya imani na kisha kusema, "Nenda nyuma yangu Shetani! Kama vile Warumi 1:17 inavyosema, 'Mwenye haki ataishi kwa imani,' Mimi bado ni mwenye haki kwa imani yangu katika haki ya Mungu hata kama nina mapungufu mengi." Mwenye haki ni lazima aishi kwa imani.

Kuna kitu chochote tulichonacho ambacho twaweza kujivunia katika ulimwengu huu? Kwa kweli hakuna chochote kile cha kujivunia kwa mtazamo wa kidunia, lakini bado tunaweza kuongea kwa ujasiri mbele ya watu wa ulimwengu huu. Watu wa ulimwengu wanaweza kukwambia, "Kama wewe ni mwenye haki, basi na mimi pia ni mwenye haki. Hapa utapaswa kuwajibu, 'Sikiliza, kama wewe ni mwenye haki, bas mimi ni mama wa wenye haki wote." Kuna watu wengi sana ambao hawana ufahamu na kwa sababu hiyo wanatushambulia kwa

kuyataja mapungufu yetu. "Ninyi si wanafunzi wema. Hamwezi kufanya hili, na hamwezi pia kufanya lile." Hata kama wakitushambulia namna hiyo, ukweli ni kuwa hatupaswi kuhofia chochote katika hilo. Unaweza kuwajibu kwa kusema, "Upo sahihi. Katika hilo mimi siko vizuri. Lakini hata hivyo, mimi ninaamini katika injili hii halisi. Je, unaifahamu injili hii? Je, unaufahamu uzi wa bluu? Unaufahamu uzi wa zambarau? Je, una ufahamu uzi mwekundu? Unaifahamu kitani safi ya kusokotwa? Hebu angalia katika maandiko ya asili. Pengine inaweza kuchukua Jumapili nyingi sana kabla ya kufahamu maana yake halisi. Hapana, nadhani utakuwa na bahati sana kama utaweza kuelewa mafumbo yaliyomo katika nyuzi hizo baada ya mwaka mzima. Pengine inaweza kukuchukua hata vizazi 500 kabla ya kuanza kuyaelewa mafumbo hayo. Je, unafahamu uzi wa dhahabu una maanisha nini? Kama unavyoona niko tofauti na wewe kwa kuwa ninafahamu na kuamini katika mambo haya yote." Vivyo hivyo, unapaswa kuyapinga mashambulizi yote ya Shetani kwa ujasiri kwa imani yako. Ni lazima uwe na imani thabiti, na unapaswa kumpinga Shetani kwa imani hiyo.

"Ingawa nina mapungufu, bado ninaitumikia injili ya Mungu. Kuitumikia injili ya maji na Roho ni kumtumikia Mungu. Pamoja na kuwa ninapungukiwa, bado mimi ni mfalme katika Ufalme wa Mungu. Mimi ni kuhani wa kifalme ambaye ni kama mfalme. Kama siienezi injili, ni hakika kwamba ninyi nyote mtaishia kuzimu." Kaka zangu na akina dada, ninyi nyote mnapaswa kuwa na imani thabiti kama hiyo. Imani hii si kitu ambacho unaweza kukipata kwa nguvu, bali ni kitu ambacho Mungu ametupatia, na hivyo unachopaswa kukifanya ni kuipokea imani hiyo kw akuamini. Je, umeipokea imani hii kwa kuamini?

Katika Waefeso 6:17 Mtume Paulo anatuelezea "kuitwaa

chepeo ya wokovu." Unafahamu chepeo ni kitu gani, si ndivyo? Unawakumbuka mashujaa wa Kipindi cha Kati? Walikuwa wakivaa vyepeo vilivyoundwa kwa chuma kisha wakapigana kwa mapanga na majambia wakiwa juu ya farasi. Walivivaa hivi vyepeo ambavyo vilifunika pia nyuso zao, basi majeraha waliyoyapata yalikuwa ni madogo kiasi cha kusababisha mauti labda kama mtu alichomwa kwenye jicho. Hivyo kilichowalinda dhidi ya majambia ilikuwa ni hizo chepeo za chuma. Vivyo hivyo, chepeo ya wokovu ina kazi ya muhimu sana kama hiyo.

Vivyo hivyo, ufahamu wetu wa Ukweli unapaswa kuwa mkamilifu katika vichwa vyetu. Ukweli wa injili ni lazima upangiliwe vizuri kiakili katika ufahamu wetu. "Ni kweli au la? Ni sahihi au si sahihi?" —badala yake kuzubaa katika hali ya mashaka kama hii tunapaswa kuwa na ufahamu wetu ukiwa umepangiliwa vizuri katika vichwa vyetu: "Bwana amenifanya mimi kuwa mwenye haki mkamilifu kwa nyuzi za bluu, zambarau, na nyekundu. Ninaamini katika hili." Ni hadi pale tutakapoamini hivyo ndipo hakutakuwa na nyufa ambazo Shetani anaweza kujaribu kutufikia. Kufanya hivi ni kujipatia chepeo ya wokovu. Ni lazima tuamini hali tukiwa na ufahamu sahihi wa Ukweli.

Pia Paulo alituambia kuwa na upanga wa Roho. Upanga huu wa Roho ni Neno la Mungu, na kwa sababu hiyo tunapojifunza, tukalifahamu, na kuliamini Neno, basi hapo ni sawa kuwa na silaha kubwa. Shetani anatuvamia kwa kupitia watu wengine, kwa kupitia fedha, kwa kupitia watu wa jinsia nyingine, na pia kwa kupitia udhaifu wako pia, lakini tunaweza kuwafupinga hao wote kwa imani yetu katika Neno la Mungu.

Katika Waefeso, hali akitumia mfano toka katika mavazi ya Kuhani Mkuu, Mtume Paulo anatueleza jinsi imani ya kweli ilivyo kwa namna hii: "Vaeni dirii ya haki." Kwa maneno mengine, Mtume Paulo anatueleza kwamba Mungu ametufanya

kuwa wenye haki. Pia Paulo alitueleza juu ya "kuitwaa chepeo ya wokovu na upanga wa Roho." Kwa kutumia mfano huu, anatueleza juu ya kupambana dhidi ya Shetani, kumpiga na kumshinda kwa kuwa na ufahamu kamili wa Ukweli na kwa kuamini katika Neno la Mungu. Anatueleza kuua kizuizi chochote kile kinachokwaza imani yetu. Wale walio na injili potofu ndio wale wanaodai kuzisafishilia mbali dhambi zao zote huku wakiamini upande mmoja, ambao ni damu ya Yesu Msalabani na sifa yake ya kuwa Mwana wa Mungu. Basi tunachopaswa kukifanya ni kuipinga imani potofu kama hii.

Imani inayoamini katika Yesu pasipo kuamini katika huduma yake ya uzi wa bluu ni sawa na Kuhani Mkuu kuvaa mavazi bandia. Hata hivyo katika ulimwengu huu, kuna Wakristo wengi bandia ambao wanauacha uzi wa bluu katika imani yao. Hata hivyo, tunaiweka injili ya maji na Roho katika vitabu vyetu na kisha kuishuhudia injili hii ambayo imekuja kwetu kwa nyuzi za bluu, zambarau, na nyekundu na kitani safi ya kusokotwa, ambayo ni injili tunayoiamini. Bila kujali ikiwa watu wanaiamini injili hiyo au la, lengo la kuviandika vitabu vyetu vilivyo na Neno la Mungu ni kuwapatia walau fursa ya kusoma, na kufahamu, na hatimaye kuamini katika Ukweli huo. Wale wanaoamini kwamba Yesu ni Mungu pekee na kwmaba amezioshelea mbali dhambi zao kwa kuimwaga damu yake Msalabani basi wanahatari ya kuuweka msingi wao wa imani katika hisia zao kwa kuwadanganya wengine na hata wao wenyewe. Lakini sisi tunaouamni Ukweli, tunafahamu, na kuamini, na kuhubiri kwamba Yesu, ambaye ni Mungu Mwenyewe ametuokoa kikamilifu kwa kubatizwa na kuimwaga damu yake Msalabani.

Je, unaamini sasa kwamba mavazi ya Kuhani Mkuu yalitengenezwa kwa nyuzi za dhahabu, bluu, zambarau, na nyekundu na kitani safi ya kusokotwa? Wale waliovikwa

utakatifu kikamilifu ni wale wanaoyavaa mavazi haya yaliyotengenezwa kwa hizi nyuzi tano. Wale wanaoamini katika mioyo yao juu ya ondoleo la dhambi ambalo limekuja kwa kupitia nyuzi za dhahabu, bluu, zambarau, na nyekundu na kitani safi ya kusokotwa ndio watu wa kweli wa imani na makuhani wa kiroho ambao wanaamini kwamba wameokolewa toka katika dhambi zao zote.

Kuna kitu ambacho wale ambao kwa sasa ni makuhani wa kiroho hawawezi kusahau kamwe. Ni maana inayopatikana katika nyuzi za bluu, zambarau, na nyekundu na kitani safi ya kusokotwa, ambayo ni kivuli cha injili ya kweli. Ni kwa kupitia imani hizi tano ndio tunaweza kutengeneza mavazi matakatifu ya ondoleo la dhambi, tukayavaa kwa imani, na kisha kwenda mbele za Mungu. Hii inazungumzia juu ya imani yetu ya kweli. Mungu ameifanya mioyo yetu kuwa mitakatifu kama alivyofanya kwa Kuhani Mkuu katika Agano la Kale kwa kupitia imani yetu inayoamini katika Ukweli. Sisi sote tumefanyika kuwa makuhani mbele za Mungu kwa kuamini katika Ukweli huu. Sisi ni makuhani wa kifalme ambao tunamtumikia Mungu.

Kaka na akina dada, ninawaomba muwe na imani inayoamini katika Ukweli huu, kisha mpambane na Shetani kwa kutumia imani hii na kisha kuyatimiza majukumu yenu ya kiroho. Na kwa kufanya hivyo, ninatumaini na kuamini kwamba ninyi nyote mtayafanya majukumu yenu ya kikuhani kwa uaminifu milele. Ninasema hivi kwa sababu kama ukiacha kuamini katika injili ya nyuzi za bluu, zambarau, na nyekundu na kitani safi ya kusokotwa, basi ni wazi kuwa ukuhani wako utaondolewa toka kwako. Ninaomba ili kwamba ninyi nyote muweze kuwa makuhani waamini wanaompendeza Mungu kwa imani isiyoyumba katika injili halisi. Ninatumaini kwamba ninyi nyote mtaamini katika injili ya kweli hadi mwisho, ili kwamba

msiweze kuipoteza injili ya uzima wa milele, na kisha kuilinda imani yenu, na kisha kuyatenda majukumu yenu ya kikuhani milele. \bowtie

PAKUA

Vitabu na vitabu vya sauti vya Mchungaji Paul C. Jong kwenye simu yako mahiri, kompyuta kibao au PC kwenye wavuti yetu. Unaweza kusoma na kusikiliza mahali popote, hata wakati hauna muunganisho wa mtandao.





Rev. PAUL C. JONG

Mwandishi amekuwa akiihubiri injili ya maji na Roho kwa nafsi zilizopotea katika ulimwengu huu kwa takribani miongo miwili sasa.

Kama mwanzilishi wa Huduma ya Utume wa Maisha Mapya (The New Life Mission), kwa sasa anawaelekeza na kuwatia moyo wanafunzi wengi wa Yesu katika shule ya kimissionari ya Utume wa Maisha Mapya (The New Life Mission School).

Baada ya kuanzisha makanisa ya kimissionari, kwa sasa anaieneza injili kwa kupitia kazi zake za kiuandishi.

Kwa sasa vitabu vyake vimetafsiriwa na vinasomwa katika zaidi ya lugha kuu 98 ulimwenguni.

Ujumbe Toka kwa Mwandishi



Wakristo wote wanapaswa kusimama imara katika imani ya injili ya maji ya Roho. Hapo ndipo wanapoweza kuifahamu injili ya maji na Roho kwa kupitia matunuo ambayo yanadhihirishwa katika utaratibu wa Hema Takatifu la Kukutania kama ilivyoandikwa katika Agano la Kale. Pia Wakristo wanaweza kuwa na hakika ya kupokea ondoleo la dhambi kwa imani. Ikiwa bado haujaipata imani ya jinsi hiyo, basi unatakiwa kujitahidi sana kuipata imani hiyo haraka iwezekanavyo.

Ikiwa unataka Roho Mtakatifu akae katika moyo wako basi unapaswa kwanza kupokea ondoleo la dhambi. Ili kufanya hivyo unahitaji kuiweka imani yako katika haki ya Mungu ambayo ilitimizwa na Bwana wetu. Hii ndiyo njia pekee ambayo kwa hiyo Roho Mtakatifu anaweza kukaa katika moyo wako.

- Toka kwa Mwandishi -